隋唐制度淵源略論稿唐代政治史述論稿

獨立之精神

陳寅恪集

唐代政治史述論稿隋唐制度淵源略論稿

生活、讀書、新知 三聯書店

圖書在版編目(CIP)數據

陳寅恪集、隋唐制度淵源略論稿・唐代政治史述論稿 / 陳寅恪著、- 北京:生活・讀書・新知三聯書店,2001.4 ISBN 7-108-00941-2

I , 陳··· Ⅱ , 陳··· Ⅱ .①陳寅恪(1890~1969) - 選集②政治制度 – 歷史 – 研究 – 中國 – 隋唐時代 IV .C52

中國版本圖書館 CIP 數據核字(2000)第 85470號

定	字	印	開	版	印	鋞	郵	出版 發行	版式。	對 扉設訓	陳寅
價	數	數	本	次	刷	銷	編	發 行	設計	能任編 設輯	陳寅恪集編者
四十九	四 2 子 現	OO.OO. 3.000 組	八二百×九八〇毫米 十四月	**(CC) 年四月北京第一次兵航(CC) 年四月北京第一版	北京新華印制教	新華書店	.000	(北京市東城區美術館東山一十一院)生活, 讀書: 點細 - 「哪里也	学饭春	隆智昌 潘家子	



山,於白皮松前合影陳寅恪與諸兄妹陪同父親游北平香

一九三六年

陳隱恪、陳寅恪人)、陳小從(隆恪女)、黄國巽(衡恪夫人)、彭;後排左起:陳新午、喻婉芬(隆恪夫前,并之进、陳二立、俞方濟(新午子)、陳小前排左起、陳二立、俞方濟(新午子)、陳小



一儿三九年暑假合影(左)、次女小彭(右)



たMC年 電池期間留影

Į



一九四一年夏六九號樓下潔瑩幼稚園側陳寅恪全家攝於香港九龍太子道三

And the second s

左起、小彭・美延、唐貫、流求、寅恪

,财弟子私取用 東中の自然に大夫国第一年子ン中国等の 者即同同居平幼私便用财

A

我后女我而 三個情 語問 之法禁者日關禁為名但敬上防非於事尤重的來亦于後即此名並無所改至於北齊將腳疏離日衞禁鄉者奉進及雞末有此篇替太孝 京通言山陵言高大如山如陵兆城門看奉 議日太者大电廟者貌也言臺祖神主在於 出者悉有名稱不應入而入公閱入各

W 18 -

長為學合及式不便於時者不坐著先邊合式定以應改張之議奏問若不申尚書者議權即

を加え 脱戶者家長徒三年無課後者減二等女戶又被事附之名為婚戶律阶間龜以戶在婚詢改為戶

大門な

ME

上ル一十

PU

硫茂日率上給施皆有籍背若一戶之內畫脫 任者則以戶及計口多者,各從職 として、トレ文言はとこ 生一十下名一日 者該二等徒二年若戶內並無男夫直以女人發 日油 温油

> 見於「隋唐制度淵源略論稿 一唐律疏 議し、 **書陳寅恪批** 語 四

刑 亦

į

律正文



稿」(後易名為「唐代政治史述論稿」(後易名為「唐代政治史述論陳寅恪手寫清稿「唐代政治史略

一九四一年

DC 11.

THE REPORT OF THE PARTY OF THE

工觀官)東京班中司前以前各項為人有事制官不敢情事,是官者不是班班的公司前将軍職被人有者是我

唐代政治史略稿』手寫清稿正文

先後任教於西南聯合大學、香港大學、廣西大學和燕京大學。一九三九年被選為英國皇家學會通訊院 上。「九四二年後為教育部聘任教授。」九四六年同清華大學任教、 及故宫博物院理事等,具後當選為中央研究院院士。一九三七年「蘆溝橋事變」後挈全家離北平南行, 蘇黎世大學、法國巴黎高等政治學校和美國哈佛大學、一九二五年受聘清華學校研究院導師, 陳寅恪(二八九〇———一九六九),江西修水人。早年留學日本及歐美,先後就讀於德國柏林大學、瑞士 後任清華大學中文、歷史系合聘教授,兼任中央研究院理事、歷史語言研究所研究員、 一九五二年後為中山大學教授二一九五五年後并為中國科學院哲學社會科學學部委員 一九四八年南遷廣州, 第 -任猪南大學 <u>[11]</u> 組 |國任 主任

原據三聯書店一九五七年版重印),内容基本不變。惟寒柳堂集増補了「寒柳堂記夢未定稿(補)」: 陳寅恪集十三種十四册,收入了現在所能找到的作者全部著述。其中寒柳堂集、金明館叢稿初編、金明 由上海古籍出版社出版。此次出版以上海古籍版為底本(隋唐制度淵源略論稿、唐代政治史述論稿二書 館叢稿二編、隋唐制度淵源略論稿、唐代政治史述論稿、元白詩箋證稿、 詩集(原名陳寅恪詩集 附唐真詩存)和讀書札記一集(原名陳寅恪讀書札記 舊唐書新唐書之部)八九十年代 柳如是別傳七種, 八十年代曾

出

版

誽

睭

- 20/2-

分別由清華大學出版社和上海古籍出版社出版,此次出版均有增補 講義及雑稿四種均為新輯。 全書編輯體例 如下: **書信集、** 讀書札記二集、 讀書札記

所收内容, 已發表的均保持發表時的原貌。 經作者修改過的論著, 則採用最後的修改本。 未刊稿主

要依據作者手跡錄出

述係針對原版本而來, 校核,如二十四史、資冶通鑑等。 二、本集所收己刊、 未刊著述均予校訂, 則引文原貌酌情予以保留。以上改動均不出校記。 尚無點校本行世的史籍史料, 凡體例不一或訛脫倒衍文字皆作改正。引文一 大多依通行本校核。 少量作者批語、 般依現行點校本 論

二、凡已刊論文、 **序跋、** 書信等均附初次發表之刊物及時間, 未刊文稿盡量注明寫作時間。

字則加(一)。原稿不易辨識的文字以□示之)。 保留少數異體字。引文中凡為閱讀之便而補入被略去的内容時,補入文字如〔一〕,凡屬作者說明性文 根據作者生前願望, 全書採用繁體字豎排。人名、地名、書名均不加符號注明 般採用 通行字,

助 陳寅恪集的出版曾得到季羨林、 在此, 謹向所有關心、支持和參與了此項工作的朋友表示衷心的感謝, 周一良、李慎之先生的指點, 並獲得海内外學術文化界人士的熱情相 並誠怨地希望廣大讀者批

指正

生活・讀書・新知三聯書店「〇〇〇年十二月

陳 寅 恪 集 總日

金明館叢稿初編 寒柳堂集

隋唐制度淵源**略**論稿 金明館叢稿 編

元白詩箋證稿 唐代政治史述論稿

柳如是別傳

詩集的是智等存

書信集

讀書札記一集

讀書札記二集

讀書札記||集

講義及雑稿

唐代政治史述論稿 ::	隋唐制度淵源略論稿


總

目次

八	七	六	£î.	四	三		<u>. </u>	-
附論	財政	兵制	音樂	刑律	職官	附''都城建築 ・・・・・・・・・・・・・・・・・・・・・・・・・・・・・・・・・・・・	禮儀	叙綸

目

次



叙論

學之參考,匪敢言能補正前賢之闕失也。 合舊籍所載及新出遺文之有關隋唐兩朝制度者,分析其因子,推論其源流,成此一書,聊供初 南暨交趾,東至日本,西極中亞,而迄鮮通論其淵源流變之專書,則吾國史學之缺憾也。茲綜 確創獲之研究甚非易事。夫隋唐兩朝為吾國中古極盛之世,其文物制度流傳廣播,北逾大漠, 李唐傳世將三百年,而楊隋享國為日至短,兩朝之典章制度傳授因襲幾無不同, 而其文頗多重複,近歲雖有新出遺文,足資補證,然其關係,重要者實亦至少,故欲為詳 並舉合論,此不待煩言而解者。獨其典章制度之資料今日得以依據以討論者, 故可視為一 僅傳世之舊

也。其在舊史往往以「漢魏」制度目之,實則其流變所及,不止限於漢魏,而東晉南朝前半期俱 自東晉至南齊其間所發展變遷,而為北魏孝文帝及其子孫摹仿採用,傳至北齊成一大結集者是 隋唐之制度雖極廣博紛複,然究析其因素,不出三源:一曰(北)魏、(北)齊,二曰梁、陳,三 曰(西)魏、周。所謂(北)魏、(北)齊之源者,凡江左承襲漢、魏、西晉之禮樂政刑典章文物:

物, 境, 隋唐繼承(西)魏、 收採用, 源者,凡四魏、 實可兼該陳制, 不及,故魏孝文及其子孫未能採用,而北齊之一大結集中遂無此因素者也。舊史所稱之「梁制 深受其影響,故此(北)魏、(北)齊之源其中亦有河西之一支派,斯則前人所未深措意, 朝前半期之文物制度皆屬於此範圍也。又西晉永嘉之亂,中原魏晉以降之文化轉移保存於涼州 制度者,實較微末。故在二源之中,此(西)魏、周之源遠不如其他二源之重要。然後世史家以 不可不詳論者也。所謂梁陳之源者,凡梁代繼承創作陳氏因襲無改之制度,迄楊隋統一中國 包括在内。舊史又或以「山東」貝之者, (西)晉之遺風, 如府兵制即其一例也 而產生之混合品。所有舊史中關隴之新創設及依託周官諸制度皆屬此類, 至北魏取涼州, 而傳之於李唐者,易言之, 北周之創作有異於山東及江左之舊制,或陰為六鎮鮮卑之野俗, **若就地域言之,乃關隴區內保存之舊時漢族文化,** 蓋陳之繼梁,其典章制度多因仍不改,其事舊史言之詳矣。所謂(西)魏、 周之遺業,遂不能辨析名實真偽,往往於李唐之法制誤認為(西)魏、 而河西文化遂輸入於魏,其後北魏孝文、宣武兩代所製定之典章制 即南朝後半期内其文物制度之變遷發展乃王肅等輸入之所 則以山東之地指北齊言, 凡北齊承襲元魏所採用 所適應鮮卑六鎮勢力之環 其影響及於隋唐 或遠承魏 周之遺 而今日 東晉南 周之 度遂

此書本為供初學讀史者參考而作,

其體裁若與舊史附麗,

則於事尤便,

故分別事類,

序次先

可表見新知之創獲,博識通人幸勿以童牛角馬見貴也。 約略參酌隋唐史志及通典、唐會要諸書,而稍為增省分合, 庶幾不致盡易舊籍之規模, 亦

已論證者, 天竺薯述體例固如是也,後人於此殊多誤解,以其事非本書範圍,故不詳論)。故於前禮儀章 大智度論序及大智度論記。寅恪案:鳩摩羅什譯經雖有刪煩,然於大智度論實未十分略九, 又此書微倣天竺佛教釋經論之例,首章備致詳悉,後章則多所闕略(見僧祐書三藏集記拾僧叡 護附識於叙論之末,以見此書之體制焉。 如三源中諸人之家世地域等,則於後諸章不復詳及,實則後章所討論仍與之有關

蓋

禮 儀附:都城建築

於少數特殊階級,似可不必討論,此意昔賢亦有論及者矣。如新唐書壹壹禮樂志云: 舊籍於禮儀特重,記述甚繁,由今日觀之,其制度大抵僅為紙上之空文,或其影響所屆, 由三代而上,治出於一,而禮樂達於天下,由三代而下,治出於二,而禮樂爲虚名。及三 止限

者皆莫能曉習,而天下之人至於老死未嘗見也。 拜倪伏興之節,皆有司之事爾,所謂禮之末節也。然用之郊廟朝廷,自搢紳大夫從事其間 用秦。至於三代禮樂具其名物,而藏於有司,時出而用之郊廟朝廷,曰:「此爲禮也,所 代已亡,遭秦變古,後之有天下者,自天子百官、名號位序、國家制度、官車服器,一切 以教民。」此所謂治出於二,而禮樂爲虚名。故自漢以來史官所記事物名數、降登揖讓、

又歐陽文忠公集附歐陽發等所述事蹟云:

悉壞漢儒災異附會之説,皆出前人之所未至。 其於唐書禮樂志發明禮樂之本,言前世治出於一,而後世禮樂爲空名;五行志不書事應,

寅恪案:自漢以來史官所記禮制止用於郊廟朝廷,皆有司之事,歐陽永叔謂之為空名,誠是

也。沈垚落顯樓文集捌與張淵甫書云:

禮家精粹之言。至明士大夫皆出草野,與古絶不相似矣。古人於親親中屬貴貴之意, 六朝人禮學極精,唐以前士大夫重門閥,雖異於古之宗法,然與古不相遠,史傳中所載多

與封建相維。諸侯世國,則有封建;大夫世家,則有宗法。

切,而士大失階級又居當日極重要地位,故治史者自不應以其僅為空名,影響不及於平民,遂 忽視之而不加以論究也。 寅恪案:禮制本與封建階級相維繫,子敦之説是也。唐以前士大夫與禮制之關係既如是之密

通鑑壹柒陸陳紀至德三年條云:

隋主命禮部尚書牛弘修五禮,勒成百卷,[正月]戊辰韶行新禮。

隋書壹高祖紀上(北史壹壹隋本紀上同)云:

開皇五年春正月戊辰韶行新禮。

同書貳高祖紀下(北史壹壹隋本紀上略同)云::

書奇章公牛弘、内史侍郎薛道衡、祕書丞許善心、内史舍人虞世基、著作郎王劭或任居端 仁壽二年閏〔十〕月已丑韶曰:「尚書左僕射越國公楊素、尚書右僕射邳國公蘇威、 吏部尚

同書陸禮志總序略云:

梁武始命羣儒裁成大典,陳武克平建業,多準梁舊。[隋]高祖命牛弘、辛彦之等採梁及北 高堂生所傳士禮亦謂之儀,洎西京以降,用相裁準。黄初之詳定朝儀, 則宋書言之備矣。

通典肆壹禮典序(參南齊書玖禮志序及魏書壹佰捌禮志序)略云:

齊儀注,以爲五禮云。

遺:孝文帝率由舊章,擇其令典,朝儀國範焕乎復振。隋文帝[命]牛弘、辛彦之等採梁及 北齊儀注,以爲五禮。 禮。至梁武帝命羣儒又裁成焉。陳武帝受禪,多準梁舊。後魏道武帝舉其大體,事多闕 緝舊文,蔡謨又踵修綴。宋初因循,前史並不重述。齊武帝永明二年韶尚書令王儉製定五 篇。後摯虞、傅咸纘續未成,屬中原覆没,今虞之決疑注是其遺文也。江左刁協、 顗、鄭沖典禮,參考今古,更其節文。羊祜、任愷、庾峻、應貞並加删集,成百六十五 魏以王粲、衛覲集創朝儀,而魚豢、王沈、陳壽、孫盛雖綴時禮,不足相變。晉初以荀 荀崧補

隋書叁叁經籍志史部儀注類梁賓禮儀注九卷賀場撰注云:

案梁明山賓撰吉儀禮注二百六卷,録六卷;嚴植之撰凶儀注四百七十九卷,録四十五卷;

陸璉撰軍儀注一百九十卷,録二卷;司馬褧撰嘉儀注一百一十二卷,録三卷;並亡。存者

唯士吉及賓合十九卷。

後齊儀注二百九十卷。

隋朝儀禮一百卷,牛弘撰。

魏書伍玖劉昶傳(北史貳玖劉昶傳同)略云:

昶與蔣少游專主其事。昶條上舊式,略不遺亡。 劉昶,義隆第九子也,義隆時封義陽王,和平六年間行來降。於時(太和初)改革朝儀, 詔

同書玖壹術藝傳蔣少游傳(北史玖拾藝術傳蔣少游傳同)略云:

具。及華林殿沼修舊增新,改作金墉門樓,皆所措意,號爲妍美。又兼太常少卿, 故。景明二年卒。少游又爲太極立規模,與董爾、王遇參建之,皆未成而卒。 將營太廟太極殿,遣少游乘傳詣洛,量準魏晉基址。後爲散騎侍郎,副李彪使江南。高祖 修船乘,以其多有思力,除都水使者,遷前將軍,兼將作大匠,仍領水池湖泛戲舟檝之 昶,二意相乖,時致静競,積六年乃成,始班賜百官。冠服之成,少游有效焉。後於平城 及韶尚書李沖與馮疑、游明根、高間等議定衣冠於禁中,少游巧思,令主其事,亦訪於劉 蔣少游,樂安博昌人也。慕容白曜之平東陽,見俘入於平城,充平齊户,後配雲中爲兵。 都水如

同書柒高祖紀下(北史叁魏本紀同)云:

以前, 寅恪案:劉昶、蔣少游俱非深習當日南朝典制最近發展之人,故致互相乖諍。其事在太和十年 [太和]十年八月乙亥給尚書五等品爵已上朱衣玉珮大小組綬。 即北史肆貳王肅傳所謂「其間朴略,未能淳」者。至太和十七年王肅北奔,孝文帝虛襟相

魏書肆叁房法壽傳附族子景伯景先傳(北史叁玖房法壽傳附景伯景先傳同)略云:: 待,蓋肅之入北實應當日魏朝之需要故也。

平齊民。景伯性淳和,涉獵經史。 法壽族子景伯,高祖諶避地渡河,居於齊州之東清河繹幕焉。顯祖時三齊平,隨例內徙爲

之稱。景先作五經疑問百餘篇,其言該典,今行於時。 常劉芳、侍中崔光當世儒宗,歎其精博,光遂奏兼著作佐郎,修國史,尋除司徒祭酒員外 贍。太和中例得還鄉,郡辟功曹,州舉秀才,值州將卒,不得對策,解褐太學博士。時太 景先幼孤貧,無資從師,其母自授毛詩曲禮。畫則樵蘇,夜誦經史,自是精勤,遂大通 侍中穆紹又啓景先撰世宗起居注,累遷步兵校尉, 領尚書郎齊州中正,所歷皆有當官

北史貳肆崔逞傳附休傳(魏書陸玖崔休傳同)略云:

休曾祖諲仕宋,位青冀二州刺史,祖靈和宋員外散騎侍郎,父宗伯始還魏。孝文納休妹爲

嬪,兼給事黄門侍郎,參定禮儀。

魏書伍伍劉芳傳(北史肆貳劉芳傳同)略云:如書伍劉芳傳(北史肆貳劉芳傳同)略云:

芳修正,於是朝廷吉凶大事皆就諮訪焉。 律令。芳斟酌古今,爲大議之主,其中損益多芳意也。世宗以朝儀多闕,其一切諸議悉委 釋,頓祛平生之惑。」芳義理精通,類皆如是。高祖崩於行宫,及世宗即位,芳手加衮冕: 高祖自襲斂暨於啓祖、山陵、練除始末喪事皆芳撰定。出除安東將軍青州刺史,還朝議定 俱出,蕭執芳手曰:「吾少來留意三禮,在南諸儒咸共討論,皆謂此義如吾向言,今聞往 博聞强記,兼覽蒼雅,尤長音訓,辨析無疑,於是禮遇日隆。王肅之來奔也,高祖雅相器 之姑也。芳至京師,詣敷門,崔恥芳流播,拒不見之。(中略)。芳才思深敏,特精經義: 青齊,梁鄒降,芳北徙爲平齊民,時年十六。南部尚書李敷妻司徒崔浩之弟女,芳祖母浩 舅元慶爲劉子業青州刺史沈文秀建威府司馬,爲文秀所殺,母子入梁鄒城。慕容白曜南討 劉芳,彭城人也。六世祖訥晉司隷校尉,祖該劉義隆征虜將軍青徐二州刺史,父邕劉駿兖 「推禮經正文,古者男子婦人俱有笄。」高祖稱善者久之,肅亦以芳言爲然。酒闌,芳與肅 州長史。芳出後伯父遜之。邕同劉義宣之事,身死彭城,芳隨伯母房逃竄青州,會赦免。 朝野屬目,高祖宴羣臣於華林,蕭語次云:「古者唯婦人有笄,男子則無。」芳曰:

同書陸柒崔光傳(北史肆肆崔光傳同)略云:

齊,光年十七,隨父徙代。〔後〕遷中書侍郎、給事黄門侍郎,甚爲高祖所知待。高祖每對 太守。父靈延劉駿龍驤將軍長廣太守,與劉彧冀州刺史崔道固共拒國軍。慕容白曜之平三 東清河鄶人也。 祖曠從慕容德南渡河, 居青州之時水,慕容氏滅, **仕劉義隆爲樂陵**

典章义物,而二人適值其會,故能拔起俘囚,致身通顯也。 寅恪案:劉芳、崔光皆南朝俘虜,其所以見知於魏孝文及其嗣主者,乃以北朝正欲摹倣南朝之

羣臣曰:「以崔光之高才大量,若無意外咎譴,二十年後當作司空。」其見重若是。

北齊書貳玖李渾傳附繪傳(北史叁叁李靈傳附繪傳同)略云::

太原王乂掌軍禮。 司徒高邕辟爲從事中郎,徵至洛時勅侍中西河王祕書監常景選儒學十人緝撰五禮, 惟繪與

洛之末年,可謂王肅之所遺傳, 十二卷,常景撰;新唐書伍捌藝文志史部儀注類有常景後魏儀注五十卷。常景之書撰於元魏都 寅恪案:隋志不載常景撰修之五禮,惟舊唐書肆陸經籍志史部儀注類有後魏儀注三(疑五之誤) 魏收之所祖述,在二者之間承上啟下之産物也。

明隋志之淵源也 又史志所謂後齊儀注者, 即南朝前期义物變相之結集,故不可不先略述北齊修五禮之始末,以

北齊書叁柒魏收傳(北史伍陸魏收傳同)略云:

隋書伍柒薛道衡傳(北史叁陸薛辯傳附道衡傳同)略云:: 除尚書右僕射, 總議監五禮事,多引文士令執筆, 儒者馬敬德、 熊安生、 權會實主之。

武平初,韶與諸儒修定五禮。

制 **所修亦不過太和遺緒而已,所可注意者,** 寅恪案:北齊後主時所修之五禮當即隋志之後齊儀注二百九十卷, 兩朝禮制因襲之證此其一也。 則薛道衡先預修齊禮, 後又參定以齊禮為根據之隋 鄴都典章悉出洛陽, 故武平

應更考釋,以闡明隋制淵源之所從出。前已略述北齊制禮始末, 後文論之,於此先不涉及。惟北齊儀注即南朝前期文物之蛻嬗, 齊,其所繼承漢、 制度之關係焉。 物也。所謂後齊儀注即北魏孝文帝摹擬採用南朝前期之文物制度,易言之,則為自東晉迄南 後齊儀注。所謂梁禮並可概括陳代,以陳禮幾全襲梁舊之故,亦即梁陳以降南朝後期之典章文 據上所引舊籍綜合論之,隋文帝繼承宇文氏之遺業,其制定禮儀則不依北周之制, 魏、西晉之遺産,而在江左發展演變者也。 陳因梁舊,史志所載甚明, 故茲專論王肅北奔與北朝文物 其關鍵實在王肅之北奔、 別採梁禮及 其事 當於

北史肆武王肅傳略云:

氏喪亂,禮樂崩亡,孝文雖釐革制度,變更風俗,其聞朴略,未能淳也。肅明練故事, 王肅,琅邪臨沂人也。父奂及兄弟並爲(南)齊武帝所殺,太和十七年肅自建業來奔。 自晉 虚

魏書陸叁王肅傳略云:

心受委,朝儀國典咸自肅出。

肅自謂禮易爲長,亦未能通其大義也。

南齊書伍柒魏虜傳略云: 佛狸已來,稍僭華典,胡風國俗雜相揉亂,王肅爲虜製官品百司,

皆如中國。

陳書貳陸徐陵傳(南史陸貳徐摛傳附陵傳同)略云:

由徐常侍來。」陵即答曰:「昔王肅至此,爲魏始製禮儀,今我來聘,使卿復知寒暑。 太清二年兼通直常侍使魏。魏人授館宴賓,是日甚熱,其主客魏收嘲陵曰:「今日之熱當

通鑑壹叁玖齊紀武帝永明十一年冬十月王肅見魏主於鄴條云。

魏主或屏左右,與肅語至夜分不罷,自謂君臣相得之晚。尋除輔國大將軍長史。時魏主方

議興禮樂,變華風,威儀文物多肅所定。

隋書捌禮儀志述隋喪禮節云,

四

及北史肆貳劉芳傳),而卒能將南朝前期發展之文物制度轉輸於北朝以開太和時代之新文化. 為後來隋唐制度不祧之遠祖者,蓋別有其故也。考南齊書貮叁王儉傳云, 學,不獨與江左同時倫輩相較,斷非江左第一流,且亦出北朝當日青齊俘虜之下(見魏書伍伍 能供給孝文帝當日所渴盼之需求,要為其最大原因。夫肅在當日南朝雖為膏腴士族, 變更風俗,其間朴略,未能淳」者是也。魏孝文帝所以優禮王肅固別有政治上之策略, 無居直接中心及知南朝最近發展之人物與資料可以依據,此北史王肅傳所謂「孝文雖釐革制度, 臣如劉昶之倫,可以略窺自典午南遷以後江左文物制度。然究屬依稀恍忽, 存魏晉殘餘之文物外,尚有文成帝略取青齊時所俘南朝人士如崔光、劉芳、蔣少游等及宋氏逋 寅恪案:魏孝文帝之欲用夏變夷久矣,在王肅未北奔之前亦已有所興革。然當日北朝除其所保 儀禮百卷,悉用東齊儀注以爲準,亦微採王儉禮,修畢上之,韶遂班天下,咸使遵用焉。 未詳定。今休明啓運,憲章伊始,請據前經,革茲俗弊。」詔曰:「可!」弘因奏徵學者撰 隔,殊不尋究,遥相師祖,故山東之人,浸以成俗。西魏已降,師旅弗遑,嘉寶之禮, 違古法。就廬非東階之位,凶門豈重設之禮,兩蕭累代,舉國遵行。後魏及齊,風牛本 開皇初高祖思定典禮,太常卿牛弘奏曰:「聖教陵替,國章殘缺,漢晉爲法,隨俗因時, 未足經國庇人,弘風施化。 且制禮作樂,事歸元首,江南王儉,偏隅一臣,私撰儀注, 皆從間接得來,仍 論其才 但肅之 盡

少撰古今喪服記并文集,並行於世。

卷,儉抄爲八帙,又别抄條目爲十三卷,朝儀舊典晉末來施行故事撰次諳憶無遺漏者, 發言吐論,造次必於儒教,由是衣冠翕然,並尚經學, 先是宋孝武好文章,天下悉以文采相尚,莫以專經爲業。儉弱年便留意三禮,尤善春秋, 儒教於此大興。 何承天禮論三百

文選肆陸任昉王文憲集序云:

以當朝理事斷決如流,

每博議引證,先儒罕有其例,八坐丞郎無能異者。

自宋末艱虞,百王澆季,禮紊舊宗, 樂傾恆軌, 自朝章國記, 典彝備物, 奏議符策,

據此, Щ, 歲為北魏太和十七年,即南齊永明十一年,在儉卒以後,是肅必經受其宗賢之流風遺著所薰 仍不能不採儉書, 故掌故學乃南朝一時風尚也。仲寶卒年為永明七年(見南齊書、南史儉本傳),王肅北奔之 遂能抱持南朝之利器,遇北主之新知, 所以弘雖由政治及地域觀點立論,謂「後魏及齊,風牛本隔」,然終於「遙相師祖, 表記,素意所不蓄,前古所未行,皆取定俄頃, 王儉以熟練自晉以來江東之朝章國故,著名當時。其喪服記本為少時所撰, 蓋儉之所撰集乃南朝前期制度之總和, 殆由於此歟? 牛弘詆斥王儉,而其所修隋朝儀禮! 神無滯用。 既經王肅輸入北朝,蔚成太和文治之 久已流行於 故山東

江左,可謂數典忘祖,無乃南北之見有所蔽耶? 或攘其實而諱其名耶? 茲舉一例以證之: 之人,浸以成俗」也。又史言弘「撰儀禮百卷,悉用東齊儀注以為準」,而奇章反譏前人之取法

隋書肆玖牛弘傳(北史柒貳牛弘傳同)云:

矣,非吾所及也。」 事決在於公。」弘了不辭讓,斯須之間儀注悉備,皆有故實。素歎曰:「衣冠禮樂盡在此 仁壽二年獻皇后崩,王公以下不能定其儀注。楊素謂弘曰:「公舊學,時賢所仰,今日之

若僅據此傳,似獻后喪禮悉定自弘,而[斯須之間儀注悉備],所以楊素有「禮樂盡在此矣」之 歎,及檢北史叁捌裴佗傳附矩傳(隋書陸柒裴矩傳略同)云::

實,而素又不識其底蘊耶? 始知弘之能於斯須之間决定大禮者,乃以東齊儀注為依據,且所與共參定之人亦皆出自東齊者 也(見北史隋書裴矩傳及舊唐書柒貳、新唐書壹佰貳李百藥傳)。楊素之讚歎,殆由弘諱言其 其年(仁壽二年)文獻皇后崩,太常舊無儀注,矩與牛弘、李百藥等據齊禮參定。

乂通鑑壹柒玖隋紀文帝仁壽二年條云:

閏[十]月甲申詔楊素、蘇威與吏部尚書牛弘修五禮。

寅恪案:隋書、北史載文帝詔修五禮,在是年閏十月己丑,連接此前之一條即「甲申詔尚書左

逐一討論於下: 壹隋本紀仁壽二年閏十月詔書中所命修定五禮諸臣及其他與制禮有關之人,如前引北史裴佗傳 隋書裴矩傳中之裴矩, 儀注為準,乃最扼要之語,而溫公不採及之,似尚未能通解有隋一代禮制之大源,殊可惜也。 僕射楊素與諸術者刊定陰陽舛謬」條,今通鑑以修五禮之詔移置甲申, 又隋代制禮諸臣其家世所出籍貫所繫亦可加以推究,藉以闡明鄙意,即前章所言隋唐制度出於 通鑑補正及章鈺通鑑正文校宋記俱未之及)。更可注意者, (一)(北)魏、(北)齊,(三)梁陳,(三)(西)魏、(北)周之三源者。請據隋書貳高祖紀及北史壹 隋書集伍北史捌貳儒林傳之劉焯、劉炫及兩唐書李百藥傳中之李百藥: 則隋志明言弘等之修五禮悉以東齊 頗疑有所脱誤也(嚴衍

隋書貳高祖紀下仁壽二年閏十月己丑詔書所命修撰五禮之楊素、蘇威俱以宰輔資位攝領修禮: 傳(北史肆壹楊敷傳附素傳同)雖云: 以恆例言之,乃虚名, 非實務也。然素與威二人間仍有區別,亦未可以一概論。隋書肆捌楊素

後與安定牛弘同志好學,研精不倦,多所通涉。

然隋書肆壹蘇威傳(北史陸叁蘇綽傳附威傳同)則云:

夫修撰五禮即斟酌古今之事,文帝既不以此許素,則素之得與此役,不過以尚書左僕射首輔之 上(高祖)因謂朝臣曰:「楊素才辯無雙,至若斟酌古今, 助我宣化, 非威之匹也。

Ą.

資位監領此大典而已。故關於楊素可置不論。

斟酌古今特獎威,則威之與聞修撰,匪僅虛名監領,可以推知。又隋書蘇威傳(北史略同)云: 至於蘇威雖與楊素同以宰輔之職監領修撰,但事有殊異,可略言之。據前引史文,隋文帝既以 典,律令格式多威所定,世以爲能。所修格令章程並行於當世,然頗傷苛碎,論者以爲非 滅賦税,務從輕典,上悉從之。隋承戰争之後,憲章踳駮,上令朝臣釐改舊法,爲一代通 俄兼納言民部尚書。初威父[綽]在西魏以國用不足,爲征税之法,頗稱爲重,既而歎曰: |今所爲者正如張弓,非平世法也。後之君子誰能弛乎?||威聞其言,每以爲己任,至是奏

陸叁蘇綽傳同)云: 不得同論,而威之預知修禮, 凡此史文其意固多指威之修定律令,但禮律關係至密。威本西魏蘇綽之子,綽為宇文泰創制立 實一代典章所從出。威既志在繼述父業,文帝稱其斟酌古今,必非泛美之詞,故威之與素 亦非止尸空名絶無建樹者之比無疑也。考周書貳叁蘇綽傳(北史

書,尤善算術。屬太祖(宇文泰)與公卿往昆明池觀魚,行至城西漢故倉地,顧問左右,莫 有知者,或曰:「蘇綽博物多通,請問之。」太祖乃召綽,具以狀對,太祖太悅。 蘇綽,武功人,魏侍中則之九世孫也,累世二千石。父協武功郡守。綽少好學,博覽掌 隋書肆玖牛弘傳(北史柴貳牛弘傳略同)略云:

寂滅無聞。 曰:「永嘉之後, 開皇初[弘]遷授散騎常侍祕書監。 安定鶉觚人也。本姓尞氏, 劉裕平姚, 寇竊競興, 因河據洛, 跨秦帶趙。論其建國立家, 收其圖籍, 五經子史纔四千卷, 祖熾郡中正, 弘以典籍遺逸, 父允魏侍中工部尚書臨涇 皆赤軸青紙,文字古拙, 上表請開獻書之路, 雖傳名號, 公, [其論書之厄] 憲章禮樂 僭僞之盛 賜姓爲牛

練之禮,自弘始也。[大業]三年改爲右光禄大夫,從拜恆岳,壇場、珪幣、墠畤、牲牢, 三年之喪祥禫具有降殺,朞服十一月而練者無所象法,以聞於高祖,高祖納焉,下韶除朞 並弘所定。 悉備,皆有故實。素歎曰:「衣冠禮樂盡在此矣,非吾所及也。」(此節之解釋見上文)弘以 注。楊素謂弘曰:「公舊學,時賢所仰,今日之事決在於公。」弘了不辭讓,斯須之間儀注 諸儒論新禮降殺輕重,弘所立議,衆咸推服之。仁壽二年獻皇后崩,王公以下不能定其儀 之,拜吏部尚書。時高祖又令弘與楊素、蘇威、薛道衡、許善心、虞世基、崔子發等並召之,拜吏部尚書。時高祖又令弘與楊素、蘇威、薛道衡、許善心、虞世基、崔子發等並召 正定新樂,事在音律志。是後議置明堂,韶弘條上故事,議其得失,事在禮志。上甚敬重 問篇籍稍備。三年拜禮部尚書,奉勅修撰五禮,勒成百卷,行於當世。弘請依古制修立明 際學藝爲多,齊梁之間經史彌盛。」上納之,於是下詔:「獻書一卷,賽練一匹。」一二年 莫過三秦。以此而論,足可明矣。故知衣冠軌物,圖畫記注,播遷之餘皆歸江左,晉宋之 撰定圓丘五帝凱樂,並議樂事,上甚善其議,韶弘與姚察、許善心、何妥、虞世基等 上以時事草創,未遑制作,竟寢不行。六年除太常卿。九年韶改定雅樂,又作樂府歌

史臣曰:「牛弘篤好墳籍,學優而仕,採百王之損益,成一代之典章,漢之叔孫不能尚

隋書柒伍儒林傳辛彦之傳(北史捌貮儒林傳下辛彦之傳同)略云:

儀制, 受禪,除太常少卿,尋轉國子祭酒,歲餘拜禮部尚書,與祕書監牛弘撰新禮。吴輿沈重名 五經異義一部,並行於世。 無可攻之勢。」高祖大悦。彦之撰墳典一部、六官一部、祝文一部、禮要一部、 爲碩學,高祖嘗令彦之與重論議, 辛彦之,隴西狄道人也。祖世叙魏凉州刺史,父靈輔周渭州刺史。[彦之]博涉經史, 百度伊始,朝貴多出武人,修定儀注唯彦之而已。及周閔帝受禪,彦之與少宗伯盧辯專掌 水牛弘同志好學。後入關,遂家京兆。周太祖見而器之,引爲中外府禮曹。 明武時歷職典祀太祝樂部御正四曹大夫開府儀同三司。宣帝即位,拜少宗伯。 重不能抗,於是避席而謝曰:「辛君所謂, 時國家草創 金城湯池 新禮一部 高祖

此可不論。茲所論者,惟此偏隅之地,保存漢代中原之文化學術,經歷東漢末、西晉之大亂及 兹擇録牛弘、辛彦之內傳事蹟較詳者,蓋欲以闡明魏晉以降中國西北隅即河隴區域在文化學術 河隴一隅所以經歷東漢末、西晉、北朝長久之亂世而能保存漢代中原之學術者,不外前文所言 繼前啓後,實吾國文化史之一人業。昔人未曾涉及,故不揣愚陋,試為考釋之於下: 北朝擾攘之長期,能不失墜,卒得輾轉灌輸,加入隋唐統一混合之文化,蔚然為獨立之一源 史上所具之特殊性質,其關於西域文明、中外交通等,為世人所習知,且非本書討論範圍 於

具地域性質,此河隴邊隅之地所以與北朝及隋唐文化學術之全體有如是之密切關係也。 故其本土世家之學術既可以保存,外來避亂之儒英亦得就之傳授,歷時既久,其文化學術遂漸 得藉以遺傳不墜。劉石紛亂之時,中原之地悉為戰區,獨河西一隅自前凉張氏以後尚稱治安, 家人父子之世業,所謂南北朝之家學者是也。又學術之傳授既移於家族,則京邑與學術之關係 家世與地域之二點,易言之,即公立學校之淪廢,學術之中心移於家族,太學博士之傳授變為 不似前此之重要。當中原擾亂京洛丘墟之時,苟邊隅之地尚能維持和平秩序,則家族之學術亦

三國忠魏志壹叁王朗傳附子肅傳末云: 自魏初徵士敦煌周生烈、明帝時太司農弘農董遇等亦歷注經傳,頗傳於世。

節下裴注云

新主乃復始掃除太學之灰炭,補舊石碑之缺壞,備博士之員録,依漢甲乙以考課, 從初平之元至建安之末,天下分崩,人懷苟且,紀綱既衰,儒道尤甚。至黄初元年之後, 魏略以遇及賈洪、邯鄲淳、薛夏、隗禧、蘇林、樂詳等七人爲儒宗,其序曰: 本亦避役,竟無能習學,冬來春去,歲歲如是。又雖有精者,而臺閣舉格太高,加不念統 有欲學者皆遣詣太學,太學始開有弟子數百人。至太和青龍中,中外多事,人懷避 雖性非解學,多求詣太學。太學諸生有千數,而諸博士率皆麤疎, 無以教弟子,弟子 申告州

操筆者未有十人,多皆相從飽食而退。嗟夫!學業沈隕乃至於此。是以私心常區區貴乎數 布,見在京師者尚且萬人,而應書與議者略無幾人。又是時朝堂公卿以下四百餘人,其能 浮虚者各競逐也。正始中有韶議圜丘,普延學士,是時郎官及司徒領吏二萬餘人, 其大義,而問字指墨法點注之間,百人同試,度者未十,是以志學之士遂復陵遲, 雖復分 而末求

賈洪,京兆新豐人也。

公者,各處荒亂之際而能守志彌敦者也。

薛夏,天水人也。

隗禧,京兆人也。

又魏志貳伍高堂隆傳, 略云:

訓之道孰爲其繼? 其科郎吏高才解經義者三十人,從光禄勳隆、 始景初中帝以蘇林、秦静等並老, 四經三禮,主者具爲設課試之法。」數年隆等皆卒,學者遂廢。 恐無能傳業者, 乃韶曰:「方今宿生巨儒並各年高,教 散騎常侍林、博士静分受

生烈、賈洪、薛夏、隗禧之流,俱關隴區域之人,則中原章句之儒業,自此之後已逐漸向西北 心已不在京邑公立之學校矣。二為當東漢末中原紛亂,而能保持章句之儒業,講學著書, 據上引史文可證明二事:一為自漢末亂後,魏世京邑太學博士傳授學業之制徒為其文,學術中 如周

移轉,其事深可注意也。

晉書捌陸張軌傳略云:

張軌, 徒壞女工,不任衣用,弊之甚也。今中州雖亂,此方安全,宜復五銖,以濟通變之會。」 師,令有司可推詳立州已來清貞德素、嘉遯遺榮、高才碩學、著述經史等具狀以聞, 澹爲股肱謀主,徵九郡胄子五百人,立學校,始置崇文祭酒,位視别駕,春秋行鄉射之 卑反叛,寇盗縱橫,軌到官即討破之,遂威著西州,化行河右。以宋配、陰充、氾瑗、 圖據河西,於是求爲凉州,公卿亦舉軌才堪御遠,永寧初出爲護羌校尉凉州刺史。於時鮮 事損益,甚器之。謂安定中正爲蔽善抑才,乃美爲之談以爲二品之精。軌以時方多難,陰 爲凉州,至天錫,凡九世七十六年矣。[苻]堅大敗於淮肥,時天錫爲苻融征南司馬,於陣 軌納之,立制準布用錢,錢遂大行,人賴其利。(中略)。天錫窘逼,降於[姚]萇等, 五銖錢,通易不滯,泰治中河西荒廢,遂不用錢,裂匹以爲段數,縑布既壞,市易又難, 凉州德量不恒,殆其人乎?][軌]遣治中張閬送義兵五千及郡國秀孝貢計器甲方物歸於京 父老莫不相慶。太府參軍索輔言於軌曰:「古以金貝皮幣爲貨,息穀帛量度之耗, 祕書監繆世徵、少府擊虞夜觀星象,相與言曰:「天下方亂, 安定烏氏人。家世孝廉,以儒學顯,與同郡皇甫證善。中書監張華與軌論經義及政 避難之國唯凉土耳。張 二漢制 州中

歸國。天錫少有文才,流譽遠近,及歸朝甚被恩遇。

同書壹貳貳吕光載記略云:

焉。光覽而悦之。 衆咸請還,光從之。光入姑臧,自領凉州刺史、護羌校尉。張掖督郵傅曜考覈屬縣,而丘 吕光,略陽氐人也。〔苻〕堅既平山東,士馬强盛,遂有圖西域之志,乃授光使持節都督西 以光未能揚清激濁, 池令尹輿殺之,投諸空井。曜見夢於光,光寤遣使覆之,如夢。光怒,殺輿。著作郎段業 命參軍京兆段業著龜茲宮賦以譏之。既平龜茲,有留焉之志,大饗文武,博議進止, 以討西域。龜茲王帛純拒光,光入其城,大饗將士,賦詩言志。見其宫室壯 使賢愚殊貫,因療疾於天梯山,作表志詩、 九歎、七諷十六篇以諷

同書捌柒凉武昭王傳略云:

郡守;祖弇仕張軌爲武衛將軍安世亭侯,父昶早卒,遣腹生玄盛。少而好學,通涉經史, 武昭王諱暠,字玄盛,雕西成紀人,姓李氏,世爲西州右姓。高祖雍、曾祖柔仕晉並歷位 持節都督凉興已西諸軍事,鎮西將軍領護西夷校尉。隆安四年晉昌太守唐瑶移檄六郡, 令。敏尋卒, 尤善文羲。吕光末京兆段業自稱凉州牧,以敦煌太守趙郡孟敏爲沙州刺史,署玄盛效穀 敦煌護軍馮翊郭謙等以玄盛有惠政,推爲敦煌太守。及業僭稱凉王,進玄盛 推

量,當吕氏之末,爲羣雄所奉,遂啓霸圖,兵無血刃,坐定千里,謂張氏之業指期而成, 河西十郡歲月而一。既而秃髮傉檀入據姑臧,沮渠蒙遜基宇稍廣,於是慨然著述志賦焉。 劉彦明爲文,刻石頌德。玄盛上巳日讌於曲水,命羣僚賦詩,而親爲之序。玄盛以緯世之 泉,乃敦勸稼穑。羣僚以年穀頻登,百姓樂業,請勒銘酒泉,玄盛許之。於是使儒林祭酒 者數千户。及玄盛東遷,皆徙之於酒泉,分南人五千户置會稽郡,中州人五千户置廣夏 中州之人有田疇不聞者亦徙七千餘户。郭麘之寇武威,武威、張掖已東人西奔敦煌、晉昌 敦雅,天下全盛時海内猶稱之,況復今日?」初苻堅建元之末,徙江漢之人萬餘户於敦煌. 敬,古今成敗不可不知,退朝之暇念觀典籍,面墻而立,不成人也。此郡世篤忠厚,人物 穴,諸君以爲何如?」張邈贊成其議,遂遷居於酒泉。手令誠其諸子曰:「寮佐邑宿盡禮承 莫不賓下。惟蒙遜鴟跱一城,自張掖已東晉之遺黎爲戎虜所制,吾將遷都酒泉,漸逼寇 僚曰:「昔河右分崩,羣豪競起,吾以寡德,爲衆賢所推,前遣雲騎東殄不庭,軍之所至, 羣寮亦皆圖焉。又立泮官,增高門學生五百人,起嘉納堂於後園,以圖讚所志。玄盛謂羣 玄盛爲大都督大將軍凉公領秦凉二州牧護羌校尉。[玄盛]於南門外臨水起堂,名曰靖恭之 餘萬三千户分置武威、武興、張掖三郡,築城於敦煌南子亭,以威南虜。玄盛既遷酒 圖讚自古聖帝明王、忠臣孝子、烈士貞女,玄盛親爲序頌,以明鑒戒之義;當時文武

二十四年。 誄。自餘詩賦數十篇。(中略)。玄盛以安帝隆安四年立,至宋少帝景平元年滅, 景等歸晉,遇害江南, 作文,感兵難繁興,時俗諠競,乃著大酒容賦以表恬豁之懷。與辛景、辛恭靖同志友善, 生焉,玄盛又著槐樹賦以寄情,蓋歎僻陋遐方立功非所也。亦命主簿梁中庸及劉彦明等並 先是河右不生楸槐柏漆,張駿之世取於秦隴而植之,終於皆死,而酒泉官之西北隅有槐樹 玄盛聞而弔之。玄盛前妻辛納女,貞順有婦儀,先卒,玄盛親爲之 據河右凡

问書壹貳陸禿髮烏孤載記·云::

秃髮鳥孤,河西鮮卑人也。

又同書同卷禿髮利鹿孤載記略云:

之,於是以田玄沖、趙誕爲博士祭酒,以教胄子。 利鹿孤謂其掌下曰:「自負乘在位,三載於茲,務進賢彦而下猶蓄滯,二三君子其極言無 垂不朽也。孔子曰:『不學禮,無以立。』宜建學校,選耆德碩儒,以訓冑子。」利鹿孤善]祠部郎中史嵩對曰:「今取士拔才必先弓馬,文章學藝爲無用之條,非所以來遠人,

又同書同卷禿髮傉檀載記略 云::

姚興遣其尚書韋宗來觀釁,宗還長安,言於興曰:「凉州雖殘弊之後,風化未頹, 未可圖

也。」[禿髮]鳥孤以安帝隆安元年僭立,至傉檀三世,凡十九年,以安帝義熙十年滅。

同書壹貳玖沮渠蒙遜載記略云:

年自稱州牧,義熙八年僭立,後八年而宋氏受禪,以元嘉十年死,在僞位三十三年。子茂 虔立六年爲魏氏所擒,合三十九載而滅。 中有玄石神圖,命其中書侍郎張穆賦焉,銘之於寺前,遂如金山而歸。蒙遜以安帝隆安五 委以機密之任。蒙遜西祀金山,卑和虜率衆迎降,遂循海而西,至鹽池,祀西王母寺。寺 蒙遜爲使持節大都督、凉州牧張掖公。以敦煌張穆博通經史,才藻清贍,擢拜中書侍郎, 臨松盧水胡人也。博涉羣史,頗曉天文。隆安五年,梁中庸、 房晷、 田昂等推

同書壹壹柒姚興載記上略云:

乎?」文祖曰:「與臣州里,西方之英嶲。」興曰:「有表理王尚,文義甚佳,當王尚研思 耳。]文祖曰:「尚在南臺禁止,不與賓客交通, 辱臣憂,故重繭披款,惟陛下亮之。」興覽之大悦,謂其黄門侍郎姚文祖曰:「卿知宗敞 桓爲措思乎?」文祖曰:「西方評敞甚重,優於楊桓,敞昔與吕超周旋,陛下試可問之。」 州别駕宗敞, 興徵凉州刺史王尚還長安,尚既至長安,坐匿吕氏宮人,擅殺逃人薄禾等,禁止南臺。凉 治中張穆,主簿邊憲、胡威等上疏理尚曰:「臣等生自西州,位忝吏端, 敞寓於楊桓,非尚明矣。]興曰:「若爾

興因謂超曰:「宗敞文才何如,可是誰輩?」超曰:"敞在西土時論甚美, 但當問其文彩何如,不可以區字格物。]興悦,敕尚之罪, _即以表示超曰:「凉州小地, 寧有此才乎?」超曰:「臣以敝餘文比之,未足稱 以爲尚書。 方敞魏之陳徐,

同書意肆地理志上凉州條,略云:

據` 吕光都於姑臧,及吕隆降於姚興,其地三分。[凉]武昭王爲西凉,建號於敦煌;秃髮 帝徙居江左,軌乃控據河西,稱晉正朔,是爲前凉。[張]天錫降於苻氏、 • 動爲凉州刺史,鎮武威,上表請合秦雍流移人於姑臧西北,置武興郡。是時中原淪没, 漢置張掖、 鳥孤爲南凉, 酒泉、敦煌、武威郡,其後又置金城郡,謂之河西五郡。[晉惠帝]永寧中, 建號於樂都; 沮渠蒙遜爲北凉, 建號於張掖;而分據河西五郡。 其地旋爲呂光所 元 張

暠皆漢族世家,其本身即以經學文藝著稱,故能設學校獎儒業,如敦煌之劉昞即注魏劉劭入物 故託命河西之十庶猶可以蘇喘息長子孫,而世族學者自得保身傳代以延其家業也。又張軌、 復是流民移徙之區, 化者亦可窺見 綜合上引史文,凡河西區域自西晉永寧至東晉未世,或劉宋初期,百有餘年間, 魏晉間才性同異之學説尚得保存於此一隅, 一。蓋張軌領凉州之後,河西秩序安定,經濟豐饒,既為中州人上避難之地 百餘年間紛爭擾攘周所不免,但較之河北、 遂以流傳至今,斯其一例也(見北平圖書館 山東屢經大亂者, 其有關學術文 略勝一籌。 李

之文化,亦得接河西之安全,其能保存學術於荒亂之世,固無足異。故茲以隴右河西同類並 支遁義探源)。若其他割據之雄,段業則事功不成而文采特著,昌氏、 季刊第貳卷第壹期湯用形先生讀劉劭人物志論文,及一九三七年清華學報批作逍遥遊向郭義及 宗敞之見賞於姚興,斯又其一例也。至於隴右即晉秦州之地,介於循凉問者,既可受長安 不好讀書,然仍能欣賞漢化,擢用士人,故河西區域受制於胡戎,而文化學術亦不因以淪 自無不可也 禿髮、沮渠之徒俱 (非漢

期即孝文、宣武時代中原漢族文化遞嬗同異之關係, 元嘉十六年十二月魏主猶以妹壻待沮渠牧犍條)。 既明乎此,然後可以解釋隴右、河西之文化與北魏初期即太武時代中原漢族之文化,及北魏後 請略引舊史以證之(參考通鑑壹貳叁宋紀

但北魏之[外國遠方名士]與崔浩有關,故亦節取傳文,附於後焉)。 源懷等事蹟關涉河西人士文化學術者於下,以資論證(又魏書、北史之袁式傳雖與河西無涉, 書、北史程駿傳,宋書、南史杜驥傳,並取魏書、北史所載崔浩、李沖、李韶、 出河西,與趙逸等併為一卷, 玖壹術藝傳之江式合為一卷,寅恪以為游雅、高闆二人非秦凉學者,可不列入;至江式則亦源 魏書伍貳以趙逸等十二人為一卷,北史叁肆於趙逸等十二人外復加以游雅、高闆,又別取魏書 體例甚合。故茲節録魏書、北史趙逸等十二人傳及江式傳, 常爽、常景、 又魏

魏害伍貳趙逸傳(北史叁肆趙逸傳同)略云:

善久之。性好墳典,白首彌動,年踰七十,手不釋卷。凡所著述,詩賦銘頌五十餘篇。 世祖乃止,拜中書侍郎。神麍三年三月上巳帝幸白虎殿,命百寮賦詩,逸製詩序,時爲稱 誰也,其速推之。」司徒崔浩進曰:「彼之謬述,亦猶子雲之美新,皇王之道固宜容之。」 爲屈丐所虜,拜著作郎。世祖平統萬,見逸所著,曰:「此豎無道,安得爲此言乎? 作者 趙逸,天水人也。好學夙成,仕姚興歷中書侍郎,爲興將齊難軍司,征赫連屈丐, 難敗

同書同卷胡方回傳(北史叁肆胡方回傳同)略云:

胡方回,安定臨溼人。方回赫連屈丐中書侍郎,涉獵史籍,辭彩可觀,爲屈丐統萬城銘、 虵祠碑諸文頗行於世。世祖破赫連昌,方回入國,雅有才尚,未爲時所知也。後爲北鎮司 爲鎮修表,有所稱慶, 與游雅等改定律制,司徒崔浩及當時朝賢並愛重之。 世祖覽之嗟美,問誰所作。既知方回,召爲中書博士, 遷侍

同書同卷胡叟傳(北史叁肆胡叟傳同)略云::

然自張氏以來, 知廣平程伯達, 胡叟,安定臨溼人也。世有冠冕,爲西夏著姓。西入沮渠牧犍,遇之不重,叟乃爲詩示所 ` 其略曰:「望衛惋祝鮀,眄楚悼靈均。 號有華風,今則憲章無虧,曷祝鮀之有也?」叟曰:「吾之擇木,夙在大 伯達見詩曰:「凉州雖地居戎域,

子禀叟獎示,頗涉文流。[高]間作宣命賦,叟爲之序。 爵復始男。高宗時召叟及[金城宗]舒並使作檄劉駿蠕蠕文, 魏,與子暫達,非久闊也。」歲餘牧犍破降,叟既先歸國, 舒文劣於叟。[廣寧常]順陽數 朝廷以其識機拜虎威將軍,賜

同書同卷宋繇傳(北史叁肆宋繇傳同)略云:

衡之任。蒙遜之將死也,以子委託之。世祖并凉州,從牧犍至京師,卒。 泉,於繇室得書數千卷,歎曰:「孤不喜剋李歆,欣得宋繇耳。」拜尚書吏部郎中,委以銓 時舉秀才,除郎中,後奔段業,業拜繇中散常侍。西奔李暠,歷位通顧。雅好儒學, 宋繇,敦煌人也。曾祖配、祖悌世仕張軌子孫,父僚張玄靚龍驤將軍武興太守。〔繇〕隨 兵難之間講誦不廢。每聞儒士在門,常倒屣出迎,停寢政事, [張]彦至酒泉,追師求學,閉室誦書,畫夜不倦,博通經史,諸子羣言,靡不覽綜。 引談經籍。沮渠蒙遜平酒 - 呂光 雖在

同書同卷張湛傳(北史叁肆張湛傳同)略云:

平、入國,年五十餘矣。司徒崔浩識而禮之,浩注易,叙曰:「國家西平河右,敦煌張湛、 張湛,敦煌人,魏執金吾恭九世孫也。湛弱冠知名凉土,好學能屬文。仕沮渠蒙遜, 解之,遂相勸爲注,故因退朝之餘暇而爲之解焉。]其見稱如此。湛至京師,家貧不粒 金城宗欽、武威段承根三人皆儒者,並有儁才,見稱於西州,每與余論易,余以左氏傳卦 凉州

崔浩禮之與湛等(此七字北史文)。 浩常給其衣食,薦爲中書侍郎。湛知浩必敗,固辭,每贈浩詩頌,多箴規之言。 其志,每常報答,極推崇之美(此三十八字北史文)。及浩被誅,湛懼,悉燒之。兄懷義. 浩亦欽敬

同書同卷宗欽傳(北史叁肆宗欽傳同)略云:

宗欽,金城入也。父燮,吕光太常卿。欽少而好學,有儒者之風,博綜羣言,聲著河右。 與高允書贈詩,允答書並詩,甚相褒美(此十五字北史文)。崔浩之誅也,欽亦賜死。欽在 河西撰蒙遜記十巻,無足可稱。 任沮渠蒙遜,爲中書侍郎、世子洗馬。欽上東官侍臣箴。世祖入凉州,入國,拜著作郎。

同書同卷段承根傳(北史叁肆段承根傳同)略云::

世祖 客。後暉從世祖至長安,有人告暉欲南奔,世祖密遣視之,果如告者之言,斬之於古。承 位,暉父子奔吐谷渾暮璝。暮璜内附,暉與承根歸國,世祖素聞其名,頗重之,以爲上 根與宗欽俱死 段承根,武威姑臧人。父暉,乞伏熾磐以暉爲輔國大將軍凉州刺史御史大夫。磐子暮末襲 請爲著作郎, 機辯有文思,而性行疏薄,有始無終。司徒崔浩見而奇之,以爲才谌著述,言之 引與同事。世咸重其文而薄其行,甚爲敦煌公李寶所敬待。浩誅,

同書同卷閫駰傳(北史叁肆闏駰傳同)略云:

中郎。王薨之後還京師,卒,無後。 中,給文吏三十人,典校經籍,刊定諸子三千餘卷。姑臧平,樂平王丕鎮凉州, 闞駟,敦煌人也。祖倞有名於西土,父玖爲一時秀士。駰博通經傳,三史羣言,經目則 注王朗易傳,學者藉以通經,撰十三州志行於世。[沮渠]蒙遜甚重之,拜祕書考課郎 引爲從事

同書同卷劉昞傳(北史叁肆劉延明傳同)略云:

世祖平凉州,土民東遷,夙聞其名,拜樂平王從事中郎。世祖韶諸年七十以上聽留本鄉, 拜,命官屬以下呰北面受業馬。時同郡索敞、陰興爲助教,並以文學見舉,每巾衣而入。 易、韓子、人物志、黄石公三略,並行於世。 [沮渠]蒙遜平酒泉,拜祕書郎, 劉昉,亨延明,敦煌人也。父寶以儒學稱。昞年十四就博士郭瑀學,瑀遂以女妻之。後隱 陸沈觀於西苑,躬往禮焉,號玄處先生,學徒數百,月致羊酒。牧犍尊爲國師,親自致 略記百三十篇八十四卷。凉書十卷,敦煌實録二十卷,方言三卷,靖恭堂銘一卷, 與卿相值,何異孔明之會玄德!」遷撫夷護軍,雖有政務,手不釋卷。昞以三史文繁, 典,書史穿落者親自補治,昞時侍側,前請代暠,暠曰:「躬自執者,欲人重此典籍, 居酒泉,不應州郡之命,弟子受業者五百餘人。李暠徵爲儒林祭酒從事中郎。暠好尚文 專管注記。 注周 著 뀸

隷,不獲收異,儒學之士所爲竊歎,乞敕尚書推檢所屬,甄免碎役。]四年六月詔曰:「昞 中郎敦煌劉昞著業凉城,遺文在茲,篇籍之美頗足可觀。維祖逮孫相去未遠,而令久淪阜 者子孫宜蒙顯異。」於是除其一子爲郢州雲陽令。正光三年太保崔光奏曰:「故樂平王從事 子,次仲禮留鄉里。太和十四年尚書李沖奏:「昞河右碩儒,今子孫沈屈,未有禄潤, 德冠前世,蔚爲儒宗,太保啓陳,深合**勸善,** 一子扶養,昞時老矣,在姑臧歲餘,思鄉而返,至凉州西四百里韭谷窟, 其孫等三家特可聽免!...河西人以爲榮。 遇疾而卒。 眪六

同書同卷趙柔傳(北史叁肆趙柔傳同)略云:

師。高宗踐阼,拜著作郎。 趙柔,金城人也。少以德行才學知名河右,沮渠牧犍時爲金部郎。世祖平凉州, 内徙京

同書同卷索敞傳(北史叁肆索敞傳同)略云:

記。 尚書牧守者數十人,皆授業於敞。敞遂講授十餘年。敞以喪服散在衆篇,遂撰比爲喪服要 書博士。篤勤訓授, 索敞,敦煌人。爲劉昞助教,專心經籍,盡能傳晒之業。凉州平,入國,以儒學見拔爲中 肅而有禮。京師大族貴遊子弟皆敬憚威嚴, 多所成益, 前後顯達位至

同書同卷陰仲達傳(北史牟肆段承根傳附陰仲達事蹟)略云::

云,二人俱凉二才華。同修國史,除祕書著作郎,卒。 陰仲達, 武威姑臧人, 少以文學知名。世祖平凉州, 内徙代都。司徒崔浩啓仲達與段承根

同書術藝傳汀式傳(北史叁肆汇式傳同)略云::

石經、字林、韻集、諸賦文字有六書之誼者,皆以次編聯,文無復重,糾爲一部。其古籀奇 以敢藉六世之資,奉遵祖考之訓,輒求撰集古來文字,以許慎説文爲主,爰採孔氏尚書、 皇威西被,牧犍内附,臣亡祖文威杖策歸國,奉獻五世傳掌之書,古篆八體之法,時蒙褒 洗馬,出爲馮翊郡,值洛陽之亂,避地河西,數世傳習,斯業所以不墜也。世祖太延中, 五經音注、籀篇、 録,叙列於儒林, 諸門板題皆式書也。延昌三年三月式上表曰:「臣六世祖瓊,家世陳留,往晉之初,與從 傳家學,除符節令,以書文昭太后尊號諡册特除奉朝請,仍符節令,篆體尤工,洛京宮殿 經史諸子千餘卷,由是擢拜中書博士。父紹興,高允奏爲祕書郎,掌國史二十餘年。式少 父兄應元,俱受學於衛覬,古篆之法,倉雅方言説文之誼,當時並收善譽。 **琢因居凉土,世傳家業。祖强字文威,太延五年凉州平,内徙代京,上書三十餘法,又獻** 江式,陳留濟陽人也。六世祖瓊晉馮翊太守,善蟲篆詁訓。永嘉大亂,棄官西投張軌,子 爾雅、三倉、凡將、方言、通俗文、祖文宗、埤倉、廣雅、古今字詁、三字 ,官班文省,家號世業。暨臣閻短,漸演家風,參預史官,題篆宮禁,是 而祖官至太子

凡四十卷,大體依許氏説文爲本,上篆下隸,其書竟未能成。 逐字而注。其所不知者,則闕如也。]韶曰:「可如所請。 惑俗隷諸體, 咸使班於篆下, 各有區別。話訓假借之誼,僉隨文而解。音讀楚夏之聲,並 」於是撰集字書,號曰古今文字

同書陸拾程駿傳(北史肆拾程駿傳略同)略云:

録,弟子靈虬。 巡狩甘雨之德焉。又奏得一頌,始於固業,終於無爲十篇。太和九年卒,所製文筆自有集 矣。」由是聲譽益播,沮渠牧犍擢爲東宫侍講。太延五年,世祖平凉,遷於京師,爲司徒 若斯者可謂至順矣。人若乖一,則煩僞生,爽性則冲真喪。]讷曰:「卿年尚稚,言若老成 其言虚疑,不切實要,弗可以經世,駿意以爲不然,老子著抱一之言,莊生申性本之旨, 曰:「朕與此人言,意甚開暢。」拜祕書令,沙門法秀謀反伏誅,駿上慶國頌十六章,並序 崔浩所知。文成踐阼,拜著作佐郎,未幾遷著作郎。顯祖屢引駿與論易老之義, 書。駿少孤貧,師事劉昞,性機敏好學,晝夜無倦。駿謂昞曰:「今世名教之儒咸謂老莊 程駿,本廣平曲安人也。六世祖良,晉都水使者,坐事流於凉州;祖父肇,吕光民部尚 顧謂草臣

北史貳壹崔宏傳附崔浩傳云:

浩有鑒識,以人倫爲己任。明元太武之世,徵海内賢才,起自仄陋及所得外國遠方名士,

拔而用之,皆浩之力也(寅恪案:魏書叁伍崔浩傳無此節)。至於禮樂憲章皆宗於浩。

魏書伍叁李沖傳(北史壹佰序傳同)略云:

侯,拜廷尉卿,尋遷侍中吏部尚書。詔曰:[明堂太廟已成於昔年,將以今春營改正殿、 敬彌甚,君臣之間,情義莫二。及改置百司,開建五等,以沖參定典式, 名之。文明太后崩後,高祖居喪,引見接待有加。及議禮儀律令,潤飾辭旨,刊定輕重 委以營構之任,遷爲尚書僕射。沖機敏有巧思, 尚書沖可領將作大匠,司空長樂公[穆]亮可與大匠共監興繕。]定都洛陽以沖爲鎮南將軍, 商祖雖自下筆,無不訪決焉。於是天下翕然,及殊方聽望咸宗奇之。高祖亦深相仗信, 寒,衰舊淪屈由之躋叙者亦以多矣。是時循舊王公重臣皆呼其名,高祖常謂沖爲中書而不 始爲富室,而謙以自牧,積而能散,近自姻族,逮於鄉閣,莫不分及,虚己接物,垂念羈 多隱冒,五十三十家方爲一户,沖以三正治民,所由來遠,於是創三長之制而上之。文明 事,以修整敏惠,漸見寵待,遷内祕書令南部給事中。舊無三長,惟立宗主督護,所以民 李沖,隴西人,敦煌公寶少子也。顯祖末爲中書學生,高祖初以例遷祕書中散,典禁中文 籠日盛,賞賜月至數十萬,密致珍寶異物以充其第,外人莫得而知焉。沖家素清貧,於是 太后覽而稱善,遂立三長,公私便之。遷中書令,尋轉南部尚書。沖爲文明太后所幸,恩 北京明堂園丘太廟及洛都初基,安處郊 封滎陽郡開國

同書叁玖李寶傳(北史壹佰李寶傅同)略云::

寶有六子: 承、茂、輔、佐、公業、沖。

中, 韶典焉。高祖將創建都之計,詔引侍臣訪以古事。詔對洛陽九鼎舊所,七百攸基,地則土 〔承〕長子韶,延興中補中書學生,襲爵姑臧侯, 實均朝貢,惟王建國莫尚於此, 高祖稱善。 除儀曹令。時修改車服及羽儀制度,皆令 起兼將作大匠,敕參定朝儀。

同書捌肆儒林傳常爽傳(北史肆貳常爽傳同)略云,

常爽 河内温人,魏太常林六世孫也。祖珍,苻堅南安太守, 因世亂遂居凉州; 父坦, 乞

稱爽之嚴教,獎勵有方。允曰:「文翁柔勝,先生剛克,立教雖殊,成人一也。」其爲通識 君焉。尚書左僕射元贊、平原太守司馬真安、著作郎程靈虬皆是爽教所就,崔浩、高允並 司馬南天水太守西翼校尉。文通子景别有傳。 獨守閑静,講肄經典二十餘年,時人號爲儒林先生,年六十三卒於家。子文通歷官至鎮西 歎服如此。因教授之暇,述六經略注以廣制作,甚有條貫,其略注行於世。爽不事王侯, 伏世鎮遠將軍大夏鎮將顯美侯。[爽]篤志好學,博聞强識,明習緯候,五經百家多所研 温水之右,教授門徒七百餘人,京師學業翕然復興。爽立訓甚有勸罰之科,弟子事之若嚴 美男,爽爲六品,拜宣威將軍。是時戎車屢駕,征伐爲事,貴游子弟,未遑學術, 州郡禮命皆不就。世祖西征凉土,爽與兄仕國歸款軍門,世祖嘉之,賜仕國爵五 品類

同書捌貳常景傳(北史肆貳常景傳同)略云:

卷。永熙二年監議事(寅恪案:徐崇補南北史藝文志魏五禮條云疑監議下脱去[五禮]二 事。及世宗府,韶景[自長安]赴京,還修儀注,又勅撰太和之後朝儀已施行者,凡五十餘 先是太常劉芳與景等撰朝令,未及班行,别典儀注,多所草創,未成,芳卒,景纂成其 之。後爲門下録事太常博士。正始初,詔尚書門下於金墉中書外省考論律令, 景少聰敏,及長有才思,雅好文章,廷尉公孫良舉爲律學博士, 高祖親得其名, **粉景參議**。 既而用

字

隋書叁系經籍志史部儀注類載

後魏儀注五十卷。

舊唐書肆陸經籍志史部儀注類載:

後魏儀注三(寅恪案:三疑五之誤)十二卷,常景撰。

新唐書伍捌藝义志儀注類載:

常景後魏儀注五十卷。

魏書肆膏源賀傳(北史貳捌源賀傳同)略云::

源賀,自署河西王秃髮傉檀之子也。傉檀爲乞伏熾盤所滅,賀自樂都來奔,世祖素聞其 謂賀曰:「卿與朕源同,因事分姓,今可爲源氏。」長子延,延弟思禮後賜名懷,

書令,參議律令。

兒」語殊失其真)略云: 北史貳捌源賀傳附玄孫師傳(參考北齊書伍拾恩倖傳高阿那肱傳,又隋書陸陸源師傳刪略「漢

師少知名,仕齊爲尚書左外兵郎中,又攝祠部。後屬孟夏, 謂爲真龍出見,大驚喜,問龍所在,云作何顔色。師整容云:「此是龍星初見、 以龍見請等。 時高阿那肱爲録

不行。」師出歎曰:「國家大事,在祀與戎, 依禮當雩祭郊壇, 非謂真龍別有所降。]阿那肱忿然作色曰:[漢兒多事,强知星宿,祭事 禮既廢也,其能久乎? 齊亡無日矣。]尋周武

通鑑壹柒壹陳紀太建五年夏四月載此事,胡注云:

謂華人爲漢兒,率侮詬之。諸源世仕魏朝貴顯,習知典禮,遂有雩祭之請,冀以取重, 以取詬。通鑑詳書之,又一嘅也。 諸源本出於鮮卑禿髮,高氏生長於鮮卑,自命爲鮮卑, 未當以爲諱,鮮卑遂自謂貴種, 乃

同書壹貳叁宋紀元嘉十六年十二月,凉州自張氏以來號為多士條,胡注云::

÷ 永嘉之亂,中州之人士避地河西,張氏禮而用之。子孫相承,衣冠不墜,故凉州號爲多

宋書陸伍林驥傅(南史柒拾循吏傅杜驥傅同)略云:

中華高族,亡曾祖晉氏喪亂播遷凉土,世業相承,不殞其舊,直以南度不早,便以荒傖賜 杜驥,京兆杜陵人也。高祖預晉征南將軍,曾祖耽避地河西,因仕張氏,苻堅平凉州,父 朝廷常以儋荒遇之,雖復人才可施, 祖始還關中。兄坦頗涉史傳,高祖征長安席卷隨從南還,太祖元嘉中任遇甚厚。 每爲清途所隔,坦以此慨然,當與太祖言曰:「臣本 晚度北人

隔。」(寅恪案:杜坦所言,亦可與晉書捌肆楊佺期傳參證。)

魏書叁捌袁式傳(北史貳柒袁式傳同)略云:

悉出於浩,浩以式博於古事, 興。泰常二年歸國,爲上客,賜爵陽夏子。與司徒崔浩一面便盡國士之交。是時朝儀典章 袁式,陳郡陽夏人。父淵司馬昌明侍中。式在南歷武陵王遵豁議參軍, 雅偏所留懷,作字釋未就 每所草創,恆顧訪之。六沈靖樂道,周覽書傳,至於詁訓倉 與司馬文思等歸姚

之真實,其個性之真實雖難確定,然不足致疑也。又此問題當時有實際政治及社會之關係,不 對正戎之語,其他史料關於此者亦有歧異, 之問答(世説新語文學篇阮宣子有令問條,以為阮脩答王衍之言,晉書肆玖阮瞻傳則以為阮 其一斑矣。程駿與劉昞之言,乃周孔名教與老莊自然合一之論,此説為晉代清談之焦點, 宗欽、段承根俱主其説,實為漢儒舊誼,今日得尚秉和先牛易林解詁一書, 常日中原古誼,久已失傳,崔浩之解,或出其家學之僅存者,然在河西則遺説猶在 寅恪案:崔浩傅所謂外國遠方名士,當即指河西諸學者或袁式而言。其以左傳卦解易, 類能言之。此浩所以喜其與家學冥會,而於河西學者所以特多薦拔之故歟? 劉昞之注人物 乃承曹魏才性之説者,此亦當日中州絕響之談也。若非河西保存其説,則今日亦無以窺見 初視之似難定其是非。其實此問若乃代表當時通性 愈可證明者也。蓋 其地學 張湛、 王阮

説 豈偶然哉! 又史言沖以過於篤厚親舊見譏,如北史壹陸廣陽王建附深(淵)傳所言: 改宗主督護制為三長制,亦用夏變夷之政策,為北魏漢化歷程之一重要階段。其事發於李沖, 部落為編户一事有關,實本胡部之遺跡(參考魏書壹壹叁官氏志,及北史捌拾外戚傳賀訥傳、 漢化之事,無不使沖參决監令者,蓋幾以待王肅者待沖,則沖之為人必非庸碌凡流, 捌高車傳等,茲不詳論。魏書賀訥傳、高車傳皆取之北史),不僅普通豪族之兼併已也。李沖請 其河西家世遺傳之舊學無疑也。魏初宗主督護之制(參考魏書壹壹拾食貨志),蓋與道武時離散 者,西凉李暠之曾孫,雖以得幸文明太后遂致貴顯,然孝文既非庸闍之主,且為酷慕漢化之 僅限於玄談理論, 所論乃其最顯著者,其餘散見諸卷,不可悉舉)。自晉室南渡之後,過江名士尚能沿述西朝舊 其付沖以端揆重任,凡製定禮儀律令,及營建都邑宫廟諸役,以及其他有關變革夷風摹擬 而中原舊壤久已不聞此論,斯又河西一隅之地尚能保存典午中朝遺説之一證也。至李沖 而袁宏後漢紀之議論,多為此問題之詳釋也(後漢紀貳貳延嘉九年及貳叁建寧二年之 寅恪別有文考之,茲不詳論),所謂「將無同」三語, 即實同之意, *乃*此 實能保持 問題

深(淵)上書曰:「及太和在歷,僕射李沖當官任事,凉州土人悉免厮役,豐沛舊門仍防邊

當即指上引劉昞傳中李沖請褒顯劉昞子孫之類而言,但太和以後正光之時, 崔光復請免昞孫碎

續漢、 反對. 漢化,源懷之參議律令尤可注意, 典章之宗主,河西文化於北朝影響之深鉅,此亦一例證也。源氏雖出河西戎類,然其家世深染 中原為安全,故其所保存者亦較中原為多。此不獨江氏一族文字之學如是,即前引秦凉學者及 梅磵所言, 種族,而在文化,其事彰彰甚明,實為論史之關要,故略附著鄙意於此,當詳悉別論之。若胡 乎? 又李韶者, 役。大光為由南入北之漢族世家,與凉州人士絶無關涉,太和之後李沖久死,光之請免役, 大師,代京學業之興,實由其力,其見重於崔浩、高允諸人,固其宜矣。常景為太和以後禮樂 西文化有關, 則韶亦能傳其河西家世之學無疑。又遷都洛陽乃北魏漢化政策中一大關鍵,當日鮮卑舊人均表 由於愛慕河西漢族文化所致,而元淵之所謂豐沛舊門即指六鎮鮮卑及胡化漢人,豈可與之並 魏、西曾之學風, 韶既顯贊其謀,冲又卒成其事,遷洛之役,李氏父子始終參預,然則竟謂北魏遷洛與河 歷世相傳不墜諸事實,足知當日學術中心在家族而不在學校,凉州一隅, 尚不足以盡此問題也。至江式請撰占今文字表中所述,其家自西晉以來避亂凉州 亦無不可也,其詳當於後論都城建築師中述之。常爽出自凉州世族, **具家世之學亦無不與江氏相同。 寳之嫡孫,沖之猶子也。孝文帝用夏變夷改革車服羽儀諸制度,悉令韶典之,** 下開(北)魏、(北)齊、隋、 觀高阿那肱之斥源師為漢兒一事,可證北朝胡漢之分, 由此言之,秦凉諸州西北一隅之地, **唐之制度,承前啓後,** 繼絶扶衰 而為北 五. 门 其秩序較 魏初 年間 白

之河西遺傳。 起今世學者之注意也 延綿一脈,然後始知北朝文化系統之中,其由江左發展變遷輸入者之外,尚別有漢、魏、西晉 但其本身性質及後來影響,昔賢多未措念,寅恪不自揣謭陋,草此短篇, 藉以唤

ìi Ž 歇。 者,以其舊學,出佐興王,卒能再傳而成楊隋一代之制,以傳之有唐,頗與北魏河西學者及南 之學術必未盡淪廢,故西北一隅偏塞之區,值周隋兩朝開創之際,終有蘇氏父子及牛辛諸賢 備之結果以傳於隋唐者,甚相類也。至其例證,非本章所能盡具,當於論職官、刑律諸章更詳 朝舊族俱以其鄉土家世之學術助長北魏之文化, 又北魏之取凉州,士人年老者如劉昞之流,始聽其一了留鄉里侍養,似河西文化當亦隨之而衰 但其鄰近地域若關隴之區,既承繼姚秦之文化,復享受北魏長期之治安,其士族家世 凝鑄混和,而成高齊一代之制度, 為北朝最美 相傳

木,洛陽鄴都文化之影響於隋唐制度者考證之。 上文已將隋唐制度三源中之(西)魏、周一源及南朝河西文化之影響約略述之矣。茲於(北)魏 北)齊一源之中, 除去關涉南朝及河西文化者不重複論述外,專就元魏孝文以後,迄於高齊之

然孝文之所施為,實亦不過代表此歷代進行之途徑,益加速加甚而已。在孝文同時,其鮮卑舊 **夫拓跋部族自道武帝入居中原,** 逐漸漢化,至孝文帝遷都洛陽後,其漢化之程度雖較前愈深 之一大變也 表面觀察,可謂魏孝文遷都洛陽以後之漢化政策遭一大打擊, 化政策有意無意中之一大表示,非僅爾朱榮、費穆等一時之權略所致也(見魏書柒肆、 **饉虐政及府户待遇不平之類,然間接促成武泰元年四月十三日爾朱榮河陰之大屠殺實胡族對漢** 守胡化亦愈固,即反抗洛陽之漢化腐化力因隨之而益強, 傳),誠為不得已也。故自宣武以後,洛陽之漢化愈深, 爾朱榮傳及洛陽伽藍記膏永寧寺像)。其後高歡得六鎮流民之大部,賀拔岳、宇文泰得其少 強大,略可窺見,因以愈知孝文之假辭南侵,遂成遷都之計者(見魏書伍叁李沖傳、北史壹佰序 (見北齊書壹神武紀、北史陸齊本紀、隋書貳肆食貨志等),東西兩國俱以六鎮流民創業, (見魏書貳貳、北史壹玖廢太子恂傳)亦「謀召牧馬,輕騎奔代」,則鮮卑族對漢化政策反抗力之 族如穆泰等(見魏書貳柒、北史貳拾穆崇傳)其對於漢化政策固不同意, 而腐化乃愈甚, 故魏末六鎮之亂,雖有諸原因 而逆轉為胡化, 即孝文親子如廢太子恂 其同時之代北六鎮保 誠北朝政治社 北史肆捌 初肖 如饑

史叁貳崔挺傳;北齊書叁玖崔季舒傅,北史叁貳崔挺傳;北齊甚叁拾高德政傳,北史叁壹高允 士族如渤海之高氏、封氏及清河博陵之崔氏等不得不發生關係(見北齊書貳壹高乾、封隆之傳, 北史叁壹高允傳、貳肆封懿傳;北齊書貳叁崔悛傳,北史貳肆崔逞傳;北齊書叁拾崔暹傳,北 雖然,烏歡本身,生於六鎮, 極度胡化, 其渤海世系即使依託,亦因以與當日代表漢化之山東

傳等)。其子澄尤為漢化,據北齊書牟文襄紀(北史陸齊本紀同)云:

門下,以爲賓客,每山園游燕,必見招携,執射賦詩,各盡其所長,以爲娱適。 元象元年攝吏部尚書。 人,又沙汰尚書郎,妙選人地以充之。至於才名之士咸被薦擢,假有未居顯位者, 魏自崔亮以後選人常以年勞爲制,文襄乃釐改前式, 銓擢唯在得

既因才幹柄用,而邢(邵)、魏(收)亦以文采收録(見北齊書叁肆楊愔傳,北史肆壹楊播傳;北 以推知也。隋書貳高祖紀下仁壽二年十月己丑詔書所命修撰五禮之薛道衡、王劭及與製禮有關 宇文泰所不得不深相畏忌,而與蘇綽之徒別以關隴為文化本位,虛飾周官舊文以適鮮卑野俗 齊書叁壹王昕傅,北史貳肆王憲傳;北齊書叁陸邢邵傳,北史肆叁邢巒傳;北齊書叁柒魏收 為仇讎敵國之所染化(見下章論職官、刑律、兵制諸書)。然則當日山東鄴都文化勢力之廣大可 非驢非馬,藉用欺籠一時之人心,所以至其子(武帝)併齊之後,成陵之鬼餒,而開國制度己漸 恢復厳盛於鄴郡。魏孝文以來,文化之正統仍在山東,遙與江左南朝並為衣冠禮樂之所萃,故 夫當時所謂「妙選人地」,即「選用漢化士族」之意義,故高氏父子既執魏政,楊(愔)、王(昕及晞 兹節引史傳證之如下: 之人如裴矩、 北史伍陸魏收傳)。洛陽文物入才雖經契胡之殘毀,其遺燼再由高氏父子之收掇,更得以 劉焯、劉炫、李百藥等,其本身或家世皆出自北齊,以廣義言,俱可謂之齊入也。

隋書伍柒薛道衡傳(北史叁陸薛辯傳同)略云:

突厥,召典軍書,還除內史舍人。除吏部侍郎,坐黨蘇威除名, 鄉里。高祖作相,從元帥梁睿擊王謙,攝陵州刺史。高祖受禪, 漸見親用,頗有附會之饑,後與斛律孝卿參預政事。及齊亡,周武引爲御史二命上,後歸 館,與范陽盧思道、安平李德林齊名友善。復以本官直中書省,尋拜中書侍郎。後主之時 薛道衡, 直内史省,後敷歲授内史侍郎。 河東汾陰人也。〔齊後主〕武平初韶與諸儒修定五禮,除尚書左外兵郎。 坐事除名。 配防嶺表。尋有韶徵還, 河間王弘北征 待韶文林

儀注以為準」,自所當然也。 樞要,隋文命其修定隋禮,自為適宜,而道衡依其舊習,効力新朝,史言隋禮之修[悉用東齊 寅恪案:道衡家世本出北齊,其本身於北齊又修定五禮,參預政事,及齊亡歷周入隋, 復久當

隋書陸玖王劬傳(北史叁伍王慧龍傳同)略云::

王劭,太原晉陽人也。父松年齊通直散騎侍郎。 太子舍人,待韶文林館,後遷中書舍人。齊滅入周,不得調,高祖受禪,授著作佐郎。 齊尚書僕射魏收辟[劭]參開府軍事,累遷

北史叁捌裴佗附知傳(隋書陸柒裴矩傳略同)略云:

裴佗字元化,河東聞喜人也。六世祖酰仕晉,位太常卿,因晉亂, 避地凉州, 苻堅平河

論證,見上文)。 注,矩與牛弘、李百藥(隋書裴矩傳不載李百藥名)等據齊禮參定(此條大部前已徵引,並附 啓人可汗初附,令矩撫慰之,還爲尚書左丞。其年(仁壽二年)文獻皇后崩,太常舊無儀 使馳召之,參相府記室事。受禪,遷給事郎,奏舍人事,除户部侍郎,遷内史侍郎。上以 文學,齊亡不得調。隋文帝爲定州總管,補記室,甚親近之,以母憂去職。及帝作相,遣 西,東歸,因居解縣,世以文學顯(寅恪案:此亦河西文化世家也)。[孫]矩仕齊爲高平王

隋書柒伍儒林傳劉焯傳(北史捌貳儒林傳下劉焯傳河)略云:

秀才,射策甲科,與著作郎王劭同修國史,兼參議律曆。劉炫聰明博學、名亞於焯,故時 博學通儒無能出其右者,焯又與諸儒修定禮律。 人稱二劉焉。天下名儒後進質疑受業,不遠千里而至者,不可勝數。論者以爲數百年已來 劉焯,信都昌亭人也。父洽郡功曹。少與河間劉炫結盟爲友,以儒學知名,爲州博士,舉

同書同卷劉炫傳(北史捌貳儒林傳劉炫傳同)略云::

與諸儒修定五禮,授旅騎尉。吏部尚書牛弘建議,以爲禮諸侯絶旁朞,大夫降一等,今之 劉炫,河間景城人也。少以聰敏見稱,與信都劉焯閉户讀書,十年不出。周武帝平齊,瀛 州刺史宇文亢引爲户曹從事,後奉勅與著作郎王劭同修國史,又與諸術者修天文律曆,又

子雖疏遠,猶服縗三月,良由受其恩也。今之仕者位以才升,不限適庶,與古既異, 醮。炫著論以爲不可,弘竟從之。諸郡置學官及流外給廩皆發於炫。 勢使然也,又以風俗陵遲,婦人無節,於是立格,州縣佐吏三年而代之,九品妻無得再 之有?]遂寢其事。煬帝即位,牛弘引炫修律令。高祖之世以刀筆吏類多小人,年久長姦! 曰:「古之仕者宗一人而已,庶子不得進,由是先王重適,其宗子有分禄之義,族人與宗 上柱國雖不同古諸侯,比大夫可也,官在第二品宜降旁親一等,議者多以爲然。炫駮之 何降

同書肆貳李德林傳(北史柒貳李德林傳同)略云:

朕本畏爾逐齊主東走,今聞猶在,大以慰懷,宜即入相見。」道和引之入內,遣內史宇文 律令,事龁奏聞,别賜九環金帶一腰、駿馬一匹,賞損益之多也。 自此以後韶誥格式及用山東人物一以委之。開皇元年勅令與太尉任國公于翼、高頌等同修 昂訪問齊朝風俗政教人物善惡,即留內省,三宿乃歸,仍遣從駕,至長安,授內史上士, 事。及周武帝克齊,入鄴之日勅小司馬唐道和就宅宣旨慰喻云:「平齊之利, 李德林,博陵安平人也。齊主留情文雅,召入文林館,又令與黃門侍郎顏之推同判文林館 唯在於爾

舊唐書裝貳李百藥傳(新唐書壹伯貳李百藥傳同)略云:

李百樂,定州安平人。隋内史令安平公德林子也。開皇初授東宫通事舍人,還太子舍人,

令,撰齊書。 定律令,撰陰陽書。〔唐太宗〕貞觀元年召拜中書舍人,賜爵安平縣男,受韶修定五禮及律 素、吏部尚書牛弘雅愛其才,奏授禮部員外郎。皇太子勇又召爲東宮學士。韶令修五禮 兼東宫學士。或嫉其才而毁之者,乃謝病免去,十九年追赴仁壽宫令襲父爵。

皇后喪議,復於唐貞觀世修定五禮,則隋唐禮制與北齊人士有密切關係,於此可見也。 克骧、裴玫、袁朗等,俱屬於梁陳系統者也。以後略依時代先後,節録史傳之文,證之如下: 所命修定五禮諸臣中如許善心、虞世基,以及其名不見於此詔書中而亦預聞修定禮儀制度之明 論隋唐制度(北)魏、(北)齊之源既竟,茲略考其梁陳之源,凡隋高祖仁壽二年閏十月己丑詔書 禮,已於前文論之。李德林為齊代文宗,周武得之,特加獎擢。百藥承其家學,既多定隋文獻 品官降旁親服一等之議, 寅恪案:王劭、劉焞、劉炫皆北齊儒學之士,而三劉尤為北朝數百年間之大儒。觀炫駮牛弘三 則知山東禮學遠勝於關隴也。裴矩用東齊儀注以佐牛弘定獨孤

滅,歸於長安,周明帝引爲麟趾殿學士。[隋]高祖受禪,拜太子内舍人。轉率更令,太子 釋裼湘東王法曹參軍,仕歷司徒祭酒,尚書都官郎中、散騎侍郎、國子博士、中書侍郎。 明克讓,平原鬲人也,父山賓梁侍中。克讓博涉書史,所覽將萬卷,三禮禮論尤所研精。 隋書伍捌明克讓傳(北史捌叁文苑傳明克讓傳同)略云::

以師道處之,恩禮甚厚。於時東宮盛徵天下才學之士,至於博物治聞, 皆出其下。 韶與太

常牛弘等修禮議樂,當朝典故多所裁正。開皇十四年以疾去官,卒年七十。

寅恪案: 梁書貳柒明山賓傳(南史伍拾明僧紹附山賓傳同)略云:

儀十五卷。(參上文所引隋書叁叁經籍志史部儀注類梁吉禮儀注條。 時初置五經博士,山賓首膺其選,所著吉禮儀注二百二十四卷、禮儀二十卷、孝經喪禮服 山賓年十三博通經傳。梁臺建,爲尚書駕部郎,遷治書侍御史右軍記室參軍, 掌治吉禮。

據此, 儀;, 牛弘製定五禮, 山賓為梁代修定儀注之人,以禮學名世,克讓承其父學, 欲取資於蕭梁,而求共事之人,則克讓實其上選無疑也。 據梁朝之故事, 修隋室之新

隋書捌禮儀志略云

開皇中,韶太常牛弘、太子庶子裴政,撰宣露布禮。

梁書貳捌裴邃傳附之禮傳(南史伍捌裴邃傳同)云::

子政承聖中官至給事黄門侍郎,江陵陷,隨例入西魏。

隋書陸陸裴政傳(北史柒柒裴政傳同)略云:

之禮廷尉卿。政博聞强記,達於時政,爲當時所稱。江陵陷,與城中朝士俱送於京師, 河東聞喜人也。高祖壽孫從宋武帝家於壽陽, 祖選梁侍中左衛將軍豫州大都督, 授

餘人,凡疑滯不通,皆取決於政。 多遵古禮,革漢魏之法,事並施行。尋授刑部下大夫。政明習故事,參定周律,用法寬 員外散騎侍郎,引事相府,命與盧辯依周禮建六卿設公卿大夫士,並撰次朝儀車服器用、 韶與蘇威等修定律令。政採魏晉刑典,下至齊梁,沿革輕重取其折衷, 無有冤濫。又善鐘律。宣帝時以忤旨免職,高祖攝政,召復本官。開皇元年轉率更 同撰著者十有

度者,與其在西魏北周時迴不相同,今以其屬於刑律範圍,俟於後刑律章論之。 創制律令,上採魏晉,下迄齊梁,是乃真能用南朝之文化及己身之學業,以佐成北朝完善之制 胎譏通識, 寅恪案:裴政為南朝將門及刑律世家,其與盧辯之摹倣周禮,為宇文泰文飾胡制, 殆由亡國俘囚受命為此,諒非其所長及本心也。故一入隋代,乃能與蘇威等為新朝 童牛角馬、

隋書伍捌許善心傳(北史捌叁文苑傳許善心傳同)略云:

官直門下省。〔開皇〕十七年除祕書丞。〔仁壽〕二年加攝太常少卿,與牛弘等議定禮樂。 隋,遇高祖伐陳,禮成而不獲反命,累表請辭,上不許,留繁賓館。及陳亡,高祖勅以本 許善心,高陽北新城人也。祖茂,父亨。善心家有舊書萬餘卷,皆徧通涉。貞明二年聘於

寅恪案:梁書肆拾許懋傳(南史陸拾許懋傳同)略云:

尤曉故事,稱爲儀注之學。天監初,吏部尚書范雲舉懋參詳五禮。時有請封會稽禪國山

吴天上帝亦如之,良由天神尊遠,須貴誠質,今泛祭五帝, 理不容文。]改服大裘, 年,懋始請造大裘,至是有事於明堂,儀注猶云服衮冕。懋駮云:「禮云:大裘而冕, 始也。又降勅問:「凡求陰陽,應各從其類,今雩祭燔柴以火祈水,意以爲疑。」懋答曰: 漢之説。」韶並從之。凡諸禮儀多所刊正。 "雩祭燔柴經無其文,良由先儒不思故也、請停用柴,其牲牢等物悉從坎瘞,以符周宣雲 因推演懋議, 高祖雅好禮, 稱制旨以答請者,由是遂停。宋齊舊儀郊天祀帝皆用衮冕, 因集儒學之士草封禪儀, 將欲行焉, 懋以爲不可, 因建議, 至天監七 高祖 自此 嘉納

據此, 其梁陳故事,足供採擇者,乃其家世顓門之業也。 許懋允曉故事,以儀注之學著名梁時,又參詳五禮, 凡諸禮儀多刊正,則善心之預修隋

隋書陸柒虞世基傳(北史捌叁文苑傳虞世基傳同)略云:

奂見而歎曰:「南金之貴屬在斯人。」少傅徐陵一見而奇之,顧謂朝士曰:「當今潘陸也。」 因以弟女妻焉。仕陳釋褐建安王法曹參軍,遷中庶子散騎常侍尚書左丞。及陳滅歸國, 虞世基,會稽餘姚人也。父荔,陳太子中庶子。世基博學有高才,兼善草隷。陳中書令孔 爲

舊唐書賣政拾上文苑傳袁朗傳(新唐書貳佰壹文藝傳上袁朗傳同)略云:

通直即,

直内史省,

未幾拜内史舍人。

草、嘉蓮二頌,深見優賞,遷祕書丞。陳亡,仕隋爲尚書儀曹郎。 文,在陳釋褐祕書郎,甚爲尚書令江總所重。嘗製千字詩,當時以爲盛作。陳後主聞而召 入禁中,使爲月賦,朗染翰立成。後主曰:「觀此賦,謝希逸不能獨美於前矣。」又使爲芝 陳尚書左僕射樞之子。其先自陳郡仕江左,世爲冠族,陳亡,徙闕中。 朗勤學好屬

芳,然則史所謂隋「採梁儀注以為五禮」者,必經由此諸人所輸入,無疑也。(袁朗參預制定衣 冠事見隋書壹貳禮儀志大業元年詔,兩唐書朗本傳未載。) 時者也。隋修五禮,欲採梁陳以後江東發展之新跡,則兹數子者,亦猶北魏孝文帝之上肅、 寅恪案:明克讓、裴政俱以江陵俘虜入西魏,許善心以陳未聘使值國滅而不歸,其身世與庾信 虞世基、袁朗在陳時即有才名,因見收擢,皆為南朝之名上,而家世以學業顯於梁陳之

者,仍頗有誤會,故不憚繁瑣,重為申證,惟前文已徵引者,則從略焉。 雖受周禪,其禮制多不上襲北周,而轉倣北齊或更採江左蕭梁之舊典,與其政權之授受,王業 今已略據史傳,以考隋制五禮之三源,請史舉隋書禮儀志之文,以為例證。主旨在闡明隋文帝 之繼承, 迴然別為一事,而與後來李唐之繼楊隋者不同。此本極顯著之常識, 但近世之論史

隋書陸禮儀志略云:

後周憲章姬周, 祭祀之式多依儀禮。 (隋)高祖受命, 欲新制度, 乃命國子祭酒辛彦之議定

祀典。

寅恪案:此隋祀典不襲北周之例證也。

又同書同卷略云:

寅恪案:此梁更易齊制,乃南朝後期與其前期演變不同之例證。隋制五禮既用代表南朝前期之 (北)魏、(北)齊制,又不得不採代表南朝後期之梁制,以臻完備也。 明堂在國之陽,梁初依宋齊,其祀之法,猶依齊制,禮有不通者,武帝更與學者議之。

又同書柒禮儀志略云:

可也。 開皇四年十一月韶曰:「古稱臘者接也,取新故交接。前周歲首今之仲冬,建冬之月稱蜡 隋初因周制,定令亦以孟冬下亥蜡百神,臘宗廟,祭社稷,其方不熟,則闕其方之蜡焉。 後周用夏后之時,行姬氏之蜡,考諸先代,其義有違,其十月行蜡者停,可以十二

月爲臘。」於是始革前制。

寅恪案:此隋祀典不襲北周制之例證也。

乂同書捌禮儀志略云:

後魏每攻戰剋捷,欲天下知聞、迺書帛建於竿上,名爲露布,其後相因施行。 太常卿牛弘、太子庶子裴政撰宣露布禮。及九年平陳,元帥晉王以驛上露布, 開皇中迺韶 兵部奏請依

新禮宣行。

被俘之一人,而以律學顯名者也。詳上文所引史傳,茲不備述。 寅恪案:此為隋代修禮,承襲北魏遣産,而更與南朝專家考定之一例證。裴政木江陵陷後朝士

又同害拾禮儀志略云:

輿輦之別,蓋先王之所以列等威也。然隨時而變,代有不同。梁初尚遵齊制,其後武帝既

議定禮儀,乃漸有變革。

象、革、木等五輅及五色副車。 陳承梁末,王琳縱火,延燒車府。至天嘉元年,勅守都官尚書寶安侯到仲舉議造玉、金、 此後漸修, 具依梁制。

寅恪案:此南朝後期文物發展變遷,梁創其制而陳因之之例證也。

又同書同卷略云:

帝又韶侍中崔光與安豐王延明、博士崔瓚採其議,大造車服。 李韶更奏詳定,討論經籍,議改正之,唯備五輅,各依方色,猶未能具。至熙平九年, 後魏天興初韶儀曹郎董謐撰朝饗儀,始制軒冕,未知古式,多違舊章。孝文帝時,儀曹令 自斯以後, 條章粗備, 北 明 齊

咸取用焉。其後因而著令,並無增損。

寅恪案:李韶、崔光傅文前已徵引,韶之家世代表河西文化,光之家世代表南朝前期文化, 據

法。故北齊咸取用焉, 此可知魏初之制多違舊章, 其後因而著令, 得河西南朝前期之文化代表入物, 並無增損, 是北齊义物即河西及南朝前期之遺産, 始能制定一代新禮, 足資後 來帥

又同害问卷略云:

為證,其事益明顯矣。

之。開皇元年,内史令李德林奏:「周魏輿輦乖制,請皆廢毀。」高祖從之,唯留魏太和李 韶所制五輅,齊天保所遵用者,又留魏[肅宗]熙平中太常卿穆紹議皇后之輅。 取尤異者, 及[周]平齊,得其輿輅,藏於中府,盡不施用,至大象初,遣鄭鐸閱視武庫,得魏舊物, 並加雕飾,分給六宮,合十餘乘,皆魏天輿中之所制也。 周宣帝至是咸復御

之例證也 文及其後嗣所採用南朝前期之义物,經北齊遂成為一系統結集者。此隋在文物上不繼周而 禮制典草,尤所諳練(見前文所引),故請毀廢而用魏太和熙平齊大保之制度, 寅恪案:周襲魏天興舊制, 雖加雕飾, 仍不合華夏文化正式系統也。李德林本北齊舊臣, 而此制度即 當時 因齊 魏孝

又同書同卷略云:

用舊物。 象輅已下旒及就數各依爵品, 至九年平凍, 又得輿輦, 雖依禮製名, 未及創造, 舊著令者, 以付有司, **開皇二年閏十二月並韶停造,** 所不載者, 並皆毁棄, 雖從儉 而盡

省, 而於禮多闕。十四年, 韶又以見所乘車輅因循近代,事非經典, 於是命有司詳考故

實,改造五輅及副。

尚書安平公宇文愷、内史侍郎虞世基、禮部侍郎許善心、太府少卿何稠、 大業元年,更製車輦,五輅之外設副車,詔尚書令楚公楊素、吏部尚書奇章公牛弘、工部 朝請郎闍毗等詳議

奏决,於是審擇前朝故事,定其取捨云。

之發展者增補之不可,此閉皇十四年所以有更議之詔也。又大業元年所命議製車輦諸臣,其中 保守主義,其乘用以限於舊令所著,是以於禮多闕,蓋欲求備禮,非更以南朝後期即梁陳二代 寅恪案:興輦之制,隋文帝受禪不襲周而因齊,即因襲南朝前期之文物,經過魏太和、齊天保 築節中考證之,茲姑不涉及,以免枝蔓淆混焉。 至宇文愷、何稠、閻毗三人, 俱特以工巧知名, 大部分前已論及,而虞世基、 而制度尚有所未備者, 許善心則南朝後期文物即梁陳文化之代表者,可為鄙説之例證也。 則南朝後期梁陳之文物未能採用故也。開皇九年平陳, 其參與此役,蓋由於此,將於下文附論都城建

又同書同卷略云:

半。大業初屬車備八十一乘, 三年二月帝嫌其多, 問起部郎閻毗。毗曰:「臣共宇文愷參 屬卓秦爲八十一乘,漢遵不改,法駕三十六乘,小駕十二乘。開皇中大駕十二乘,法駕减

法令,憲章往古,大駕依秦,法駕依漢,小駕依宋。]帝曰:「大駕宜用三十六,法駕十 平王宏曰:『八十一乘無所準憑,江左五乘儉不中禮, 詳故實,此起於秦,遂爲後式,又據宋孝建時有司奏議,晉遷江左,唯設五乘。尚書令建 二,小駕除之可也。」 宜設十二乘。』 開皇平陳, 因以爲

時議定輿輦,天子屬車十有二乘,至大明元年九月有司奏皇后副車未有定式,韶下禮官議 皇后屬車三十六乘。初宇文愷、閻毗奏定請滅乘輿之半。禮部侍郎許善心奏駁曰:「宋孝建 正其數,博士王燮之議謂十二乘通關爲允,宋帝從之,遂爲後式,今請依乘輿,不須差 】制曰:「可c _

平陳之故得以效法。至許善心駮皇后屬申之數不應差降,請從宋制為準, 寅恪案:屬甲之數,晉遷江左為五乘,宋改十二乘,開皇平陳,因以為法令,雖曰依宋,實因 為隋代制度之準憑,於此可見。此隋文制禮兼採南朝文物之例證也。 則南朝舊臣以其所習

又同書壹壹禮儀志略云:

缚清河王懌、黄門侍郎韋廷祥等奏定五時朝服, 未能皆得舊制。 自晉遷江左,中原禮儀多缺。後魏天輿六年, 至太和中方考故實,正定前謬, 韶有司始制冠冕,各依品秩, 準漢故事, 五郊衣幘, 各如方色焉。及後 更造衣冠,尚不能周治。及至熙平二年太 以示等差,

齊因之,河清中改易舊物,著令定制云。

後周設司服之官,掌皇帝十二服。[又]諸公侯伯子男三公三孤公卿上中下大夫士之服。

[义]皇后衣十二等。

[周] 宣帝即位,受朝於路門,初服通天冠絳紗袍,羣臣皆服漢魏衣冠。

例證也。 隨順當日之趨勢, 輸入之晉南遷以後江左之文物也。周滅齊不久,即已採用齊之制度, 寅恪案:周宣帝即位當時已服漢魏衣冠。所謂漢魏衣冠, 更加以普遍化而已。此點當於後論府兵制時詳之, 即自北魏太和迄北齊河清時期北朝所 兹即就禮制言, 然則隋之採用齊制 亦最顯之 不過

乂通鑑壹柒叁陳紀, 太建十一年春正月癸巳周主受朝於露門, 始與羣臣服漢魏衣冠條, 胡注

以此知後周之君臣,前此蓋胡服也。

典禮如元旦朝賀時服用之。史載宣帝君臣服用漢魏衣冠者,乃不依後周先例服用摹倣禮經占制 之衣冠,而改用東齊所承襲南朝北魏制度之意。舊史論官制時往往以周官與漢魏對文亦此意 **賣壹禮儀志文,後周設司服之官下所列君臣衣冠諸制是也。** 寅恪案:前此後周之君臣平時常服或雜胡制, 而元旦朝賀, 此種摹倣古制之衣冠,當然於正式 即服用摹擬禮經古制之衣冠, 隋書

終不能不為之者,蓋有所不得已也。 也。若依胡氏之説,豊後周既倣古制定衣冠,而不於正式典禮時用之,更將於何時用之乎? 磵本通人,於此尚偶有未照! 然則此書之分析系統, 追溯淵源, 其語似甚繁,其事似甚瑣 ΙΠΊ 梅

又隋書壹貳禮儀志略云:

五行, 是定令採用東齊之法 考尋故事, 唯幘從衣色。 志云,立春之月京都皆著青衣, 今皇隋革命,憲章前代,其魏周輦輅不合制者,己勅有司盡令除廢。然衣冠禮器尚且兼 行,乃有立夏衮衣以赤爲質, 論之,稱爲違古是也。周氏因襲,將爲故事,大象承統,咸取用之。 未載其攝太常少卿,俟考)奏曰:「竊見後周制冕,加爲十二,既與前禮數乃不同,而色應 子庶子攝太常少卿裴正(寅恪案:正疑當作政,但隋書、北史裴政傳俱言政, [隋]高祖初即位, 又非典故,且後魏以來制度咸闕,天興之歲草創繕移,所造車殷多參胡制, 將改周制, 今請冠及冕色並用玄, 迎秋平冕用白成形, 乃下韶曰:「祭祀之服須合禮經, 秋夏悉如其色。 建於魏晉迎氣五郊, 行禮之人皆同此制, 唯應著幘者任依漢晉。]制曰:「可! 既越典章,須革其謬。 宜集通儒, 輿輦衣冠甚多迂怪。 謹案續漢書禮儀 更可詳議! 轉左庶子, 故魏收 _____大 而

寅恪案:此隋制禮服不襲周而因齊之例證也。齊又襲魏太和以來所採用南朝前期之制,而汪左

之制源出自晉,上溯於漢,故曰漢晉,其引續漢書禮儀志以為依據,尤其明徵也。至其目北周 後之論史者往往稱羨字文氏之制度,若聞裴氏之言,當知其誤矣。 車服為迂怿,乃以古禮文飾胡俗所必致,大抵宇文泰之制作皆可以迂怪日之,豈僅車服而已

义同書同卷略云:·

焉。 冠 弘、 器物,衣冠法服始依禮具,然皆藏御府, **[隋] 高祖元正朝會方御通天服,郊丘宗廟盡用龍衮衣,大裘毳襦皆未能備。** 工部尚書字文愷、兼內史侍郎虞世基、給事郎許善心、儀曹郎袁朗等憲章古制,創造衣 自天子逮於胥阜,服章皆有等差,若先所有者,則因循取用。弘等議定乘輿服合八等 弗服用馬。及大業元年, 煬帝始詔吏部尚書牛 至平陳,

制度之關係密切如此。 制禮兼資梁陳之例證也。 寅恪案:史言隋高祖平陳,得其器物, 故梁陳舊人若虞世基、許善心、袁朗等尤為制定衣冠不可少之人, 衣冠法物, 始依禮具,然則南朝後期文物之發展與隋代 此隋

又同書同卷略云:

在禮無文,故知天子所冠其來久矣。 通天冠之制,曾起居注成帝咸和五年制韶殿为曰,平天通天冠並不能佳, 可更修理之。

同。此隋制禮逕據江東習俗為典據,而不泥經典舊文以承北周制度之例證也。 寅恪案:雖在禮無文,而為東晉南朝所習用者, 即為典據, 蓋與北周制法服之泥執周官者不

又同書同卷略云:

冕。』自宋以下始定此儀,至梁簡文之爲太子,嫌於上逼,還冠遠遊,下及於陳,皆依此 禮爲允。]帝曰:「善!]竟用開皇舊式。 故?|對曰:「晉令皇太子給五時朝服遠遊冠。至宋泰始六年更議儀注, 令臣下服於衮冕,故太子入朝因亦不著。宜遵前王之令典,革近代之陋制,皇太子朝請服 丞陸澄議:『服冕以朝,實著經典,自秦除六冕之制, 始後周採用周禮,皇太子朝賀皆衮冕九章服。開皇初自非助祭皆冠遠遊冠。至此, **『案周禮公自衮冕已下至卿大夫之玄冕皆其朝聘之服也。謂宜式遵盛典,** 云:「皇太子冬正大朝請服衮冕。」帝問給事郎許善心曰:「太子朝謁著遠遊冠, 後周之時亦言服衮入朝,至於開皇,復遵魏晉故事。臣謂皇太子著遠遊謙不逼尊, 後漢始備,魏晉以來非祀宗廟不欲 儀曹郎丘仲起議: 服衮朝賀。』兼左 有何典 牛弘奏

後期較近之故事為典據,可知北齊間接承襲南朝前期之文物尚有所不足,不得不用梁陳舊人以 寅恪案:此節可取作例以為證明者,即隋代制禮實兼採梁陳之制,雖北周之制合於經典,牛弘 亦所同意, 然煬帝從許善心之言,依魏晉故事,不改開皇舊式, 蓋不欲泥經典舊文,而以江東

佐参定也。

又同書同卷略云:

梁武受禪於齊,侍衛多循其制,陳氏承梁,亦無改革。

後周警衛之制置左右官伯,掌侍衛之禁,各更直於内。 齊文宣受禪之後,警衛多循後魏之儀,及河清定令,宫衛之制云云。(從略)

隋] 高祖受命,因周齊宫衛微有變革。

隋修五禮,其所據之三源已略考證之矣。李唐承隋禮制,亦因其舊,此學者所共知,無待詳 寅恪案:宫衛之制關涉兵制,當於後兵制章詳之,茲姑置不論。但史述隋宫衛之制謂因於周齊 而微有變革,絕與南朝梁陳無洮,此為論隋唐兵制之要見,亦隋兼襲齊制之例證也。 今惟略引一一舊文,以備佐證云爾。唐會要夸柒五禮篇目門(舊唐書貳壹禮儀志略同)云: 武德初,朝廷草創,未違制作,郊祀享宴,悉用隋代舊制。至貞觀初,韶中書令房玄齡、 神州者國之所託,餘八州則義不相及,近代通祭九州,今唯祭皇地祇及神州,以正祀典。 令蜡法唯祭天宗,謂日月以下,近代蜡,五天帝、五人帝、五地祇皆非占典,今並除之。 祕書監魏徵、禮官學士備考舊禮,著吉禮六十一篇、賓禮四篇、軍禮二十篇、嘉禮四十二 凶禮六篇、國恤禮五篇,總一百三十八篇,分爲一百卷。初玄齡與禮官建議,以爲月

又皇太子入學及太常行山陵、天子大射合朔、陳五兵於太社、農隙講武、 四孟月讀時令、天子上陵朝廟、養老於辟雍之禮, 七年正月二十四日獻之, 韶行用焉。 皆周隋所闕,凡增二十九條, 納皇后行六禮

新唐書宣壹禮樂志云:

是爲大唐開元禮。由是五禮之文始備,而後世用之, 後不同,宜加折衷,以爲唐禮。乃詔集賢院學上右散騎常侍徐堅、左拾遺李鋭及太常博士 上疏請删去禮記舊文,而益以今事,韶付集賢院議。學士張説以爲唐貞觀、顯慶禮儀注前 宗又韶太尉長孫無忌等增之爲一百三十卷,是爲顯慶禮。玄宗開元十四年,通事舍人王喦 爲古禮六十一篇,賓禮四篇,軍禮二十篇,嘉禮四十二篇、凶禮十一篇,是爲貞觀禮。高 施敬本撰述, 上陵朝廟、養老、 唐初即用隋禮,至太宗時中書令房玄齡、祕書監魏徵與禮官學士等, 歷年未就,而銳卒,蕭嵩代鋭爲學士,奏起居舍人王仲丘撰定一百五十卷, 大射講武、讀時令、納皇后、太子入學、太常行陵、合朔、陳兵太社等 雖時小有損益,不能過也。 因隋之禮, 增以天子

圍 隋禮,太宗時制定之貞觀禮, 寅恪案:唐曾要及舊唐書之所謂古禮,參以新唐書之文, 玄宗時制定之開元禮,乃折中貞觀、顯慶二禮者,故亦仍問接襲用隋禮也。既「後世用之 即據隋禮略有增省,其後高宗時制定之顯慶禮, 足知即為隋禮。然則唐高祖時 亦不能脱 固全雙 此舱

₹

系統可尋矣 不能大過」,是唐禮不亡即隋禮猶存,其所從出之三源者, 代之文物制度者,於上所列舉之三源,究其所出, 窮其所變, ,亦俱託唐禮而長存也。 而後其嬗蜕演化之跡象, 然則治李唐

附;都城建築

捌地理志關內道所云: 唐之宫城承隋之舊,猶清之宫城承明之舊, 但其事至明顯,無取多述,但舉一證, 如舊唐書叁

師是也。 京師, 秦之咸陽 漢之長安也。 隋開皇二年,自漢長安故城東南移二十里, 置新都, 今京

影響, 解釋, 因, 朝之位置所以與前此之長安殊異者,實受北魏孝文營建之洛陽都城及東魏、 即已足矣,然隋創建新都大興城,其宫市之位置與前此之長安不同, 紀念東洋史論叢那波利貞氏從支那首都計畫史上考察唐之長安城)。寅恪則謂隋創新都,其市 而推及隋代營造新都者家世之所出,遂以為由於北魏胡族系之實行性者(見桑原隲藏還曆 此乃隋代大部分典章制度承襲北魏太和文化之一端,與其以北魏胡族系之實行性一點為 無寧就楊隋一代全部典章制度立論較易可通,或竟以太和洛都新制歸功於河西系漢族之 世有追究其所以殊異之原 北齊之鄴都南城之

述隋代技術人才之家世, 漢族之家學一點相類, 實行性, 系之實行性,然隋代之技術人才則頗與西胡種族有關, 似尚可備一説,以資參考也。又隋代新都其市朝位置之異於前者,雖非 亦不可置而不論,故茲先論隋唐兩朝制度與北魏太和文化之關係, 所以補上文論隋大業元年制定車輦條之所未備言者也。 此固別為一事, 以其與前所論中古時代 由於北魏胡族

面朝背市。

周官考工記匠人云::

徴引), **其解釋雖謂宮在正中,** 央政治革命之成敗所以往往繫於玄武門衛軍之手者也。(此點本甚明顯,一檢史文便可證知 守衛宫城北門之禁軍,以其駐屯地關係之故, 然則西漢首都宫市之位置與考工記匠人之文可謂符合,豈與是書作成之時代有關耶?至唐代則 宫則六街三市」,是與隋唐首都之大與長安城其宫位於首都之北部, 南北軍制之言(詳見前中央研究院社會科學研究所兵制研究專號上質昌羣先生南北軍論文中所 市位於宫之北也。考工記之作成時代頗晚, 則無可疑,故其所依據匠人營國之材料其中必有為當時真正之背景者。據古今學人論漢初 推知西漢首都之長安[司馬門在未央宫之南, 朝在其南,而市在其北。然僅從宮與市位置言,即是宫位於市之南, 要乃為儒家依據其所得之材料, 在政變之際,其向背最足為重輕, 直抵長安城垣, 市則位於南部者適為相反。 並無坊市, 而加以理想化之 此李唐一代中 而未央宫長樂 或

惟唐武德九年六月四日玄武門之變,太宗所以能制勝建成元吉者,其關鍵實在守玄武門之禁 以供參證,於當日成敗所以然之故益瞭然可知矣。) 而舊史記載殊多隱諱,今得巴黎圖書館藏敦煌寫本伯希和號貳陸肆拾李義府撰常何墓誌銘

又若依寅恪前所持文化淵源之説, 南齊書伍柒魏虜傳略云: 則太和洛陽新都之制度必與江左、河西及平城故都皆有關無

命。 之官,今爲副使,必欲模範官闕,豈可令氈鄉之鄙取象天宫,臣謂且留少游, 宫殿楷式。清河崔元祖啓世祖曰:「少游臣之外甥,特有公輸之思,宋世陷虜, 平城南有干水,出定襄堺,流入海,去城五十里,世號爲索干都, 六月雨雪。]世祖以非和通意,不許。 議遷都洛京,〔永明〕九年遣使李道固、蔣少游報使。少游有機巧,密令觀京師 少游,樂安人,虜宫室制度皆從此出。 土氣寒凝, 風砂恆起、 處以大匠 令使主反

使江左, 畫,是否真與建康有關, 寅恪案:建康臺城雖頗近城北,然其宫城對於其地山川形勢與北魏洛都有異,故洛都全體計 **造少游乘傳詣洛**, 如其量準洛陽魏晉廟殿之例,而非都城全部之計畫。史言:「虜宫室制度皆從此出」, 自有摹擬建康宫闕之意。崔元祖之言不為虛發,但恐少游所摹擬或比較者,僅限於宫 量準魏晉基址。後為散騎侍郎, 殊難論斷。但魏書北史蔣少游傳(見前引)言:「後於平城將營太廟太 副李彪使江南」,故魏孝文之遣少游

則言過其實,蓋北魏洛陽新都之全體計畫中尚有平城、 然則不得依南齊書魏虜傳之文,遽推斷北魏洛都新制悉倣江左之建康明矣。 河西一 一因了, 且其規畫大計亦非少游主

柒魏**虏**傳略云: 至平城舊都規制必有影響於洛陽新都, 自無疑義, 但當日平城宮城規制頗不易考知, 南齊書伍

什翼珪始都平城, 坊開巷,坊大者容四五百家, 黄龍(指北燕馮氏)徙其居民, 猶逐水草, 大築郭邑, 小者容六七十家。 無城郭, 木末始土著。 截平城西爲宫城, 佛狸破梁(凉?)州(指北凉沮渠氏), 其郭城繞宫城南, 悉築爲坊

何, 洛陽新都)。如是遷就, 蓋皆就己成之現實增修, 後,平城之新建築如郭城繞宮城南,悉築為坊一點,與後之東魏鄴都南城之制頗有近似之處 寅恪案:魏徙凉州之人民於平城, 則不宜輒加論斷也 其詳容後證述,總之史料既太略, 以摹擬他處名都之制者(平城新制擬凉州都會, 建築彫刻藝術受其影響, 魏平城新制所受河西文化之程度如 如雲岡石窟即其例證, 而鄴都南城不得不擬 故魏平凉州

料推測凉州都會姑臧宫城之規制。若所推測者不誤,則是平城規制之直接影響於洛陽新都者亦 都之人即李冲之家世一端。其人與河西關係密切,不待詳述,故引史文以資論證, 但依較詳之史料考察, 關於北魏洛都新制所受河西文化之影響, 可得而言者, 則有主建洛陽新 並據簡略史

即河西文化之間接作用也。魏書柒下高祖紀(北史叁魏本紀同) 云:

太和十七年冬十月,徵司空穆亮與尚書李沖、將作大匠董爵經始洛京。

新都之規制悉出自李沖一人。魏書李沖傳所謂: 掌,故以之領護此役;董爵則官將作大匠,建築是其職務,故不得不使之參預其事;其實洛陽 年作董爾)三人。此三人中穆亮仍代北舊人具有勛貴之資望,且職為司空,營國之事本冬官所 寅恪案:北魏孝文帝遷都洛陽,其營建之任委之穆亮、李沖及董爵(通鑑壹叁玖齊紀永明十一

於河西系漢族李沖本身求之,而凉州都會之規模,及其家世舊聞之薰習,疑與此洛都新制不無 異於前北國都皇居在南市場在北之特點,亦可於吳若準洛陽伽藍記集證、唐晏洛陽伽藍記鈎沉 者,是其明證也。北魏太和洛陽營建規制今日尚可於楊衒之洛陽伽藍記一書約略得知, 關涉。茲設此假想,分別證述之如下: 所附圖見之,不待詳證也。然則北魏洛都新制所以異於經典傳統面朝背市之成規者,似不得不 沖機敏有巧思,洛陽初基,安處郊兆,新起堂寢,皆資於沖。(前文已引。) ΠIJ 其顯

魏書李沖傳云:

葬於覆舟山,近杜預冢,高祖意也。(前文已引。)

蓋晉之杜預以儒者而有巧思, 其所創制頗多,見晉書叁肆杜預傳,茲不具述,惟其中請建河橋

冢非僅有取於預遺令儉約之旨,亦實以沖之巧思有類乎預,故以此二人相比方也。洛陽伽藍記 於富平津一事尤與西晉首都洛陽之交通繁盛有關, 甚為晉武帝贊賞。魏孝文之令李沖葬近杜預

叁其叙城南略云:

販客日奔塞下,所謂盡天地之區矣。樂中國土風因而宅者,不可勝數,是以附化之民萬有 館:西夷來附者處崦嵫館, 美,京師語曰:「伊洛鯉魴,貴於牛羊。 洛水南,號曰四通市, 餘家,門巷修整,閶闔填列,青槐蔭陌,緑柳垂庭,天下難得之貨,咸悉在焉。别立市於 宣陽門外四里至洛水,上作浮橋,所謂永橋也。永橋以南圜丘以北伊洛之間夾御道有四夷 民間謂永橋市, 賜宅慕義里。自慈續以西至於大秦,百國千城莫不款附, 伊洛之魚多於此賣,士庶須膾皆詣取之, 魚味甚 商胡

據此, 之經濟政策及營造便利有關, 北魏洛陽城伊洛水旁乃市場繁盛之區,其所以置市於城南者,殆由伊洛水道運輸於當日 此非全出假想也,請更證之以魏書柒玖成淹傳(北史肆陸成淹傳

同),其傳文略云:

慕容白曜, 義隆爲撫軍府中兵參軍。劉彧以爲員外郎, 成淹,上谷居庸人也,自言晉侍中粲之六世孫。祖昇家於北海, 赴闕授著作郎。太和中文明太后崩,蕭賾遣裴昭明、謝竣等來弔,欲以朝服行 假龍驤將軍領軍主, 令援東陽歷城, 父洪名犯顯祖廟諱, 皇興中降 仕劉

納。]敕賜驊騮馬一匹、衣冠一襲。於時宮殿初構,經始務廣,兵民運材日有萬計. 駒等主舟楫,將汎泗入河、泝流還洛,軍次碻磝,淹以黄河峻急,慮有傾危,乃上疏陳 在位,乃賜帛百疋,知左右二都水事。 河峻急, 昭明所言,淹以狀對,高祖韶沖曰:「我所用得人。」賜淹果食。高祖幸徐州,敕淹與閻龍 高祖勅淹曰:「朕以恆代無運漕之路,故京邑民貧,今移都伊洛,欲通運四方, 執志不移,高祖敕尚書李沖令選一學識者更與論執,沖奏遣淹。既而高祖遣李沖問淹 苦於厲涉,淹遂啓求勅都水造浮航,高祖賞納之。意欲榮淹於衆,朔旦受朝, · 人皆難涉,我因有此行,必須乘流,所以開百姓之心,知卿至誠,而今者不得相 而黄 伊洛 百官

孝文帝本身,然洛都營建,李沖實司其事,故一反傳統面朝背市之制,而置市場於城南者, 船乘,任之為都水使者,其事相類也(見前引魏書蔣少游傳)。但此經濟政策其最高主動者雖為 孝文令其主舟檝並知左右都水事等,可以推知。蓋與蔣少游之隸籍青州(樂安博昌),故孝文修 降人而受孝文帝之知賞,固由李沖之薦引,亦因淹本籍青州,習於水道運輸,觀其請建浮航及 加以擴充,則城南伊洛三川之傍水道運輸頗為便利,設置市場,乃最適宜之地。又成淹以南朝 原因, 據此,得知魏孝文遷洛原因,除漢化及南侵二大計畫外,經濟政策亦為其一。夫遷都既有經濟 則建置新都之宮闕市場,更不能不就經濟觀點加以考慮。洛陽之地,本西晉首都舊址,

也)之人物無疑也。今據一二簡略史义推測, 以論河西文化節中已言之,茲不復詳。故由史文推證, 李沖為西凉李暠之曾孫,其對於凉州之親故鄉里,尤所篤愛,至以此獲譏於世。前引李沖傳文 至於關係李沖河西家世一點,姑就假想試為略論,聊備一説而已,殊不可視作定論也。 就北魏胡族系之實行性以為解釋, 出於李沖之規畫。蓋李沖乃就地施工主持建設之人,此事非與之有關不可。此寅恪所以言與其 無寧歸功於河西系漢族李沖之實行性,較易可通也。 似凉州都邑頗有宫在城北而市在城南之狀況, 可知沖乃一保存鄉里土風國粹(西凉 如

纂,光之庶長子也。苻堅時入太學,及堅亂,西奔上邽,轉至姑臧,拜武賁中郎將, 武賁中郎將吕開率其禁兵距戰於端門。衆素憚纂,悉皆潰散。纂入自青角門,升於謙光 於是夜率壯士數百,踰北城攻廣夏門,弘率東苑之衆斫洪範門。左衛齊從守融明觀, 原公。光死,紹嗣僞位。[日]弘密告纂曰:「欲遠追廢昌邑之義, 之曰:「誰也?」衆曰:「太原公。」從曰:「國有大故,主上新立,太原公行不由道, 紹登紫閣自殺。 將爲亂耶?」因抽劍直前, 斫纂中額,纂左右擒之。纂曰:「義士也,勿殺!」紹遣 以兄爲中宗,何如?]纂 封太 夜入 逆問

水經注肆拾都野澤條引王隱晉書(參藝文類聚陸叁及太平御覽壹玖柒所引)云:

中城作四時宮,隨節遊幸。并舊城爲五,街衢相通二十二門。大繕宮殿觀閣,采妝飾擬中 駿增築四城箱各千步。東城殖園果,命曰講武場, 凉州城有龍形,故曰卧龍城。南北七里,東西三里,本匈奴所築,乃張氏之世居也。又張 北城殖園果, 命曰玄武圃, 皆有宫殿;

通鑑壹壹壹晉紀隆安三年凉王光疾甚條,胡注云:

- 廣夏門、洪範門皆中城門也。青角門,蓋凉州中城之東門也。

太平御覽壹陸伍州郡部凉州條引晉書云:

惠帝末,張軌求爲凉州,於是大城此城(姑臧)爲一府會以據之,號前凉, 吕光復據之, 號

後凉。

也。張氏築宮摹擬中夏,則前後二凉,其城門之名,必多因襲晉代洛陽之舊,考洛陽伽藍記序 若詳釋上引簡略殘缺之史料, 則知姑臧之中城即張氏、吕氏有國之宮城,齊從所謂禁城者是

太和十七年,後魏高祖遷都洛陽, 高祖因而不改。自廣莫門以西至於大夏門宫觀相連,被諸城上也。 西頭 曰大夏門, 漢曰夏門, 魏晉曰大夏門;東頭曰廣莫門, 韶司空穆亮管造官室,洛城門依魏晉舊名。北面有二 漢曰穀門, 魏晉曰廣莫

之洛陽就宫在北市在南一點言之,殊有相似之處。又姑臧本為凉州政治文化中心,復經張氏增

宫市位置為遷就舊址之故,不能與中國經典舊説符合。李沖受命規畫洛陽新制,

修,遂成河西模範標準之城邑,亦如中夏之有洛陽也。但其城本為匈奴舊建,

當張氏增築時

其

亦不能不就

西

無意之中受

晉故都遺址加以改善,殆有似張氏之增築姑臧城者,豈其為河西家世遺傳所薰習,

凉州都會姑臧名城之影響,遂致北魏洛都一反漢制之因襲, 姑備一説,自不得目為定論者也。 而開隋代之規模歟?此前所謂:

涉。故修建鄴都南城之高隆之為漢種,計劃大興新都之宇文愷為胡族, 長安之都邑建置全部直受北魏洛都之影響, 魏洛都新制其所以殊異於前代舊規之故, 此乃文化染習及師承問題, 雖不易確知,然東魏鄴都南城及隋代大興即 種族縱殊, 性質或別 與個人家世及性質無 唐代

此書所能詳盡,要為論北朝史事不可不知者,遂亦略著其意於此。 但同為北魏洛都文化系統之繼承人及摹擬者,則無少異。總而言之,全部北朝史中凡關於胡漢 而不以胡種漢種為分別,即文化之關係較重而種族之關係較輕,所謂有教無類者是也。此意非 實一胡化漢化之問題,而非胡種漢種之問題,當時之所謂胡人漢人,大抵以胡化漢化

北史伍肆高隆之傳(北齊書壹捌高隆之傳略同)略云:

魏閶闔門災條作太府卿任忻集)同知營構。 利於時。太僕卿任集(北齊書作太府卿任集,通鑑壹伍柒梁紀大同元年十一月甲午(寅)東 周二十五里,以漳水近帝城,起長隄以防汎溢,又鑿渠引漳水周流城郭, 尚書右僕射,又領營構大匠,以十萬夫撤洛陽官殿運於鄴。構營之制皆委隆之,增築南城 高隆之,洛陽人也,爲閹人徐成養子,少時賃升爲事,或曰父幹爲姑壻高氏所養,因從其 姓。隆之後有參定功,神武命爲弟,仍云勃海蓨人。後起兵於山東,累遷并州刺史,入爲 造水碾磑, 並有

北齊書叁捌辛術傳(北史伍拾辛雄傳附術傳同)略云:

辛術,少明敏有識度,釋褐司空胄曹參軍,與僕射高隆之共典營構鄴都宮室。術有思理, 百工克濟。

魏書壹貳孝靜紀(北史伍魏本紀同)略云:

天平元年十月丙子車駕北遷於鄴。庚寅車駕至鄴,居北城相州之廨。

二年八月甲午發衆七萬六千人營新宮,冬十有一月甲寅閶闔門炎。

四年夏四月辛未遷七帝神主入新廟,大赦天下,内外百官普進一階。 六月己巳幸華林園理

訟,壬午閬闔門災。

元象元年六月壬辰帝幸華林都堂聽訟。

興和元年冬十有一月癸亥以新宮成,大赦天下。

二年正月丁丑徙御新宫,大赦,内外百官普進一階,營構主匠别優一階。三年冬十月己巳

發夫五萬人築漳濱堰,三十五日罷。

即知東魏及高齊之鄴都之新構,乃全襲北魏太和洛陽之舊規,無復種族性質之問題,直是文化 悉,但可一言以蔽之,北魏洛陽都邑環境中所産生之人物而已。觀於主持營構者高隆之一傳, 系統之關係,事實顯著,不待詳論也。 見梗概,茲不備引。其宫市位置及門闕名稱無.不沿襲洛都之舊,質言之,即將洛陽全部移徙 寅恪案:東魏鄴都之制,可略於葛邏禄迺賢河朔訪古記中及顧炎武歷代帝王宅京記壹貳所考窺 於鄴是也。其司營構之任而可考知者, 如高隆之、任集、辛術諸人,其男女系之血統雖不盡

茲請考隋造新都大興城之經過。隋書壹高祖紀上(北史壹壹隋本紀上同)略云::

創造新都,十月辛卯以營新都副監賀婁子幹爲工部尚書,十二月景子名新都曰大興城 開皇二年六月景申韶左僕射高頌、將作大匠劉龍、鉅鹿郡公賀婁子幹、太府少卿高龍叉等

三年正月庚子將入新都,大赦天下。三月景辰雨,常服入新都。

唐六典(近衛本)柒工部郎中員外郎條略云:

十二坊,兩市居四坊之地,凡一百一十坊。開元十四年又取東面兩坊作興慶宮。 北十五里一百七十五步。墻高一丈八尺,皇城之南東西十坊,南北九坊,皇城之東西各一 卿高龍叉並充檢校。至三年三月移入新都焉,名曰大興城。東西十八里一百一十五步,南 川,西次灃水。太子左庶子宇文愷創制規模,將作大匠劉龍、工部尚書賀婁子幹、太府少 今京城隋文帝開皇二年六月韶左僕射高颎所置,南直終南山子午谷,北據渭水,東臨涟

北史柒貳高頌傳(隋書肆壹高頌傳略同)略云::

僚佐,賜姓獨孤氏。及[隋文]帝受禪,拜尚書左僕射納言,領新都大監,制度多出於頌。 衛尉卿。祖孝安,位兖州刺史。父賓,仕東魏。大統六年避讒棄官奔西魏, 高颎,自言勃海蓨人也。其先因官北邊,没於遼左。曾祖暠,以太和中自遼東歸魏, 獨孤信引賓爲 官至

隋書伍叁賀婁子幹傳(北史柒叁)賀婁子幹傳同)略云:

賀婁子幹,本代人也。隨魏氏南遷,世居關右。祖道成,魏侍中太子太傅;父景賢, 右衛

授營新都副監,尋拜工部尚書。其年突厥復犯塞,以行軍總管從實榮定擊之。 軍總管從上柱國元諧擊之,功最,優韶褒美。高祖慮邊塞未安,即令子幹鎮凉州。明年徵 思安縣子。大象初,領軍器監。開皇元年,進爵鉅鹿郡公。其年吐谷渾寇凉州,子幹以行 大將軍。子幹少以驍武知名,周武帝時釋褐司水上士,稱爲强濟,累遷小司水, 以勤勞封

周書壹玖宇文貴傳(北史陸拾宇文貴傳同)略云:

宇文貴,其先昌黎大棘人,徙居夏州,父莫豆干,〔子〕愷。

隋書陸捌宇文愷傳(北史陸拾宇文貴傳附愷傳及周書壹玖宇文貴傳略同)略云: 揣帝心在宏侈,於是東京制度窮極壯麗,帝大悦之,拜工部尚書。及長城之役,韶愷規度 作少監。文獻皇后崩,愷與楊素營山陵事。煬帝即位,遷都洛陽, 監。高頭雖總其大綱,凡所規畫皆出於愷。後決渭水達河以通運漕,韶愷總督其事。 馳赦之,僅而得免。後拜營宗廟副監太子左庶子。及遷都,上以愷有巧思,詔領營新都副 父公子。及[隋高祖]践阼,誅宇文氏,愷亦在殺中,以其與周本别,兄忻有功於國,使人 愷少有器局,家世武將,並以弓馬白達。愷獨好學,博覽書記,解屬文,多技藝, 被誅,除名於家,久不得調,會朝廷以魯班故道久絶不行,令愷修復之。既而上建仁壽 訪可任者,楊素言愷有巧思,上然之,於是檢校將作大匠,歲餘拜仁壽官監,尋爲將 以愷爲營東都副監。愷 號爲名 兄忻

隘卑陋,未合規摹,祖宗之靈得崇嚴祀。周齊二代闕而不修,大饗之典於焉靡託。臣研究 堂廢絶,隋有天下,將復古制,議者紛然,皆不能決。愷博考羣籍,奏明堂儀,表曰: 二十卷、明堂圖議二卷、釋疑一卷,見行於世。 衆説,總撰今圖,其樣以木爲之。」帝可其奏。會遼東之役事不果行。卒官。撰東都圖記 如舊。柱下以樟木爲跗長丈餘闊四尺許,兩兩相並,瓦安數重,官城處所乃在郭內。 之後,臣得目觀,遂量步敷,紀其丈尺。猶見基内有焚燒殘柱,毀斫之餘入地一丈, 之。時帝北巡,欲誇戎狄,令愷爲大帳,其下坐敷千人;,又造觀風行殿,上容侍衛者數百 人,離合爲之,下施輪軸,推移倏忽,有若神功,戎狄見之,莫不驚駭。自永嘉之亂, "宋起居注曰": 『孝武帝大明五年立明堂。』梁武即位之後,移宋時太極殿以爲明堂。平陳 雖湫

同書同卷何稠傳附劉龍傳(北史玖拾藝術傳下何稠傳附劉龍傳同)云:

度,代號爲能 職通顯。及高祖踐阼,大見親委,拜右衛將軍,兼將作大匠。遷都之始,與高頌參掌制 開皇時有劉龍者,河間人也。性强明有巧思,齊後主知之,令修三爵臺,甚稱旨, 因而歷

北齊書壹肆長樂太守靈山傳(北史伍壹齊宗室諸王傳上長樂太守靈山傳同)云: **乂少謹,武平末給事黄門侍郎,隋開皇中爲太府少卿,坐事卒。**

無關 家屬傳文有關者遙寫於下,綜合試釋之。 已於前論大業元年議制車輦時涉及, 任營新都副監,但是年即率兵出擊突厥,居職甚暫,實無足述。劉龍在北齊本以修宮室稱旨 南城之制即太和洛陽之遺,必至少由劉龍、高乂二人輸入於隋也。至宇文愷一人蓋與山東地域 為太府少卿, 致位通顯, 護制定五禮之比,吾人可不必於頌本身性質及其家世多所推究也。賀婁子幹雖於開皇三年六月 頌傳雖言新都「制度多出於頌」,然宇文愷傳又謂「高熲雖總其大綱,凡所規畫皆出於愷」,又唐 **高龍叉即高乂,或家世久居山東,** 六典以為「宇文愷創制規模」,故知高類之於營建新都,殆不過以宰相資望領護其事, 寅恪案:隋代營建大興新都城即後來唐代長安城諸人,除賀婁子幹及字文愷外, 而大興新制彼獨主其事,似難解釋,鄙意字文愷、 隋書無高龍叉傳,而北齊書、北史齊宗室高靈山傳附有高乂事蹟,謂其於隋開皇中 則開皇二年六月丙申命營新都詔書中之太府少卿高龍叉當即其人無疑。然則鄴都 或本為北齊宗室及遺臣,俱可謂洛陽鄴都系文化之産物。 前已節録字文愷傳文較詳, 閻毗、 茲並取舊史中閻毗、 何稠三人皆隋代之技術專家, 高頻、 如楊素領 何稠及其 劉龍及

周書貳拾閻慶傳(北史陸壹閻慶傳同)略云::

使持節車騎大將軍、燉煌鎮都大將。父進,正光中拜龍驤將軍, 河南河陰人也。 曾祖善, 仕魏歷龍驤將軍雲州鎮將, 因家於雲州之盛樂郡。 屬衛可孤作亂,

樂,進率衆拒守,城竟獲全,以功拜盛樂郡守。晉公[宇文]護母,慶之姑也。次子毗。

隋書陸捌閻毗傳(北史陸壹閻慶傳附毗傳同)略云:

達於涿郡,以通運漕,毗督其役。營建臨朔官,又領將作少監。 損。長城之役,毗總其事。及帝有事恆岳,詔毗營立壇場。將興遼東之役, 受禪,以技藝侍東宫,數以琱麗之物取悦於皇太子[勇]。太子服玩之物,多毗所爲。煬帝 嗣位,盛修軍器,以毗性巧,諳練舊事,韶典其職,尋授朝請郎, 〔毗〕能篆書,工草隷,尤善畫,爲當時之妙,周武帝見而悦之,命尚清都公主。[隋]高祖 毗立議輦輅車輿多所增 自洛口開渠,

新唐書柒叁下宰相世系表閻氏條略云:

將提,提生盛樂郡守進,進少子慶生毗 大夫,自馬邑又徙河南。孫善龍驤將軍雲中鎮將,因居雲中盛樂。生車騎將軍燉煌鎮都大 北平太守安成侯鼎,字玉鉉,死劉聰之難。子昌奔於代王猗盧,遂居馬邑。孫滿後魏諸曹

舊唐書柒集閻立德傳(新唐書壹佰閻讓傳同)略云:

典式,時人稱之。貞觀初歷遷將作少匠,封大安縣男。高祖崩,立德以營山陵功擢爲將作 與弟立本早傳家業,武德中累除尚衣奉御。立德所造衮冕、大裘等六服並腰輿、傘扇咸依 閻立德,雍州萬年人,隋殿内少監毗之子也。其先自馬邑徙關中。毗初以工藝知名,立德

礙,太宗甚悦。尋受韶造翠微官及玉華官,咸稱旨,賞賜甚厚。俄遷工部尚書。二十三年 攝司空,營護太宗山陵,事畢進封爲公,顯慶元年卒。 大匠。貞觀十年文德皇后崩,又令攝司空,營昭陵,坐怠慢解職。十三年復爲將作大匠。 十八年從征高麗,及師旅至遼澤,東西二百餘里泥淖,人馬不通,立德填道造橋,兵無留

立本顯慶中累遷將作大匠。後代立德爲工部尚書,兄弟相代爲八座,時論榮之。總章元年 既歷任將軍,立功塞外,立本唯善於圖畫,非宰輔之器,故時人以千字文爲語曰: 好讀書,幸免面墻,緣情染翰,頗及儕流,唯以丹青見知,躬厮役之務,辱莫大焉, 與,太宗擊賞數四, 臣圖並立本之跡也,時人咸稱其妙。太宗嘗與侍臣學士泛舟於春苑池中,有異鳥隨波容 遷右相。立本雖有應務之才,而尤善圖畫,工於寫真,秦府十八學士圖及貞觀中凌煙閣功 主爵郎中,奔走流汗,俛伏池側,手揮丹粉,瞻望坐賓,不勝媿赧,退鍼其子曰:「吾少 勿習此末伎!]立本爲性所好,欲罷不能也。及爲右相,與左相姜恪對掌樞密。 韶坐者爲詠,召立本令寫焉,時閣外傳呼云畫師閱立本。立本時已爲 汝宜

左相宣威沙漠,右相馳譽丹青。(參考張彦遠歷代名畫記玖駮此説。)

隋書柒伍儒林傳何妥傳(北史捌貳儒林傳下何妥傳同)略云::

西域人也。父細胡(北史作細脚胡)通商入蜀,遂家郫縣,事梁武陵王紀, 主知金

左右。江陵陷,周武帝尤重之,授太學博士。高祖受禪,除國子博士,爲國子祭酒,卒。 帛,遂致巨富,號爲西州大賈。妥少機警,十七以技巧事湘東王,後知其聰明,召爲誦書

同書陸捌何稠傳(北史玖拾藝術傳下何稠傳同)略云:

三萬人。時工部尚書宇文愷造遼水橋不成,師不得濟,右屯衛大將軍麥鐵杖因而遇害,帝 連,帝善之,以稠守太府卿。後三歲兼領少府監。遼東之役攝右屯衛將軍,領御營弓弩手 等勾覈之,數年方竟,毫釐無舛。稠參會今古,多所改創。帝復令稠造戎車萬乘鈎陣八百 也。」其日拜少府卿。稠於是營黄麾三萬六千人仗及車輿輦輅、皇后鹵簿、百官儀服依期 不異。仁壽初,文獻皇后崩,與宇文愷參典山陵制。大業初,煬帝將幸揚州, 錦既成,逾所獻者,上甚悦。時中國久絶琉璃之作,匠人無敢厝意,稠以緑瓷爲之,與真 監,歷太府丞。稠博覽古圖,多識舊物,波斯嘗獻金縣錦袍,組織殊麗,上命稠爲之。稠 陵陷,隨妥入長安,仕周御飾下士。及高祖爲丞相,召補參軍,兼掌細作署,累遷御府 遣稠造橋,二日而就。初稠制行殿及六合城,至是帝於遼左與賊相對,夜中施之,其城周 而就,送於江都。所役二十萬餘人,用金銀錢物鉅億計,帝使兵部侍郎明雅、選部郎薛邁 何稠,國子祭酒妥之兄子也。父通善斲玉。稠性絶巧,有智思,用意精微。年十餘歲遇江 "今天下大定,朕承洪業,服章文物闕略猶多,卿可討閱圖籍,營造輿服羽儀,送至江都 謂稠曰:

明而畢, 於竇建德,復以爲工部尚書。建德敗,歸於大唐,授將作小匠(北史作少府監), 迴八里, 城及女垣合高十仞, 上布甲士, 立仗建旗, 高麗望見,謂若神功。從幸江都,遇宇文化及作亂,以爲工部尚書。化及敗, 四圍置闕, 面別一觀, 觀下三門, 遲

疑問)。 載。 通商及居留之區域一事,寅恪曾別有所論,茲不復贅(見一九三五年清華學報拙著李白氐族之 興長安城之規模及隋唐大輅、衮冕之制度出於胡制者固非,然謂其絶無繫於西域之工藝者, 功。夫大興、長安都城宮市之規模取法太和洛陽及東魏高齊鄴都南城,猶明堂、車服之制度取 為燉煌人之傳說,亦與西域及河西建築工藝有關,見段成式酉陽雜俎續集肆貶誤門引朝野 不具通識之言者也。前賢有中學作體,西學為用之説,若取以喻此,其最適合之義歟?(魯般 法中國之經典也。但其實行營建製造而使成宏麗精巧,則有資於西域藝術之流傳者矣, 久為華夏文化所染習,故其事業皆藉西域家世之奇技,以飾中國經典之占制。如明堂、輅輦 綜合隋代三大技術家宇文愷、閻毗、何稠之家世事蹟推論,蓋其人俱含有西域胡族血統,而又 衮冕等,雖皆為華夏之占制,然能依託經典舊文,而實施精作之,則不藉西域之工藝亦不為)何稠家世出於西域,史已明言, 無待推證,所可注意者, 則蜀漢之地當梁時為西域胡人 **) 故謂大**

閻毗家世如新唐書宰相世系表所記者, **其源當出於閻氏所自述,** 但與晉書肆捌閻續傳及陸拾閻

種類無疑也。至其是何胡族,則有略可推測者,宇文護之母乃閻慶之姑,周書壹壹晉蕩公護傳 鼎傳不符,沈炳震新唐書宰相世系表訂訛亦已言及,故其所謂閻鼎子昌避難奔於馬邑者,乃胡 族家譜冐充漢人,其關節所聯繫之通例,其為依託亦不待辨,質言之,閻氏家世所出必非華夏 (北史伍柒周宗室傳邵惠公顥傳附護傳同)略云::

年已十餘歲,隣曲舊事猶自記憶。太祖升遐,天保未定,薩保屬當猶子之長,親受顧命, 不自勝,報書曰:「受形禀氣,皆知母子,誰同薩保,如此不孝。當鄉里破敗之日, 雖身居重任, 祖常云:「我得胡力」,當時莫曉其旨。至是人以護字當之。護性至孝,得[母閻姬]書,悲 喪。時嗣子沖弱,强寇在近,人情不安,護綱紀内外, 護曰:「天下之事屬之於汝。」護涕泣奉命,行至雲陽,而太祖崩, 晉蕩公護,字薩保,太祖之兄邵惠公顥之少子也。護至涇州見太祖,而太祖疾已綿篤, 職當憂責。不期今日得通家問,蒙寄薩保別時所留錦袍表,年歲雖久, 撫循文武,於是衆心乃定。先是太 護祕之, 至長安, · 乃發 宛然 薩保

薩甫二人,諸州薩甫一人。又同書貳捌百官志載隋雍州薩保為視從七品,諸州胡二百户己上薩 例,故護報其母閻氏書即自稱薩保,其明證也。考隋書貳柒百官志載北齊鴻臚寺典客署有京邑 寅恪案:薩保即宇文護本來之胡名,其後別命漢名,乃以其原有胡名為字,此北朝胡人之通

保為視正九品。通典肆拾職官典貳貳薩寶符祆正條注云:

境, 代吾國工藝之發展實有資於西域之文明,而東方胡族之藝術殊不足有所貢獻於中國, 揚隋唐都邑新制歸功於胡族,即東方胡族實行性之表現者,似僅就表面籠統推測, 州,其地較近西北,與西域交通亦易發生關係,故其技術之養成, 都大將,敦煌為交通西域要道,或亦因是與西域有關耶?至宇文愷雖氏族出自東北, 或與火祆教有關, 夫宇文護字之薩保與隋之薩保同,亦即北齊之薩甫、 則不難解釋。總而言之,若技術人才出於胡族,則必於西胡而不於東胡求之,蓋當中· 火祆教入中國之始末亦非此文所論也。 茲所欲論者, 但此點史料缺乏,本極難斷定,固不敢固執鄙見,特陳其所疑,以求通人之教正如此。 西域國天神,武德四年置祆祠及官,常有羣胡奉事,取火呪詛 而閻氏家世殆出於西域,又觀閻慶之祖提即宇文護母之父,其人曾為敦煌鎮 唐之薩寶, 即宇文護既以薩保為名, 此名與火祆之關係, 推原於家世所出及地理環 則其母閻氏 而無深刻之 故世之稱 而世居夏 自不待 古時

二職官

禮無關 焉。 書體裁,本為粉飾太平制禮作樂之一端,故其書在唐代行政上遂成為一種便於徵引之類書, 詳悉考論,其涉及職官者尤為易知,故此章僅擇其要點言之,其餘可從簡略。 非依其所託之周官體裁,以設官分職實施政事也。觀其書編修之經過, 系統,而字文氏之官制除極少數外, 遍於全體,而僅限於中央文官制度一部分。第二事即唐代職官乃承附北魏太和、高齊、楊隋之 所以證實本書之主旨也。其第一事即宇文泰所以令蘇綽、盧辯等摹倣周官之故及其制度實非普 隋唐制度淵源系統之所繫,甚為重要,而往往為論史者所忽視或誤解, 不能明悉唐代制度之系統淵源所致也。 隋唐職官之名號任務,其淵源變革記載本較明顯, 且更可證明適得其反者。 然則論者據唐六典一書竟謂唐代施政得周官之遺意者,殆由 原非所因襲。開元時所修六典乃排比當時施行令式以合古 茲依時代先後, 而與此章有關之隋唐制度之三源復已於前章 略述職官淵源流變之史料, 則不得不詳為考辨, 即知不獨唐代職官與周 但有二事, 而附以辨證 實為

魏書壹壹全官氏志略云

直意將軍之徒是也。舊令亡失,無所依據。太和中,高祖韶羣寮議定百官,著於令。 自太祖至高祖初,其内外百官屢有滅置,或事出當時,不爲常目, 如萬騎、 飛鴻、 常忠

孝莊初,以爾朱榮有扶翼之功,拜柱國大將軍,位在丞相上。

同膏槳下高祖紀下(北史叁魏本紀同)略云:

其有當局所疑而令文不載者,隨事以聞,當更附之。 太和十七年六月乙巳韶曰:「遠依往籍, 近採時宜, 作職員令二十一卷,權可付外施行、

十九年十二月乙未朔引見羣臣於光極堂,宣示品令,爲大選之始。

官品令一卷,其書諒與太和十九年十二月朔宣示羣臣之品令有關也。魏孝文之改制,即吸收南 後,始得較詳之記載,今見於魏收書官氏志所叙列者是也。新唐書伍捌藝文志史部職官類有魏 朝前期發展之文化,其事已於前論禮儀章考辨證明,茲不必詳及。 寅恪案;北魏在孝文帝太和制定官制以前,其官職名號華夷雜糅,不易詳考,自太和改制以

隋書貳陸百官志序略云:

漢高祖職官之制因於嬴氏, 大夫,而以三司綜理衆務,洎於叔世, 其間同異, 事歸臺閣, 抑亦可知。 光武中興,聿遵前緒, 論道之官備員而已。魏晉繼及, 唯廢丞相與御史 大抵略

令,今之存録者,不能詳備焉。 **創據關右,日不暇給,洎乎克清江漠,爰議憲章,酌酆鎬之遺文,置六官以綜務,詳其典** 同。爰及宋齊,亦無改作。梁武受終,多循齊舊,然而定諸卿之位,各配四時,置戎秩之 自餘庶僚頗有損益。煬帝嗣位,意在稽古,建官分職,率由舊章,大業三年,始行新 百有餘號。陳氏繼梁,不失舊物。高齊創業, 有可稱焉。高祖踐極,百度伊始,復廢周官,還依漢魏,唯以中書爲内史,侍中爲納 亦遵後魏,臺省位號與江左稍殊。 有周

新唐書肆陸百官志序(舊唐書肆貳職官志序略同)略云::

時考覈,而升降之,所以任羣材,治百事。其爲法則精而密,其施於事則簡而易行,所以 衛,曰府,各統其屬,以分職定位。其辨貴賤,叙勞能,則有品,有爵,有勳, 然者,由職有常守,而位有常員故也。方唐之盛時,其制如此。 唐之官制,其名號禄秩雖因時增損,而大體皆沿隋故。其官司之别曰省, 曰 臺, 有階, 日監, 日

之文,略詮論一一,以資參證,至前所謂忽視及誤解之點,則於此章之末論之,庶於叙説較便 選依漢魏」及「唐之官制大體皆沿隋故」數語,則隋唐官制之系統淵源已得其要領。茲更依舊史 寅恪案:上引史文,不待解釋,若能注意「高齊創業,亦遵後魏」,「〔隋]高祖踐極,復廢周官,

隋書貳柒百官志略云:

後齊制官,多循後魏。

樂諸官則與後來兵制及音樂有關, 寅恪案:高齊職官之承襲北魏, 不待贅論, 俟於後音樂章及兵制章詳論之。 惟其尚書省五兵尚書之職掌及中書省所領進御之音

同書貳捌百官志:

[隋]高祖既受命,改周之六官,其所制名多依前代之法。

宋人論唐六典其意亦同, 其言當於下論六典時再詳引之。 杜氏注略云:

不承北周之一例證也。杜佑於通典貳伍職官典柒總論諸卿條子注中論隋之改制頗為有識

其後

寅恪案:所謂前代之法即所謂漢魏之制,實則大抵自北魏太和傳授北齊之制,此隋官制承北齊

官司徒職事、 官司空職事。 齊之制。官職重設, 後周依周禮置六官, 禮部與太常分春官宗伯職事,刑部與太理分秋官司寇職事, 自餘百司之任多類於斯, 庶務煩滯,加六尚書似周之六卿,又更別立寺監,則户部與太府分地 而年代短促,人情相習已久,不能革其視聽,故隋氏復廢六官多依北 欲求理要,實在簡省。 工部與將作分冬

似為隋代創制 寅恪案:杜君卿謂隋之職官多依北齊之制, 而唐復因之,實則亦北魏末年及北齊之遺習,不過隋承之,又加以普遍化而 自是確實。然尚有一事關於職官之選任者,初視之 略云

已。其事悉廢漢以來州郡辟署僚佐之制,改歸吏部銓授,乃中國政治史上中央集權之一大變革

也。故不可不略考論之。

隋書貳捌百官志(唐六典叁拾刺史條、通典叁叁職官典鄉官條同)略云,

[開皇三年]舊周齊州郡縣職自州都郡縣正已下皆州郡將縣令至而調用,理時事,至是不知

時事,直謂之鄉官,别置品官,吏部除授。

[開皇]十五年罷州縣鄉官。

同書柒伍儒林傳劉炫傳略云::

[牛]弘又問:「魏齊之時令史從容而已,今則不遑寧舍,其事何由?」炫對曰:「往者州唯

置綱紀,郡置守丞,縣唯令而已,其所具僚則長官自辟,受韶赴任,每州不過數十,

今則

不然,大小之官悉由吏部,纖介之跡皆屬考功。」

通典叁叁職官典總論縣佐條漢有丞尉及諸曹掾句下杜氏注云:

多以本郡人爲之,三輔則兼用他郡,及隋氏革選,盡用他郡人。

寅恪案:若僅據此,似中央政府之吏部奪取地方政府州郡縣令自辟之權,以及縣佐之迴避本 均始於隋代, 然若就其他史料考之,則知殊不然也。如北齊書捌幼主紀(北史捌齊本紀同

者,故有粉用州主簿、 帑藏空竭,乃賜諸佞幸賣官, 粉用郡功曹。 或得郡兩三, 或得縣六七,各分州郡, 下逮鄉官, 亦多降中

通典壹肆選舉典略云:

後周其刺史僚佐則自署,府官則命於朝廷。 功曹者。自是之後,州郡辟士之權浸移於朝廷,以故外吏不得精覈,由此起也。 其(漢代)州郡佐吏自别駕長史以下,皆刺史太守自辟,歷代因而不革。洎北齊武平中, 主失政,多有佞倖, 乃賜其賣官,分占州郡,下及鄉官,多降中旨, 故有粉用州主簿、 後 郡

[隋]牛弘爲吏部尚書,高構爲侍郎,最爲稱職。當時之制,尚書舉其大者, 北齊州郡僚佐已多爲吏部所授,至隋一切歸在省司。) 則六品以下官咸吏部所掌,自是海内一命以上之官州郡無復辟署矣。(原注云:自後 侍郎舉其小

又隋曹貳捌百官志略云, 司 寅恪案:北周刺史尚能自署僚佐, 此隋代政治中央集權之特徵, 亦即其職官選任之制不因北周而承北齊之一例證也。 而後魏、北齊州郡僚佐則已多為吏部所授, **至隋一切歸之省**

高祖又採後周之制,置上柱國、柱國、 上儀同三司、儀同三司、大都督、 帥都督、都督,總十一等以酬勤勞。 上大將軍、大將軍、上開府儀同三司、 開府儀同三

唐六典貳肆左右衛大將軍各一人正二品注略云:

本考訂云:右疑當作古)大將軍但名號同,而統務別。 自兩漢至北齊大將軍位視三公,至隋十二大將軍直爲武職,位左右臺省之下,與右(近衛

肆職官典勳官條俱略同)略云: 可不詳論也。如周書壹陸侯莫陳崇傳後(北史陸拾王雄傳後、通典貳捌職官典將軍總叙條及叁 胡化系統,當於後兵制章詳之,茲僅節録舊籍關於此名號之源流,以備参證,觀者自能得之, 北魏之末年,而西魏北周承之,故隋採此制,可言祧北齊而承魏周。蓋楊氏王業所基,別是一 寅恪案:此為隋制之因於北周而不承北齊者,似為變例,然考所謂柱國大將軍之號其實亦始於

禁闧而已,此外六人各督二大將軍,分掌禁旅,當爪牙禦侮之寄,當時榮盛莫與爲比,故 自大統十六年以前任者凡有八人。太祖位總百揆,督中外軍,魏廣陵王欣元氏懿戚,從容 統三年,魏文帝復以太祖建中興之業,始命爲之。其後功參佐命、望實俱重者亦居此職, 今之稱門閥者咸推八柱國家云。今并十二大將軍録之於左: 初魏孝莊帝以爾朱榮有翊戴之功,拜榮柱國大將軍,位在丞相上。榮敗後,此官遂廢。大

(上略)。

使持節柱國大將軍大都督大司馬河内郡開國公獨孤信。

(下略)。

右與太祖爲八柱國。

(上略)。

使持節大將軍大都督陳留郡開國公楊忠。

(下略)。

茲請言宇文泰摹倣周官之事,先略引舊史之文有關於此者,然後再討論之。

周書貳文帝紀(北史玖周本紀同)略云:

外品爲九秩,亦以九爲上。 魏廢帝三年春正月始作九命之典,以叙内外官爵,以第一品爲九命,第九品爲一命,改流

魏恭帝三年春正月丁丑初行周禮,建六官。初太祖以漢魏官繁,思革前弊,大統中乃命蘇

綽、盧辯依周制改創其事,尋亦置六卿官,然爲撰次未成,衆務猶歸臺閣,

至是始畢,

命行之。

北史伍魏本紀云:

大統十四年五月以安定公宇文泰爲太師, **貴爲大司寇,以司空干謹爲大司空。** 廣陵王欣爲太傅, 太尉李弼爲大宗伯,前太尉趙

通鑑壹陸壹梁紀太清二年五月載此事,胡注云::

宇文相魏,倣成周之制建官。

寅恪案:此即周書貳文帝紀、北史玖魏本紀所謂「大統中置・イ卿官」者也。

周書貳肆盧辯傳(北史叁拾盧同傳附辯傳略同)略云::

仪、車服、器用,多依古禮,革漢魏之法,事並施行。辯所述六官,太祖以魏恭帝三年始 綽專掌其事,未幾而綽卒,乃令辯成之。於是依周禮建六官,置公卿大夫士,並撰次朝 修矣。」太祖以辯有儒術,甚禮之。自魏末離亂,孝武西遷,朝章禮度湮墜咸盡, 號及命數附之於左: 命行之,自茲厥後,世有損益,於時雖行周禮,其内外衆職又兼用秦漢等官,今略舉其名 制宜,皆合軌度。性强記默契,能斷大車,凡所創制,處之不疑。初太祖欲行周官,命蘇 解詁,辯乃注之。其兄景裕爲當時碩儒,謂辯曰:「昔侍中注小戴,今爾注大戴, 盧辯,范陽涿人,累世儒學。辯少好學,博通經籍,舉秀才,爲太學博士,以大戴禮未有 庶篡前 辯因時

柱國大將軍、大將軍。

右正九命。

驃騎車騎等大將軍開府儀同三司、雍州牧。

右九命。

驃騎車騎等將軍左右光禄大夫、户三萬以上州刺史。

右正八命。

(下略)。

隋書貳柒百官志略云:

周太祖初據關内,官名未改魏號,及方隅粗定,命尚書盧辯遠師周之建職,置三公、三

者,僅宇文泰摹倣周禮創建制度之用心及其所以創建之制度之實質而已。 觀上所引舊載宇文泰摹倣成周,創建官制之始末,亦可略知梗概。周禮一書,其真偽及著作年 號者則武則天,四代而已。四者之中三為後人所譏笑,獨宇文之制甚為前代史家所稱道,至今 代問題占今説者多矣,大致為儒家依據舊資料加以系統理想化之偉作,蓋託古改制而未嘗實行 日論史者尚復如此。夫評議其事之是非成敗,本非本章之主旨及範圍,故俱置不論。茲所言 則無疑義也。自西漢以來,摹倣周禮建設制度,則新莽、周文帝、 孤,以爲論道之官,次置六卿,以分司庶務。制度既畢, 太祖以魏恭帝三年始命行之。 末神宗, 而略傅會其名

宁文泰憑藉六鎮一小部分之武力,割據關隴,與山東、江左鼎足而三,然以物質論**,**

其人力財

富遠不及高歡所轄之境域,固不待言;以文化言,則魏孝文以來之洛陽及洛陽之繼承者鄴都之

 $\frac{1}{0}$

又與此關隴物質本位政策相關之府兵制,當於後兵制章詳言之,於此不置論。茲舉一 史家依據其恢復不同之階段以立言所致,其餘可以頹推, 改關隴郡望之第一階段, 人姓氏及郡望之政策分為「階段,其先則改山東郡望為關隴郡望,且加以假託, 其確證之一也(見中央研究院歷史語言研究所集刊第五本第二分)。約言之,西魏字文泰改造漢 郡望者,寅恪嘗於考辨李唐氏族問題文中論之,如李唐武周先世雜考所引隋書經籍志之文, 其作用既能文飾輔助其物質即整軍務農政策之進行,更可以維繫其關隴轄境以内之胡漢諸族之 除整軍務農、力圖富強等充實物質之政策外,必應別有精神上獨立有自成一系統之文化政策 典章制度,亦豈荒殘僻陋之關隴所可相比。至於江左,則自晉室南遷以後,本神州文化正統之 家記載頗有紛歧, 生關係。其後則逕賜以胡姓,使繼鮮卑部落之後。迨周末隋文帝恢復漢姓之時, 人心,使其融合成為一家,以關隴地域為本位之堅強團體。此種關隴文化本位之政策, 而北史李弼傳及魏徵撰李密墓誌銘則又皆以為隴西成紀人,究其所以紀述差異之故, 包括甚眾,要言之,即陽傅周禮經典制度之文,陰適關隴胡漢現狀之實而已。其關係氏族 况值梁武之時庾子山所謂[五十年間江表無事]之盛世乎?故字文荀欲抗衡高氏及蕭梁! 如李弼一族,周書、兩唐書弼孫密傳及新唐書宰相世系表俱屬之遼東襄平, 如隋唐皇室之郡望仍稱弘農隴西是也。關於北周隋唐人物之郡望, 未能 於此詳悉論列也 大抵僅迴至所 使之與六鎮發 蓋由先後 範圍頗 即

史料可以

闡發當日北朝東西分峙之情勢者,以為例證。

北齊書貳肆杜弼傳(北史伍伍杜弼傳略同)略云:

者,專事衣冠禮樂,中原士大夫望之,以爲正朔所在。我若急作法網, 已久,今督將家屬多在關西,黑獺常相招誘,人情去留未定,江東復有一吴兒老翁蕭衍 弼以文武在位罕有廉潔,言之於高祖(高歡)。高祖曰:「弱來!我語爾:天下濁亂: 不相饒借, 恐督將

足, 觀高歡之用心,則知當日分爭鼎立之情勢,不能不有維繫人心之政策者矣。夫高歡所據之地, 徒泥周官之舊文, 教澤,豈可與巨君介甫諸人儒化者相比並哉!然而其成敗所以與新宋二代不同者, 漢魏以來江左、山東之文化,而上擬周官之古制。蘇綽既以地方性之特長創其始, 地方保守性之特長,乂假借關中之本地姬周舊土,可以為名號,遂毅然决然捨棄摹倣不能及之 其富饒固能使武夫有所留戀,而鄴都典章文物悉繼太和洛陽之遺業,亦可令中原士族略得滿 於禮制竟其業者, 至關隴之地則財富文化兩俱不如,若勉強追隨,將愈相形見絀,故利用關中士族如蘇綽輩 盡投黑獺,士子悉奔蕭衍,則人物流散,何以爲國?」 終以出於一時之權宜, 實僅利用其名號, 以暗合其當日現狀, 實此之由也。否則宇文出於邊裔,漢化至淺,縱有政事之天才, 故創制未久,子孫已不能奉行,逐漸改移,還依漢魏之舊,如周 故能收摹倣之功用, 而少滯格不通之 寧具詩書之 盧辯復以習 正以其並非

宣帝露門元旦受朝賀時,君臣皆服漢魏衣冠,即可以證明,此事已於前禮儀章論之,茲再舉一

二事於下:

周書肆明帝紀(北史玖周本紀同)云:

武成元年秋八月己亥改天王稱皇帝,追尊文王爲帝,大赦改元。

同書叁伍崔猷傳(北史叁貳崔挺傳附猷傳略同)略云::

合當時現實之利害也。夫周禮原足文飾之具,故可不拘,宇文泰已如是,更何論宇文護乎? 故不得不先改革之也。乂宇文護不依周禮立子,而依殷禮立弟,亦不效周公輔成王者,所以適 於皇帝之尊稱已久,忽聞天王之名,誠如崔猷所言「不足以威天下」,即不足以維持尊嚴之意, 寅恪案:周明帝世距始依周禮創建制度之時至近,即已改天王之號,遵秦漢稱皇帝,蓋民間習 中年又居長,今奉遵遺旨,翊戴爲主,君以爲何如?]猷對曰:「殷道尊尊,周道親親,今 年號,朝議從之。世宗崩,遺詔立高祖,晉公護謂猷曰:「魯國公稟性寬仁,太祖諸子之 亂,故帝王以之沿革,聖哲因時制宜。今天子稱王,不足以威天下,請遵秦漢稱皇帝, 以朝諸侯,況明公親賢莫二,若行周公之事,方爲不負顧託。」事雖不行, 朝廷既尊周禮,無容輒違此義。」護曰:「天下事大,畢公沖幼耳。」猷曰:「昔周公輔成王 世宗即位,徵拜御正中大夫,時依周禮稱天王,又不建年號,猷以爲世有澆淳,運有治 當時稱其守正。

周書貳叁蘇綽傳(北史陸叁蘇綽傳同)略云:

自有晉之季,文章競爲浮華, 太祖欲革其弊。 因魏帝祭廟, 羣臣畢至, 乃命綽爲大酷,

行之。自是之後文筆皆依此體

通鑑壹伍玖梁紀中大同十一年(即西魏文帝大統十一年)六月丁巳魏主饗太廟條,胡注云: 宇文泰令蘇綽倣周書作大誥,其文尚在,使當時文章皆依此體,亦非所以崇雅黜浮也。

周書貳貳柳慶傳(北史陸肆柳虬傳附慶傳同)略云::

綽謂慶曰:「近代以來文章華靡,逮於江左,彌復輕薄,洛陽後進,祖述不已。相公(宇文 泰)柄民軌物,君職典文房,宜製此表,以革前弊。]慶操筆立成,辭兼文質, [大統]十年除尚書都兵郎中如故,並領記室。時北雍州獻白鹿,羣臣欲草表陳賀,尚書蘇 「枳橘猶自可移,況才子也。」 綽讀而笑

形似,可知此種矯枉過正之偽體,一傳之後,周室君臣即已不復遵用也。若更檢周書, 饗羣臣,太祖(宇文泰)因柳虬之青難,令太常盧辯作誥諭公卿,其义體問無異蘇綽所作之大 帝紀所載武成元年前一巖九月丁未帝幸同州故宅,賦詩曰: 寅恪案:蘇綽作大誥在人統十一年。周書貳文帝紀(北史玖魏本紀同)載魏恭帝元年夏四月帝大 但一檢周書肆明帝紀所載武成元年後之詔書,其體已漸同晉後之义,無復蘇綽所倣周誥之 則見明

玉燭調秋氣,金輿歷舊宮。還如過白水,更似入新豐。霜潭漬晚菊, 寒井落疎桐。 舉杯延

故老,令聞歌大風。

則竟是南朝後期文土、北周羈旅纍臣如庾義城、王石泉之語,此豈宇文泰、 蘇綽創造大語文體

時所及料者哉!

關係一文(見哈佛亞細亞學報第一期)中略發之,以其與本書無涉,故不多及也。 間俗體文之薰習,取古文之體,以試作小説,而卒底於成功者。此意嘗於論韓愈與唐代小説之 事實不合。蓋唐代貞元、元和古文運動由於天寶亂後居留南方之文士對於當時政教之反動及民 又近日論文者有以唐代貞元、元和古文運動乃遠承北朝蘇綽摹倣古體之遺風者,鄙意其説: 甚與

過渡 明此意,而知宇文所摹倣之周制其實質究為如何也。 兹所舉一二例已可證字文泰摹古之制,身没未久,其子孫已不能遵用, 工具,而非其基本霸業永久實質之所在。 江左混同, 至隋氏繼其遺業,遂明顯不疑,一掃而幾盡去之。蓋周禮本其一時權宜文飾之 此點周當於兵制章詳論之,然就職官一端, 而復返於漢魏, 漸與 亦闡 ıЦ

禮而仍襲漢魏之官職,大抵為地方政府及領兵之武職,是宇文之依周官改制,大致亦僅限於中 夏官大司馬之文即大國三軍、次國二軍、小國一軍之制。 所謂周禮者乃託附於封建之制度也,其最姕在行封國制, 今據周書、 而不用郡縣制, 北史盧辯傳所載不改從周 又其軍隊必略依周禮

事則用府兵番衛制, 央政府之文官而已。 其地方政府既仍襲用郡縣制,封爵只為虛名,而不畀以土地人民政事, 集大權於中央, 其受封藩國者, 何嘗得具周官所謂大國三軍、次國二軍、

又周書貳叁蘇綽傳(北史陸叁蘇綽傳同)略云:

小國一軍之設置乎?

之爵禄,無妨子孫之愚瞽;今之選舉者當不限資蔭,唯在得人。苟得其人,自可起厮養而 守百里之封,而況公卿之胄乎?」 爲卿相, 官則命於天朝,其州吏以下並牧守自置,自昔以來,州郡大吏但取門資。夫門資者乃先世 又爲六條詔書奏施行之。其四擢賢良曰:「今刺史守令悉有僚吏,皆佐治之人也。 伊尹、傅説是也, 而況州郡之職乎?苟非其人,則丹朱、商均雖帝王之胤, 刺史府 不能

寅恪案:北朝自魏孝文以來,極力摹倣南朝崇尚門第之制(見魏書陸拾、北史肆拾韓麒麟 文所以雖傚周禮以建官,而地方政治仍用郡縣之制, 尚門資猶以為非,則其不能亦不欲實行成周封建之制,以分散其所獲之政權, 顯宗傳),而蘇綽實亦即宇文泰不尚門資之論, 其在當時誠為政治上一大反動。 絕無成周封建之形似也。 其事甚明, 夫州郡僚吏之 傳附

又考晉書叁玖荷勖傳略云:

時又議省州郡縣半吏以赴農功,勖議以爲省吏不如省官,若欲省官,私謂九寺可并於尚

蘭臺宣省付三府,然施行歷代,世之所習,是以久抱愚懷,而不敢言。

符周制耳。宇文創建周官之實質及其限度如此,論史者不可不正確認識者也。 周禮託體甚高,實則僅實行其近代識者改革中央政府官制之議, 然則漢魏以來中央政府職官重複,識者雖心知其非, 祇以世之所習而不敢言, 宇文之改革摹倣 而加以擴大, 並改易其名, 以

主旨既別,材料即同,不妨引用也。 之範圍,但彼等所討論者為六典施行與否之問題,寅恪所考辨者為唐代官制淵源系統之問題, 此事本甚易知,然世仍有惑於六典之形式,不明瞭其成書之原委,而生誤會, 著就唐六典施用一文詳為引申,故六典一書在唐代施行之問題已大體解决,不必別更討論。 寅恪此書主旨在説明唐代官制近承楊隋,遠祖(北)魏、(北)齊而祧北周者, 唐六典提要已有正確之論斷,近日本西京東方文化研究所東方學報第柒冊内藤乾吉氏復於其所 前所謂第二事即唐六典之性質,茲略加闡明。關於此書之施行問題, 則與寅恪所持之説不合,因不得不略舉史實,以為證明。雖所舉材料不出四庫館臣所引 四庫全書柒玖史部職官類 與周官絕無干涉, 遂謂其得周官遺

程大昌考古編玖六典條)云: 劉肅大唐新語玖著述類(參新唐書伍捌藝文志史部職官類六典三十卷注文及壹叁貳韋述傳,又

開元十年玄宗韶書院撰六典以進,時張説爲麗正學士,以其事委徐堅。沈吟歲餘,

綿歷數載。其後張九齡委陸善經,李林甫委苑咸,至二十六年始奏上,百寮陳賀,迄今行 上毋嬰(煚)等檢前史職官,以今(令)式分入六司,以今朝六典象周官之制,然用功艱難 曰:「堅承乏已曾七度修書,有憑准,皆似不難,惟六典歷年措思,未知所從。」說又令學

陳振孫書録解題陸職官類唐六典叁拾卷(參晁公武郡齋讀書志柒職官類唐六典條) 云 事委徐堅,思之歷年,未知所適;又委毋煚、余欽、韋述,始以令式分入六司,象周禮六 寫白麻紙凡六條,曰:「理、教、禮、政、刑、事典,令以類相從,撰録以進。」張説以其 今案新書百官志皆取此書,即太宗貞觀六年所定官令也。周官六職視周禮六典已有邦土邦 在二十四年,林甫注成奏進,當在二十七年,故是書卷首止列林甫, 上,考新舊唐書,九齡以二十四年罷政事,尋謫荆州,程大昌謂書成於九齡爲相之日, 書院。(武英殿聚珍本原注案:唐書藝文志張説以其事委徐堅,經歲無規制,乃命毋煚、 官之制,其沿革並入注,然用功艱難;其後張九齡又以委苑咸,二十六年奏草上,至今在 題御撰,李林甫等奉勅注。按:韋述集賢記注,開元十年起居舍人陸堅被旨修六典,上手 知院,加陸善經;李林甫代九齡,加苑咸。委苑咸者,乃李林甫也。至云二十六年冬草 余欽、咸廙、業孫、季良、韋述等參撰,及蕭嵩知院, 加劉鄭蘭、蕭晟、盧若虚;張九齡 而不及九齡也。 當

寺,是政出於三也。」(寅恪案:此上乃范祖禹唐鑑貳武德七年論文。)本朝裕陵好觀六典, 事之殊,不可考證,唐志内外官與周制迥然不同, 言曰:「既有太尉、 元豐官制盡用之,中書造命,門下審覆,尚書奉行,機事往往留滯,上意頗以爲悔云。 司徒、 司空,而又有尚書省,是政出於二也。既有尚書省,而又有九 而强名六典, 可乎?善乎范太史祖禹之

以證明唐代現行官制合於周禮,且轉能反證唐制與周禮共系統及實質絕無關涉, 書主旨之所在也。 童牛角馬、不今不占之書,亦有所不能顧,真計出無聊者也。由此言之,依據唐六典不徒不足 於此,是以無從措手,後來繼任之人固明知其如是,但以奉詔修書,不能不敷衍塞責,即使為 數同於周禮之序官,及尚書省六部之文摹倣周禮,比較近似,至於其餘部分,則周禮原 強遷就, 禮之制,僅取今式條文按其職掌所關,分別性質,約略歸類而已。其書只每卷之首列叙官名員 堅之學術經驗,七次修書,獨於此無從措手,後來修書學士不得已乃取唐代令式分入六司, 未嘗詳思唐代官制,近因(北)齊隋,遠祖漢魏,與周禮之制全不相同,難強為傅會也。故以徐 寅恪案:唐玄宗欲依周禮太宰六典之文,成唐六官之典,以文飾太平。帝王一時興到之舉,殆 而唐代實有其官,儻取之以強附占經,則非獨真面之迥殊,亦彌感駢枝之可去。徐堅有見 然猶用功歷年,始得畢事。今觀六典.書並未能將唐代職官之全體分面為六,以象周 而此反證乃本

眩惑於名號所致,茲不欲詳辨,僅逐寫唐儒論武曌改制之言於此, 又治史者若有因披覽六典尚書省六部職掌之文,而招現一種唐制實得周禮遺意之幻覺者, 亦可以理惑破幻矣。 蓋由

唐會要伍柒尚書省分行次第條云: 武德令吏、禮、兵、民、刑、工等部。貞觀令吏、禮、民、兵、刑、工等部。光宅元年九

月五日改爲六官,准周禮分,即今之次第乃是也。

通典貳叁職官典伍吏部尚書條周禮天官太宰掌建邦之六典,以佐王理邦國下注云: 多定爲六曹,稍似周禮。至隋六部,其制益明。大唐武太后遂以吏部爲天官,户部爲地 制也。至光武乃分爲六曹,迄於魏晉,或五或六,亦隨宜施制, 變冢言太者,百官總焉,則謂之冢宰,列職於王,則謂之太宰,宰主也。周公居攝, 六典之職,以佐王理邦國。漢成帝初分尚書,置四曹,蓋因事設員,以司其務, 徵考職任,則天官太宰當爲尚書令,非吏部之任,今吏部之始宜出於夏官之司士。 禮部爲春官, 兵部爲夏官, 刑部爲秋官,工部爲冬官,以承周六官之制。 無有常典。自宋齊以來, 若參詳古 非擬於古 而作

四 刑 律

律令性質本極近似,不過一偏於消極方面, 偏於積極方面面已。

太平御覽陸叁捌刑法部列杜預〔晉〕律序云:

律以定罪名,令以存事制。

唐六典陸刑部郎中員外郎條云:

凡律以正刑定罪,令以設範立制, 格以禁違止邪, 式以軌物程事。

新唐書伍陸刑法志序云:

唐之刑書有四:曰律、令、格、式。令者,尊卑貴賤之等數,國家之制度也。格者, 百官

之所常行之事也。式者,其所常守之法也。

員令、官品令之範圍,固不待言也。又占代禮律關係密切,而司馬氏以東漢末年之儒學大族創 **大漢代律令區別雖尚有問題,但本書所討論之時代,則無是糾紛之點,若前職官章所論即在職** 統制中國,其所製定之刑律尤為儒家化,既為南朝歷代所因襲,北魏改律, 復採用

點與禮儀、 在凉州之遺留及發展者,特為顯著,故元魏之刑律取精用宏, 則亦不符事實之言也。 已吸收南朝前期因子在內也。 之故物也。梁陳時代之律學亦宋齊之舊貫也。隋唐刑律近承北齊,遠祖後魏, **义關於隋唐刑律之淵源,其大體問與禮儀、** 始以後之刑律雖其所採用者諒止於南朝前期, 與江左之專守晉律者有所不同, 止限於南朝前期, 而南朝之律至陳併於隋, 職官諸制度之演變稍異者也。請先證明第一 實則南朝後期之律學與其前期無大異同。故謂「自晉氏而後律分南北二 其第二事即北魏之初入中原, 但謂隋唐刑律頗採南朝後期之發展, 其祀遽斬」(程樹德先生後魏律考序所言)者問非, 及正始定律,既兼採江左, 職官相同,然亦有略異者二端:其第一事即元魏正 但律學在江東無甚發展, 其議律之臣乃山東士族,頗傳漢代之律 事 轉勝於江左承用之两晉舊律,此 而其中河西之因子即魏晉文化 如禮儀之比(見前禮儀章), 宋齊時代之律學仍 其中江左因子 以元魏刑 律中 兩晉

隋 古 貮 伍 刑 法 志 略 云:

晉氏平吴, 九州寧一, 乃令賈充大明刑憲, 内以平章百姓, 外以和協萬邦(寅恪案:此句

罪之律,復父母緣坐之刑,自餘篇目條綱輕重繁簡一治用梁法。 其制唯重清議禁錮之科,其獲賊帥及士人惡逆免死付治,聽將妻人役,不爲年數,又存贖 良才,删改科令,於是稍求得梁時明法吏,令與尚書删定郎范泉參定律令,制律三十卷。 第二分拙著讀洛陽伽藍記書後)。]陳氏承梁季喪亂,刑典疏闊,及武帝即位,乃下詔搜舉 培先生六十五歲慶祝論文集拙著支愍度學説考及前中央研究院歷史語言研究所集刊第捌本 如干人同議,以此爲長,則定以爲梁律(寅恪案:此爲當時流行之合本子句方法。見蔡元 丙丁二事注釋不同,則二家兼載。咸使百司議其可不,取其可安,以爲標例,宜云:某等 宜悉除之,求文指歸可適變者,載一家爲本,用衆家以附,丙丁俱有,則去丁以存丙,若 叁、漢書陸拾杜周傳,王或當作主也),因循創附,良各有以。若遊辭費句無取於實録者, 有法,昏墨有刑,此蓋常科,易爲條例,前王之律,後王之令(寅恪案:此語見史記壹貳 合爲一書,凡一千五百三十條,事未施行,其文殆滅,法度能言之。於是以爲兼尚書删定 得齊時舊郎濟陽蔡法度家傳律學,云齊武時删定郎王植之集注張[斐]、杜[預]舊[晉]律, 指晉律諸侯篇),寔曰輕平,稱爲簡易,是以宋齊方駕輔其餘軌。梁武初即位時議定律令, 使損益植之舊本,以爲梁律。天監元年八月乃下詔曰:「律令不一,實難去弊,殺傷

隋書陸陸裴政傳(北史柒柒裴政傳同)略云:

韶與蘇威等修定律令,政採魏晉刑典,下至齊梁, 沿革輕重取其折中, 同撰著者十有餘

之人,芳之入北在劉宋之世,則其所採自南朝者雖應在梁以前,但實與梁以後者無大差異可 俘入仕北朝,史言其定隋律時下採及梁代, 知。北魏、北齊之律輾轉傳授經隋至唐,是南支之律並不與陳亡而俱斬也。又裴政本以江陵梁 而陳律乂幾全同於梁律,則南朝前後期刑律之變遷甚少。北魏正始制定律令,南士劉芳為主議 據此,南朝前期之宋齊 一代既承用晉律,其後期之梁律復基於王植之之集注張斐、杜預晉律, 人,凡疑滯不通,皆取決於政。(前文已引。) 然則南朝後期之變遷發展當亦可浸入其中,恐止為

證明第一事既竟,請及第二事:

極少之限度,不足輕重耳。

魏書貳太祖紀(北史壹魏本紀同)略云::

天興元年十有一月韶三公郎中王德定律令, 申科禁, 吏部尚書崔玄伯(宏)總而裁之。(參

考魏書貳肆及北史貳壹崔玄伯傳。)

同書肆上世祖紀(北史貳魏本紀同)云:

神鵬四年冬十月戊寅韶司徒崔浩改定律令。

同書肆下世祖紀(北史貳魏本紀同)云:

真君六年三月韶諸疑獄皆付中書,以經義量決。

餘有不便於民者,依比增損。」韶太子少傳游雅、中書侍郎胡方回等改定律制。(參考魏書 正平元年六月韶曰:「夫刑網太密, 伍肆、北史叁肆游雅傳及魏書伍貳、北史叁肆胡方回傳。) 犯者更衆,朕甚愍之,有司其案律令, 務求厥中,

魏書肆捌高允傳(北史叁壹高允傳同)略云:

凡百餘篇, 共定律令。初真君中以獄訟留滯,始令中書以經義斷諸疑事。允據律評刑三十餘載, [允]博通經史、天文、術數,尤好春秋公羊。[世祖]又韶允與侍郎公孫質、李虚、胡方回 允所製詩賦、誄頌、箴論、表讚、左氏公羊釋、毛詩拾遺、論雜解、 別有集行於世。 議何鄭膏肓事

述中其議定刑律諸人之家世、學術、鄉里環境可以注意而略論之者,首為崔宏、 寅恪案:此北魏孝文太和以前即北魏侵入中原未久時間議定刑律之極簡紀述也。 十二年五月齊太倉令淳于公有罪當刑條索隱引崔浩漢律序云: 人乃北魏漢人上族代表及中原學術中心也。其家世所傳留者實漢及魏晉之舊物。史記拾文帝紀 浩父子, 即就此極簡紀 此

文帝除肉刑,而宫不易。

則浩必深通漢律者也。常日士族最重禮法。禮律古代本為混通之學,而當時之學術多是

以持法仁平知名(俱見魏書伍伍、 特別重雅, 所謂「冠冕州邦」者, 律學其傳授始末雖無可考, 中書三十餘年以經義斷獄,則其學術正是漢儒之嫡傳無疑(此點程樹德先生九朝律考壹伍 月壬申詔徵諸人如范陽盧玄、渤海高允、廣平游雅等皆當日漢人中士族領袖,其詔書稱之為 律序中已及之,其説甚諦, 朝律考柒春秋决獄考),漢書藝文志有公羊董仲舒春秋治獄上六篇,允既篤好春秋公羊, 崔浩之外第一通儒,史稱其尤好春秋公羊,其撰著中復有關於公羊春秋者, 雖不傳, 江左之專家用西晉刑律而其律家之學術不越張、 嘉之亂, 家世遺傳, [賢儁之胄,冠冕州邦]。夫所謂[賢儁之胄]者,即其備鄙説所謂家世傳留之學術之第一條件: 以其學派好尚言之,疑亦是為公羊辯護者。考漢儒多以春秋决獄(參見程樹德先生九 西北 則雅之家世學術必非庸泛。雅既與正平定律之役,而其從祖弟明根復又參定律令並 故崔氏父了之通漢律自不足怪。又崔浩與胡方回有關, 得布帛一千匹、穀一千斛之厚賜, 一隅為保持漢魏晉學術之地域,方回之律學以事理推之,當亦漢律之系統 即具備鄙説所謂地方環境薰習之第一條件。 故特為中述,不敢掠美也)。斯又江左之律學所無者也。 然據魏害北史魏世祖紀、高允傳、游雅傳等, 北史叁肆游明根、 杜之範圍者,要當有所不同也。 明根子肇既徵為廷尉少卿, 游肇傳)。夫漢魏之時法律皆家世之學, 觀游雅之高自矜誕, 方回出自西北, 知魏太武神廟四 **共議何鄭膏肓事今** 後乂徙為廷尉卿 高允在北 自中 及高允之 又游雅之 原 其在 而 魏 經 故 為 賱 永

後漢書柒陸郭躬傳略云:

順帝時廷尉河南吴雄季高以明法律斷獄, 起自孤宦、致位司徒、及子訢、孫恭三世廷尉、

爲法名家。

及同書捌肆楊震傳附楊賜傳載賜以世非法家,固辭廷尉之職。又南齊書貳捌崔祖思傳(南史肆 柒崔祖思傳略同)略云:

明之朝,決獄無冤,慶昌枝裔,槐衮相襲,蟬紫傳輝。今廷尉律生乃令史門户,族非咸 僚屬,苟官世其家,而不美其績,鮮矣。若劉累傳守其業,庖人不乏龍肝之饌,斷可知 弘,庭缺于訓,刑之不措,抑此之由。如詳擇篤厚之士,使習律令,試簡有徵,擢爲廷尉 漢來治律子孫竝世其業,聚徒講授至數百人,故張于二氏絜譽文宣之世,陳郭兩族流稱武 上(齊高帝)初即位,祖思啓陳政事口:「憲律之重由來尚矣,實宜清置廷尉,茂簡三官。

後漢書玖貳鍾皓傳略云::

鍾皓,潁川長社人也。爲郡著姓,世善刑律, 以詩律教授,門徒千餘人。皓孫繇。

章懷注引海内先賢傳曰:「繇,主簿迪之子也。」

三國志魏志壹叁鍾繇傳注引先賢行狀略云:

鍾皓博學詩律,教授門生千有餘人,二子:迪、敷。繇則迪之孫。

同書同卷鍾繇傳略云:

既誅,入爲御史中丞侍中廷尉。聽君父已没,臣子得爲理謗,及士爲侯,其妻不復配嫁 魏國初建,爲大理,遷相國;文帝即王位,復爲大理;及踐阼,改爲廷尉。子毓。〔曹〕爽

毓所創也。

三國志魏志貳捌鍾會傳略云

柒公孫表傳同)略云: 左士族其家世多不以律學相傳授,此又河北、汇東之互異者也。又魏書叁叁公孫表傳(北史貳 由此言之(其例證詳見程著九朝律考捌漢律家考及玖魏律家考,茲不贅),游氏之議定法令, 鍾會,太傅繇少子也。及會死後,於會家得書二十篇,名曰道論, 恐猶是當時中原士族承襲漢魏遺風,法律猶為家世相傳之學,觀崔祖思之論,可知江 而實刑名家也。

魏書、 機心,而導其利巧,深非之。表承指上韓非書二十卷,太祖稱善。第二子軌, 初太祖以慕容垂諸子分據勢要,權柄推移,遂至滅亡,且國俗敦樸,嗜欲寡少,不可啓其 北史雖不載公孫質律學傳授由來,然即就公孫表傳表上韓非書一端言,其事固出於迎合 軌弟質。

時主意旨,或者法家之學本公孫氏家世相承者,亦未可知也。

與南朝之顓守晉律者大異也。 總之,拓跋部落入主中原,初期議定刑律諸人多為中原士族,其家世所傳之律學乃漢代之舊,

精用宏, 宜其經由北齊, 至於隋唐, 成為 一千年來東亞刑律之準則也。茲略引史載北魏太和正 江左二因子俱關重要,於是元魏之律遂匯集中原、河西、江左三大文化因子於一爐而冶之,取 始數次修律始末以論證之。其關於河西文化者,可參閱前禮儀章。 因子似與前時所定者無甚不同。第二次之所定,則河西因子特為顯著。至宣武正始定律河西與 北魏孝文太和時改定刑律共有二次,第一次所定者恐大抵為修改舊文,使從輕典,其所採用之

魏書柒高祖紀(北史叁魏本紀同)云:

太和元年九月乙酉韶羣臣定律令於太華殿。

明年(太和三年)韶允議定律令。

同書肆捌高允傳(北史叁壹高允傳同)略云:

同書壹壹壹刑罰志略公:

過吹毛而舉,其一切罷之。」於是更置謹直者數百人,以防諠鬬於街術, 先是以律令不具,姦吏用法致有輕重,詔中書令高閻集中祕官等修改舊文,隨例增减,又 [太和]三年下韶曰:「治因政寬, 弊由網密,今候職千數,姦巧弄威, 重罪受賕不列, 吏民各安其職業。

勑羣官參議厥衷,經御刊定,五年冬訖,凡八百三十二章。

原儒士,保持漢代學術之遺風者,前已言之矣。 寅恪案:此太和第一次定律,其議律之人如高允、高閻等(多魏書伍肆、北史叁肆高閭傳)皆中

魏書柒下高祖紀(北史叁魏本紀同)云:

太和十五年五月己亥議改律令,於東明觀折疑獄。八月丁已議律令事。

親臨決之。 十六年四月丁亥朔班新律令,大赦天下。五月癸未詔羣臣於皇信堂更定律條流徒限制,

十七年二月乙酉詔賜議律令之官各有差。

寅恪案:魏書、北史李沖傳云:

之與河西關係前已詳論,茲不復贅。又魏書、北史源賀傳附懷傳云: 有主撰之人,如清代聖祖御製諸書即其例也。然則此太和新律總持之主入乃李沖非孝文也。沖 此新律孝文雖自下筆,而備咨訪取决者,實為李沖。前代史籍多以制作大典歸美君主, 及議禮儀律令,潤飾辭旨,刊定輕重,高祖雖自下筆,無不訪決焉。(前文已引) 實則別

源氏雖非漢族, 思禮後賜名懷,遷尚書令,參議律令。(前文已引) 亦出河西,其家子孫漢化特深,至使人詈為漢兒(見前引北史源師傳)。然則源

敷? 矣。又有可注意者,即太和新律已於太和十六年四月頒行,其時猶在王肅北奔前之.歲。 懷之學亦猶李沖之學,皆河西文化之遺風。太和第二次定律河西因子居顯著地位, 和定律,江東文化因素似未能加入其中,恐亦由此未能悉臻美備,遂不得不更有正始定律之舉 觀此可知 蓋太

魏書捌世宗紀(北史肆魏本紀同)云:

正始元年十有二月己卯韶羣臣議定律令。

同書陸玖袁飜傳(北史肆柒袁翻傳同)略云:

大匠李韶、 彭城王勰、司州牧高陽王雍、 林監王元龜, 紹,廷尉監張虎,律博士侯堅固,治書侍御史高綽, 少以才學擅美一時,正始初韶尚書門下於金墉中書外省考論律令, 秀入國,而大將軍劉昶每提引之,言是其外祖淑之近親,令與其府諮議參軍袁濟爲宗。 陳郡項人也。父宣有才筆,爲劉彧青州刺史沈文秀府主簿。皇興中東陽州平, 國子祭酒鄭道昭、 尚書郎祖瑩、宋世景,員外郎李琰之,太樂令公孫崇等並在議限。又韶太師 中書監京兆王愉、前青州刺史劉芳、 廷尉少卿王顯等入預其事。 前軍將軍邢苗, 奉車都尉程靈虬, 左衛將軍元麗、兼將作 翻與門下録事常景、 隨文 飜 孫 羽

同書壹壹壹刑罰志 云

外省論律令,諸有疑事斟酌新舊, 世宗即位, 垂心憲典,刊革令軌, 意在寬政, 但時屬征役,未之詳究,施於時用,猶致疑舛。 正始元年冬韶曰:「議獄定律有國攸慎, 更加思理,增减上下必令周備, 輕重損益世或不同, 随有所立, 尚書門下可於中書 别以甲聞 先朝

庶於循變協時,永作通制。

無疑。 之因子當有彌補, 詳悉重出, **其事者劉芳、常景** 寅恪案:抽繹正始議律之詔語, 魏書、北史芳傳云: 但略述最有關之語以資論證。考劉芳本南朝士族以俘虜入魏, 而太和新律中江左因子最少,前己言及,今正始修律議者雖多, 一人而已。一人魏書、北史俱有傳,前禮儀章已將其傳文節引之矣。茲不復 知於太和新律意有所不滿, 故此次之考論必於太和新律所缺乏 其律學自屬江左系統 但前後實主

[自青州刺史]還朝,議定律令,芳斟酌古今,爲大議之主,其中損益多芳意也。(前文已

3]

據此, 以輸入江左文化,使其益臻美備, 南入北, 正始議律芳實為其主持者,其所以委芳以主持之任者,殆不僅以芳為當世儒宗, 正與劉芳同類, **其律學亦為南學,** 而補太和新律之缺憾耶?至此次與議之袁飜其以江左上族由 更無待論也。 實欲藉

洛陽伽藍記壹城内永寧寺條略云:

王亢龜、尚書郎祖瑩、散騎侍郎李琰之等撰集其事,又韶彭城王勰、青州刺史劉芳入預其 [常]景字永昌,河内人也。敏學博通,知名海内。太和十九年爲高祖所器,拔爲律學博 景討正科條,商權古今,甚有倫序,見行於世,今律二十篇是也。 刑法疑獄多站於景。正始初韶刊律令,永作通式,勅景共治書侍御史高僧裕、 羽林監

景之起家為律博士,尤足徵刑律為其家世之學也。魏書、北史常景傳又謂: 寅恪案:前禮儀章引常爽、常景父子傳,知其家世本出凉州,爽為當日大師, 代表河西文化

卷。永熙二年監議[五禮](依徐崇説補)事。(前文已引) 事。及世宗崩,召景〔自長安〕赴京,還修儀注,又勅撰太和之後朝儀已施行者,凡五十餘 先是太常劉芳與景等撰朝令,未及班行,別典儀注,多所草創,未成,芳卒, 景纂成其

此事固與刑律有別,但可知景為繼劉芳之人,為當日禮儀、刑律之所從出,其在元魏末期法制 大體似較漢律為進化,然江左上大夫多不屑研求刑律,故其學無大發展。且漢律之學自亦有精 總之,元魏刑律實綜匯中原上族僅傳之漢學及永嘉亂後河西流寓儒者所保持或發展之漢魏晉文 出凉州,駿為河西大儒劉昞之門人,靈虬又從學常爽,故靈虬刑律之學亦河西之流派也。 史上地位之重要,自可知也。至程靈虬者,程駿之了(魏書、北史程駿傳,前文匕引),家世本 並加以江左所承西晉以來之律學, 此誠可謂集當日之人成者。 若就南朝承用之晉律論之,

之功, 遺留者亦稍不同, 湛之義旨, 並非偶然所致也 為江東所墜失者, 故北魏前後定律能綜合比較, 而河西區域所保存漢以來之學術,別自發展, 取精用宏, 所以成此偉業者, 與北魏初期中原所 實有其廣收 博取

北齊刑律最為史家所稱,隋書貳伍刑法志略云:

河清三年尚書令趙郡王叡等奏上齊律十二篇, 又上新令四十卷, 大抵採魏晉故事。

齊人多曉法律,蓋由此也。

[周律]比於齊法,煩而不要。

令明審,科條簡要。又勅仕門子弟常講習之,

故齊律之善於周律不待詳論。但程樹德先生九朝律考壹柒北齊律考序云:

推原其故,蓋卨氏爲勃海蓨人。勃海封氏世長律學, 封隆之參定麟趾格, 封繪議定律令、

而齊律實出於封繪之手,祖宗家法俱有淵源。

致, 釋齊律所以美備之故。鄙意封氏世傳律學,本南北朝學術中心移於家族之一例, **因襲北魏,** 寅恪案:程氏之説以高齊皇室與封氏同鄉里,而封氏又世長律學,似欲取家世及鄉里二端以解 同出渤海 並非由皇室鄉里之特殊之原因。北齊刑律較優於南朝, 刑律亦不能獨異,故此乃全體文化之承繳及其自然演進之結果,觀於前論禮儀、宫 則一偶然之事,實無相關之必然性也。竊謂齊律之美備殆由承襲北魏刑律之演進所 前已言之,北齊之典章制度既 其與高齊帝室

也。 城、 職官諸制度可以證明。 程氏專考定律始末, 僅就高齊與封氏同鄉里一端立説,恐失之稍隘

北周制律, 而天然淘汰盡矣。 **故隋受周禪**, 強摹周禮,非驢非馬,與其禮儀、職官之制相同,己於前職官章詳論之, 其刑律亦與禮儀、 職官等皆不襲周而因齊,蓋周律之矯揉造作,經歷數十年 茲不復

隋書貳伍刑法志略云:

損益。三年又勅蘇威、牛弘更定新律,自是刑網簡要, 高祖既受周禪, 開皇元年乃韶尚書左僕射高頌等更定新律奏上之,多採後齊之制, 疎而不失。 而頗有

唐承隋業,其刑律又因開皇之舊本,唐會要叁玖定格令門(參考舊唐書伍拾刑法志)云:

令蕭瑀、禮部尚書李綱、國子博士丁孝烏等同修之,至七年三月二十九日成, 大理卿郎楚之、司門郎中沈叔安、内史舍人崔善爲等更撰定律令,十二月十二日又加内史 務從寬簡,取便於時。其年十一月四日頒下, 武德元年六月十一日詔劉文静與當朝通識之士因隋開皇律令而損益之,遂制爲五十三條, 仍令尚書令左僕射裴寂、 吏部尚書殷開山 韶頒於天

寅恪案:唐律因於隋開皇舊本,隋閒皇定律又多因北齊,而北齊更承北魏太和正始之舊, 然則

大略以開皇爲準, 正五十三條, 凡律五百條, 格入於新律,

他無所改正。

共源流演變固瞭然可考而知也。 茲就唐律中略舉其源出北齊最顯而易見之例數則, 以資參考。

中分爲法例律,宋、齊、梁、後魏因而不改。爰至北齊併刑名、法例爲名例, 魏因漢律爲一十八篇,改漢具律爲刑名第一。晉命賈充等增損魏律爲二十篇, 名。隋因北齊,更爲名例;唐因於隋, 相承不改。 後周復爲刑 於魏刑名律

寅恪案:此隋唐律因北齊而不襲後周之一例證。

同書柒衛禁篇云:

宋洎於後周此名並無所改。至於北齊,將關禁附之, 衛禁律者,秦漢及魏未有此篇,晉賈充酌漢魏之律, 更名禁衛律, 隨事增損, 創制此篇, 隋開皇改爲衛禁律。 名衛宫律, 自

寅恪案:此隋唐律因北齊而不襲後周之又一例證。

同書壹貳户婚篇 云:

户婚律,漢相蕭何承秦六篇律後加廐興户三篇,爲九章之律,迄至後周,皆名户律,北齊 以婚事附之,名婚户律;隋開皇以户在婚前,改爲户婚律。

寅恪案:此為隋唐律承北齊而不襲後周之又一例證。

同書 重量關公篇 云:

從秦漢至晉,未有此篇。至後魏太和年分繫訊律爲關律, 至北齊以訟事附之, 名爲關訟

律,後周爲關競律,隋開皇依齊鬪訟名,至今不改。

寅恪案:此隋唐律因北齊不襲後周之又一例證。

同書貳捌捕亡篇云:

捕亡律者,魏文侯之時李悝制法經六篇, 捕法第四, 至後魏名捕亡律, 北齊名捕斷律, 後

周名逃捕律,隋復名捕亡律。

又同書貳玖斷獄篇云:

斷獄律之名起自於魏, 魏分李悝囚法, 而出此篇。 至北齊, 與捕亡律相合, 更名捕斷律。

至後周復爲斷獄律。

轉可證明北魏、 捕亡與斷獄為一,名捕斷律, 為之附辨於此。 寅恪案:初觀此有似隋制律時此點不因北齊而轉承後周者,但詳繹之, 北齊、隋、唐律為一系相承之嫡統,而與北周律無涉也,恐讀者有所疑滯, 隋律之復析為二,實乃復北魏之舊,非意欲承北周也。 則由北齊律合後魏律之 然則據此

五 音 樂

以為隋唐胡樂悉因於北周也。 者。本章所欲論者,在證述唐之胡樂多因於隋,隋之胡樂又多傳自北齊,而北齊胡樂之盛實由 之胡樂及隋代鄭譯七調出於北周武帝時龜茲人蘇祗婆之類,皆已考證詳稿,此本章所不欲重論 之。至胡樂則論述較詳,蓋自來中外學人考隋唐胡樂之源流者,其著撰大抵關於唐代直接輸入 承襲北魏洛陽之胡化所致。因推究其淵源,明述其系統,毋使考史者僅見鄭譯七調之例,遂誤 今論隋唐音樂之淵源,其雅樂多同於禮儀,故不詳及,惟有涉誤會及前所未論者乃解釋補充

隋書壹肆音樂志略云

國舊事,考尋古典。]高祖不從曰:「梁樂亡國之音,奈何遣我用耶?」是時尚因周樂, 開皇二年齊黄門侍郎顏之推上言:「禮崩樂壞,其來白久,今太常雅樂並用胡聲,請馮梁 常卿牛弘、國子祭酒辛彦之、國子博士何妥等議正樂,然淪謬既久,積年議不定,高祖大 工人齊樹提檢校樂府,改换聲律,益不能通。俄而柱國沛公鄭譯奏上請修更正, 於是韶太

怒曰:「我受天命七年,樂府猶歌前代功德耶?」

音樂志所載; 寅恪案:此條所紀有應解釋補充者數事,即顏之推所謂「今太常雅樂並用胡聲」之語指隋書壹肆

習焉,採用其聲,被於鍾石,取周官制以陳之。 四夷樂,其後帝娉皇后於北狄,得其所獲康國、龜茲等樂,更雜以高昌之舊,並於大司樂 〔周〕太祖輔魏之時,高昌欵附,乃得其伎,教習以備饗宴之禮。及天和六年,武帝罷掖庭

請, 似隋之雅樂不採江左之舊者,則實不然。隋書壹伍音樂志略云: 蓋周之樂官採用中央亞細亞之新樂也。但志謂高和以梁樂為亡國之音,不從顏之推之

可用,請悉停之。」晉王廣又表請,帝乃許之。牛弘遂因鄭譯之舊,又請依古五聲六律旋 開皇九年平陳,獲宋齊舊樂,詔於太常置清商署以管之,求陳太樂令蔡子元、于普明等, 弘奏下不許作旋官之樂,但作黄鍾一官而已。於是牛弘及祕書丞姚察、通直散騎常侍許善 相爲宫,高祖猶憶〔何〕妥言(寅恪案:何妥非十二律旋相爲宫義,見隋書壹肆音樂志),注 云太武平赫連昌所得,更無明證,後周所用者皆是新造,雜有邊裔之聲,戎音亂華,皆不 承,以爲合古,且觀其曲體,用聲有次,請修緝之,以備雅樂。其後魏洛陽之曲,據魏史 復居其職。由是牛弘奏曰:"前克荆州,得梁家雅曲,今平蔣州,又得陳氏正樂,史傳相

矣。 司。」於是並撰歌辭三十首,韶並令施用。 許善心,兼内史舍人虞世基,儀同三司東官學士饒陽伯劉臻等奏曰:「金陵建社, 年三月乙丑韶書)。祕書監奇章縣公牛弘,祕書丞北絳郡公姚察,通直散騎常侍虞部侍郎 奔,帝則皇規粲然更備,與内原(寅恪案:内原即中原, 伏惟明聖膺期,會昌在運,今南征所獲梁陳樂人及晉宋旗章宛然俱至,臣等伏奉明 詳定雅樂,博訪知音,旁求儒彦,研校是非,定其去就,取爲一代正樂,具在本 儀同三司劉臻、通直郎虞世基更共詳議。十四年三月樂定(參隋書貳高祖紀開皇十四 隋諱嫌名故改)隔絶,三百年於茲 朝士南

據此, 朝舊人,其名氏事蹟前已述及者,茲從略省,惟補記前文所未載者如下: 則隋制雅樂,實採丌東之舊,蓋雅樂系統實由梁陳而傳之於隋也。其中議樂諸臣多是南

陳書貳柒姚察傳(南史陸玖姚察傳同)略云::

令。〔陳後主世〕遷吏部尚書。陳滅入隋,開皇九年韶授祕書丞。 姚絮,吴舆武康人也。九世祖信吴太常卿,有名江左。〔梁〕元帝於荆州即位, 授察原鄉

北齊書肆伍文苑傳顏之推傳(北史捌叁文苑傳顏之推傳同)略云:

鎮西府諮議參軍。[湘東王]繹遣世子方諸出鎮郢州, 顏之推,琅邪臨沂人也。九世祖含從晉元東度,官至侍中右光禄西平侯;父凞梁湘東王繹 以之推掌管記, 值侯景陷郢州 被囚

送建業,景平,還江陵,時繹已立,以之推爲散騎侍郎奏舍人事。後爲周軍所破,大將軍 李顯慶重之,令掌其兄陽平公遠書翰,值河水暴長,具船將妻子來奔。[後]除黄門侍郎,

隋哲柒陸文學傳劉臻傳(北史捌叁文苑傳劉臻傳同)略云:齊亡入周,隋開皇中太子召爲學士。

高祖受禪,進位儀同三司。 陷,復歸蕭詧,以爲中書侍郎。周冢宰宇文護辟爲中外府記室,後歷藍田令畿伯下大夫。 劉臻,沛國相人也。父顯,梁尋陽太守。臻爲邵陵王東閣祭酒,元帝時遷中書舍人。江陵

等議定隋樂,以所獲梁陳樂人備研校,此乃隋開皇時制定雅樂兼採梁陳之例證也。 **寅恪案:姚察、顔之推、劉臻皆江左士族,梁陳舊臣,官之推請依梁舊事,以考占典,** 察、 臻

隋書壹伍音樂志略云:

爲九部樂,器工依創造,既成,大備於茲矣。 伎。及大業中,煬帝乃定清樂、西凉、龜茲、 **伎,六日龜茲伎,七曰文康伎;又雜有疎勒、扶南、康國、百濟、突厥、新羅、俀國等** 始開皇初定令,置七部樂:一曰國伎,二曰清商伎,三曰高麗伎,四曰天竺伎, 天竺、康國、疎勒、安國、高麗、 五日安國 禮畢,以

清樂,其始即清商三調是也。並漢來舊曲,樂器形制並歌章古辭與魏三祖所作者皆被於史

善其節奏,曰:「此華夏正聲也。」其樂器有鐘、罄、琴、瑟、擊琴、琵琶、箜篌、 節鼓、笙、笛、簫、篪、填等十五種爲一部,工二十五人。 始於凉州得之。宋武平關中, 屬晉朝遷播, 夷羯竊據,其音分散。苻永固(寅恪案:苻堅字永固,此避隋諱改)平張 因而入南,不復存於内地,及平陳後獲之。高祖聽之,

埬 則亦不得謂之純粹華夏正聲,蓋不過胡樂之混雜輸入較先者,往往使人不能覺知其為輸入品 寅恪案:此隋定樂兼採梁陳之又一例證也,此部樂器中既有琵琶、箜篌,是亦有胡中樂器, 同書同卷音樂志略云:

平河西得之,謂之西凉樂;至魏周之際遂謂之國伎。今曲項琵琶、 西凉者起苻氏之末,吕光、 非華夏舊器。 沮渠蒙選等據有凉州, 變龜茲聲爲之, 號爲秦漢伎",魏太武既 豎頭箜篌之徒並出自西

也, 之際遂謂之國伎,則流傳既久,渾亡其外來之性質,凡今日所謂國粹者頗多類此, 寅恪案:此河西文化影響北魏遂傳至隋之一例證,其系統淵源,史志之文尤明顯矣。至云魏周寅恪案:此河西文化影響北魏遂傳至隋之一例證,其系統淵源,史志之文尤明顯矣。至云魏周 以非本書範圍, 放不置論。 如國醫者是

隋書壹伍音樂志略 云:

龜茲者,起自呂光滅龜茲, 因得其聲。吕氏亡,其樂分散,後魏平中原,復獲之。其聲後

復正聲,此不祥之大也。公等對親賓宴飲,宜奏正聲,聲不正,何可使兒女聞也。」帝雖 多變易,至隋有西國龜茲、齊朝龜茲、 因語明達云:「齊氏偏隅,曹妙達猶自封王,我今天下大同,欲貴汝,宜自修謹!」 有此勑,而竟不能救焉。煬帝大製艷篇,辭極淫綺,令樂正白明達造新聲,帝悦之無已, 音伎,估衒公王之間,舉時争相慕尚。高祖病之,謂羣臣曰:「聞公等皆好新變,所奏無 曹妙達、王長通、李士衡、郭金樂、安進貴等,皆妙絶弦管,新聲奇變,朝改暮易, 土龜茲等,凡三部。開皇中其器大盛於間閉, 時有

北齊,如曹妙達者,固是齊人也。隋書壹叁音樂志略云: 寅恪案:隋代上自宫廷,下至民衆,實際上最流行之音樂,即此龜茲樂是也。考龜茲樂多傳自

煬帝矜奢,頗玩淫曲,御史大夫裴藴揣知帝情,奏括周、齊、梁、陳樂工子弟及人間善聲 高齊之舊曲云。 調者凡三百餘人,並付太樂,倡優獶雜咸來萃止。其哀管新聲淫絃巧奏,皆出鄴城之下,

觀此, 則知隋世之音樂實齊樂也。又其所謂「倡優獶雜」者即隋書壹伍音樂志之

開皇初並放遣之。及大業二年突厥染干來朝,煬帝欲誇之,總追四方散樂大集東都。 物,名爲百戲。周時鄭譯有寵於宣帝,奏徵齊散樂人並會京師爲之,蓋秦角抵之流者也, 始齊武平中有魚龍爛漫、俳優朱儒、山車巨象、拔井種瓜、殺馬剥驢等奇怪異端百有餘

亦受齊樂工之影響。如隋書壹伍音樂志云: 節所言之散樂,亦即齊之百戲也。又隋代不僅俗樂即實際流行之音樂出於北齊, 即廟堂雅奏

高祖遣内史侍郎李元操、直内史省盧思道等列清廟歌辭十二曲,令齊樂人曹妙達於太常教

習,以代周歌。

可證也, 考北齊盛行之樂皆是胡樂,隋書壹肆音樂志述齊代音樂略云:

好,至河清以後傳習尤盛。後主唯賞胡成樂,耽愛無已,於是繁手淫聲争新哀怨,故曹妙 雜樂有西凉、鼙舞、清樂、龜茲等,然吹笛、 彈琵琶、五弦歌舞之伎自文襄以來皆所愛

達、安未弱、安馬駒之徒至有封王開府者。

者,兹置不論。即觀北齊書伍拾恩倖傳(北史玖貳恩幸傳同)所載關於音樂歌舞者,可知皆出於 寅恪案:曹、安等皆西胡氏族也,北齊之宫廷尤其末年最為西域胡化, 其關於政治及其他伎術

西胡之族類也,如傳序略云:

西域醜胡龜茲雜伎封王者接武,開府者比肩。胡人樂工叨竊貴幸,

今亦出焉。

傳末略云:

又有史醜多之徒胡小兒等數十, 咸能舞工歌, 亦至儀同開府封王。 至於胡小兒等眼鼻深

險,一無可用。

然則北齊宫廷胡化音樂勢力之廣大有如是者, 更可注意者,即恩倖傳韓鳳傳云:

此 成曰:「急時且守此作龜茲國子,更可憐人生如寄,唯當行樂,何因愁爲?」君臣應和若 壽陽陷没,鳳與穆提婆聞告敗,握槊不輟曰:「他家物,從他去。]後帝使於黎陽臨河築城

知, 實為承襲北魏洛陽之遺風, **大握槊西胡戲也,** 何怪西胡音樂之大盛於當時,而傳流於隋代也。鄙意北齊鄴都所以如此之西胡化者,其故 龜茲西域國也,齊室君臣於存亡危急之秋猶應和若此,則其西胡化之程度可 洛陽伽藍記叁城南永橋以南闌丘以北伊洛之間夾御道有四夷館條

西夷來附者處崦嵫館,賜宅慕義里。自葱嶺以西至於大秦,百國千城莫不欵附, 門巷修整, 所謂盡天地之區矣。樂中國主風因而宅者, 不可勝數, 閻闔填列, 青槐蔭陌,緑柳垂庭,天下難得之貨,成悉在焉。 是以附化之民萬有餘 商胡販客

又同害同卷菩提寺條云:

菩提寺,西域胡人所立也,在慕義里。

鄴都西域胡化尤其胡樂之盛必與此有關。否則齊周東西隔絶, 蓋北魏洛陽既有萬餘家之歸化西域胡人居住,其後東魏遷鄴,此類胡人當亦隨之移徙,故北齊 若以與西域交通論, 北周領土更

之盛,遂至隋代猶承其遺風也。故隋之胡樂大半受之北齊,而北齊鄴都之胡人胡樂又從北魏洛 陽轉徙而來,此為隋代胡樂大部分之系統淵源,前入尚未論及,因為備述之如此。 為便利,不應北齊宫廷胡小兒如是之多,為政治上一大勢力,而西域文化如音樂之類北齊如是

志、新唐書貳壹禮樂志等): 至唐初音樂之多承隋舊,其事甚顯,故不多述,僅節録唐會要之文如下(參考舊唐書貳捌音樂

唐會要考貳雅樂條略云:·

高祖受禪,軍國多務,未遑改創,樂府尚用隋代舊文。

同書叁叁讌樂條略云::

麗,六龜茲,七安國,八流勒,九康國。 武德初未暇改作,每讌享因隋舊制,奏九部樂: 一讌樂, 二清商, 三西凉, 四扶南, 五高

從西域輸入者則事在本章主旨範圍之外,故置不論 寅恪案:唐之初期其樂之承隋亦猶禮之因隋,其系統淵源, 蓋無不同也。若其後之改創及直接

六兵 制

研究所集刊第柒本第叁分,茲略增訂,以爲此書之一章。)(此章本題爲府兵制前期史料試釋,載中央研究院歷史語言

(壹

多,又所據史籍,皆通行坊刻,未能與傳世善本一一詳校,尤不敢自謂有所創獲及論斷也。 以推比補充,其制度概略今尚不甚難知。惟隋以前府兵之制,則史文缺略,不易明悉,而唐人 追述前事,亦未可盡信。茲擇取此制前期最要之史料,試為考釋,其間疑滯之義不能通解者殊 復更多所誤會。夫唐代府兵之制,吾國史料本較完備,乂得日本養老令之宫衛軍防諸令條, 質,是執一貫不變之觀念,以説此前後大異之制度也,故於此中古史最要關鍵不獨迄無發明, 史者於時代之先後往往忽略,遂依據此制度後期即唐代之材料,以推説其前期即隋以前之事 府兵之制起於西魏大統,廢於唐之天寶,前後凡二百年,其間變易增損者頗亦多矣。後世之考

()

北史陸拾(周書壹陸同,但無「每一團儀同二人」至「並資官給」一節, 又通典貳捌職官典拾將軍

總叙條及叁肆職官典壹陸勳官條略同)云, 戚,從容禁圍而已,此外六人各督二大將軍。分掌禁旅,當爪牙禦侮之寄,當時榮盛莫與 爲比,故今之稱門閥者咸推八柱國家。今並十二大將軍録之於左: 統三年,魏文帝復以周文帝建中興之業,始命爲之。其後功參佐命、 初魏孝莊帝以爾朱榮有翊戴之功,拜榮柱國大將軍,位在丞相上。榮敗後,此官遂廢。大 自大統十六年已前任者凡有八人。周帝位總百揆,都督中外軍事,魏廣陵王欣元氏懿 望實俱重者亦居此

使持節太尉柱國大將軍大都督尚書左僕射隴右行臺少師隴西郡開國公李虎(略)與周文帝爲

八柱國。

使持節大將軍大都督少保廣平王元贊。(略)

日下, 是爲十二大將軍。每大將軍督二開府,凡爲二十四員,分團統領,是二十四軍。每一 同二人,自相督率,不編户貫,都十二大將軍。十五日上,則門欄陛戟,警晝巡夜;十五 則教旗習戰, 無他賦役,每兵唯辦弓刀一具,月簡閱之,甲槊戈弩並資官給。 自大 團儀

在諸公之下,並不得預於此例。 典俱作「咸是散秩」),無所統御。六柱國十二大將軍之後有以位次嗣掌其事者,而德望素 並不在領兵之限。此後功臣位至柱國及大將軍者衆矣,不限此秩(「不限此秩」, 統十六年以前十二大將軍外,念賢及王思政亦拜大將軍,然賢作牧隴右,思政出鎮河南, 周書及通

玉海壹叁捌兵制叁引鄴侯家傳云:

分隷十二衛,皆選勳德信臣爲將軍。 衣、馱牛驢及糗糧六家共備,撫養訓導,有如子弟,故能以寡克衆。自初屬六柱國家,及 兵,皆於六户中等已上家有三下者,選材力一人,免其身租庸調,郡守農隙教試閱, 信、大司寇于謹、大司空侯莫陳崇等六家主之,是爲六柱國,其有衆不滿五萬。初置府 師隴右行臺僕射隴西公,與臣五代祖弼、太保大司徒趙郡公及大宗伯趙貴、太司馬獨孤 軍,二大將軍屬一柱國大將軍,仍加號持節大都督以統之。時皇家太祖景皇帝(李虎)爲少 初置府不滿百,每府有郎將主之,而分屬二十四軍,每府一人將焉。每二開府屬一大將 兵仗

先生胡刻通鑑正文校宋記壹柒)。蓋溫公讀「共」為「供」,僅此一事殊可注意而已。夫關於府兵 寅恪案:通鑑壹陸叁梁簡文帝大寶元年即西魏文帝大統十六年紀府兵之緣起,即約略綜合上引 ||像之文,別無其他材料。惟「六家共備」今所見諸善本俱作「六家供之」,當非誤刊(參考章鈺

之材料,以相比證,試作一較新之解釋於下: 制度起源之史料,君實當日所見者既是止此二條, 故今日惟有依此二條之記載, 旁摭其他片斷

甚明, 卑舊俗為依歸;其有異於鮮卑之制而適符於周官之文者,乃黑獺別有利用之處, 文比附其鮮卑部落舊制,資其野心利用之理由也。苟明乎此,則知宇文泰最初之創制,實以鮮 陽鄴都及蕭氏治下建康江陵承襲之漢魏晉之二系統,此宇文泰所以使蘇綽、盧辯之徒以周官之 泰當日所憑藉之人材地利遠在高歡之下,若欲與高氏抗爭,則惟有於隨順此鮮卑反動潮流大勢 飾之具耳。八柱國者,摹擬鮮卑舊時八國即八部之制者也。魏書壹壹叁官氏志云: 北魏晚年六鎮之亂,乃塞上鮮卑族對於魏孝文帝所代表拓跋氏歷代漢化政策之一大反動 別採取一系統之漢族文化,以籠絡其部下之漢族,而是種漢化又須有以異於高氏治下洛 無待贅論。高歡、宇文泰俱承此反對漢化保存鮮卑文化之大潮流而興起之梟傑也。 特取周官為緣

車氏。凡與帝室爲十姓。凡此諸部,其渠長皆自統衆。 族之輿,自此始也。又命叔父之胤曰乙旃氏,後改爲叔孫氏;又命疏屬曰車焜氏,後改爲 諸部有九十九姓。至獻帝時, 七分國人, 使諸兄弟各攝領之, 乃分其氏。七

天輿元年十二月置八部大夫散騎常侍待韶等官,其八部大夫於皇城四方四維面置一人,以

擬八座,

謂之八國

天賜元年十一月以八國姓族難分,故國立大師、 小師,令辯其宗黨,品舉人才。自八國以

外,郡各自立師,職分如八國,比今之中正也。宗室立宗師,亦如州郡八國之儀

神瑞元年春置八大人官,大人下置三屬官,總理萬機,故世號八公云。

又同書壹伯拾食貨志云:

天興初制定京邑,東至代郡, 西及善無, 南極陰館, 北盡參合,爲畿内之田, 其外四方四

維置八部帥以監之。

周書貳文帝紀下魏恭帝元年(通鑑壹陸伍梁元帝承聖三年春同)云:

魏氏之初,統國三十六,大姓九十九,後多絶滅,至是以諸將功高者爲三十六國後,

者爲九十九姓後,所統軍人亦改從其姓。

陵王元欣列入其中之一,即擬拓跋鄰即所謂獻帝本支自領一部之意,蓋可知也。據周書貳文帝 寅恪案:拓跋族在塞外時,其宗主為一部,其餘分屬七部,共為八部。字文泰八柱國之制以廣 云:「凡此諸部,其渠長皆自統衆」,則凡一部落即一軍事單位内之分子對於其部落之酋長即軍 紀下、北史玖周本紀上西魏恭帝元年及通鑑壹陸伍梁元帝承聖三年所載西魏諸將賜胡姓之例, ·所統軍人亦改從其姓」, 明是以一軍事單位為一部落,而以軍將為其部之酋長。據魏書官氏志 有直接隷屬即類似君臣之關係與名分義務,此又可以推繹得知者。宇文泰初起時,本非當

日關隴諸軍之主帥, 實與其他柱國若趙貴輩處於同等地位,適以機會為貴等所推耳。 如周書壹

文帝紀上(北史玖周本紀上略同)略云:

所依。竊觀字文夏州遠邇歸心,士卒用命,今若告喪,必來赴難,因而奉之,則大事集 材。」於是趙貴言於衆曰:「元帥(賀拔岳)勳業未就,奄罹凶酷,豈唯國喪良宰, 三軍未有所屬, 諸將以都督寇洛年最長, 相與推洛, 以總兵事。洛素無雄略, 威令不行, 矣。」諸將皆稱善。 乃謂諸將曰:「洛智能本闕,不宜統御,近者迫於群議, [賀拔]岳果爲[侯莫陳]悦所害,其士衆散還平凉,惟大都督趙貴率部曲收岳屍還營。 推相攝領, 今請避位、 固亦衆無 於是

又同書壹陸趙貴傳(北史伍玖趙貴傳、通鑑壹陸柒陳武帝永定元年同)云: 初貴與獨孤信等皆與太祖(宇文泰)等夷。

及周書壹伍于謹傳(北史貳叁于謹傳及通鑑壹陸陸梁敬帝太平元年同)云.

謹既太祖等夷。

皆是其證。但八柱國之設,雖為摹倣鮮卑昔日八部之制,而字文泰既思提高一己之地位,不與 其柱國相等,又不欲元魏宗室實握兵權,故雖存八柱國之名,而以六柱國分統府兵,以比附於 周官六軍之制。此則雜糅鮮卑部落制與漢族周官制, 以供其利用,讀史者不可不知者也。

之制始一變。 斷限者,以其為李虎卒前之一年也。蓋八柱國中虎最先卒,自虎卒後,而八柱國中六柱國統兵 統十六年以前,故通鑑即繫此事於梁簡文帝大寶元年即西魏文帝大統十六年。其所以取此年為 不甚顯著,故易為考史者所忽視。茲請略發其覆:據周書、北史、通典之紀八柱國, 利用之,以漸收其他柱國之兵權,而擴大己身之實力,此又為情理之當然者。但此事跡象史籍 又宇文泰分其境内之兵,以屬趙貴諸人,本當日事勢有以致之,殊非其本意也。故遇機會,必 皆斷自大

通鑑壹陸肆梁簡文帝人寶二年即西魏文帝大統十七年云:

五月魏隴西襄公李虎卒。

師 國:一為柱國大將軍太傅大司徒廣陵王元欣,一即柱國大將軍少師義陽王元子孝。元子孝以少 通鑑此條所出,必有確實之依據,自不待言。周書叁捌元偉傳附録魏宗室王公名位中有二柱 而為柱國,明是繼李虎之位。魏書壹玖、北史壹柒俱載子孝事蹟,但北史較詳。北史云:

孝武入關,不及從駕,後赴長安,封義陽王,後歷尚書令柱國大將軍。子孝以國運漸移,

亦未載子孝為柱國年月,萬斯同西魏將相大臣年表恭帝元年甲戌條云: 深自貶晦, 日夜縱酒,後例降爲公,復姓拓拔氏,未幾卒。

少師(柱國)[李]虎卒。

義陽王子孝柱國大將軍。

萬表以義陽王子孝繼李虎之職, 可據。(謝啓崐两魏書壹捌李虎傳載虎卒於恭帝元年五月,亦誤。) 自屬正確。但列李虎卒於恭帝元年, 顯與通鑑衝突,

又周書壹玖達奚武傳(北史陸伍達奚武傳及通鑑壹陸肆梁簡文帝大寶二年元帝承聖元年俱略同)

元年)武振旅還京師,朝議初欲以武爲柱國,武謂人曰:「我作柱國不應在元子孝前。 [大統]十七年(北史脱「七」字)韶式率兵三萬經略漢川。自劍以北悉平。明年(即西魏廢帝 固

伍梁元帝承聖二年同)云: 軍士,以隷屬於己。元子孝與元欣同為魏朗宗室,從容禁闥,無將兵之實,若以之繼柱國之 之旁證。武之讓柱國於子孝,非僅以謙德自鳴,殆窺見宇文泰之野心,欲併取李虎所領之一 武取南鄭於梁元帝承聖元年即西魏廢帝元年五月,故武之還長安尚在其後),其遺缺尚未補人 元子孝也。此亦李虎卒於大統十七年,而其次年即廢帝元年達奚武班師還長安時(通鑑繫達奚 可知西魏廢帝元年即李虎卒後之次年,達奚武以攻取漢中之功應繼虎之後任為柱國,而武讓於 徒擁 虚位, 黑獺遂得增加一己之實力以制其餘之五柱國矣。故周書貳文帝紀下(通鑑壹陸

部

魏廢帝二年春,魏帝詔太祖去丞相大行臺,爲都督中外諸軍事。

後,其非偶然,抑可知也。又元子孝為虛位柱國,既不統軍, 此為宇文泰權力擴張壓倒同輩名實俱符之表現, 信之人。周書貳拾閻慶傳(北史陸壹閻慶傳同)云: 而適在李虎既卒、達奚武讓柱國於元子孝之 而實領李虎舊部者當為宇文泰親

賜姓大野氏。晉公護母,慶之姑也。

總而言之,府兵之制,其初起時實摹擬鮮卑部落舊制,而部落酋長對於部内有直轄之權, 而以己之親信資位較卑若閻慶者代領其軍歟? 此無確證,姑備一説而已。 依西魏賜姓之制,統軍之將帥與所統軍人同受一姓。慶與李虎同姓大野氏,虎之年位俱高於 則慶當是虎之部下; 慶與宇文氏又有戚誼, 或者虎卒之後, 黑獺即以柱國虛位界元子孝, 對於

也。 制, 部外具獨立之勢。宇文泰與趙貴等並肩同起,偶為所推,遂居其上,自不得不用八柱國之虛 若改移此部屬之觀念,及變革此獨立之制度,乃宇文泰所未竟之業,而有待於後繼者之完成者 帥。但在宇文氏創業之時,依當時鮮卑舊日觀念,其兵上尚分屬於各軍將,而不直隸於君主。 而以六柱國分統諸兵。後因李虎先死之故,併取其兵,得擴張實力,以懾服其同起之酋

宇文泰之建國,兼採鮮卑部落之制及漢族城郭之制,其府兵與農民迥然不同,而在境內為一特

殊集團及階級。北史陸拾所謂「自相督率,不編户貫」,及周書叁孝閔帝紀(北史玖周本紀上同)

元年八月甲午詔曰:

今二十四軍宜舉賢良堪治民者,軍列九人。

皆足證也。

鄴侯家傳所謂「六户中等已上」者,此「六户」與傳文之「六家」不同,蓋指九等之户即自中下至上 上凡六等之户而言,文獻通考壹伍壹兵考作「六等之民」,當得其義。魏書壹佰拾食貨志云:

顯祖(今本通典伍食貨典作莊帝,不合)因民貧富,爲租輸三等九品之制。

宇文泰殆即依此類舊制分等也。又周書貮文帝紀下魏大統九年(通鑑壹伍捌梁武帝大同九年同)

於是廣募關隴豪右,以增軍旅。

間,與後來設置府兵地域內其兵役之比較普遍化者,迥不相同也。 者固應視為貴族、 然則府兵之性質,其初元是特殊階級。其鮮卑及六鎮之胡漢混合種類及山東漢族武人之從入關 即在關隴所增收編募,亦止限於中等以上豪富之家,絶無下級平民參加於其

又鄴侯家傳[六家共之]之語,[共]若依通鑑作[供給]之[供],自易明瞭。惟[六家]之語最難通 日本岡崎文夫教授於其所著關於唐衛府制與均田租庸調法之一私見(東北帝國大學十周年

如子弟」之語,尤足證其意實日六柱國家。至其詞涉誇大,不盡可信,則與傳文之解釋又別是 故以「六家供備」代「並資官給」,觀其於「六家共(依通鑑通作供)備」下, 家」疑亦同指六柱國家而言也。北史云:「甲槊戈弩並資官給」,李書既以府兵自初屬六柱國家, 有何解釋。鄙意通鑑採用鄴侯家傳已作「六家」,故「六」字不得視為傳寫之誤。然細繹李書, 紀念史學文學論集)中,雖致疑於何故不採周禮以來傳統之五家組合,而取六家組合,但亦未 ·六家主之J及「自初屬六柱國家」等語,其「六家」之語俱指李弼等六家,故其「六家共備」之「六 事,不可牽混並論也。 即連接「撫養訓導,

义玉海壹叁捌兵制叁注云::

或曰:「宇文周制府衛法,七家共出一兵。」

生。伯厚置諸卷末子注或説中,是亦不信其為史實也。 傳中「六家共備」之「共」,南宋人已有誤讀為「共同」之、共」者,七家共出一兵之臆説殆因此而 寅恪案:七家共出一兵,為數太少,决不能與周代情勢符合, 無待詳辨。但可據此推知鄴侯家

能限於每隔十五日之定期,且當日兵士之數至少,而戰守之役甚繁,欲以一人兼兵農一業,亦 習戰」等語, 據北史陸拾「自相督率,不編户貫」及「十五日上,則門欄陸戟,警畫巡夜 ;十五日下,則教旗 則鄰侯家傳所謂「郡守農隙教試閱」者, 絕非西魏當日府兵制之真相,蓋農隙必不

唐代府兵之制,以為當西魏初創府兵時亦應如是,其誤明矣。李延壽生值唐初, 吾輩今日可以依據北史所載,解决府兵之兵農分合問題。新唐書伍拾兵志云:: 近真。溫公作通鑑,其叙府兵最初之制,不採北史之文,而襲家傳之誤,殊可惜也 極不易也。乂北史謂軍人「自相督率,不編户貫」,則更與郡守無關,此則鄴侯家傳作者李繁依 所紀史事猶為

葉適習學記言叁玖唐書表志條駁兵農合一之説,略云:

蓋古者兵法起於井田,自周衰,王制壞而不復。至於府兵,始一寓之於農。

誤離爲合,徇空談而忘實用矣。 然則豈必高祖太宗所以盛哉!,乃遵其舊法行之耳。兵農已分,法久而壞,不必慨慕府兵, 内,當其時無歲不征, 宇文蘇綽患其然也,始令兵農各籍,不相牽綴,奮其至弱,卒以滅齊。隋因之,平一字 無戰不克, 而財貨充溢, 民無失業之怨者,徒以兵農判爲二故也。

誤用家傳以唐制釋西魏府兵,而歐陽、葉氏復兩失之,宋賢史學,今占罕匹,所以致**疏失者**: 百年之久,無根本之變遷,致認唐高祖太宗之府兵仍是兵農分離之制,則更謬矣。司馬君實既 相同,兵農合一,則已謬矣。葉水心以宇文蘇綽之府兵為兵農分離,是也。但亦以為其制經二 寅恪案:歐陽永叔以唐之府兵為兵農合一是也。但概括府兵一百年之全部, 蓋史料缺略, 誤認府兵之制二百年間前後一貫,無根本變遷之故耳。(通鑑貳壹貳唐玄宗開元 認其初期亦與 唐制

兵為兵農合一,此則較葉氏之無真知灼見,好為異説而偶中者,誠有間矣。) 十年紀張説建議召募壯士充宿衛事,以為「兵農之分從此始」,是司馬之意亦同歐陽,以唐代府

全

隋書貳高祖紀下(北史壹壹隋本紀上、通鑑壹柒柒隋文帘開皇十年同)云:

開皇十年五月乙未韶曰:「魏未喪亂,字縣瓜分,役車歲動,未遑休息,兵士軍人權置坊

府,南征北伐,居處無定,恆爲流寓之人,竟無鄉里之號,朕甚愍之。凡是軍人可悉屬州

縣,墾田籍帳一與民同,軍府統領宜依舊式,罷山東、河南及北方緣邊之地新置軍府。_

同書貳肆食貨志(通典貳及叁及伍及柒食貨典,又周書伍武帝紀上、北史十周本紀下俱同)云:

至[齊武成帝]河清三年定令,乃命人居十家爲比鄰,五十家爲間里,百家爲族黨。男子十

八已上六十五已下爲丁,十六已上十七已下爲中,六十六已上爲老,十五已下爲小。率以

十八受田,輸租調,二十充兵,六十免力役,六十六退田,免租調。

[周武帝] 保定元年改八丁兵爲十二丁兵,率歲一月役。建德二年改軍士爲侍官,募百姓充

之,除其縣籍,是後夏人半爲兵矣。

及[隋高祖]受禪,又遷都,發山東丁,毀造宫室,仍依周制役丁爲十二番,匠則六番。頒

新令:男女三歲已下爲黄,十歲已下爲小,十七已下爲中,十八已上爲丁。丁從課役,

十爲老,乃免。

其丁男、中男、永業、露田皆遵後齊之制。

開皇三年正月[隋文]帝入新宫,初令軍人(人即民也,北史壹壹隋本紀上通典柒食貨典及

通鑑壹柒伍陳長城公至德元年三月俱無軍字)以二十一成丁,减十二番每歲爲二十日役,

减調絹一疋爲二丈。

位置 1971年 1972年 1971年 19

通鑑壹柒伍陳長城公至德元年三月胡注云:

後周之制民年十八成丁,今增三歲,每歲十二番則三十日役,今减爲二十日役, 及調絹减

半

通典 重捌職官典拾將軍總叙條云:

隋凡十二衛,各置大將軍一人,將軍一人,以總府事,蓋魏周十二大將軍之遺制。

唐六典貳肆左右衛大將軍條注云:

隋左右衛,左右武衛,左右候,左右武候,左右領軍,左右率府,各有大將軍一人, 所謂

十二衛大將軍也。

上章已論宇文泰欲漸改移鮮卑部屬之觀念及制度,而及身未竟其業,須俟其後繼者始完成之。

兹所引史料,足證明此點,亦即西魏府兵制轉為唐代府兵制過渡之關鍵所在也。鄴侯家傳(新

唐書伍拾兵志、通鑑貳壹陸唐玄宗天寶八載同)云:

自置府以其番宿衛,禮之謂之侍官,言侍衛天子也。至是衛佐悉以借姻戚之家爲僮僕執

役,京師人相詆皆者,即呼爲侍官。

寅恪案:周武帝改軍上為侍官,即變更府兵之部屬觀念, 使其直隸於君主。此湔洗鮮卑部落思

想最有意義之措施,不可以為僅改易空名而忽視之也。

又最初府兵制下之將卒皆是胡姓,即同胡人。周武帝募百姓充之,改其民籍為兵籍,乃第一步

府兵之擴大化即平民化。此時以前之府兵既皆是胡姓,則胡入也,百姓,則夏入也,故云:

撩耶? 抑以其為不可解之故,遂認為衍文而刪之耶? 寅恪所見諸本皆是通行坊刻, 岡崎教授於其所著論文之第陸頁第柒行引隋書食貨志及通典此條俱少「「夏」字,豈別有善本依 「是後夏人半為兵矣。」此條「夏」字隋書通典俱同有之,必非誤衍,若不依鄙意解釋恐不易通。 若其他善

本果有異文,尚希博雅君子不吝教誨也。

保定元年改八丁兵為十二丁兵者,據通鑑壹陸捌陳文帝天嘉二年胡注云:

八丁兵者,凡境内民丁分爲八番,遞上就役。十二丁兵者,分爲十二番,月上就役, 周而復

始

文既明言兵丁,而胡氏僅以「境内民丁」釋之,絶不一及兵字,其意殆以為其時兵民全無區別, 與後來不異,則疑有未妥也。 百姓充侍官之前者尚十二年,此年之令文,周書、隋書、北史、通典所載悉同,當無為脱。令 證。胡説固確,但保定元年為宇文周開國之第五年,距創設府兵之時代至近,又在建德二年募 寅恪案:隋書食貨志言:「隋高祖受禪,仍依周制,役丁為十二番」,是周制分民丁為十二番之

此時期漸次完成者也。 然高齊文化制度影響於戰勝之周及繼周之隋者至深且鉅,府兵制之由西魏制而變為唐代制即在 周武帝既施行府兵擴大化政策之第一步,經四年而周滅齊,又四年而隋代周,其間時間甚短:

陳傅良歷代兵制伍云:

賢,專意法古,當時兵制增損尤詳,然亦未易遽成也。故其制雖始於周齊, 於隋,彰於唐,以此知先王之制其廢既久,則復之必以漸歟? 令民十八受田,輸租調,二十充兵,六十免力役,六十六還田,免租調),加以宇文泰之 魏周齊之世已行租調之法,而府兵之法由是而始基(通鑑陳紀齊顯(寅恪案:顯當作世)祖 而其效則漸見

則殊有識。蓋後期府兵之制全部兵農合一,實於齊制始見諸明文,此實府兵制之關鍵也。但當 寅恪案:陳氏語意有未諦者,不足深論,但其注引齊制「十八受田, 輸租調, 二十充兵」之文,

時法令之文與實施之事不必悉相符合,今日考史者無以知其詳,故不能確言也。

又隋書貳柒百官志尚書省五兵尚書條略云:

五兵統右中兵

(掌畿内丁帳、事力、蕃兵等事。

左外兵

(掌河南及潼關已東諸州丁帳及發召征兵等事。)

右外兵

(掌河北及潼關已西諸州,所典與左外同。)

等事,疑北齊當口實己施行兵民合一之制,此可與隋書食貨志所載齊河清三年令規定民丁充兵 年限及其與受田關係者可以參證也。 寅恪案,北齊五兵尚書所統之右中兵、左外兵、右外兵等曹,既掌畿内及諸州丁帳及發召征兵

之田,或指邊地屯墾之軍而言,史文簡略,不能詳也。隋代府兵制變革之趨向,在較周武帝更 農者, 進一步之君主直轄化即禁衛軍化,及徵調擴大化即兵農合二化而己。隋之十二衛即承魏周十二 隋文帝開皇十年韶書中有「墾田籍帳悉與民同」之語,與北史所載府兵初起之制兵士絶對無暇業 自有不同。此韶所言或是周武帝改革以後之情狀,或目府兵役屬者所墾, 而非府兵自耕

題, 文「八兵丁」及「十二丁兵」顯有關係。而開皇二年令文隋書所載有「軍」字者, 實任意或偶爾有所略漏明矣。 無「軍」字者,以其時兵民在事實上已無可別,故得略去「軍」字,並非李延壽、杜君卿及司馬君 不屬州縣,在形式上尚須與入民有別,故此令文中仍以軍民並列,至北史、通典以及通鑑所載 旨,今以史文不詳,姑從闕疑。但依通鑑至德元年之胡注,則隋開皇三年令文與周保定元年令 **大將軍之舊,杜君卿已言之,本為極顯著之事,不俟贅説。所可論者,** 露田皆遵後齊之制」及「發使四出,均天下之田」(隋書貳肆食貨志),雖實施如何 然就法令形式言,即此簡略之記述或已隱括北齊清河三年規定受田與兵役關係一令之主 則已大反西魏初創府兵時「自相督率,不編户貫」即兵民分立之制,其令「丁男、 隋文帝使軍人悉屬州 以開皇十年前軍兵 中男、 固有問

岡崎教授論文之結論云 皇三年境內軍民在事實上已無可別, 由是言之,開皇三年令文卻應取前此保定元年令文胡注中境内兵民合一之義以為解釋也。 胡之意旨,豈可不谓唐代府兵之基本條件, 一則開皇十年以後, 即兵民合一者,實已完成於隋文之世耶? 抑更可知,故依據唐宋諸賢李、

隋以軍兵団於編户云者, 實行如何, 尚有問題, 綜合兩方面實施者, 僅古制之復舊而己。 唐之兵制也。 北齊雖於法令上規定受田與兵役之關係,

其

之,史料簡缺,誠難確知,岡崎教授之結論,裝不失為學人審慎之態度。寅恪姑取一時未定之 妄見, 附識於此, 兵役丁賦之大政, 又以其他法制諸端論, 之解釋, 遼取以實施耶? 此亦與唐初通常情勢恐有未合也。然則府兵制後期之紀元當斷自隋始歟? 總 似可推知隋代先已實施兵民合一之基本條件,不必待李唐開國以後,方始剏行之也。 北齊法令之實施與否, 以供他日修正時覆視之便利云爾,殊不敢自謂有所論斷也。 轉有鉅大之創設,且遠法北齊之空文,而又為楊隋盛時所未曾規定行用者, 唐初開國之時大抵承襲隋代之舊, 於此可不論。茲所欲言者,即據上引開皇三年令文及唐宋諸賢 即間有變革, 亦所關較細者, 豈獨於

代。周义帝、 府兵制之前期為鮮卑兵制,為大體兵農分離制, 而唐之高祖、太宗在此制度創建、變革、廢止之三階段中,恐俱無特殊地位者也。 為大體兵農合一制, 蘇綽則府兵制創建之人,周武帝、 為君主直轄制, 為比較平民制。其前後兩期分畫之界限 為部酋分屬制,為特殊貴族制;其後期為華夏 隋文帝其變革之人,唐玄宗、張説其廢止之 則在

總合上引史料及其解釋,試作一結論如下:

附記:本文中所引通典諸條,後查得宋本與通行本並無差異,特附識於此。

七 財 政

化,及前時西北一隅之地方制度轉變為中央政府之制度,易言之,即河西地方化二事, 所在不可也。 者皆系統淵源之範圍也。考此一事轉變之樞紐在武則天及唐玄宗二代,與兵制選舉及其他政治 社會之變革亦俱在此時者相同。 此章主旨唯在闡述繼南北朝正統之唐代,其中央財政制度之漸次江南地方化,易言之, 近日中外史家論吾國南北朝隋唐經濟財政制度者頗多,其言有得有失,非此章範圍所能涉及。 但欲説明其本末,非先略知南北朝之經濟財政其差異最要之點 蓋此二 即南朝

以有均給民田之制,而南朝無之也。南朝人民所經喪亂之慘酷不及北朝之甚,故社會經濟情形 題此章所不能詳, 北朝政府保有廣大之國有之土地。此蓋承永嘉以後, 比較北朝為進步, 今日所保存之南北朝經濟財政史料, 故僅略舉其文, 而其國家財政制度亦因之與北朝有所不同, 至北魏以後者亦須稍附及之,以見其因襲所自, 北朝較詳, 南朝尤略。然約略觀之,其最大不同之點則在 屢糾變亂, 即較為進步是也。北魏均田之問 人民死亡流散所致。 並可與南北 故北 朝 нΤ

互較,而後隋唐財政制度之淵源系統及其演進之先後次序始得而明也。

魏書壹壹拾食貨志略云:

之限,但通入倍田分,於分雖盈,没則還田,不得以充露田之數,不足者以露田充倍。 縮。諸民年及課則受田,老免,及身没則還田,奴婢、牛隨有無以還受,諸桑田不在還受 牛一頭受田三十畝,限四牛。所授之田率倍之,三易之田再倍之,以供耕作及還受之盈 所足。諸麻布之:1男夫及課別給麻田十畝,婦人五畝,奴婢依良,皆從還受之法。諸宰民 受無還,不足者受種如法;盈者得賣其盈,不足者得買所不足,不得賣其分,亦不得買過 給一畝,依法課蒔榆、棗,奴各依良。諸桑田皆爲世業,身終不還,恆從見口,有盈者無 初受田者,男夫一人給田二十畝,課蒔,餘種桑五十樹、棗五株、 太和九年下韶均給天下民田,諸男夫十五以上受露田四十畝,婦人二十畝,奴婢依良,丁 之官各隨地給公田,更代相付,賣者坐如律。 榆三根,非桑之土,夫

隋書颪肆食貨志云:

晉自過江,凡貨賣奴婢、馬、牛、田宅有文券,率錢一萬輸估四百入官,賣者三百, 人競商販,不爲田業,故使均輸欲爲懲勵,雖以此爲辭,其實利在侵削。又都西有 百;無文券者隨物所堪,亦百分收四,名爲散估,歷宋、齊、梁、陳如此以爲常。 以此 買者 石頭

炭、魚、薪之類過津者並十分税一,以入官。其東路無禁貨,故方山津檢察甚簡。淮水北 斂既重,時甚苦之。 有大市百(寅恪案:通典壹壹食貨典雜税門百字作自)餘,小市十餘所,大市備置官司, 津,東有方山津,各置津主一人,賊曹一人,直水五人,以檢察禁物及亡叛者, 其荻、 税

[北周]閔帝元年初除市門税,及宣帝即位,復興人市之税。

以其所入以供御府聲色之費,軍國之用不豫焉,未幾而亡。 出錢。而給事黄門侍郎顔之推奏請立關市邸店之稅,開府鄧長顋贊成之,後主大悦。於是 [北齊]武平之後,權幸並進,賜與無限,加之旱蝗,國用轉屈,乃料境内六等富人,

通典貳田制下云:

北齊給授田令,仍依魏朝。每年十月普令轉授,成丁而授,丁老而退,不聽賣易。

隋書貳肆食貨志略云:

遷户執事官一品已下逮於羽林、武賁各有差,其外畿郡華人官第一品已下羽林、武賁已上 退田,免租調(此節前兵制章已引)。京城四面諸坊之外三十里爲公田,受公田者,三縣代 十六已上爲老,十五已下爲小。率以十八受田,輸租調,二十充兵,六十免力役,六十六 至〔北齊〕河清三年定令,乃命男子十八已上六十五已下爲丁,十六已上十七已下爲中,六

二十畝爲桑田,其中種桑五十根、榆三根、棗五根,不在還受之限,非此田者悉入還受之 十畝,奴婢依良人限敷,與在京百官同,丁牛一頭受田六十畝,限止四牛。又每丁給永業 庶人限止六十人,奴婢限外不給田者皆不輸。其方百里外及州人一夫受露田八十畝,婦四 各有差。職事及百姓請墾田者名爲受田,奴婢受田者親王止三百人。(中略)。八品已下至

又同書同卷略云

分。上不宜桑者給麻田,

如桑田法。

頃,少者至四十畝。其丁男、中男、永業、露田皆遵後齊之制,並課樹以桑、榆及棗。其 園宅率三口給一畝,奴婢則五口給一畝。京宮又給職分田,外官亦各有職分田,又給公廨 田,以供公用。 丁,丁從課役,六十爲老,乃免。自諸王已下至於都督皆給永業田各有差,多者至一百 〔隋高祖〕頒新令,制人男女三歲已下爲黄,十歲已下爲小,十七已下爲中,十八己上爲

唐會要捌叁租稅上(參考通典貳田制下及舊唐書肆捌食貨志、新唐書伍壹食貨志等)略云: 妾三十畝,若爲户者加二十畝。所授之田十分之二爲世業,餘爲口分田,身死則承户者授 之,口分則收入官,更以給人。 [武德]七年三月二十九日始定均田賦税,凡天下丁男給田一頃,篤疾廢疾給四十畝,寡妻

武德元年十二月制内外職官各給職分田。

有不同, 均旧之制, 據此簡略之徵引,即可見北朝俱有均田之制, 甄琛傅同)所云: 然則南朝國民經濟國家財政較北朝為進步, 其國用注重於關市之稅,北朝雖晚期亦征關市之稅,然與南朝此稅之地位其輕重頗 魏、齊、隋、唐之田制實同一系統, 抑又可知也。 魏書陸捌甄琛傳(北史肆拾 而南朝則無

朝雖為北朝所併滅,其遺制當仍保存於地方之一隅,迨經過長久之期間, 以演進。唐代之新財政制度, 濟之發展漸超越北朝舊日之限度,而達到南朝當時之歷程時,則其國家財政制度亦不能不隨之 也。夫唐代之國家財政制度本為北朝之系統,而北朝之社會經濟較南朝為落後,至唐代社會經 則天之世,生養休息約經半世紀之久,社會經濟逐漸進展,約再歷半世紀,至玄宗之時, 但隋雖統一南北,而為時甚短,又經隋末之擾亂,社會經濟之進步亦為之停頓,直至唐高宗武 展之程度幾達最高度, 南北社會經濟國家財政之差異要點,甄琛此數語足以盡之矣。 (於世宗時)上表曰:「今僞弊相承, 而舊日北朝之區域自西晉永嘉亂後其社會經濟之發達未有盛於此時者 初視之似為當時政府一二人所特創, 仍崇關鄽之税, 大魏恢博, 實則本為南朝之舊制。 唯受穀帛之輸。」 唐代所統治之北朝舊 則進 蓋的

論其淵源所從出於下:: 政府制度之需要,此即前所謂唐代制度之河西地方化也。請就一者各舉一例以證明之,關於江 唐玄宗既對西北邊疆採軍事積極政策,則此河湟地方傳統有效之制度實有擴大推廣而改為中央 南地方化者曰迴造納布, 之政策,而對於西北, 代繼承宁文泰關中本位之政策,西北邊疆本重於東北,至於玄宗之世,對於東北更取消極維 區域, 在吾國之西北隅 内本為文化甚高區域,其影響於隋唐制度之全部者,前章已詳言之。但除文化:端外, 江南地方者而施行之, 隅歷代為邊防安地, 其經濟發展既與南朝相等,則承繼北朝系統之中央政府遂取用此舊日南朝舊制之保存於 與西北諸外族鄰接,歷來不獨為文化交通之孔道,亦為國防軍事之要區 前所謂唐代制度之江南地方化者,即指此言也。 則取積極進展之政策。其關涉政治史者本章可不置論, 其地方傳統之財政經濟制度經長久之演進,頗能適合國防要地之環境 關於河西地方化者曰和糴,此二端之涉及政治軍事者不能詳述, 又河隴區域在北 茲所論者即西北 其地域 朝 딢 唐

陽之優勝, 地 隋唐二代長安、洛陽東西兩京俱為政治文化之中心,而長安為西魏、北周以來關中本位之根據 即營建洛陽為東京,隋唐承之,故長安、洛陽天子往來行幸,滅如李林甫所謂東西兩宫者 當國家積極進行西北開拓政策之時,尤能得形勢近便之利, 在北周以前軍政範圍限於關隴巴蜀, 規模狹小,其經濟尚能自給。 然其地之經濟運輸則遠不及洛 自周滅北齊後不

農産豐收,然後復還長安。茲就隋唐二代各舉一例如下: 若值天災,農産品不足以供給長安帝王宫衛及百官俸食之需時, 宫衛百官俸食之需,而其地水陸交通不甚便利,運轉米穀亦頗困難,故自隋唐以降, 本章所欲論者, 長安遷居洛陽, 也(參新唐書貳貳叁上姦臣傳李林甫傳及通鑑貳壹肆唐紀叁拾開元二十四年條等)。 夫帝王之由 除別有政治及娛樂等原因,如隋煬帝、武則天等茲不論外,其中尚有一主因為 即經濟供給之原因是也。蓋關中之地農産物雖號豐饒,其實不能充分供給帝王 則帝王往往移幸洛陽, 關中之地 俟關中

隋書貳高祖紀下(北史壹壹隋本紀上略同)云:

開皇十四年八月辛未闌中大旱,人饑,上率户口就食於洛陽。 十五年三月己未至自東巡

通鑑貳佰玖唐紀貳伍景龍三年末云:

狩。

是年關中饑, 者,上怒曰:「豈有逐糧天子耶?」乃止。 后家本杜陵, 不樂東遷, 米斗百錢, 乃使巫覡彭君郷等説上(中宗)云:「今歲不利東行。」後復有言 運山東、江淮穀輸京師, 牛死什八九。羣臣多請車駕幸 東

觀此二例,可知隋唐時關中長安之經濟供給情勢矣。

至唐玄宗之世,為唐代最盛之時,且為積極施行西北開拓政策之際,當日關中經濟供給之問題

尤較前代為嚴重, 觀舊唐書玖捌裴耀卿傳(通典拾食貨典漕運門同, 其他有關材料不備別)所

深然其言。尋拜黄門侍郎同中書門下平章事,充轉運使,語在食貨志。凡三年運七百萬 既用陸脚,無由廣致。若能開通河漕,變陸爲水,則所支有餘,動盈萬計。且河南租船候 即無憂水旱。今天下輸丁約有四百萬人,每丁支出錢百文五十文充營窖等用,貯納司農及 憚劬勞,祇爲憂人而行,豈是故欲來往。若能更廣陝運,支粟入京,倉廪常有三二年糧. 居。今國用漸廣,漕運數倍於前,支猶不給,陛下數幸東都,以就貯積,爲國家大計, 乏。往者貞觀永徽之際禄廪數少,每年轉運不過一二十萬石,所用便足,以此車駕久得安 業本在京師,萬國朝宗,百代不易之所,但爲秦中地狹,收粟不多,儻遇水旱,便即匱 支一二年。從東都更廣漕運,以實關輔,待稍充實,車駕西還,即事無不濟。臣以國家帝 對曰:「今既大駕東巡,百司扈從,太倉及三輔先所積貯且隨見在發重臣分道賑給, 明年(開元二十一年)秋霖雨害稼,京城穀貴,上將幸來都,獨召耀卿,問救人之術。 水始進,吴人不便河漕,由是所在停留, 河南府陝州,以充其費。租米則各隨遠近,任自出脚,送納東都。從都至陝,河路艱險 省脚錢三十萬貫。 日月既淹,遂生隱盗, 臣望沿流相次置倉。 耀卿

及舊唐書肆玖食貨志下(参考通典拾食貨典漕運門等)所云::

二百萬石, 船至河口, 無征防。緣水陸遥遠,轉運艱辛,功力雖勞,倉儲不益。今若且置武牢、洛口等倉, 〔開元〕十八年宣州刺史裴耀卿上便宜事條曰:「江南户口稍廣, 即給貸費散,公私無益。」疏奏不省(至二十一年始施用其言)。 即却還本州,更得其船充運,並取所减脚錢,更運江淮變造義倉,每年剩得一 即望數年之外倉廪轉加。其江淮義倉下濕不堪久貯,若無船可運, 倉庫所資, 惟出租庸, 三兩年色 江南

槙 步之政策,更進一步之政策則為就關中之地收買農産物, 即沿流相次置倉;第二在增加運輸數量, 則可知玄宗時關中經濟不能自足情形及其救濟之政策。裴耀卿之方略,第一在改良運輸方法, 即所謂迴造納布是也。 即運江淮變造義倉。斯二者皆施行有效, 即所謂和耀;而改運江淮之粟為運 然此尚為初

新唐書伍叁食貨志(參通鑑貳壹肆唐紀開元二十五年條)云:

及地租不足以供軍,於是初有和糴。牛仙客爲相,有彭果者獻策廣關輔之糴, 貞觀開元後西舉高昌、 倉者百餘萬斛. 与是玄宗不復幸東都。天寶中歲以錢六十萬緡賦諸道和糴, 米賤則少府加估而羅, 龜茲、 馬者、 小勃律,北抵薛廷陀故地,緣邊數十州戍重兵, 貴則賤價而糶。 斗增三錢, 每歲短遞輸京 京師糧稟益

關於和糴在當日政治上之重要,表弟俞大綱君曾詳論之,茲不復贅(見中央研究院歷史語言研 客之關係,至彭果與此政策之内容究有何聯繫,難以考知,故置不論。舊唐書壹伯叁牛仙客傳 究所集刊第伍本第壹分讀高力士外傳論變造和糴之法)。今所欲論者,乃和糴之起源及與牛仙 新唐書壹叁叁牛仙客傳略同)略云:

之。蕭嵩代君奐爲河西節度使,又以軍政委於仙客。及嵩入知政事,數稱薦之。稍遷太僕 牛仙客,涇州鶉觚人也。初爲縣小吏,縣令傅文静甚重之。文静後爲隴右營田使, 庫盈滿,器械精勁,皆如希逸之狀。上大悦,以仙客爲尚書,中書令張九齡執奏以爲不 度時省用所積鉅萬,希逸以其事奏聞。上令刑部員外郎張利貞馳傳往覆視之,仙客所積倉 令式可也」,不敢措手裁決。 代信安王禕爲朔方行軍大總管,右散騎常侍崔希逸代仙客知河西節度事。初仙客在河西節 參預其事,遂以軍功累轉洮州司馬。開元初王君奠爲河西節度使,以仙客爲判官, 乃加實封二百户,其年十一月九齡等罷知政事,遂以仙客爲工部尚書同中書門下三 仍知門下事。仙客既居相位,獨善其身,唯諾而己。百司有所諮決,仙客曰:「但依 判凉州别駕事,仍知節度留後事,竟代嵩爲河西節度使,判凉州事。開元廿四年秋 甚委信 引仙客

寅恪案:仙客以河湟一典史,躋至宰相,其與張九齡一段因緣為玄宗朝政治之一大公案,但與

事也, 關中,史雖言其議發於彭果,然實因仙客主持之力,乃能施行。夫關中用和糴法, 敢主其議。由此推論, 貳肆食貨志(參通典壹貳食貨典輕重門義倉條)略云:: 績數端, 和糴事無直接關係,故此可不論。茲可注意者,為仙客出生及歷官之地域並其在官所職掌及功 以仙客之庸謹, 俾執中央政權是也。史傳言其在相位庸碌,不敢有所裁决,自是實録, 質言之, 即以西北邊隅之土著,致力於其地方之足食足兵之政略,而大顯成效, 則以和糴政策為足食足兵之法, 乃敢主之者,其事其法必其平生所素習,且諗知其能收效者,否則未必 其淵源所在疑捨西北邊隅莫屬也。 但施行和 乃特創之大 遂特 糴於

芳、宕、旭、洮、岷、渭、紀、河、廓、 **州異於餘處,** 令百姓就食,從官並准見口賑給, 二月詔曰:「本置義倉, 日随其所得, [開皇]五年五月工部尚書襄陽縣公長孫平奏令諸州百姓及軍人勸課當社共立義倉,收穫之 若時或不熟,當社有饑饉者, 若人有旱儉少糧, 雲、 勸課出粟及麥,於當社造倉窖貯之,即委社司執帳檢校, 夏、長、靈、鹽、蘭、豐、鄯、凉、甘、瓜等州所有義倉雜種並納本 先給雜種及遠年粟。」十六年正月及詔秦、 止防水旱,百姓之徒不思久計,輕爾費損, 即以此穀賑給。十四年關中大旱,人饑,上幸洛陽, 不以官位爲限, 豳、 隴、 是時義倉貯在人間,多有費損。十五年 涇、寧、原、敷、丹、延、 疊、成、 於後乏絶。 每年收積勿使損 綏、 **火北境諸** 銀、 扶 因

等州社倉並於當縣安置。二月又韶社倉准上、中、下三等税;上户不過一石,中户不過七

斗,下户不過四斗。

店會要別捌倉及常平倉(參通典壹貳食貨典及兩唐書食貨志等)略云:

貞觀二年四月尚書左丞戴冑上言,請立義倉。上曰:「既爲百姓先作儲貯, 官爲舉掌, 以

升,貯之州縣,以備凶年。」制可之。永徽二年閏九月六日勑:「義倉據地收稅,實是勞 備凶年,深是可嘉,宜下有司,議立條制。]户部尚書韓仲良奏:「王公以下墾田畝納二

煩,宜令率户出粟,上下户五石,餘各有差。]

演變之跡象與隋西北邊諸州相同,則殊無疑,豈其間亦有因襲摹倣之關係耶?未敢確言之也。 卒令率户出粟,變為一種賦稅,中唐以後遂為兩稅之一之重要收入,其詳本章所不能論, 户之等第納粜, 於西北諸州邊防要地者,以其處軍食為國防所關,不得如他處之便可任人民自由處理也。 依據隋志紀述,知隋初社倉本為民間自理,後以多有費損,實同虛設,乃改為官家收辦, 實已變開阜初立義倉時之勸導性質為強迫徵收矣。唐初之義倉似即做隋制, 但限

又觀唐會要玖拾和羅門所載如: [貞元]四年八月韶京兆府於時價外加估和糴,先是京畿和糴多被抑配,百姓苫之。

及白氏長慶集肆壹論和糴狀所云:

曾爲和糴之户,親被迫蹙,實不堪命,臣近爲畿尉,曾領和糴之司, 凡日 散配户人, 促立程限, 人。若有司出錢,開場自糴,比於時價,稍有優饒,利之誘人,人必情願。 1和糴, 則官出錢,人出穀,兩和商量,然後交易也。比來和糴,事則不然, 嚴加徵催,苟有稽遲,則被追捉,甚於稅賦,號爲和羅, 親自鞭撻, 臣久處村間 但令府縣 其實害 所不忍

法, 則和糴至少在德宗、憲宗之世,實際上為「散配户人,嚴加徵催」之強迫收取人民農産品之方 其何以由「和」買而變為強徵,殊可深思。其在玄宗時如何情形固不能確知, 即和糴之制本為軍食而設,如唐會要捌捌倉及常平倉云:: 但有可决言

貞元八年十月勑:「諸軍鎮和糴貯備共三十三萬石。」

及同書政拾和糴云:

長慶元年二月勅:「其京北、京西和糴使宜勒停,先是度支以近儲無備, 年無效,徒擾邊民,故罷之。」 請置和羅使 經

制 即可瞭然隋代以全國社倉人民處理不善,特在西北邊州軍防之地改官辦之制,即是令人民直接 間接納粟於軍鎮,其後改為依戸等納粟, 江南尚且實施, 西北更應一律遵行, 而西北自貞觀至開元其間皆有軍事關係, 亦是「配户徴催」之制也。唐貞觀義倉之制為全國普遍 為屯駐重兵

之地, 觀通典壹貳食貨典輕重門義倉條(參舊唐書玖叁及新唐書壹壹壹薛訥傳)云:

高宗武太后數十年間義倉不許雜用,其後公私窘迫,貸義倉支用,自中宗神龍之後, 費用向盡。

肆唐紀叁拾開元二十五年九月條(参前引新唐書食貨志)云: 則知西北邊州軍需之廣,義倉亦必貸盡而有所不足也。但欲足軍食, 捨和糴莫由, 故通鑑貮壹

栗各數百萬斛。]自是關中蓄積羨益,車駕不復幸東都矣。癸巳敕河南、河北租應輸含嘉 先是西北數十州多宿重兵,地租督田皆不能贍,始用和糴之法。有彭果者,因牛仙客獻 太原倉者皆留輸本州。 `請行糴法於關中。[九月]戊子敕:「以歲稔穀賤傷農, 命增時價什二三, 和糴東西畿

加農産品數量,一為其地已習用此類帶有強迫性收買之方法。請略言之: 久,以能足食足兵顯名,致位宰相,則西北和糴之法仙客必早已行之而有效。而其所以能著效 是西北邊州本行和糴之法,而牛伷客、彭果因以推行於關中。牛仙客本由河湟典史歷官西北: 除有充足之財貨足以為和買之資外,尚須具備有二條件:一為其地農民人口繁殖,足以增

隋季西北諸州雖罹戰禍,然休養生息至唐玄宗之晚年,必已恢復繁盛,加以政府施行充實西北 和糴者, 就地收購農産物之謂,故必須其地農民人口繁殖,有充分之生産,始得行收購之實。

邊州之 政策, 河西節度使條述當日河西之盛況(寅恪案: 故其地遂為當日全國最富饒之區域。 此採自明皇雜録, 通鑑貳壹陸唐紀叁貳天實十二載以哥舒 又元氏長慶集貳肆和李校書新題 翰兼

樂府西凉伎一詩亦可參考)云: 是時中國盛强, 白安遠門西盡唐境萬二千里, 間間相望, 桑麻翳野,天下稱富庶者無如隴

當日西北邊州富庶若此, 和羅政策第一條件既已備具, 則就其地以推行此政策, 白不困難, 미

無疑也。 續方法似無大異,以上下相習,為日己久,遂能成效卓著也。 μļ 者也。是以必帶有習慣性及強迫性,和糴之法始能施行有效, 自動與胥吏交易。蓋農民大抵畏吏胥如虎狼,避之惟恐不及,此則無古今之異,不俟煩言而解 **虽甚多** 又和糴之法若官所出價,逾於地方時估者甚高, 和羅之法在西北邊州諒亦不過依隋代按户納粟於軍倉之制 皇時已行按户納粟於官倉或軍倉之制, 雖西北邊州施行貞觀義倉之制, 則不易支久;如官方所出價與地方時估相差無幾, 已變為一種賦稅, 其性質即與白香山所謂「散配户人,嚴加徵催」, 雖可以利誘民, 而史言西北宿重兵, 其地早行和糴 則區區微利之引誘, 必不能使農民 但略給價, 至元和時關中和糴之法所以變為 而不致病民。考西北邊州自隋開 然政府所費過鉅, 以資利誘, 其基本之手 如收購之數 實無不

條件也 厲民之政者,蓋和糴之法本帶強迫性質, 政府既能給價, 人民亦易負擔,故當時尚不視為病民之政耳。此和糴之法所應具備之第二 以非如是, 無以成事, 不過值國庫優裕,人民富庶之

尚可據以推知其大概也。 煌掇瑣中輯陸陸號, 二十五年以前其詳雖不可考,但今敦煌所出寫本中猶存天寶四載豆盧軍和糴計帳殘本(刊載敦 地方制度一變而成中央政府制度,所謂唐代制度之河西地方化者是也。至和糴之法在西北 總而言之,西北邊州早行和糴之法,史已明言。牛仙客推行引用於關輔, 寅恪曾考論其中升斗兩字,載一九三六年十月清華學報讀秦婦吟文中), 此和糴之法乃由 開元 西北

京師,藉之充實關中財富力量也。故舊唐書玖玄宗本紀下(参考前引通鑑開元二十五年條及唐 會要捌叁租稅下所載開元二十五年二月三日敕文)云: 必要。但江淮之農産品雖不需,而其代替農産品可作財貨以供和糴收購之[麻]布, 玄宗既用牛仙客和糴之法,關中經濟可以自給, 則裴耀卿轉運江淮變造等農産品之政策成為不 則仍須輸入

開元二十五年二月戊午罷江淮運,停河北運。

通典陸食貨典賦稅下略云:

[開元二十五年定令],其江南諸州租並迴造納布。

此中外史家所共知者也。嘗就閱讀所及, 唐代自開國以來其人民所繳納之租本應為粟, 今忽改而為布, 乃國家財政制度上之一大變革, **試略證論之** 凡論此改革之文雖頗不少,似尚未有深探此變制之所

從來者,不揣鄙陋,

之慣例,至武則天時此制乃漸推廣施行, 竊以為此制乃南朝舊制 tery 所發見之布二端,其一端之文為: 代之制度矣。據 Sir M.A.Stein著 Innermost Asia, Vol. III, Plates CXXVII 載其在 Astana Ceme-南朝雖併於北朝, 此納布代租之制仍遺存於江南諸州, 殆為地方一隅 至玄宗開元二十五年中央政府以之編入令典, 遂成為

婺州信安縣顯德鄉梅山里祝伯亮租布一端。

光宅元年十一月日。

寅恪案:此乃代租之布,故謂之租布。考婺州在唐代為江南道轄地, 此即開元二十五年新令所

謂

其江南諸州租並迴造納布

之明證。不過其事已於武后時即有之矣。武則天世東北邊疆屢有戰事, **顔魯公文集附載殷亮所**

撰行狀(參全唐文伍壹肆)略云:

時淸河郡寄客李華(寅恪案:通鑑考異依舊傳作萼)爲郡人來乞師於公曰:「國家舊制江淮

甲仗藏於庫內,五十餘萬。」 郡租布貯於清河, 河北租調絹七十餘萬, 以備北軍, 爲日久矣。相傳〔謂〕之天下北庫,今所貯者有江東布三百餘 當郡綵綾十餘萬,累年税錢三十餘萬,倉糧三十萬,討默啜

亮之租布即當日江東租布遺傳於今日者耳。又租布成一名詞,乃代租之布之義,觀於祝伯亮之 述李萼之言作 租布及般亮所述之言,俱可證知,而通鑑貳壹柒唐紀叁叁至德元載三月條司馬君實紀此事,其 疑即武后時事。蓋中央亞細亞發見之光宅元年婺州租布, 寅恪案:李萼所謂國家舊制為日已久,未能確定其時代,然其言江淮租布與討默啜甲仗聯文, 其地域時代俱與萼言符合, 故此祝伯

文作「江淮租布」,為得其真也。 殊為含混,失其本意,轉不如極喜更易舊文之宋子京,其於新唐書壹伍叁顏真卿傳仍依殷亮原 國家平日聚江淮河南錢帛於彼,以贍北軍,謂之天下北庫,今有布三百餘萬匹云云。

以知其為南朝之遺制耶?應之曰:南朝財政制度史籍所載雖甚簡略,不易詳考,但亦有可推知 或問:今日租布實物之發現即迴造納布之制已行於武則天時江南諸州之明證,是固然矣, 如南齊書叁武帝紀云

永明四年五月癸巳詔揚、南徐二州今年户租三分二取見布,一分取錢,來歲以後遠近諸州

輸錢處並减布直, 匹准四百, 依舊折半, 以爲永制。

同書肆拾竟陵王子良傳云:

韶折租布二分取錢。

言之,即南朝化者是也。 皆不欲解釋,以免枝蔓。但武帝紀明言广租,蕭子良傳則謂之折租布, 此二卷所紀同是事,絶無可疑。而其所言錢布之比例似有矛盾,又納錢一事亦別成問題, 亦可折納布。租若折納布, 即是租布, 亦即 迴造納布, 此所謂唐代制度之江南地方化, 由此推斷, 租可 折 本章


易

糾

附記: 此章作於一九四〇年春季, 其年夏季付商務印書館印刷, 久未出版, 後於此, 仁井田陞氏吐魯番發見之唐代庸調布及租布一文,與此章所論略同。 春季著者始於桂林廣西大學圖書館得見一九四〇年出版之東方學報第壹壹卷第壹册 以免誤會。 特附記歲月先 至一九四三年

八附論

象明顯,多可推導,决非偶然或突然所致者也。寅恪自惟學識本至淺陋,年來復遭際艱危,倉 皇轉徙, 總而言之,二代之制度因時間與地域參錯綜合之關係,遂得演進,臻於美備,徵諸史籍,其跡 本書所論, 強於憂患疾病之中,姑就一時理解記憶之所及,草率寫成此書。命之曰稿者,所以見不敢視為 定本及不得已而著書之意云爾。一九四〇年四月陳寅恪書於昆明青園學舍,時大病初愈也。 往日讀史筆記及鳩集之資料等悉已散失,然今以隨順世緣故,不能不有所撰述,乃勉 極為簡略, 僅稍舉例, 以闡説隋唐二代制度之全體因革要點與局部發展歷程而已。



唐代政治史述論

唐貨題寫



自

序

欲令初學之讀通鑑者得此參考,或可有所啟發,原不敢謂有唐一代政治史之綱要,悉在此三篇 中也。儻承通識君子不誤會創草茲稿之本旨,而糾正其為謬,何幸如之! 於政治史類,而資治通鑑一書,尤為空前傑作。今草茲稿,可謂不自量之至!然區區之意,僅 寅恪嘗草隋唐制度淵源略論稿,於李唐一代法制諸端, 未能涉及。茲稿所言則以唐代之政治史為範圍,蓋所以補前稿之未備也。夫吾國舊史多屬 妄有所論述。至於政治史事, 以限於體

壬午七夕陳寅恪書於桂林良豐雁山別墅。



下 篇	中篇	上篇
外族盛衰之連環性及外患與内政之關係 三二	政治革命及黨派分野 二三六	統治階級之氏族及其升降 八三



上篇 統治階級之氏族及其升降

朱子語類壹壹陸歷代類叁云:

唐源流出於夷狄,故閨門失禮之事不以爲異。

之氏族問題,然後再推及其他統治階級之種族及文化問題。 實李唐一代史事關鍵之所在,治唐史者不可忽視者也。茲請先論唐代三百年統治階級中心皇室 朱子之語頗為簡略,其意未能詳知。然即此簡略之語句亦含有種族及文化二問題,而此二問題

知,不待闡述,兹所論者專以男系父統之氏族為範圍也。 若以女系母統言之,唐代創業及初期君主,如高祖之母為獨孤氏,太宗之母為實氏,即紇豆陵 高宗之母為長孫氏,皆是胡種,而非漢族。故李唐皇室之女系母統雜有胡族血胤, 世所共

出自李唐皇室自撰之譜牒, 唐之皇室本有自撰之譜牒,原書今不可見。然如册府元龜及兩唐書等唐皇室先世淵源之記載固 類唐室自叙其家世之著述,復取其他史料互相參證,以討論此問題焉。 即唐太宗御撰之晉書亦唐皇室自述其氏族淵源之要籍。故茲依據此

此表與其他史料討論之。表云: 李唐世系之紀述,其見於册府元龜壹帝王部帝系門、舊唐書壹高祖紀、新唐書壹高祖紀、北史 壹佰序傳及晉書捌柒凉武昭王傳等書者,皆不及新唐書柒拾上宗室世系表所載之詳備,今即依

德真。三子:長曰起頭,長安侯。生達摩,後周羽林監太子洗馬長安縣伯。次曰太祖 字景順,以國亡奔宋,爲汝南太守。後魏克豫州,以地歸之,拜恒農太守,復爲宋將薛安 高祖紀云:「率豪傑鎮武川,因家焉。」新唐書壹高祖紀同)。生懿祖光皇帝,諱天賜,字 都所陷。後魏安南將軍豫州刺史,生獻祖宣皇帝諱熙,字孟良,後魏金門鎮將(舊唐書壹 (虎),次曰乞豆。 [李] 歆字士業,西凉後主。八子:勗、紹、重耳、弘之、崇明、崇産、崇庸、崇祐。重耳

此表所載必出唐室自述其宗系之舊文。茲就其所紀李重耳、李熙父子事實,分析其内容,除去 其為西凉李暠之正支後裔一事以外,尚有七事,條列於下:

- (一)其氏爲李。
- (二)父爲宋汝南太守。
- (三)後魏克豫州,父以地歸之。
- (四)父爲後魏恒農太守。

(五)父爲宋將薛安都所陷, 即所擒。

(六)父爲後魏安南將軍豫州刺史。

(七)子爲後魏金門鎮將。

考宋書伍义帝紀云: [元嘉]二十七年二月辛巳索虜寇汝南諸郡,陳、南頓二郡太守鄭琨,

又同書柴貳南平穆王鑠傳云:

索虜大帥拓拔燾南侵陳穎,遂圍懸瓠城,太守陳憲保城自固。

郭道隱委守走。索虜攻懸瓠城,行汝南郡事陳憲拒之。

汝陽、潁川二郡太守

又同書柒柒柳元景傳略云:

都、略陽太守龐法起入盧氏。(中略)。[閏]十月法起、安都、方平諸軍入盧氏。(中略)。 先登,生禽李初古拔父子二人。(中略)。殿中將軍鄧盛、幢主劉驂亂使人入荒田,招宜陽 法起諸軍進次方伯自,去弘農城五里。(中略)。諸軍造攻具,進兵城下。僞弘農太守李初 古拔嬰城自固,法起、安都、方平諸軍鼓譟以陵城。(中略)。安都軍副譚金、薛係孝率衆 人劉寬糾,率合義徒二千餘人,共攻金門隝,屠之。殺戍主李買得,古拔子也,爲虜永昌 [元嘉]二十七年八月[隨王]誕遣振威將軍尹顯祖出貲谷,奮武將軍魯方平、建武將軍薛安

王長史,勇冠戎類。永昌聞其死,若失左右手。

又同書玖伍索廣傳略云:

郡口北屯汝陽。(中略)。太祖嘉憲固守,韶曰:「右軍行參軍行汝南、新蔡二郡軍事陳憲 盡力捍衛,全城摧寇,忠敢之效宜加顯擢,可龍驤將軍汝南、新蔡二郡太守!」 左軍行參軍陳憲行郡事,憲嬰城固守。(中略)。燾遣從弟永昌王庫仁真步騎萬餘將所略六 多。攻圍懸瓠城,城内戰士不滿千人。先是,汝南、新蔡二郡太守徐遵之去郡,南平王遣 帝紀作琨),綏遠將軍汝南、潁川二郡太守郭道隱并棄城奔走。虜掠抄淮西六郡,殺戮甚 [元嘉]二十七年,燾自率步騎十萬寇汝南。(中略)。宣威將軍陳、南頓二郡太守鄭緄(文

又魏書陸壹薛安都傳云

遁。及世祖(拓拔燾)臨江,拔乃得還。 後自盧氏入寇弘農,執太守李拔等,遂逼陝城。時秦州刺史杜道生討安都,仍執拔等南

魏書薛安都傳言:「執李拔等,仍執拔等南遁。及世祖臨江,拔乃得還」,則李初古拔當不止: 合。李初古拔為宋將薛安都所擒,是與第五條適合。宋書柳元景傳言:「生擒李初古拔父子」, 列第一條適合。李初占拔為弘農太守,弘農即恆農,後魏以避諱故改稱恆農,是與第四條適 據上引史實,則父稱李初古拔,子稱李買得,名雖類胡名,姓則為漢姓,其氏既為李,是與上

壹帝王部帝系門之文,豫州刺史之上有[贈]字,是豫州刺史乃後來追贈之官,故於此不成問 別分為汝陽郡者,故以時日先後、地理接近及入事關係論,李初古拔始於未被擒以前曾隨永昌 事於元嘉二—七年三月,繫李初古拔被擒事於元嘉二十七年閏十月,而汝陽縣本屬汝南郡 永昌王關係密切可以推知。宋書索虜傳又言:「永昌王北屯汝陽」,考資治通鑑繫永昌王屯汝陽 二十七年。當時前後宋之汝南太守其姓名皆可考知,郭道隱則棄城走,徐遵之則去郡,陳憲則 由魏之汝南太守所修改而应者也。第六條之安南將軍豫州刺史當即與第二條有關, 王屯兵豫州之境,因有汝南太守之授。然則此唐室譜牒所言之汝南太守實非宋之汝南太守,乃 合,至於北魏諸鎮設置之時代及其地望等問題則別為一事,非茲所討論者也。又第二條李重耳 總之,李熙為金門鎮將,李買得亦為金門隖戍主,地埋專名如是巧同,亦可認為與第七條適 先行郡事,後以守城功擢補實官。故依據時日先後,排比推計, 為宋汝南太守一事,徵諸上引史實,絕不可能。蓋既言:「為宋將薛安都所陷」,其時必在 祖紀等書李熙率豪傑鎮武川因而留居之記載,乃後來宇文泰所改造,並非事實,俟後詳論之。 可不討論矣。魏書薛安都傳言:「[安都]仍執[李]振等帝逝 殆買得死難, 據宋書柳元景傳言:「李買得為永昌王長史,永昌聞其死,若失左右手」,則李氏父子與 以弟或兄代領其職, 今不能確知。但册府元龜壹帝王部帝系門及兩唐書壹高 實無李重耳可為宋汝南太守之 及世祖臨江,拔乃得還」,是 檢册府元 元嘉

李重耳之由北奔南,又由南歸北耶?幸赖其與他種記載符合及矛盾,留一罅隙, 以發其獨也 李初古拔原有自北至南復自南還北 一段因緣,李唐自述先世故實,竟或因此加以修改, 干載而後遂得 以傅會

名 周, 復次, 貳薛辯傳附長子初占拔傳(北史牟陸韓辯傳同)云: 侯景傳),天下後世傳為笑談。豈知李唐皇室先世之名字亦有與此略相類似者乎?又據魏書肆 之雅稱,後代史官屬文,因施刪略。夫侯景稱帝, 魏書薛安都傳之李拔即宋書柳元景傳李初古拔之渻稱及雅名。梁書伍陸侯景傳載景之祖 而南史捌拾侯景傅作羽乙周, 正與此同例。蓋胡人名字原是對音,故成繁鄙, 七世廟諱父祖之外皆王偉追造(見梁書南史 異於華夏

同時薜洪祚之例, 同吉牟貳高湖傳亦附載高各拔之名。然則初古拔或車輅拔乃當日通常胡名,頗疑李初古拔如其 長子初古拔, 亦本有漢名,特以胡名著稱於史耳。 一曰車輅拔(北史輅作穀),本名洪祚, 世祖賜名。

父子事實適合。第六條乃第二條之附屬,無獨立性質,可不別論。第二條、 總而言之,前所列之七條,第一、第四、第五、第七四條之中,李重耳父子事實皆與李初古拔 第五條既言:「為宋將薛安都所陷」, 否則何得謂為宋將所擒?故今易原文之劉宋為後魏, 則元嘉二十七年南北交兵之際李氏父子必屬於北 則第二、第三條之事實不獨不 第三條實互 ſΠ

之事。故今假定李唐為李初古拔之後裔,或不至甚穿擊武斷也。 安都」之姓名專名、「弘農」「金門」之地理專名,而竟能兩相符應,天地之間似無如此偶然巧值 與其他諸條相反,而且與之相成。況其他諸條中涵有「元嘉二十七年」。定之時間、「李氏」「薛

抑更有可論者,據唐會要壹帝號條上云:

元二十八年七月十八日韶改爲啓運陵)。 尊光皇帝,廟號懿祖,葬啓運陵(在趙州昭慶縣界,儀鳳二年五月一日追封爲延光陵, 獻祖宣皇帝諱熙(凉武昭王暠曾孫、嗣凉王歆孫、弘農太守重耳之子也)。武德元年六月二 懿祖光皇帝諱天賜(宣皇帝長子)。武德元年六月十二日追尊懿王,咸亨五年八月十五日追 慶縣界,儀鳳二年五月一日追封爲建昌陵,開元二十八年七月十八日韶改爲建初陵)。 十二日追尊爲宣簡公,咸亨五年八月十五日追尊宣皇帝,廟號獻祖,葬建初陵《在趙州昭

元和郡縣圖志壹柒(參閱舊唐書叁玖地理志,及新唐書叁玖地理志趙州昭慶縣條):

趙州。

昭慶縣,本漢廣阿縣,屬鉅鹿郡。

皇十三代祖宣皇帝建初陵。高四丈,週迴八十丈。

皇十二代祖光皇帝啓運陵。高四丈,週迴六十步。二陵共塋,週迴一百五十六步。在縣西

南二十里。

册府元龜壹帝王部帝系門略云:

禪,錄佐命功,居第一,追封唐國公。生世祖元皇帝昞,在位十七年,封汝陽縣伯、 隴西公;周受禪,襲封唐國公。高祖即元皇帝之世子,母曰元貞皇后,七歲襲封唐國公, 生天賜,仕魏爲幢主,大統時贈司空。生太祖景皇帝虎,封趙郡公,徙封隴西公;周受魏 史。生熙,起家金門鎮將。後以良家子鎮於武川,都督軍戎百姓之務,終於位,因家焉。 義寧二年受隋禪。 沮渠蒙遜所滅。歆子重耳奔於江南,仕宋爲汝南郡守,復歸於魏,拜弘農太守,贈豫州刺 唐高祖神堯皇帝姓李氏,隴西狄道人。其先出自李暠,是爲凉武昭王,薨,子歆嗣位,

文相參校,而節録其最有關之數語於下: 院歷史語言研究所藏有拓本,頗殘闕不可讀。茲取與黃彭年等修畿輔通志壹柒肆古蹟略所載碑 今河北省隆平縣尚存唐光業寺碑,碑文為開元十三年宣義郎前行象城縣尉楊晉所撰,中央研究

略)。詞曰:維王桑梓,木際城池。(下略)。 皇后。皇祖懿王謹追上尊號, (上略)。皇祖瀛州刺史宣簡公謹追上尊號,諡宣皇帝,皇祖妣夫人張氏追上尊號,諡宣莊 諡光皇帝, 皇祖妣妃賈氏謹追上尊號,諡光懿皇后。(中

代所葬之地即其家世居住之地,絶無疑義, 案:李熙、天賜父子共塋而葬,即族葬之一證。光業寺碑頌詞復有「維王桑梓」之語, 李虎之封趙郡公當即由於此也。又漢書貳捌地理志載中山國唐縣有堯山,魏書壹佰陸上地形志 州昭慶縣條等,知李氏父子葬地舊屬鉅鹿郡,與山東著姓趙郡李氏居住之舊常山郡壤地鄰接 地所流傳之放勳遺蹟,並非如通常廣義兼該太原而言也。至大唐創業起居注所云: 載南趙郡廣阿縣即李氏父子葬地復有堯臺。李虎死後,追封唐國公,蓋止取義於中山、 據魏書壹佰陸上地形志南趙郡廣阿縣條、隋書叁拾地理志趙郡大陸縣條及元和郡縣圖志壹柒趙 而唐皇室自稱其祖留居武川之説可不攻自破矣。又 則李氏累 鉅鹿等

以爲天意。 帝奉韶爲太原道安撫大使,帝以太原黎庶陶唐舊民,奉使安撫不踰本封, 因私喜此行

則為後來依附通常廣義之解釋, 元和郡縣圖志壹伍云: 然則李唐豈真出於趙郡耶?若果為趙郡李氏,是亦華夏名家,又何必假稱出於隴西耶?考 邢州 殊與周初追封李虎為唐國公時暗示其與趙郡相關之本旨不同

堯山縣, 本曰柏人, 春秋時晉邑, 戰國時屬趙, 秦滅趙, 屬鉅鹿郡, 後魏改、人」爲「仁」

天寶元年改爲堯山縣。

乂同書意集 云

趙州。

平棘縣,本春秋時晉棘蒲邑,漢初爲棘蒲,後改爲平棘也,屬常山郡。

李左車墓在縣西南七里。

趙郡李氏舊宅在縣南二十里,即後魏以東山東舊族也,亦謂之三巷李家云。東祖居巷之

東,南祖居巷之南,西祖居巷之西,亦曰三祖宅巷也。三祖李氏亦有地屬高邑縣。

宅也。 開業寺, 元氏縣, 本趙公子元之封邑,漢於此置元氏縣, 屬常山郡, 西漢常山太守皆理於元氏。 在縣西北十五里,即後魏車騎大將軍陝定二州刺史尚書令司徒公趙郡李徽伯之舊

七年移高邑縣於漢房子縣東北界,今高邑縣是也。 柏鄉縣, 本春秋時晉鄗邑之地,漢以爲縣,屬常山郡,後漢改曰高邑,屬常山國,齊天保

高邑縣故城在縣北二十一里, 本漢鄗縣地也。

高邑縣,本六國時趙房子之地,漢以爲縣,屬常山郡。

贊皇縣,本漢鄗邑縣之地,屬常山郡。

丙陵崗, 在縣東十里,即趙郡李氏之别業於此崗下也,崗上亦有李氏塋冢甚多。

昭慶縣,本漢廣阿縣,屬鉅鹿郡。

皇十三代祖宣皇帝建初陵。

皇十二代祖光皇帝啓運陵,二陵共塋,在縣西南二十里。(昭慶縣條前巳引及,爲便於解 説起見,特重出其概略於此。)

傳末附載趙郡李氏世系一節(新唐書柒貳宰相世系表趙郡李氏條及鄧名世占今姓氏書辨證貳壹 顯著支派當時之居地可以推知也。但其衰微支派則亦有居舊鉅鹿郡故疆者,考北史叁叁李孝伯 地域核之,則趙郡李氏其顯著支派所遺留之故蹟,俱不出舊常山郡之範圍。據此,則趙郡李氏 元和郡縣圖志著者李吉甫出於趙郡李氏,故關於其宗族之先塋舊宅皆詳載之,若一取其分布之

支之了孫,或者雖不與趙郡李氏之居柏仁者同族,但以同姓一姓同居一地之故,遂因緣攀附, 宋齊之世,故以地域鄰接及時代先後二者之關係綜合推論,頗疑李唐先世本為趙郡李氏柏仁一 代,則李慎、李敦徙居柏仁,約在江左東晉之時。李熙父子俱葬於廣阿,計其生時亦約當南朝 支,其徙居柏仁之時代雖未能確定,然李楷避西晉趙王倫之難,下數至其孫慎及敦,僅有二 案柏仁、廣阿一縣,後魏時俱屬南趙郡,上壤鄰接,實可視為一地域。趙郡李氏子孫甚微之一 楷避趙王倫之難,徙居常山。楷子輯,輯子慎、敦,居柏仁,子孫甚微。

史者自不應漫無辨別,遽爾全部信從也。 料,依常識之判斷,李唐先世若非趙郡李氏之「破落户」,即是趙郡李氏之「假冒牌」。至於有唐 自託於趙郡之高門,衡以南北朝庶姓冒稱士族之慣例,殊為可能之事。總而言之,據可信之材 一代之官書,其紀述皇室淵源間亦保存原來真實之事蹟,但其大部盡屬後人諱飾誇誕之語,

修晉書更不足辨論矣。 今敦煌本之十六國春秋殘卷惜未得見,不知與此有關否?至於偽本十六國春秋載重耳事採自唐 而湯球之十六國春秋輯補轉取唐修晉書之凉武昭王傳添此一段蛇足(見湯書叙例),殊為無識 又魏書玖玖私署凉王李暠傳本不載重耳南奔始末,傳世之十六國春秋纂録陸西凉録亦無其事。

復次,周書肆明帝紀(北史玖明帝紀同)云:

二年二月庚申韶口:「三十六國九十九姓, 自魏氏南徙,咸稱河南之民。今周室既都關中,

宜改稱京兆人。」

隋書叁叁經籍志史部譜序篇序云:

姓,及周太祖入闎,诸姓子孫有功者,並令爲其宗長,仍撰譜録,紀其所承,又以關内諸 爲部落大人者,並爲河南洛陽人。其中國士人則第其門閥,有四海大姓、郡姓、 後魏遷洛,有八氏十姓,咸出帝族;又有三十六族,則諸國之從魏者;九十二(九?)姓世 州姓、縣

州爲其本望。

ф, 言,其本末見於魏書壹壹叁官氏志等即魏孝文帝改胡姓為漢姓之事也。周書、北史周明帝二年 玖周本紀上)後亦四年,故從入關之遷洛諸胡族其改京兆郡望當在有功諸漢將改關内郡望之後 據上引史文,嚴格解釋, (公元五五八年)三月庚申韶書亦指胡人而言,明帝二年在魏孝武帝入關之年(公元五三四年)後 二十四年,在西魏恭帝元年(公元五五四年)改有功諸將姓為胡姓(事見周書貳文帝紀下、 則隋志之文自「後魏遷洛」至「並為河南洛陽人」止一節,專指胡人而 北史

稱西凉嬌裔,即所謂「並令為其宗長,仍撰譜牒,紀其所承」,其改趙郡郡望為隴西郡望, 又隋志之文白[其中國士人]至[又以關內諸州為其本望]止一節,實專指漢人而言。然則李唐之 未嘗留意?抑別有其他較勝之説耶? 此則深願求教於博識通人也。 謂「又以關內諸州為其本望」,豈非寅恪之假説得此史文而益證實耶?所不解者,昔人於此何以 即所

復次,唐會要叁皇后條(開元十三年光業寺碑文及巴黎圖書館藏敦煌寫本伯希和號第貳阡伍佰

宣皇帝(熙)皇后張氏。

肆唐代祖宗忌日表等均同)云:

光皇帝(天賜)皇后賈氏。

景皇帝(虎)皇后梁氏。

元皇帝(昞)皇后獨孤氏。

據此, 本是華夏,其與胡夷混雜,乃一較晚之事實也。 壹玖、北史伍玖梁禦傳,又魏書壹壹叁官氏志云:「拔列氏後改為梁氏」),但梁氏本為漢姓: 故李虎妻梁氏在未能確切證明其氏族所出以前, 大部分皆是漢族,未可以其中有極少數出自胡族之故,遽概括推定凡以梁為氏者皆屬胡族也。 張賈皆是漢姓, 其為漢族, 當無可疑。 梁氏如梁禦之例, 仍日之為漢族, 似較妥慎。然則李唐血統其初 雖有出自胡族之嫌疑(見周書

則標以……符號 符號;確知為胡族者, 本無其人,或是李初古拔之化身,故不列入,以示闕疑之意。凡女統確知為漢族者, 兹依據上述資料,作一李唐皇室血統世系表,起自李熙,迄於世民,以備參考。至李重耳則疑 標以~~~符號; 雖有胡族嫌疑,但在未發見確證,仍可認為漢族者: 標以

 張氏
 買氏
 業氏
 獨孤氏
 實氏
 長孫氏

 李熙
 天賜
 虎
 帆
 淵
 世民

易之歷程,實不限於李唐皇室一族,凡多數北朝、隋唐統治階級之家,亦莫不如是, 兹依據上引資料及其解釋,再將李唐世系先後改易之歷程及胡漢文化問題加以説明。 斯實 此世系改 计國

得中國西北部之地,成一北朝東西並峙之局,此治史者所習知也。然宇文氏只分有少數之六鎮 藉此以成其霸業。其他之小部分,由賀拔岳、宇文泰率領西徙, 族,自不待言。此民族以饑饉及虐政之故激成反抗,南向遷徙,其大部分輾轉移入高歡統治之 胡化民族對於漢化之反動亦愈甚,卒釀成六鎮之叛亂,爾朱部落乘機而起。至武泰元年(公元 留其本來之胡化,而不為洛都漢化之所浸染。故中央政權所在之洛陽其漢化愈深, 下(見北齊書壹神武紀上、北史陸齊本紀上、隋唐貳肆食貨志)。 分時期之重要事變也。六鎮鮮卑及胡化漢族既保持胡部特性,而不漸染漢化, 五二八年)四月十三日河陰之大屠殺,遂為胡入及胡化民族反對漢化之公開表示,亦中古史劃 宣武、孝明之世, 尤顯著之例也。此漢化政策其子係遵行不替,及魏孝文帝遷都洛陽,其漢化程度更為增高, 北史捌拾魏書捌叁上外戚傳質訥傳、北史玖捌魏書壹佰叁高車傳及魏書壹壹叁官氏志等), 中古史上一大問題,亦史學中千載待發而未發之覆也。 目鮮卑拓拔部落侵入中國統治北部之後,即開始施行漢化政策,如解散部落同於編户之類(見 則已達頂點,而逐漸腐化矣。然同時邊塞六鎮之鮮卑及胡化之漢族,則仍保 故歡之武力遂無敵於中原, 割據關隴, 亦能抗衡高氏, 則為一善戰之民 則邊塞六鎮

一帝國即周齊兩朝勝敗興亡决定之主因,可以斷言也。 復局促於關隴 由一一君主之賢愚及諸臣材不材之所致,蓋必別有一全部系統之政策,為此東西並立之 隅之地,終能併吞分有多數六鎮民族及雄據山東富饒區域之高齊, 其故

制之府兵制及屬於官制之周官皆是其事。其改易隨賀拔岳等西遷有功漢將之山東郡望為關 唐制度淵源略論稿,兹不贅論。此宇文泰之新塗徑今姑假名之為「關中本位政策」,即凡屬 惟不及宇文泰之徹底,故仍不忘南侵也),不復以山東江左為漢化之中心也, 已。此新塗徑即就其割據之土依附古昔,稱為漢化發源之地(魏孝文之遷都洛陽,意亦如此 苻堅、魏孝文皆知此意者,但秦魏俱欲以魏晉以來之漢化籠罩全部複雜民族,故不得不亟於南 之薰習,始能内安反側, 離之集團,匪獨物質上應處同一利害之環境,即精神上亦必具同出一淵源之信仰,同受一文化 故必別覓一塗徑,融合其所割據關隴區域內之鮮卑六鎮民族,及其他胡漢土著之人為一不可分 朔所在之江左蕭氏共成一鼎峙之局, 宇文泰率領少數西遷之胡入及胡化漢族割據關隴一隅之地,欲與財富兵強之山東高氏及神州正 非取得神州文化正統所在之江東而代之不可,其事既不能成,僅餘一字文泰之新塗徑而 別撰譜牒,紀其所承(見前引隋書叁叁經籍志譜序篇序),又以諸將功高者繼寨外鮮卑部落 外禦強鄰。而精神文化方面尤為融合複雜民族之要道。在此以前, 而其物質及精神一者力量之憑藉,俱遠不如其東南二敵 其詳貝於拙著隋 内郡

之後(見周書貳文帝紀下及北史玖周本紀上西魏恭帝元年條等),亦是施行[關中本位政策]之例 如欲解决李唐氏族問題當於此中求之也。

郡望, 之兵卒亦從其主將之胡姓,逕取鮮卑部落之制以治軍,此即府兵制初期之主旨(詳見拙著隋唐 趙郡郡望為隴西,偽託西凉李嵩之嫡裔及稱家於武川等,均是此階段中所為也。第二階段即西 望為關內郡望,以斷絶其鄉土之思(初止改易漢入之山東郡望,其改易胡入之河南郡望為京兆 概括言之,宇文泰改易氏族之舉,可分先後二階段:第一階段則改易西遷關隴漢人中之山東郡 世同列八大柱國之李弼一族,周書壹伍李弼傅、舊唐書伍叁李密傳(密為弼之曾孫)、壹叁拾李 隴西郡望及冒託西凉嫡裔也。職是之故,北朝、隋唐史料中諸人之籍貫往往紛歧,如與李唐先 氏第二階段之所改,而多數氏族仍停留於第一階段之中,此李唐所以雖去大野之胡姓,但仍稱 帝專周政,於大象二年(公元五八二年)十二月癸亥迴改胡姓復為漢姓,其結果只作到迴復宇文 制度淵源略淪稿兵制章,茲不贅論)。李唐之得賜姓大野,即在此階段中所為也。至周末隋文 魏恭帝元年韶以諸將之有功者繼承鮮卑二十六大部落及九十九小部落之後,凡改胡姓諸將所統 元年(公元五五四年)復魏孝文帝所改鮮卑人之胡姓及賜諸漢將有功者以胡姓之前, 會其家世與六鎮有關,即李熙留家武川之例,以鞏固其六鎮團體之情感。此階段當在西魏恭帝 則恐尚在其後, 見前引周書肆明帝紀及北史玖周本紀上明帝二年三月庚申詔書), 並附 凡李唐改其

復次,漢人與胡人之分別,在北朝時代文化較血統尤為重要。凡漢化之人即目為漢人,胡化之 諸州為其本望」者。以非本篇範圍,故不詳論,讀者可以依據有關史料類推也)。 為弘農楊震長子牧之後。此即隋書經籍志所謂「令為其宗長,仍撰譜牒,紀其所承, 今日,治史者竟無一不為其所欺,誠可歎也(據新唐書柒壹下宰相世系表楊氏條, 唐書壹佰肆張行成傳)。故隋唐皇室亦依舊自稱弘農楊震、隴西李暠之嫡裔, 遺業,仍舊施行「關中本位政策」,其統治階級自不改其歧視山東人之觀念(見舊唐書柒捌、新遺業,仍舊施行「關中本位政策」,其統治階級自不改其歧視山東人之觀念(見舊唐書柒捌、新 復至第一階段立言,或逕依本來未改者為説,斯其所以彼此差異也。但隋唐兩朝繼承宇文氏之 泌傳(泌為弼之六代孫),及新唐書柒貳上宰相世系表俱以為遼東襄平人,而北史陸拾李弼及曾 文苑英華玖肆捌魏徵撰李密墓誌銘則以為隴西成紀人。蓋公私著述叙及籍貫或僅據迴 偽冒相傳, 隋皇室自稱 又以關内 迄於

人即目為胡入,其血統如何,在所不論。茲舉二例以證明之::

北齊書貳肆杜弼傳(北史伍伍杜弼傳同)云:

顯祖(高洋)當問弼云:「治國當用何人?」對曰:「鮮卑車馬客, 會須用中國人。]顯祖以爲

夏之高門也。至於其所漸染者則為胡化,而非漢化。杜弼斥鮮卑,而高洋以為譏己, 夫高齊無論其母系血統屬於何種,但其白稱及同時之人均以為其家世出自渤海蓨縣, 是漢人之 固常日華

† E

受胡化者,即自命為胡人也。

又北史貳捌源賀傳(参考魏書肆壹源賀傳、 北齊書伍拾恩倖傳高阿那肱傳, 至隋書陸陸源師傅

删去「漢兒」一字,殊失當時語意矣)略云:

源賀,西平樂都人,私署河西王秃髮傉檀之子也。傉檀爲乞伏熾盤所滅, 賀自樂都奔魏

太武素聞其名,謂曰:「卿與朕同源,因事分姓,今可爲源氏。」(寅恪案:鮮卑禿髮部即

拓拔部,一語異譯,故拓拔燾謂之同源也。)

[玄孫]師仕齊爲尚書左外兵郎中,又攝祠部。後屬孟夏, 以龍見請零。 時高阿那肱爲録尚

書事,謂爲真龍出見,大驚喜,間龍所在,云作何顏色。師整容云:「此是龍星初見, 依

禮當雩祭郊壇,非謂真龍別有所降。」阿那肱忿然作色曰:「漢兒多事,强知星宿。祭事不

之分別,不論其血統,只視其所受之教化為漢抑為胡而定之確證,誠可謂「有教無類」矣。 夫源師乃鮮卑禿髮氏之後裔,明是胡人無疑,而高阿那肱竟目之為漢兒,此為北朝漢人、 胡人

又此點為治吾國中古史最要關鍵,若不明乎此,必致無謂之糾紛。資治通鑑壹柒壹陳宣帝太建

丘年, 亦紀此事, 胡注云:

諸源本出於鮮卑禿髮,高氏生長於鮮卑,自命爲鮮卑,未嘗以爲諱,鮮卑遂自謂貴種, 率

取詬。 通鑑詳書之,又一嘅也。 率侮詬之。 諸源世仕魏朝貴顯, 習知典禮, 遂有雩祭之請, 冀以取重, 乃

隋及唐初將相舊家之政權尊位遂不得不為此新興階級所攘奪替代。故武周之代李唐, 變,尤為重大也 治之變遷, 科雖創於隋代, 政策」最主要之府兵制,即於此時開始崩潰,而社會階級亦在此際起一升降之變動。蓋進士之 不預關中團體之故,致遭屏抑者,亦因此政治變革之際會,得以上升朝列,而西魏、 主持中央政權之後,逐漸破壞傳統之「關中本位政策」,以遂其創業垂統之野心。 李唐皇室者唐代三百年統治之中心也,自高祖、太宗創業至高宗統御之前期, 梅磵之説固是,又其言別有所感,然於北朝漢胡種族文化之問題似猶不免未達一問也。 人,於是進士之科為全國干進者競趨之鵠的。 大抵承西魏、北周及隋以來之世業,即宇文泰[關中本位政策]下所結集團體之後裔也。 實亦社會之革命。若依此義言, 然當日人民致身通顯之塗徑並不必由此。 則武周之代李唐較李唐之代楊隋其關係人羣之演 當時山東、江左人民之中, 有雖工於為文, 及武后柄政,大崇文章之選,破格用 其將相文武大臣 故 關中本位 不僅為政 北周、楊 白瓜曌

武周統治時期不久, 遂完全破壞無遺。而天寶安史亂後又別產生 旋復為唐, 然其開始改變「關中本位政策」之趨勢, 新世局, 與前此迥異矣。夫「關中本位 仍繼續進行。 迄至店玄

將及所統之民眾依舊保持其勢力,與中央政府相抗,以迄於唐室之滅亡,約經一百五十年之 成為互不關涉之集團,其統治階級氏族之不同類更無待言矣。蓋安史之霸業雖俱失敗,而其部 與一部分之地方藩鎮,已截然劃為三不同之區域,非僅政治軍事不能統一,即社會文化亦完全 须有此空間之區別者,因唐代自安史亂後,名義上雖或保持其一統之外貌,實際上則中央政府 政策」既不能維持,則統治之社會階級亦必有變遷。此變遷可分中央及藩鎮兩方叙述。其所以 ,雖號稱一朝,實成為二國。史家述此,不得不分之為二,其理由甚明也。

又舊唐書壹肆憲宗紀上(参考通鑑貳叁柒元和 |年此條胡注及唐會要陸叁修撰條)云:

道,合四十九州,一百四十四萬户。比量天寶供稅之戶則四分有一,天下兵戎仰給縣官者 又在常役之外。吉甫都纂其事,成書十卷。 州,不申户口。每歲賦入倚辦止於浙江東西、宣歙、淮南、江西、鄂岳、福建、 八十三萬,然人比量天寶士馬,則三分加一,率以兩户資一兵,其他水旱所損,徵科發斂 原、銀夏、靈鹽、河東、易定、魏博、鎮冀、范陽、滄景、淮西、淄青十五道凡七十一 十五,縣一千四百五十三,户二百四十四萬二百五十四,其鳳翔、鄜坊、邠寧、振武、涇 元和二年十二月己卯,史官李吉甫撰元和國計簿,總計天下方鎮凡四十八,管州府二百九 湖南等八

同書意玖下僖宗紀略云:

皆自擅兵賦, 泗, 而已。國命所能制者, 光啓元年三月丁卯車駕[自蜀]至京師, 藩侯廢置, 朱瑄據鄆齊、 孟方立據邢洺, 不自朝廷, 迭相吞噬, 曹濮, 王業於是蕩然。 河西、山南、 李克用據太原、 王敬武據淄青, 朝廷不能制。江淮轉運路絶,兩河、 劍南、 上黨,朱全忠據汴滑,秦宗權據許蔡, 時李昌符據鳳翔, 高駢據淮南八州,秦彦據宜歙, 嶺南四道數十州。大約郡將自擅, 王重榮據蒲陝, 江淮赋不上供, 劉漢宏據浙東 諸葛爽據河陽 但歲時獻奉 常賦殆絶、 時溥據徐

帝國之形式及實質,均於是告終矣。 運河之交通,而奉長安文化為中心、仰東南財賦以存立之政治集團,遂不得不七崩瓦解。 府財賦取辦之地域大致無甚殊異。唐代自安史亂後,長安政權之得以繼續維持,除文化勢力 寅恪案:李吉甫所撰元和國計總簿雖在元和初年,然自安史亂後起,迄於唐亡,其所列中央政 僅恃東南八道財賦之供給。 至黄巢之亂既將此東南區域之經濟幾全加破壞, 復斷絶汴路 大唐

夫,大抵以文詞科舉進身者也;·為受漢化不深之蠻夷,或蠻夷化之漢人,故其人多出自邊荒 區域。凡自玄宗朝迄唐亡, 種人:一為受高深文化之漢族, 在此奉長安文化為中心、 恃東南財賦以存立集團之中, 一百五十年間身居内廷,實握政治及禁軍之權者皆屬此族, 且多為武則天專政以後所提拔之新興階級, 其統治階級為此集團所占據地域內之二 所謂外廷之士大 即屬寺

據此、

可知進士之科雖設於隋代,而其特見尊重,以為全國人民出仕之唯一正途,實始於唐高

之特殊階級是也。

進用。自德宗以後,其宰相大抵皆由當日文章之士由翰林學士升任者也。請舉史實以證之。 議柒請許臺省長官舉薦狀及李相國論事集等)。及代宗大曆時常袞當國,非以辭賦登科者莫得 世,其名臣大抵為武后所獎用者(參考舊唐書壹叁玖陸贄傳、新唐書壹伍貳李絳傳、陸宣公奏 **自武則天專政破格用人後,外廷之顯貴多為以文學特見拔擢之人。而玄宗御宇,開元為極盛之**

通典壹伍選舉典叁載沈既濟之言略公

觀聽希其風采,每歲得第之人不浹辰而周聞天下,故忠賢雋彦、韞才毓行者咸出於是。而 射策,以取禄位,此行已立身之美者也。父教其子,兄教其弟,無所易業,大者登臺閣, 辟無不以文章達,因循日久寖以成風。至於開元、天寶之中,太平君子唯門調户選,徵文 史,好雕蟲之藝,永隆中始以文章選士。及永淳之後太后君臨天下二十餘年, 桀姦無良者或有焉,故是非相陵, 小者任郡縣,資身奉家,各得其足,五尺童子耻不言文墨焉。其以進士爲士林華選, 初國家自顯慶以來,高宗聖躬多不康,而武太后任事,參決大政,與天子並。太后頗涉文 或鈎摭隱匿, 嘲爲篇詠, 以列於道路,迭爲談皆,無所不至焉。 毁稱相騰,或扇結鉤黨, 私爲盟歃, 以取科第, 當時公卿百 而聲名 四方

舊唐書壹壹玖常袞傳云: 為進士之科「甲於貞觀」(唐摭言壹述進士上篇),及「進士科盛於貞觀永徽之際」(同書同卷散序 進士條),則稽之史實,有所未合。其言不及沈氏之可信,無待論也。 茲不具論(見拙著隋唐制度淵源略論稿兵制章及玉海壹叁捌兵制叁所引鄴侯家傳)。至王定保以 宗之代,即武曌專政之時。及至玄宗,其局勢遂成凝定,迄於後代,因而不改。故科舉制之宗 重與府兵制之破壞俱起於武后,成於玄宗。其時代之符合,决非偶然也。但以事關府兵制度

尤排擯非辭賦登科者。

同書同卷崔祐甫傳 云:

常衮當國,非以辭賦登科者莫得進用。

同書肆叁職官志翰林院條略云:

難其選,貞元已後爲學士承旨者,多至宰相焉。 用兵,軍國多務,深謀密韶皆從中出,尤擇名士爲翰林學士,得充選者,文士爲榮。亦如 中書舍人例置學士六人,內擇年深德重者一人爲承旨,所以獨承密命故也。德宗好文,尤 玄宗即位, 宸翰所揮, 張説、 亦資其檢討,謂之視草。故嘗簡當代士人,以備顧問。至德已後, 張九齡等召入禁中, 謂之翰林待詔。四方進奏,中外表疏批答, 或韶從 夭 下

元氏長慶集伍壹翰林承旨學士記略云:

憲宗章武皇帝以永貞元年即大位,始命鄭公(鄭綑)爲承旨學士,位在諸學士上。 十七年間

由鄭至杜(杜元穎)十一人,而九參大政。

齋續筆貳元和六學士條)云: 白氏長慶集伍玖李留守相公(李絳)見過池上汎舟舉酒話及翰林舊事因成四韻以獻之詩(參考容

同時六學士,五相一漁翁。

據此, 關係,則於論黨派時詳述之,茲不涉及焉。 廢興轉移之大勢尤易明瞭也。至此由文學科舉進身之新興階級與魏晉、北朝以來傳統舊上族之 表及宰相世系表與列傳所載其人之家世籍貫及出身等互相參證,於此三百年間外廷士大夫階級 唐玄宗七八十年間逐漸轉移消滅宇文泰以來胡漢六鎮民族舊統治階級之結果。若取新唐書宰相 可知唐代自安史亂後,其宰相大抵為以文學進身之人。此新興階級之崛起,乃武則天至

唐代自玄宗後,政柄及君權漸轉入閹寺之手,終至皇位之繼承權歸其决定,而内朝之禁軍外廷 之宰相,俱供其指揮,由之進退,更無論矣。其詳當於中篇論政治革命及黨派分野時述之,茲

医重香气合体 医牙马式:催略言其氏族所從出之一端於下:

舊唐書貳拾下泉帝紀云:

天祐二年六月丙申勅:福建每年進橄欖子,此因閹豎出自閩中, 之典。雖嘉忠蓋,伏恐煩勞。今後只供進蠟面茶,其進橄欖子宜停! 牽於嗜好之間, 逐成貢奉

新唐書貳佰柒宦者傳吐突承雖傳云:

是時諸道歲進閹兒,號私白,閩嶺最多,後皆任事,當時謂閩爲中官區藪。咸通中杜宣猷

爲觀察使,每歲時遣吏致祭其先,時號「敕使墓户」。宣猷卒用羣宦力,徙宣歙觀察使。

顧況占詩(據全唐詩第拾函)云:

图一章。

团哀閩也。(原注:囝音蹇。閩俗呼子爲囝,父爲郎罷。)

知,我罹其毒。神道無知,彼受其福。郎罷别囝,吾海生汝。及汝既生,人勸不舉。不從 囝生閩方。閩吏得之,乃絶其陽。爲臧爲獲,致金滿屋。爲髠爲鉗,視如卓木。天道無 人言,果獲是苦。囝别郎罷,心摧血下。隔地及天,及至黄泉,不得在郎罷前。

宦寺多冒養父之姓,其籍貫史籍往往不載,然即就兩唐書宦官及宦者傳中涉及其出生地域或姓

舊店書意捌肆宦官傳云:

氏稀異者觀之,亦可知其梗概也。

楊思勗本姓蘇,羅州石城人,爲内官楊氏所養, 以闍從事内侍省。

天嘉其黠慧,令給事左右。後因小過,撻而逐之。内官高延福收爲假子,延福出自武三思 高力士,潘州人,本姓馮,少闖,與同類金剛二人聖曆元年嶺南討擊使李千里進入官。 則

新唐書貳佰柒宦者傳上云:

家,力士遂往來三思第,歲餘則天復召入禁中。

魚朝恩,瀘州瀘川人也,天寶末以品官給事黄門。

劉貞亮本俱氏,名文珍,冒所養宦父姓,故改焉。

吐突承璀,閩人也,以黄門值東宫。

仇士良,循州興寧人,順宗時得侍東宫。

楊復光,閩人也,本喬氏,少養於內侍楊玄价。

同書貳佰捌宦者傳下云:

田令孜,蜀人也,本陳氏,咸通時歷小馬坊使。

據此, 持長安為中心之集團外,尚別有一河北藩鎮獨立之團體,其政治、軍事、財政等與長安中央政 民所受漢化自甚淺薄,而宦官之姓氏又有不類漢姓者,故唐代閹寺中疑多是蠻族或蠻夷化之漢 人也。唐代中國疆土之内,自安史亂後,除擁護李氏皇室之區域,即以東南財富及漢化文化維 可知唐代閹寺多出自今之四川、廣東、福建等省,在當時皆邊徼蠻夷區域。其地下級人

後再推論其種族與統治階級之關係焉。 其真相所在也。茲先舉二三顯著之例, 教及科舉仕進為其安身立命之歸宿。故論唐代河北藩鎮問題必於民族及文化二端注意,方能得 府實際上固無隷屬之關係,其民間社會亦未深受漢族文化之影響,即不以長安、洛陽之周孔名 以見當時大唐帝國版圖以內實有截然不同之二分域,

杜牧樊川集玖唐故范陽盧秀才墓誌云:

知古有人曰周公、孔夫子者,擊毬飲酒,馬射走兔, 秀才盧生名霈,字子中,自天寶後三代或仕燕,或仕趙, 語言習尚無非攻守戰鬥之事。 兩地皆多良田畜馬,

通典肆拾職官典末載杜佑建中時所上省用議略云::

釋,以佐證鄙説。至韓退之不以董召南河北之行為然之意固極明顯,不待解説也。其文云: 時漢化之中心在長安,以詩賦舉進士致身卿相為社會心理羣趨之鵠的。故當日在長安文化區域 所習誦之义,茲為闡明長安集團與河北集團政治文化對立之形勢起見,仍遂寫之於下,並略詮 内有野心而不得意之人,至不得已時惟有北走河朔之一途。昌黎集貮拾送董召南遊河北序乃世 此可以代表河北社會通常情態,其尚攻戰而不崇文教。質言之,即漸染胡化深而漢化淺也。當 今田悦之徒並是庸璅,繁刑暴賦,唯恤軍戎,衣冠仕(士)人遇如奴虜。

燕趙古稱多感慨悲歌之士。董生舉進士,連不得志於有司,

懷抱利器,

鬱鬱適茲土,

吾知

其必有合也。董生勉乎哉!!

可知在長安文化統治下之士人,若舉進上不中,而欲致身功名之會者,舍北走河朔之

外,則不易覓其他之途徑也。

其文又云:

夫以子之不遇時,苟慕義强仁者皆愛惜馬,矧燕趙之士出乎其性哉! 然吾嘗聞風俗與化移

易,吾惡知其今不異於古所云邪? 聊以吾子之行卜之也,董生勉乎哉!

常日河北社會全是胡化,非復東漢、魏晉、北朝之舊。若究其所以然之故,恐不於民族遷移一 據前引杜牧之范陽盧秀才墓誌[語言習尚無非攻守戰鬥]之句及此序[風俗與化移易]之語,可知

其文又云:

事求之不得也,請俟後論之。

吾因子有所感矣,爲我弔望諸君之墓! 而觀於其市,復有昔時屠狗者乎? 爲我謝曰:「明

天子在上,可以出而仕矣!」

然則長安天子與河北鎮將為對立不同之二集團首領,觀此數語,即可知矣。

又全唐詩第拾函李益小傳(參舊唐書壹叁柒新唐書貮佰叁文藝傳下李益傳、唐詩紀事叁拾、全

唐詩話虞等)云:

李益字君虞, 州劉濟辟爲從事。當與濟詩, 姑臧人,大曆四年登進士第, 有怨望語。憲宗時召爲秘書少監集賢殿學士, 授鄭縣尉, 久不調, 益不得意。 自負才地, 北遊河朔

考益之獻劉濟詩ム

所凌忽,

爲衆不容。

諫官舉幽州詩句,

降居散秩。

草緑古幽州,鶯聲引獨遊。 雁歸天北畔, 春盡海西頭。 向日花偏落, 馳年水不流。 感恩知

有地,不上望京樓。

據此, 此一團體之統治階級,其種族文化亦宜有不同之點在也。 是常日社會之常情, 又可知雖已登進上第之李益以不得意之故猶去京洛,而北走范陽;則董召南之遊河北蓋 而非變態。然於此益見大唐帝國之後半期其中含有兩獨立敵視之團體 Ifti

染胡化, 宗文治燦爛之世, 晉時固為文化甚高區域, 及其他藩鎮與中央政府之問題,其核心實屬種族文化之關係也。夫河北之地,東漢、 發見 二點:一為其人之氏族本是胡類, 今試檢新唐書之藩鎮傳,並取其他有關諸傳之人其活動範圍在河朔或河朔以外者以相參考, 與胡人不異。前者屬於種族, 轉變為一胡化地域? 雖然胡族之亂, 後者屬於文化。質言之,唐代安史亂後之世局, 而非漢族;一為其人之氏族雖為漢族, 其故殊不易解。茲就安史叛亂發源之地域及其時代先後 然北魏至隋其地之漢化仍未見甚衰减之相, 而久居河朔 何以 曹魏、 凡河 全玄 咐 剘 朔

之關係綜合推計,設一假説, 及其後果即河朔藩鎮之本質, 至少亦可因此明瞭也。 以俟更詳確之證明。即使此假説一時難以確定成立,但安史叛亂

舊唐書拾肅宗紀云: 廷之腐敗,是固然矣;獨未注意安史之徒乃自成一系統最善戰之民族,在當日軍事上本來無與 割據河朔, 當玄宗文治武功極盛之世,漁陽鼙鼓一鳴,而兩京不守。安禄山之霸業雖不成,然其部將始終 為敵者也。考安禄山之種族在其同時人之著述及專紀其事之書中,均稱為柘羯或羯胡, 與中央政府抗衡,唐室亦從此不振,以至覆亡。古今論此役者止歸咎於天實政治宫

是日(天寶十五載七月甲子)御靈武南門,下制曰:「乃者羯胡亂常,京闕失守。」(舊唐書 壹貳拾郭子儀傳載建中二年德宗褒卹之韶有「羯胡作禍」,新唐書壹玖貳忠義傳張巡傳亦有 柘羯千騎」之語,至杜甫喜官軍已臨賊境二十韻詩所謂「柘羯渡臨淮」之柘羯,雖非指安禄 但亦可爲旁證參考也。)

又同書壹佰肆封常清傳略云:

古蹟之詩其「羯胡事主終無賴」之句,則不僅用梁侯景之古典(如梁書伍伍武陵王紀傳云:, 又顏魯公集陸康金吾碑目安禄山為羯胡,姚汝能安禄山事跡一書亦多羯胡之語,若杜正部詠懷 先鋒至葵園,常清使驍騎與柘羯逆戰, 殺賊數十百人。臨終時表曰:「昨者與羯胡接戰。」

叛渙」, 即是一例), 實兼取今事入之於詩也。

考玄奘西域記壹颯秣建國(即康國)條云::

兵馬强盛,多是赭羯之人,其性勇烈,視死如歸。

新唐書貳貳壹下四域傳康國傳云:

尋, 曰戊地, 曰史, 世謂九姓, 皆氏昭武。 誤也)所破,稍南依葱嶺,即有其地,枝庶分上:曰安,曰曹,曰石,曰米,曰何,曰火 本月氏人,始居祁連北昭武城,爲突厥(寅恪案:突厥應作匈奴,唐會要玖玖康國條云: 「其人土著役屬於突厥,先居祁連之北昭武城,爲匈奴所破。」宋子京蓋涉上文突厥之語致

又同害同卷安國傳云:

乎)。 募勇健者爲柘羯,柘羯猶中國言戰士也(寅恪案:上引西域記之文有「赭羯之人」一語,然 則赭羯乃種族之名,此云「猶中國言戰士」,者非宋景文誤會,即後來由專名引申爲公名

又同書同卷石國傳云:

石或曰柘支,曰柘折,曰赭時。

據此,可知赭羯即柘羯之異譯,凡康安石等中亞月氏種人,皆以勇健善戰著聞者也。舊唐書貳

佰上安禄山傳云:

安禄山,營州柳城雜種胡人也。

舊書所謂雜種胡之確切界説尚待詳考,但新唐書貳貳伍上逆臣傳安禄山傳云::

安禄山,營州柳城胡也,本姓康,母阿史德,少孤,隨母嫁安延偃,乃冒姓安,

語,爲互市郎。

安、石等姓以羯為稱者(見歷史與地理雜誌第叁/叁編第肆卷天寶十載丁籍及同書第肆壹編第肆 寅恪案:安禄山事跡上引郭子儀雪安思順疏,謂安禄山本姓康。今敦煌寫本天寶丁籍亦有康、 書貳貳伍上逆臣傳史思明傳云: 卷天寶四載丁籍),故安禄山父系之為羯胡,即中亞月氏種可無疑矣。至史思明之種族則新唐

史思明,寧夷州突厥種,與安禄山共鄉里,通六蕃譯, 亦爲互市郎。

疑史思明非出中亞胡種者。然舊唐書貳佰安禄山傳云:

安禄山,營州柳城雜種胡人也。(前已引,茲爲論述便利起見,特重及之。)

同書同卷史思明傳云::

史思明,寧夷州突厥雜種胡人也。

又舊唐書壹伯肆哥舒翰傳(新唐書壹叁伍哥舒翰傳同)略云::

哥舒翰, 父是胡,母是突厥,公父是突厥,母是胡,與公族類同,何不相親乎?」 突騎施首領哥舒部落之裔也。翰母尉遲氏,于闐之族也。[安禄山]謂翰曰:[我

史傅, 貳貳陸建中元年八月甲午張光晟殺突董條)云: 據此類史料, 則知當時雜種胡人之稱實逕指昭武九姓月支種而言, 初視之,似當時所謂維種胡人者即指混合血統胡族, 如新唐書貳壹柒上回鶻傳(參通鑑 如哥舒翰等之例。 但更詳考

大小梅録等還國,裝橐係道。 始回紇至中國,常參以九姓胡, 往往留京師, 至千人, 居貲殖産甚厚。 酋長突董翳蜜施

所言與舊唐書壹貳柒張光晟傳云:

之史也。 胡,故曰「突厥雜種胡入」也。觀於史思明與安禄山俱以通六蕃語為互市郎,正是具有中亞胡種 者,實指其九姓胡而言,又其目史思明為突厥雜種胡入者,殆以其父系為突厥,而母系為羯 者同是一事,而舊傳之所謂雜種胡即九姓胡,可為確證。然則舊唐書之稱安禄山為雜種胡入 血統之特徴。至其以史為姓者,蓋從父系突厥姓阿史德或阿史那之治稱,不必為母系昭武九姓 建中元年迴紇突董、梅録領衆並雜種胡等自京師還國,輿載金帛相屬於道。

又考安史生長之地即營州, 在開元之初已多中亞賈胡, 如舊唐書壹捌伍下良吏傳宋慶禮傅(新

唐書壹叁拾宋慶禮傳同)略云:

城,其後移於幽州東二百里漁陽城安置。開元五年奚、契丹各款塞歸附,玄宗欲復營州於 舊城,乃詔慶禮等更於柳城築營州城,俄拜慶禮御史中丞兼檢校營州都督,開屯田八十餘 初營州都督府置在柳城,控帶奚、契丹,則天時都督趙文翽政理乖方,兩蕃反叛,攻陷州

所, 追拔幽州及漁陽、淄青等户, 招輯商胡, 爲立店肆。

此必其時營州區域之内或其近傍頗有西域賈胡,慶禮始能招輯之也。故營州一地在開元以前已 多中亞胡人,可知之矣。

更試一檢新唐書安禄山傳(參考安禄山事跡),如言:

潛遣賈胡行諸道,歲輸百萬。

及

凡降蕃夷皆接以恩,禄山通夷語,躬自尉撫,皆釋俘囚爲戰士,故其下樂輸死,所戰無

等,則安禄山利用其中亞胡種商業語言特長之例證也。前。

又如言:

養同羅降契丹曳落河八千人爲假子。

及

禄山已得[阿]布思之衆,則兵雄天下。

則安禄山利用其混合血統胡人之資格,籠絡諸不同之善戰胡族, 以增強其武力之例證也。

故據新唐書壹壹捌韋湊傳附見素傳云:

明年(天寶十四載),禄山表請蕃將三十二人代漢將,帝許之。見素不悦,謂[楊]國忠曰:

「禄山反狀暴天下,今又以蕃代漢,難將作矣。」未幾,禄山反。

可知禄山之舉兵與胡漢種族武力問題有關也。至舊唐書壹佰陸李林甫傳(新唐書貳貳叁上姦臣

傳李林甫傳同,又大唐新語萱壹懲戒篇及諛佞篇尤可参校)云: 以重臣領使以制之。開元中,張嘉貞、王晙、張説、蕭嵩、杜遲皆以節度使入知政事。林 國家武德、貞觀已來,蕃將如阿史那社爾、契苾何力忠孝有才略,亦不專委大將之任,多

戰有勇,寒族即無黨援。」帝(玄宗)以爲然,乃用[安]思順代林甫領[朔方節度]使。自是高 甫固位,志欲杜出將入相之源,嘗奏曰:「文士爲將怯當矢石,不如用寒族蕃人。蕃人善

仙芝、哥舒翰皆專任大將,林甫利其不識文字,無入相由。然而禄山竟爲亂階,由專得大將

之任故也。

其寒族蕃人一語涉及唐代統治階級全部,俟後論之。然安史叛亂之關鍵, 實在將領之種族, 則

可與新唐書韋見素一傳互相證發也。

又舊唐書壹玖玖上東夷傳高麗傳(新唐書壹佰拾泉男生傳附獻誠傳同)云:

薛土摩支,摩支又讓獻誠。既而獻誠奏曰:「陛下令簡能射者五人,所得者多非漢官。 衝文武官内擇善射者五人共賭之。内史張光輔先讓獻誠爲第一,獻誠復讓右玉鈴衛大將軍 泉]獻誠授右衛大將軍,兼令羽林衛上下。天授中,則天嘗内出金銀寶物,令宰相及南北

恐自此已後,無漢官工射之名。伏望停寢此射。」則天嘉而從之。

至泉獻誠為蓋蘇文之孫,男生之子,亡國敗降之餘裔,其武伎精妙猶稱常時第一, 武曌時已開始崩潰,不待玄宗朝,而漢將即此混合集團之首領,其不如蕃將之善戰已如此矣。 寅恪案:泉獻嘏、薛土摩支皆蕃將也。武則天時,蕃將之武藝已遠勝於漢人,於此可見。 屢抗隋唐全盛之日傾國之師,豈無故哉! 豈無故哉! 家傳言府兵制之破壞實始於則天時,此亦一旁證。蓋宇文泰所鳩合之六鎮關隴胡漢混合集團至 則高麗之能 鄴侯

思明為 一聖」之語)略云: 復次,新唐書壹貳柒張嘉貞傳附弘靖傳(舊唐書壹貳玖張延賞傳附弘靖傳同,但無「俗謂禄山、

充盧龍節度使,始入幽州,俗謂禄山、思明爲二聖。弘靖懲始亂,欲變其俗, 衆滋不悦。 幽薊初效順,不能因俗制變,故范陽復亂。

寅恪案:聖人者唐俗稱天子之語。如通鑑貳貳貳上元二年三月條(舊唐書貳佰上、新唐書貳貳

伍上史思明傳附朝義傳略同)略云:

〔史〕朝義泣曰:「諸君善爲之,勿驚聖人!」(寅恪案:此聖人指思明言。)

胡注云:

當時臣子謂其君父爲聖人。

雖各有不同,但非此篇所論範圍,故不置言也。 其他藩鎮胡化事跡於下,其種族、文化二者之關係不待解釋, 史稱帝時代已六七十年,河朔之地,禄山、思明猶存此尊號,中央政府官吏以不能遵循舊俗 而致變叛,則安史勢力在河朔之深且久,於此可見。茲節録兩唐書所載安史同時並後來河朔及 蓋安史俱稱帝,故在其統治之下者率以聖人稱之,自無足異。所可注意者,穆宗長慶初上距安 自然明瞭。至其人前後逆順賢否

其血統確有胡族分子者,如

舊唐書貳佰上安禄山傳附孫孝哲傳(新唐書貳貳伍上逆臣傳同)云:

孫孝哲, 契丹人也。

新唐書貳佰拾藩鎮魏博史憲誠傳(舊唐書壹捌壹史憲诚傳同)云:

史憲誠,其先奚也,内徙靈武,爲建康人,三世署魏博將。

同書貳壹壹藩鎮鎮冀李寶臣傳(舊唐書壹肆貳李寶臣傳同)云:

李寶臣本范陽内屬奚也,善騎射,范陽將張鎖高畜爲假子,故冒其姓,名忠志, 爲盧龍府

同書同卷王武俊傳(舊唐書壹肆貳王武俊傳同)云:

王武俊本出契丹怒皆部,父路俱,開元中與饒樂府都督李詩等五千帳求襲冠帶。入居薊。

年十五,善騎射,與張孝忠齊名,隷李寶臣帳下爲裨將。

同書同卷王廷湊傳(舊唐書壹肆捌王廷湊傳同)云:

王廷凑本迴紇阿布思之族,隷安東都護府,曾祖五哥之,爲李寶臣帳下,驍果善門, 王武

俊養爲子,故冒姓王,世爲裨將。

同書貳壹貳藩鎮盧龍李懷仙傳(舊唐書壹肆叁李懷仙傳同)云:

李懷仙,柳城胡也,世事契丹,守管州,善騎射,智數敏給,禄山之反,以爲裨將。

同書同卷李茂勳傳(舊唐書壹捌拾李可舉傳同)云:

李茂勳本迴紇阿布思之裔,張仲武時與其侯王皆降,資沈勇善馳射,仲武器之,任以將

兵,常乘邊,積功賜姓及名。

同書貳壹叁藩鎮淄青李正已傳(舊唐書壹貳肄李正已傳同)云、

李正已,高麗人,爲營州副將,從侯希逸入青州,希逸母即其姑。

同書膏肆肆侯希逸傳(舊唐書壹貮肆侯希逸傳同)云:

安東都護王玄志斬之,詔拜玄志平盧節度使。玄志卒,共推希逸,有韶就拜節度使。 肅宗因以希逸爲平盧、淄青節度使。自是淄青常以平盧冠使。 侯希逸,譬州人,天寶末爲州裨將,守保定城。禄山反,以徐歸道爲節度使,希逸率兵與 數有功,然孤軍無援,又爲奚侵略,乃拔其軍二萬,浮海入青州,據之,平盧遂陷, 與賊

唐代中央政府之鉅患。推求其故,實由其統治者本從河朔胡化集團中分出者也。 據上引李正己傳,知侯希逸至少其母系出自高麗,雖其初不從安禄山之命,然其種族固含有胡 人血脈,其部下兵衆亦是胡化集團。是以自李正己襲奪其業後,淄青一鎮亦與河朔同風,

新唐書壹肆捌張孝忠傳(舊唐書壹肆壹張孝忠傳同)云::

間共推張阿勞、王没諾干二人齊名。没諾干,王武俊也。天寶末以善射供奉仗内,安禄山 張孝忠本奚種,世爲乙失活酋長。父謐,開元中提衆納款。孝忠始名阿勞, 奏爲偏將。禄山、史思明陷河洛、常爲賊前鋒,朝義敗,乃自歸。 以勇聞。

同書貳貳肆上叛臣傳李懷光傳(舊唐書壹貳壹李懷光傳同)云:

李懷光,渤海靺鞨人,本姓茹,父常,徙幽州,爲朔方部將,以戰多賜姓, 更名嘉慶。懷

光在軍以積勞爲都虞候,節度使郭子儀以紀綱委懷光。

寅恪案:李懷光乃朔方軍將,屬於別一系統不在河朔範圍, 至唐室中興元勛李光弼,則新唐書壹叁陸其本傳(舊唐書壹壹拾李光弼傳略同)云:: 然以其先嘗居幽州, 故亦附及之。

李光弼,譬州柳城人,父楷洛以武后時入朝。

故亦與胡入無異者也。如新唐書貳壹拾藩鎮魏博傳(舊唐書壹肆壹田承嗣傳同)云: 列之於下。其要點在無論實為漢人或有胡族之嫌疑,其人必家世或本身居住河朔, 以上諸入皆確為胡族無復疑義。又有實為漢人,或雖號漢族,而帶胡種嫌疑未能决定者,茲並 是亦出於東北胡族,且與安禄山同鄉里,不過政治上適立於相反之地位耳。 久已胡化,

田承嗣,平州盧龍人也,世事盧龍軍,以豪俠聞,隷安禄山麾下。

舊唐書壹肆壹田弘正傳(新唐書壹肆捌田弘正傳同)略云:

曰:「臣家本邊塞,累代唐人,驅馳戎馬之鄉,不睹朝廷之禮,伏自天寶已還,幽陵肇亂. 田弘正祖延惲,魏博節度使承嗣之季父也。弘正善騎射, 爲衙内兵馬使, 既受節鉞,

山東奥壤,悉化戎墟,官封代襲,刑賞自專。

何進滔,靈武人,世爲本軍校,少客魏,委質軍中。

新唐書貳壹拾藩鎮魏博何進淄傳(舊唐書壹捌壹何進淄傳同) 云:

胡,其本身乂居魏,而當時魏地亦胡化區域也。 寅恪案:前引新唐書西域傳,昭武九姓中有何姓, 何進滔又從靈武徙居於魏, 故疑其先世是羯

舊店書宣捌壹韓允忠傳(新唐書貳壹拾藩鎮魏博韓君雄傳同)云.

韓允忠,魏州人也,父國昌,歷本州右職。

同書同卷樂彦禎傳(新唐書貳壹拾藩鎮魏博樂彦禎傳同)云:

樂彦禎,魏州人也,父少寂,歷澶、博、貝三州刺史。

同書同卷羅弘信傳(新唐書貳壹拾藩鎮魏博羅弘信傳同)云:

羅弘信,魏州貴鄉人,曾祖秀,祖珍,父讓,皆爲本州軍校。

據北夢瑣言伍中書蕃人事條,羅亦胡姓,然則羅弘信不獨世居胡化之地, 且有本出胡族之嫌疑

新唐書貳貳伍中逆臣傳朱泚傳(舊唐書貳佰下朱泚傳同)云:

朱泚,幽州昌平人,父懷珪事安史二賊。

舊唐書壹肆叁朱滔傳(新唐書貳壹貳藩鎮盧龍朱滔傳同)云:

朱滔,賊泚之弟也。

新唐書貳豈貳藩鎮盧龍朱克融傳(舊唐書壹捌拾朱克融傳同)云:

乐克融,滔孫也。

舊唐書壹肆叁劉怦傳(新唐書貳壹貳藩鎮盧龍劉怦傳同)云:

劉怦,幽州昌平人也,父貢嘗爲廣邊大斗軍使,怦即朱滔姑之子。

新唐書貮壹貳藩鎮盧龍李載義傳(舊唐書壹捌拾李載義傳同)云:

李載義自稱恒山愍王之後,性矜蕩,好與豪傑遊,力挽强搏鬥, 劉濟在幽州高其能,

引補

帳下。

人也。

寅恪案:李載義之稱承乾後裔, 固出依託, 即使其真出自承乾, 亦與河朔諸漢將同為胡化之漢

新唐書貳壹貳藩鎮盧龍楊志誠傳(舊唐書壹捌拾楊志誠傳同)云:

[楊]志誠者事[李]載義爲牙將,載義走,因自爲都兵馬使,[大和]八年爲下所逐, 推部將

史元忠總留後。

唐書史憲誠傳),故史元忠殊有源出胡族之嫌疑也。 史那氏、阿史德氏皆渻作史氏,中亞昭武九姓中有史氏,史憲誠本奚族,亦姓史氏(見前引兩 寅恪案:楊志誠、史元忠之氏族史傳不詳,無以確言,但俱為胡化之人,則無可疑者。突厥阿

新唐書貳壹貮藩鎮盧龍張仲武傳(舊唐書壹捌拾張仲武傳同)云:

矣。」德裕入白帝,擢兵馬留後,絳爲軍中所逐。 皆遊客,人心不附;仲武舊將張光朝子,年五十餘,通書習戎事,性忠義,願歸款朝廷舊 吴仲舒入朝,請以本軍擊回鶻。[李]德裕因問北方事,仲舒曰:「行泰(及殺行泰之張)絳 張仲武,范陽人,通左氏春秋,會昌初爲雄武軍使。[陳]行泰殺[史]元忠,而仲武遣其屬

李文饒之策略,仲武亦未必遽得為鎮將也。 寅恪案:陳行泰、張絳始末不詳,可不置論。張仲武受漢化較深,在河朔頗為例外,然跡其所 以得軍心者,以本為范陽土著,且家世舊將,而陳行泰、張絳俱是遊客,故不能與之爭,然非

新唐書貳壹貳藩鎮盧龍張允伸傳(舊唐書壹捌拾張公素傳同)云:

張允伸,范陽人,世爲軍校。

同書同卷張公素傳(舊唐書壹捌拾張公素傳同)云:

公素,范陽人,以列將事[張]允伸。

同菩同卷李全忠傳(舊唐書壹捌拾李全忠傳同) 云:

李全忠,范陽人,任爲棣州司馬,罷歸,事[李]可舉爲牙將,可舉死,衆推爲留後。

同書同卷劉仁恭傳云:

劉仁恭,深州人,父晟客范陽, 爲李可舉新興鎮將, 故仁恭事軍中。

舊唐書壹捌拾朱克融等傳末略云:

史臣曰:彼幽州者,其民剛强,近則染禄山、思明之風,二(?)百餘年自相崇樹, 雖朝廷

有時命帥,而士人多務逐君,習苦忘非,尾大不掉,非一朝一夕之故也。

新唐書貳壹叁藩鎮横海程日華傳(舊唐書壹肆叁程日華傳同)云:

程日華,定州安喜人,父元皓爲安禄山帳下,僞署定州刺史,故日華籍本軍,爲張孝忠牙

米

同書同卷李全略傳(舊唐書壹肆叁李全略傳同) 云:

李全略事[鎮州]王武俊爲偏裨。

同書貳豈肆藩鎮彰義吳少誠傳(舊唐書壹肆伍吳少誠傳同)云:

吴少誠,幽州潞人(父爲魏博節度都虞候)。

同書同卷吳少陽傳(舊唐書壹肆伍吳少陽傳同)云:

少陽者,與[吴]少誠同在魏博軍,相友善,少誠得淮西, 多出金帛邀之,養以爲弟,

職,親近無間。

同書同卷藩鎮澤潞劉悟傳(舊唐書壹隆壹劉悟傳同)云:

劉悟其祖正臣,平盧軍節度使,襲范陽,不克,死。

寅恪案:舊唐書壹肆伍劉全諒傳(新唐書壹伍壹董晉傳附陸長源傳同)略云:

父客奴由征行家於幽州之昌平,少有武藝,從平盧軍,[天寶]十五載四月授客奴平盧軍 仍賜名正臣,襲范陽,爲逆賊將史思明等大敗之,正臣奔歸,爲王玄志所鴆而卒。

據此,知劉氏亦家於幽州昌平,漸染胡化者也。

舊唐書豈貳貮張獻誠傳(新唐書壹叁叁張守珪傳附獻誠傳同)云::故此《分劉氏亦》於 幽州書字《洛莎古仲五七

陷史思明,爲思明守汴州,統逆兵數萬。 張獻誠,陝州平陸人,幽州大都督府長史守珪之子也,天寶末陷逆賊安禄山,受僞官,

連

同書壹貳肆薛嵩傳(新唐書壹壹亞萨仁貴傳附嵩傳同)云:

薛嵩,絳州萬泉人,祖仁貴,高宗朝名將,封平陽郡公,父楚玉, 有膂力,善騎射,不知書,白天下兵起,束身戎伍,委質逆徒。 爲范陽平盧節度使。 嵩

舊唐書壹貳肆令狐彰傅(新唐書壹肆捌令狐彰傅同)云: 胡化,竟與田承嗣之徒無別。甚战風俗之移人若是,而河朔當日社會文化情狀,亦可想見矣。 寅恪案:張獻誠、萨嵩雖俱大臣子孫,又非河朔土著,然以其父官范陽之故,少居其地, 漸染

彰遂少長范陽,善弓矢,乃策名從軍。事安禄山。 京兆富平人也,父濞,初任范陽縣尉, 通幽州人女, 生彰, 及秩滿, 留彰於母

同書同卷田神功傳(新唐書壹肆捌田神功傳同)云::

田神功, 冀州人也,家本微賤,天寶末爲縣里胥, 會河朔兵興,從事幽薊。

新唐書壹肆捌康日知傳云:

康日知,靈州人,祖植,當開元時縛康待賓,平六胡州, 日知少事李惟岳, 累擢趙州刺

史

寅恪案:以康日知姓氏及籍貫言之,當亦中亞胡種也。

新唐書意肆捌牛元翼傳云:

牛元翼,趙州人,王承宗時,與傅良弼冠諸將。良弼清河人, 以射冠軍中。

舊唐書壹肆伍李忠臣傳(新唐書貳貳肆下叛臣傳李忠臣傳同)云:

李忠臣本姓董,名秦,平盧人也,世家於幽州薊縣。忠臣少從軍, 事幽州節度使薛楚玉

張守珪、安禄山等。

同書同卷李希烈傳(新唐書貳貳伍中逆臣傳李希烈傳同)云:

李希烈,遼西人,少從平盧軍,後從李忠臣浮海至河南。

政府或忠或叛,復有先後順逆等之互異。要而言之,家世或本身曾留居河朔及長於騎射二事則 綜上所引諸人氏族或確是漢人,或有胡種嫌疑,或為唐室大臣子孫,或出微賤之族,其於中央

大抵相類, 斯實河朔地域之胡化演變所致者也。 新唐書壹肆捌史孝章傳載其諫父憲誠之言曰:

义同書貳壹拾藩鎮傳序云:

天下指河朔若夷狄然。

遂使其人由羌狄然,訖唐亡百餘年率不爲王土。

隋季之喪亂者, 遠白西北萬里之外短期之內忽然遷移至東北端濱海之區,恐不可能。姑就舊史所載者考之,似 能,而於事理亦易可通者也。獨中國東北隅河朔之地而有多數之中亞胡人,甚為難解。 北突厥,蓋舊稱如此)、迴紇、奚、契乃之類移居於與其部落鄰近之地, 地必有胡族之遷徙無疑。凡居東北與河朔有關之胡族如高麗、東突厥(唐會嬖、舊唐書俱謂之 有三因:其遠因為隋季之喪亂,其中因為東突厥之敗亡,其近因或主因為東突厥之復興。所謂 依據上列史料,知神州東北一隅河朔地域之内,其人民血統屬於漢種者,既若是之胡化, 自昔史家尠有解釋,茲試作一假説,以待將來之確證,然私心殊未敢自信也。 在李唐最盛之時即玄宗之世, 故不待五代之亂, 即舊唐書玖為唐休璟傳(新唐書壹壹壹唐休璟傳略同)略云: 神州東北一隅如田弘正所謂「悉化戎墟」矣(見上引田弘正傳)。 尤可異者, 東漢、魏晉、北朝文化最高之河朔地域,其胡化亦已開始, 如河朔區域, 自有 可 若彼輩 則其 此點 即

授營州户曹。調露中單于突厥背叛, 誘扇奚、契丹侵略州縣, 後奚、 羯胡又與桑乾突厥同

反,都督周道務遣休璟將兵擊破之,超拜豐州司馬。永淳中朝議欲罷豐州,休璟上疏曰: 豐州自秦漢已來,列爲郡縣,隋季喪亂,不能堅守,乃遷徙百姓就寧慶二州,致使戎羯

隋季侵入西北,輾轉移來,此於事實頗為合理者也。所謂東突厥之敗亡者,即戈本貞觀政要玖 太子注),然於此恐不免疏誤也。然則調露前後中國東北部已有不少羯胡, 之良機會,兩唐書唐休璟傳或可於此事略露消息也。惟新唐書唐休璟傳及通鑑貳佰貳調露元 佰牟弘道元年五月條改「戎羯」為「胡虜」,固以「戎羯」為泛稱(見後漢書肆捌吳蓋陳臧傳論章懷 十月條俱無「奚、羯胡與桑乾突厥同反」之語,又新唐書唐休璟傳雖亦作「戎羯交侵」,而通鑑貳 寅恪案:中亞羯胡必經由中國西北,而漸至東北。在隋末中國擾亂之世最為中亞胡人逐漸轉徙 乃以靈夏爲邊界。貞觀之末始募人以實之,西北一隅方得寧謐。」 而羯胡之遷徙實由

朝士相半。唯拓拔不至,又遣使招慰之,使者相望於道。凉州都督李大亮以爲於事無益 自突厥頡利破後,諸部落首領來降者皆拜將軍中郎將,布列朝廷,五品已上百餘人,殆與 徒費中國,上疏云云,太宗不納。

是杜氏略去。又「拓拔」作「柘羯」,尚未經後人誤改。舊唐書陸貳及新唐書玖玖李大亮傳紀此 寅恪案;通典壹玖柒邊防典突厥傳上與此同,蓋皆源出太宗實録也。惟無「太宗不納」之句,當 舊唐書壹玖肆上北突厥傳(新唐書貳壹伍上突厥傳同)略云: 非此所能詳及, 國之領部置於其管制下之事實也。關於束突厥自頡利於貞觀時破滅後至骨咄禄而復興之始末, 有關大局者,莫過於東突厥之復興,即骨咄禄、默啜兄弟武力之開拓遠及中亞,竟取西突厥帝 敗亡,必有少數柘羯因之東徙者矣。所谓東突厥之復興者,即綜考上引史料,諸胡人入居河朔 括之,蓋柘羯一種原在西突厥範圍內也。又兩唐書大亮傳俱言太宗從大亮之請, 事,俱只舉酋長之名,而通鑑壹玖叁貞觀四年秋九月條則不著酋長之名,而以「西突厥」一 或歸降中國之時代大抵在武則天及唐玄宗開元之世。而此三十年間中國東北方胡族之活動其最 鄙意吳書似得其實,而兩唐書大亮傳乃後來修飾之詞,故君卿於此闕疑耶? 然則東突厥之 茲惟就兩唐書所載束突厥復興與西突厥關係之史料略引一二,以供推證焉。 與貞觀政要不

骨咄禄死時其子尚幼,默啜遂篡其位, 骨咄禄,頡利之疏屬,自立爲可汗,以其弟默啜爲殺, 自立爲可汗。 骨咄禄天授中病卒。

爲五咄陸,其右厢號爲五弩失畢。 爲小可汗,仍主處木昆等十姓(寅恪案:舊唐書壹玖肆下西突厥傳云:「其國分爲十部, 部仍令一人統之,號爲十設,每設賜以一箭,故稱十箭焉。又分十箭爲左右厢, 默啜立其弟咄悉匐爲左厢察,骨咄禄子默矩爲右厢察,各主兵馬二萬餘人,又立其子匐俱 五咄陸部落居於碎葉已東,五弩失畢部落居於碎葉已 其左厢號 每

西,自是都號爲十姓部落。其咄陸有五啜, 一曰處木昆啜云云。」)兵馬四萬餘人,又號爲

里,控弦四十萬,自頡利之後最爲强盛,自恃兵威,虐用其衆,默啜既老,部落漸多逃 初默啜景雲中率兵西擊娑葛,破滅之。契丹及奚自神功之後常受其徵役,其地東西萬餘

[開元]四年默啜又北討九姓拔曳固,戰於獨樂河,拔曳固大敗,默啜負勝輕歸,而不設

備,過拔曳固迸卒頡質略於柳林中,突出擊默啜,斬之。

同書同卷下西突厥阿史那彌射傳附孫獻傳 (新唐書貳壹伍下西突厥傳略同)云:

同書同卷阿史那步真傳(新唐書貳壹伍下西突厥傳略同)云::

長安元年充安撫招慰十姓大使,獻本蕃漸爲默啜及烏質勒所侵,遂不敢還國。

自垂拱已後十姓部落頻被突厥默啜侵掠,死散殆盡。及隨斛瑟羅纔六七萬人,徙居內地,

西突厥阿史那氏遂絶。(寅恪案:通鑑貳佰肆紀此事删去「默啜」二字,蓋與上文「垂拱」二

字衝突之故,於此足徵温公讀書之精密。)

同書同卷突騎施烏質勒傳(新唐書貳壹伍下突騎施烏質勒傳同)云:

突騎施烏質勒者,西突厥之别種也。鳥質勒卒,其長子娑葛代統其衆,景龍三年娑葛弟遮

弩恨所分部落少於其兄,遂叛入突厥, 請爲鄉導以討娑葛。 默啜乃留遮弩, 遣兵二萬人與

其左右來討娑葛,擒之而還。

宗以東北諸鎮付之禄山, 者。史言「默啜既老,部落漸多逃散」,然則中國河朔之地不獨當東突厥復興盛強之時遭其侵軼 此複雜胡族方隅之主將,則柘羯與突厥合種之安禄山者,實為適應當時環境之唯一上選也。玄 變,遂與往日之河朔迥然不同, 蹂躏,即在其殘敗衰微之後亦仍吸收其逃亡離散之諸胡部落,故民族受其影響,風俗為之轉 而又包括東北及西北之諸胡種,唐代中央政府若欲羈縻統治而求一武力與權術兼其之入才, 一出於李林甫冏位之私謀而已耶? 可知東突厥復興後之帝國其勢力實遠及中亞,此時必有中亞胡族向 雖尚有他故,而禄山之種性與河朔之情勢要必為其主因, 而成為一混雜之胡化區域矣。夫此區域之民族既已脫離漢化 東北遷徙 如 ' 為

之系統及階級, 八大柱國家即其代表也。當李唐初期此集團之力量猶未衰損,皇室與其將相大臣幾全出於同 霸業;而隋唐繼其遺産,又擴充之。其皇室及佐命功臣大都凸魏以來此關隴集團中入物, 位政策」所鳩合集團之興衰及其分化。蓋宇文泰當日融冶關隴胡漢民族之有武力才智者, 更總括以上所述者論之,則知有唐一代三百年間其統治階級之變遷升降,即足宇文泰[關中本 故李氏據帝位, 主其軸心, 其他諸族入則為相, 出則為將 自無文武分途之 所謂 以創

隅,其事俱成於玄宗之世。斯實宇文泰所創建之關隴集團完全崩潰, 級 至其所以然之故, 即在此時之徵象。是以論唐史者必以玄宗之朝為時代畫分界綫,其事雖為治國史者所得略知: 復合。舉凡進十科舉之崇重,府兵之廢除,以及宦官之專擅朝政,蕃將即胡化武人之割據方 不由翰林學上中選出,邊鎮大帥之職捨蕃將莫能勝任,而將相文武蕃漢進用之途, 為一統治階級,擁蔽皇室,而與外朝之將相大臣相對抗。假使皇室與外廷將相大臣同屬於一階 既破壞後,皇室始與外朝之將相大臣即十大夫及將帥屬於不同之階級。同時閹寺黨類亦因是變 李氏,至玄宗尤稱李唐盛世,然其祖母開始破壞關隴集團之工事竟及其身而告完成矣。此 五十年之久,自身本已逐漸衰腐,武氏更加以破壞,遂致分崩墮落不可救止。其後皇位雖 崇尚進士文詞之科破格用人及漸毀府兵之制等皆是也。此關隴集團自两魏迄武曌歷時既經一百 事,而將相大臣與皇室亦為同類之人,其間更不容別: 本不在西魏以來關隴集團之内,因欲消滅唐室之勢力, 故文武不殊途,而將相可兼任,今既別産生一以科舉文詞進用之士大夫階級, 則其間固無關寺階級統治國政之餘地也。抑更可注意者,關隴集團本融合胡漢文武為一 則非好學深思通識古今之君子,不能詳切言之也。 遂開始施行破壞此傳統集團之工作, 統治階級之存在也。 及唐代統治階級轉移升降 至於武曌, 遂分歧 則宰相不能 其氏族 集團 復歸 如

中篇 政治革命及黨派分野

壹論關中事宜狀(參新唐書壹伍柒陸贄傳、通鑑貳貳捌建中四年八月條)云: 黨派若牛李等黨究如何發生?其分野之界綫何在? 斯皆前人所未顯言而今此篇所欲討論者也。 唐代皇位之繼承常不固定,當新舊君主接續之交往往有宮廷革命,其原因為何?及外廷士大夫 上篇言宁义泰以[關中本位政策]創建霸業,隋唐因之,遂混一中國,為極盛之世。陸宣公奏議 史之亂以前地方政治革命均不能成功,且無多影響?而中央政治革命亦何以有成功與失敗?又 唐代政治革命依其發源根據地之性質為區別,則有中央政治革命與地方政治革命二類。何以安

弋。 備浸微, 太宗文皇帝既定大業,萬方底乂,猶務戎備,不忘慮危,列置府兵,分置禁衛,大凡諸府 八百餘所,而在關中者殆五百焉,舉天下不敵關中, 雖府衛具存, 而卒乘罕習,故禄山竊倒持之柄,乘外重之資,一舉滔天,兩京不 則居重馭輕之意明矣。承平既久,武

寅恪案: 陸敬興所言盾代内外輕重之形勢與政治之關係問甚確切, 但唐人論事多追頌其祖宗創

革命之安、史、龐勛、黃巢等之起事,及黃巢部將朱溫之篡奪也。 破壞以前凡操持關中主權之政府即可以宰制全國,故政治革命只有中央政治革命可以成功, 制為字文泰當日「關中本位政策」中最要之一端,此政策之實情自唐初以降已不復為世人所知 宗之世[關中本位政策]完全改變,所以地方政治革命始能成功,而唐室之衰亡實由於地方政治 則天所以成功,與夫隋煬帝遠遊江左,所以卒喪邦家,唐高祖速據關中,所以獨成帝業。 方革命則無論如何名正言順,終歸失敗,此點可以解釋尉遲迥、徐敬業所以失敗,隋文帝、武 制度淵源略論稿兵制章詳言之,茲可不論。然可由宣公之言推定其在「關中本位政策」猶未完全 如李繁之鄴侯家傳為唐人論府兵制主要之書,其間多所未諦,他更無論矣,此事已於拙茗隋唐 制之美,此不獨臣下立言之體宜然,實亦由於府兵制度之起原及其發展頗有誤會所致。 蓋府兵 迨玄

實,以資證明馬。 禮儀章附論都城建築一節。茲僅略述大意,附載唐代歷次中央政治革命與宫城北門有關之史 門禁軍之手,而北門之重要則由於唐代都城建置之形勢使然,其詳見拙著隋唐制度淵源略論稿 以成功,但中央政治革命有成功,亦有失敗,其故又安在? 應之曰:其關鍵實繫於守衛宫城北 或問:唐代在「關中本位政策」即内重外輕之情形未變易以前,其政治革命惟有在中央發動者可

舊唐書壹貳陸李揆傳(參新唐書伍拾兵志及壹伍拾李揆傳、通鑑貳貳壹乾元二年三月條、

史商権捌玖南衙北司條)云:

以相伺察。今以羽林代金吾警夜,忽有非常之變,將何以制之?」遂制罷羽林之請。 注明知其誤,猶只云:「恐不如此」,亦太謙慎矣),遂安劉氏。皇朝置南北衙,文武區分, 時京師多盗賊,有通衢殺人寘溝中者。李輔國方恣横,上請選羽林騎士五百人以備巡檢。 揆上疏曰:「昔西漢以南北軍相統攝,故周勃因南軍入北軍(寅恪案:新傳亦與舊傳同作 |因南軍入北軍」,其實應作「因北軍入南軍」,此揆元疏之誤,非傳寫之譌也。通鑑此條胡

又同書壹陸捌馮宿傳附弟定傳(新唐書壹柒柒馮宿傅附弟定傳同)云:

改元[開成],御[宣政]殿,中尉仇士良請用神策仗衛右殿,定抗疏論罷。

通鑑貳肆伍開成元年正月載此事,胡注云:

南衙十六衛之兵至此雖名存實亡。然以北軍衛南衙, 則外朝亦將聽命於北司,既紊太宗之

紀綱,又增宦官之勢焰,故馮定言其不可。

城建置, 據此可知唐代之北軍即衛宫之軍,權力遠在南軍即衛城之軍之上。其情勢與西漢南北軍所處者 適相反。關於西漢南北軍制,自宋迄今,論者多矣,可以不贅。兹所欲論者,即唐代北軍及都 與中央政治革命之關係一端而已。周官考上記匠人云:

面朝背市。

之身,君主所居之處乃政治劇變時成敗之所繋。西漢之長安,其宫在城南,故南軍為衛宮之武 城,其宫近城之北端,而市則在城之南方,其宫市位置適與以前之西漢長安城相反,故唐代之 記之文適相符合,豈與此書作成之時代有關耶? 至隋代所營建之大興城,即後來唐代之長安 安,其未央宫南之司馬門直抵城垣,並無坊市,而未央宫長樂宫之北則有六街三市,是與考工 成敗,悉决於玄武門即宮城北門軍事之勝負,而北軍統制之權實即中央政柄之所寄託也。 南北軍與西漢之南北軍其名雖同,而實際之輕重則相殊異也。夫中央政府之命令出於君主一人 市居宮之北也。 **據通常之解釋,** 引有關史事於下: 力;唐代之長安,其宫在城北,故北軍為衛宮之武力。茍明乎此,則唐代歷次中央政治革命之 似無疑義。然則所言匠人營國,其官市之位置必有當日真實之背景者。今知西漢首都之長 王宫居中,其南為朝,其北為市。故止就宫與市之位置言,則宫在市之南, 考工記作成之時代雖晚, 但必為儒家依據其所得之資料, 加以理想化編纂之

與太宗各領一軍。及為太子,其所用官僚如王珪、魏徴之流即後來佐成貞觀之治之名臣, 世往往以成敗論人,而國史復經勝利者之修改,故不易見當時真相。然高和起兵太原, 武德九年六月四日玄武門事變為唐代中央政治革命之第一次,而太宗一生最艱危之苦鬥也。後 建成亦為才智之人。至於元吉者,尤以勇武著聞,故太宗當日相與競爭之人决非庸懦無能者 建成即 可知

敗亡,似此二人曾絶無計慮及準備者,頗為不近情理,疑其間必有未發之覆,而相傳之史料復 义况建成以嫡長之名位,而内得高祖宫闈之助乎? 太宗終能於玄武門一擊,而建成、元吉倉卒 多隱諱之處也

舊唐書陸捌尉遲敬德傳(新唐書捌玖尉遲敬德傳略同)略云:

建成、元吉首以示之,宫府兵遂散。 [東] 宫[齊王] 府諸將薛萬澈、謝叔方、馮立等率兵大至,屯玄武門,殺屯營將軍。敬德持 略)。敬德曰:「在外勇士八百餘人今悉入宫,控弦被甲, 隱太子、巢剌王元吉將謀害太宗,密致書以招敬德,仍贈以金銀器物一車,敬德辭。(中 事勢已就, 王何得辭?」(中略)。

同書同卷張公諽傳(新唐書捌玖張公謹傳同)云::

來攻玄武門,兵鋒甚盛。公謹有勇力,獨閉關以拒之。 [武德九年]六月四日,公蓮與長孫無忌等九人伏於玄武門以俟變。及斬建成、元吉,

同書宣捌柒上忠義傳上敬君弘傳(新唐書壹玖壹忠義傳敬君弘傳同)略云:

弘左屯衛大將軍,世衡右驍衛將軍。 立、謝叔方率兵犯玄武門, 武德中爲驃騎將軍,掌屯營兵於玄武門, 君弘挺身出戰, 加授雲麾將軍。隱太子建成之誅也,其餘黨馮 與中郎將吕世衡並遇害。太宗甚嗟賞之,贈君

同書同卷馮立傳略云:

同書同卷謝叔方傳略云: 君弘,解兵遁於野, 隱太子建成引爲翊衛車騎將軍,建成被誅, 俄而來請罪。太宗數之曰:「昨日出兵來戰,殺傷我將, [立]率兵犯玄武門, 苦戰久之, 殺屯營將軍敬 何以逃死?」

吕世衡。太宗兵不振,秦府護軍尉遲敬德傳元吉首以示之,叔方下馬號哭而遁。 太宗誅隱太子及元吉於玄武門,叔方率[齊王]府兵與馮立合軍拒戰於北闕下, 太宗命釋之。 殺敬君弘 明日出

宗既殺其兄弟之後,常何遂總率北門之屯軍矣。此亦新史料之發見,足資補釋舊史所不能解之 墓誌銘,然後知太宗與建成、元吉兩方皆誘致對敵之勇將。常何舊曾隸**屬**建成,而為太宗所利 黨得先隱伏奪據此要害之地乎? 今得見巴黎圖書館藏敦煌寫本伯希和號貳陸肆拾李義府撰常何 得以兵入玄武門故也。然則玄武門為武德九年六月四日事變成敗之關鍵,至為明顯。但此中實 有未發之覆,即玄武門地勢之重要,建成、元吉豈有不知,必應早有所防衛,何能令太宗之死 據此,太宗之所以得勝,建成、元吉之所以致敗,俱由一得以兵據玄武門即宫城之北門,一不 端也。至於敬君弘、吕世衡則觀太宗數馮立罪所言,殆與常何同為太宗之黨歟? 史料缺乏, 當武德九年六月四日常何實任屯守玄武門之職,故建成不以致疑,而太宗因之竊發。迨太

未敢遽定,俟更詳考之。

同皎傳)略云:

舊唐書玖壹桓彦範傳(新唐書壹貳拾桓彦範傳同,並參舊唐書壹捌柒上新唐書壹玖壹忠義傳王

而入。時則天在迎仙宮之集仙殿,斬易之、昌宗於廊下,明日太子即位。 [張]易之、昌宗於宫中。令李湛、李多祚就東宫迎太子。兵至玄武門,彦範等奉太子斬關 李湛、李多祚,右羽林將軍楊元琰,左威衛將軍薛思行等率左右羽林兵及千騎五百餘人討 起居,彦範與暉因得謁見,密陳其計,太子從之。神龍元年正月彦範與敬暉及左羽林將軍 [張] 柬之遽引彦範及[敬] 暉並爲左右羽林將軍,委以禁兵,共圖其事。時皇太子每於北門

同書豈佰玖李多祚傳(新唐書豈壹拾李多祚傳同)略云:

宫,張易之兄弟擅權,朝夕危逼,誠能報恩,正屬今日。」多祚曰:「苟緣王室,唯相公所 武臣,豈非大帝之恩乎?」曰:「然。」又曰:「既感大帝殊澤,能有報乎?大帝之子見在東 少以軍功歷位右羽林大將軍,前後掌禁兵北門宿衛二十餘年。神龍初,張柬之將誅張易之 」遂與柬之等定謀誅易之兄弟。 引多祚籌其事,謂曰:「將軍在北門幾年?」曰:「三十年矣。」柬之曰:「將軍位極

寅恪案:武則天雖居洛陽,然東都宫城之玄武門亦與長安宫城之玄武門同一位置,俱為形勢要

害之地。中宗復辟之成功,實在溝通北門禁軍之故。張柬之既得羽林軍統將李多祚之同意,大

舊唐書捌陸節愍太子重俊傳(新唐書捌壹節愍太子重俊傳同)略云:

亦無抵禦之能力矣。

局即定,雖以武曌之梟傑,

樓,召左羽林將軍劉仁景等令率留軍飛騎及百餘人於樓下列守。俄而多祚等兵至,欲突玄 故作逆? 武門樓,宿衛者拒之,不得進。帝據檻呼多祚等所將千騎,謂曰:"汝等並是我爪牙,何 [武]三思及[武]崇訓於其第,又令左金吾大將軍成王千里分兵守官城諸門,自率兵趨肅章 神龍]三年七月[重俊]率左羽林大將軍李多祚等矯制發左右羽林兵及千騎三百餘人,殺 斬關而入,求韋庶人及安樂公主所在。韋庶人及〔安樂〕公主遽擁帝(中宗)馳赴玄武門 若能歸順,斬多祚等,與汝富貴。」於是千騎王歡喜等倒戈斬多祚等,餘黨遂潰

故能據守玄武門樓之要地,及中宗親行宣論,而多祚等所率之禁軍遂倒戈自殺,一敗塗地矣。 視之也。舊唐書捌玄宗紀上(新唐書伍玄宗紀及通鑑貳伯玖景龍四年六月條同)略云: 然則中央政治革命之成敗與玄武門之地勢及守衛北門禁軍之關係如是重大,治唐史者誠不宜忽 神龍二年七月辛丑之役韋后、安樂公主等猶得擁護中宗,及保有劉仁景等一部分之北門衛兵、 寅恪案,李多祚以一人之身,二次躬率禁軍預聞中央政治革命之役,然而前後成敗互異者,以

從,分遣萬騎往玄武門,殺羽林將軍韋播、高嵩,持首而至,衆皆歡叫大集。攻白獸、 宮萬騎,聞譟聲,皆披甲應之,韋庶人惶惑走入飛騎營,爲亂兵所害。 (唐隆元年六月] 庚子夜〔上] 率〔劉] 幽求等數十人自苑南入,總監鍾紹京乂率丁匠百餘以 斬關而進。 左萬騎自左入,右萬騎自右入,合於凌煙閣前。時太極殿前有宿衛梓

唐書貳佰陸外戚傳草溫傳)略云: 同书伍壹后妃傳上中宗韋庶入傅(新唐書柒陸后妃傳中宗韋庶人傳同,並參考舊唐書壹捌叁新

城,分爲左右營,然後發喪。少帝即位,尊后爲皇太后,臨朝攝政。韋温總知內外兵馬, 高嵩於寢帳,遂斬關而入,至太極殿,后惶駭遁入殿前飛騎營,爲亂兵所殺。 薛崇簡、鍾紹京、劉幽求等領萬騎入自玄武門,至左羽林軍,斬將軍韋璿、 守援宫掖。駙馬韋捷、韋濯分掌左右屯營。武延秀及温從子播、族弟璿、外甥高嵩典左右 帝(中宗)遇毒暴崩, 羽林軍及飛騎。播、璿欲先樹威嚴,拜官日先鞭萬騎數人,衆皆怨,不爲之用。臨淄王率 后懼,秘不發喪。定策立温王重茂爲皇太子,召諸府兵五萬人屯京 韋播及中郎將

同書壹佰陸王毛仲傳(新唐書宣貳壹王毛仲傅同)云:

文韉,著畫獸文衫,謂之百騎。至則天時漸加其人,謂之千騎,分隷左右羽林營。孝和謂 初太宗貞觀中擇宮户蕃口中少年驍勇者百人,每出遊獵,令持弓矢於御馬前射生。 令騎豹

千騎爲萬騎矣,温公之精密有如是者),榜箠以取威。其營長葛福順、陳玄禮等相與見玄 制,令韋播、高嵩爲羽林將軍,令押千騎替(寅恪案],通鑑[千]作[萬],是,蓋中宗已改 兵所殺。 决死從命。及二十日夜玄宗入苑中,乙夜福順等至,玄宗曰:「與公等除大逆,安社稷, 宗訴冤。會玄宗已與劉幽求、麻嗣宗、薛崇簡等謀舉大計, 毛仲亦悟玄宗之旨,待之甚謹, 之萬騎,亦置使以領之。玄宗在藩邸時,常接其豪俊者,或賜飲食財帛,以此盡歸心焉。 玄宗舉火視之。又召鍾紹京領總監丁匠刀鋸百人至,因斬關而入,后及安樂公主等皆爲亂 各取富貴,在於俄頃,何以取信?」福順等請號而行,斯須斬韋播、韋璿、高嵩等頭來, 玄宗益憐其敏慧。及[景龍]四年六月中宗遇弑, 相顧益歡,令幽求諷之, 韋后稱 皆願

之玄武門事變正復相似,而成敗不同者,以玄宗能預結羽林萬騎諸營長葛福順、 又以上所述自高祖、太宗至中宗、玄宗,中央政治革命凡四次,俱以玄武門之得失及屯衛北門 韋后死黨守衛玄武門之羽林禁軍諸統將如韋播、韋璿、高嵩等,皆為其部下所殺故也。 寅恪案:玄宗景龍四年六月二十日夜之舉兵,與三年前即神龍三年七月六日節愍太子重俊發動 政柄,共轉變不出闈闥之間,兵不血刃,而全國莫之能抗,則以「闖巾本位政策」施行以來,内 禁軍之向背為成敗之關鍵。然此皆訴諸武力,公開决戰者。至於武曌之改唐為周,韋氏之潜移 陳玄禮等, ďπ

主接續之交,輒有政變發生,遂為唐代政治史之一大問題也。 推之可知也),而在宫廷之内以爭取皇位繼承之形式出之。於是皇位繼承之無固定性及新舊君 構成戰亂,其事應列入統治階級之升降及黨派分野範圍論之,故凡本書所未能詳述者,以義類 極少破例及極小限制外,大抵不决之於公開戰爭(唐末強藩與中央政府權臣及閹寺離合之關 重外輕之勢所致也。然自玄宗末年安史叛亂之後,內外輕重之形勢既與以前不同,中央政變除

被廢棄,而諸子爭立,太宗心中之苦悶及其舉止之失態,觀兩唐書長孫無忌傳所載可知矣。 舊唐書陸伍長孫無忌傳(新唐書壹伯伍長孫無忌傳詞)云: 孫皇后之長子,既居長嫡之位,其他諸子又無太宗之功業聲望可以啟其窺伺之心者,然承乾終 六月四日玄武門之事變,已詳前述,且其事為世所習知者也。太宗立承乾為皇太子,承乾乃長 唐自開國時建成即號為皇太子,太宗以功業聲望卓越之故,實有奪嫡之圖謀,卒釀成武德九年

謝。」因下拜。太宗謂無忌等曰:「公等既符我意,未知物論何如?」無忌曰:「晉王仁孝, 欲立晉王。]無忌曰:「謹奉韶,有異議者,臣請斬之。]太宗謂晉王曰:「汝舅許汝, 及司空房玄齡、兵部尚書李勣,曰:「我三子一弟所爲如此,我心無憀。」因自投於牀, 佩刀欲自刺。 太子承乾得罪, 無忌等驚懼,争前扶抱,取佩刀以授晉王。無忌等請太宗所欲,報曰:「我 太宗欲立晉王,而限以非次,迴惑不決。御兩儀殿,羣官盡出, 獨留無忌

天下屬心久矣,伏乞召問百寮,必無異辭,若不舞蹈同音,臣負陛下萬死。」於是建立遂

因此,太子之嗣位亦不得不別有擁戴扶立之元勛。若皇儲之繼承權本極固定者, 寅恪案:太宗蓋世英雄,果於决斷,而至皇位繼承問題乃作如此可笑之狀,雖或施用權術,故 御前會議,建立晉王為太子之後,復欲改立吳王恪,可知當日皇位繼承終是搖動不固定之事, 為失態,藉以籠制諸腹心大臣,然其内心之煩惱迴惑已臻極點,則無可疑。蓋皇位繼承既不固 從得居擁立之功耶? 則朝臣黨派之活動必不能止息,太宗之苦悶不堪,實職此之由也。又觀於其經此戲劇式之 因加授無忌太子太師。尋而太宗又欲立吴王恪,無忌密争之,其事遂輟。 則此輩元勛何

殺其親生之子孫,何況區區廢立之事?故其皇位繼承之不定乃更意中事也。 至於高宗本庸懦之主,受制於武后,其皇儲之不固定夫何足怪?而武曌則為曠世怪傑, 乃屬於別一範圍,茲不討論,僅略引有關高宗武界廢立其子之史文於下: 若立子立姪之問題 既屢屠

舊唐書捌陸燕王忠傳(新唐書捌壹燕王忠傳同)云:

燕王忠,高宗長子也,[永徽]三年立忠爲皇太子,顯慶元年廢忠爲梁王。

同書集中宗紀略云:

·永隆元年章懷太子廢,其年立爲皇太子。弘道元年高宗崩,即帝位,嗣聖元年二月皇太后

元年正月張柬之等率羽林兵誅[張]易之、昌宗,迎皇太子監國。乙巳則天傳位於皇太子, 廢帝爲廬陵王,其年五月遷於均州,尋徙居房陵。聖曆元年召還東都,立爲皇太子。

同書同卷睿宗紀略云:

丙午即皇帝位。

宗爲皇太子,封帝爲相王。景龍四年夏六月中宗崩,臨淄王諱[隆基]等率兵入北軍,誅韋 嗣,徙居東宫,其具儀一比皇太子。聖曆元年中宗自房陵還,請讓位於中宗。則天遂立中 温等。甲辰少帝遜於別宫,是日即皇帝位。 嗣聖元年則天臨朝,廢中宗爲廬陵王,立〔帝〕爲皇帝。及革命,改國號爲周,降帝爲皇

傳、章懷太子傳)云: 同書壹壹降承天皇帝倓傳(新唐書捌貳承天皇帝倓傳同, 又参舊唐書捌陸新唐書捌壹孝敬皇帝

愍,辭云: 『種瓜黄臺下。瓜熟子離離。一摘使瓜好。再摘令瓜稀。三摘猶尚可。 弟同侍於父母之側,無由敢言,乃作黄臺瓜辭,令樂工歌之,冀天后聞之省悟, 明孝悌,天后方圖臨朝,乃鴆殺孝敬,立雍王賢爲太子。賢每日憂惕,知必不保全,與二 最幼,〔與〕天后所生三子自爲行第,故睿宗第四。長曰孝敬皇帝(弘),爲太子監國, [李]泌因奏[肅宗]曰:「臣幼稚時念黄臺瓜辭,陛下嘗聞其説乎?高宗大帝有八子, 即 四摘抱 而仁

蔓歸。』而太子賢終爲天后所逐,死於黔中。 」

為必能終繼武曌之位,無有可疑者,則五王等更將何所依藉,以為號召之口實耶?茲録通鑑神 其本末今不能詳述,所欲論者,即中宗雖復立為皇太子,其皇位繼承權實非固定,若全國俱認 證鄙説馬, 其文云. 龍元年五月甲午以侍中齊公敬暉為平陽王條考異所引,而為司馬君實所不取之統紀原文,以佐 唐為中興復辟;自武則天方面言之,則不過貪功之徒擁立既已指定而未甚牢固之繼承儲君而已 然最可注意者,實神龍元年正月癸卯(二十日)玄武門之事變,其事自唐室諸臣言之,則易周為 (凡唐代之太子實皆是已指定而不牢固之皇位繼承者,啟有待於擁立之功臣也)。此役之是非及

櫛類,形容羸悴。上(中宗)入見,大驚。太后泣曰:「我自房陵迎汝來,固以天下授汝矣, 而五賊貪功,驚我至此。」上悲泣不自勝,伏地拜謝死罪。由是[武]三思等得入其謀。 太后善自粉飾,雖子孫在側,不覺衰老(其實此語通鑑上文已採用之矣)。及在上陽宮不復

此節史料實可解釋中宗朝武氏權勢不因則天失位而消滅之故,溫公轉不之信,無乃過於審慎

舊唐書捌陸殤皇帝重茂傳云::

景龍四年中宗崩,韋庶人立重茂爲帝,而自臨朝稱制。及韋氏敗, 重茂遂遜位, 讓叔父相

毛。

同書同卷節愍太子重俊傳(新唐書捌壹節愍太子重俊傳同)云:

公主陵忽重俊,以其非韋氏所生,常呼之爲奴。或勸公主請廢重俊爲王,自立爲皇太女, [神龍]二年秋立爲皇太子,時武三思得幸中宫,深忌重俊。三思子崇訓尚安樂公主,常教

重俊不勝忿恨。

實以既受武三思父子及安樂公主等之陵忌,明知其皇位繼承權至不固定,遂出此冒險之舉耳。 不然,兹略引史文以證明之。 成器而立為皇太子,此蓋有懲於建成太宗之故事,宜其皇位繼承權之固定,及考諸記載,殊亦 其皇位繼承之不固定,無待言矣。至玄宗雖非長嫡,然以誅滅韋氏戴立睿宗之大功得越其嫡兄 睿宗嫡長子成器雖曾居皇太子之位,終以其庶弟隆基(玄宗)功業顯著之故,而讓皇儲之位。是 立,何况其非韋氏所生者乎?重俊起兵失敗,已於前言之,茲不復論,但究其所以舉兵之由 寅恪案:殤帝重茂以韋氏敗見廢,假使韋氏不敗,而做武曌之前例行事,則重茂亦未必能久

舊唐書玖伍讓皇帝憲傳(新唐書捌壹讓皇帝憲傳同)云:

爲皇孫,唐隆元年進封宋王。睿宗踐阼,將建儲貳,以成器嫡長,而玄宗有討平韋氏之 讓皇帝憲本名成器,睿宗長子也。文明元年立爲皇太子,及睿宗降爲皇嗣, 則入册授成器

功,意久不定,成器固讓,睿宗乃許之。

同書捌玄宗紀上(新唐書伍玄宗紀略同)略云::

事已上並取皇帝處分!] 武德殿視事,三品以下除授及徒罪皆自决之。先天二年七月三日左羽林大將軍常元楷、右 矣。]睿宗曰:「傳德避災,吾意決矣。]七月壬午制曰:「皇太子可令即皇帝位!]上(玄 月兇黨因術人聞睿宗曰:「據玄象,帝座及前星有災,皇太子合作天子,不合更居東宫 羽林將軍李慈等與太平公主同謀,期以其月四日以羽林軍作亂,上密知之,因出武德殿, 宗)叩頭請所以傳位之旨。睿宗曰:「吾因汝功業得宗社,易位於汝,吾知晚矣。」上始居 曰:「皇太子[隆]基宜令監國!其六品以下除授及徒罪以下並取[隆]基處分!」延和元年六 入虔化門,巢常元楷、李慈於北闕。睿宗明日下韶曰:「朕將高居無爲,自今軍國政刑一 [唐隆元年]七月丙午[睿宗]制曰:"第三子[隆]基可立爲皇太子!][景雲]二年二月又制

(寅恪案:通鑑貳壹拾開元元年七月乙丑上皇徙居百福殿。)

同書玖陸姚崇傳(新唐書壹武肆姚崇傳同)云:

以爲不便,元之(崇本名元崇,因惡與突厥叛人同名,改爲元之)同侍中宋璟密奏,請令公 時玄宗在東宫,太平公主干預朝政,宋王成器爲閑廐使,岐王範、薛王業皆掌禁兵,外議

主往東都,出成器等諸王爲刺史以息人心。睿宗以告公主,公主大怒。玄宗乃上疏以元

同書同卷宋璟傳(新唐書壹貳肆宋璟傳同)云:

之、璟等離間兄弟,請加罪,乃貶元之爲申州刺史。

時太平公主謀不利於玄宗,嘗於光範門內乘輦,伺執政以諷之,衆皆失色。璟昌言曰:: 「東宮有大功於天下,真宗廟社稷之主,安得有異議?」乃與姚崇同奏請令公主就東都。玄

同書玖柒張説傳(新唐書壹貳伍張説傳同)云:

宗懼,抗表請加罪於璟等,乃貶璟爲楚州刺史。

焉。 是歲(景雲二年)二月睿宗謂侍臣曰:「有術者上言:五日內有急兵入宫, 即帝位。俄而太平公主引蕭至忠、崔湜爲宰相。 臣分定,自然窺覰路絶,炎難不生。」睿宗大悦,即日下制皇太子監國。明年又制皇太子 左右相顧,莫能對。說進曰:「此是讒人設計,擬揺動東宮耳,陛下若使太子監國, 仍令往東都留司。説既知太平陰懷異計,乃使獻佩刀於玄宗,請先事討之,玄宗嘉納 以說爲不附已,轉爲尚書左丞, 卿等爲朕備之!」 罷知政 則君

禪, 寅恪案:玄宗既以有大功故得立為皇太子,而其皇位繼承權仍不固定,其後雖已監國, 即皇帝位矣, 而其皇位之不安定也如故, 必至诛夷太平公主烹徒之後, 睿宗迫不得已, 放 並受内

亂,幸玄宗早知其謀,先發制人,得斬禁軍統將常元楷、李慈等,唐代中央政治革命之成敗繫 棄全部政權,退居百福殿,於是其皇位始能安定,此誠可注意者也。至太平公主欲以羽林軍作 於北門衛兵之手,斯又一例證矣。

舊唐書意佰柒廢太子獎傳(新唐書捌貳太子瑛傳同)略云:

意乃決矣。使中官宣韶於官中,並廢爲庶人,鏽配流,俄賜死於城束驛。 默然,事且寢。李林甫代張九齡爲中書令,希惠妃之旨,託意於中貴人,揚壽王瑁之美。 至尊。玄宗震怒,謀於宰相,意將廢黜。中書令張九齡奏曰:「今太子既長,無過。」玄宗 漸弛,惠妃之子壽王瑁鍾愛,〔惠〕妃泣訴於玄宗,以太子結黨,將害於妾母子,亦指斥於 廢太子瑛,玄宗第二子也,開元三年正月立爲皇太子。及武惠妃寵幸,[瑛母趙]麗妃恩乃 太子妃兄薛鏞搆異謀。玄宗遽召宰相篝之。林甫曰:「此蓋陛下家事,臣不合參知。」玄宗 〔開元〕二十五年〔惠妃女咸宜公主夫〕楊洄又搆於惠妃,言瑛兄弟(鄂王瑶、光王琚)三人與

之肅宗,其皇位繼承權亦屢經動搖,若非乘安禄山叛亂之際擁兵自立為帝,則其果能終嗣皇位 與否,殊未可知也。 寅恪案:瑛乃玄宗初立之太子,其皇位繼承既已不能固定矣,至於此後所立之太子即後來繼位

新唐書貳佰柒宦者傳上高力士傳(參考通鑑貳壹肆開元二十六年條考異)云:

忽不食。力士曰:「大家不食,亦膳羞不具耶?」帝曰:「爾我家老,揣我何爲而然?」力士 曰:「嗣君未定耶?推長而立,孰敢争?」帝曰:「爾言是也。」儲位遂定。 初,太子瑛廢,武惠妃方嬖,李林甫等皆屬壽王〔瑁〕,帝(玄宗)以肅宗長,意未決,居忽

舊唐書拾肅宗紀略云:

已,乃從,是月甲子即皇帝位於靈武。 軍[欲收復長安]。七月辛酉上至靈武,[裴]冕[杜鴻漸]等凡六上牋[請即皇帝位]。上不獲 行。明年六月關門不守,國忠諷玄宗幸蜀,車駕將發[馬嵬頓],留上在後宣諭百姓,上迴 仍遣上親總諸軍進討。時禄山以誅楊國忠爲名,國忠懼,乃與[楊]貴妃謀間其事,上遂不 潜謀不利,爲患久之。〔天寶〕卜四載十一月〔安〕禄山稱兵詣闕,十二月辛丑制太子監國: 不利己,乃起章堅、柳勣之獄,上幾危者數四。後楊國忠依妃家,恣爲褻穢,懼上英武, 立储贰,時壽王瑁母武惠妃方承恩寵,林甫希旨,以瑁對,及立上(肅宗)爲太子,林甫懼 肅宗,玄宗第三子,開元二十六年六月庚子立爲皇太子。初太子瑛得罪,上召李林甫,議

同書壹捌肆宦官傳李輔國傳(新唐書貳佰捌宦者傳下李輔國傳同)云:

請分玄宗麾下兵,北趨朔方,以圖興復,輔國從至靈武,勸肅宗即帝位,以繫人心。 [安]禄山之亂,玄宗幸蜀,輔國侍太子(肅宗),扈從至馬嵬,誅楊國忠,輔國獻計太子,

取帝位,不僅別開唐代内禪之乂二新局,而李輔國因是為擁戴之元勛,遂特創後來屬寺擁戴或 廢黜儲君之先例,此甚可注意也。 立為皇太子之後,其皇位繼承權甚不固定,故乘安禄山叛亂玄宗倉卒幸蜀之際,分兵北走, 寅恪案:玄宗何以捨壽王琄而立肅宗為皇太子,此為別一問題,非茲篇所能論及也。惟肅宗既

舊唐書壹壹代宗紀略云:

三殿,收捕越王係及内官朱光輝、馬英俊等,禁錮之,幽皇后於别殿。丁卯肅宗崩,元振 等始迎上於九仙門,見羣臣,行監國之禮,己巳即皇帝位於柩前。 無子,后懼上(代宗)功高難制,陰引越王係於宫中,將圖廢立。乙丑皇后矯韶召太子,中 代宗,肅宗長子,[乾元元年]四月庚寅立爲皇太子。寶應元年四月肅宗大漸,所幸張皇后 宫李輔國、程元振素知之,乃勒兵於凌霄門,俟太子至,即衛太子至飛龍廐。是夕勒兵於

同書伍貳后妃傳下肅宗張皇后傳(新唐書柒柒后妃傳下肅宗張皇后傳同)略云::

告,請太子在飛龍廐。元振率禁軍收越王係、朱輝光等。俄而肅宗崩,太子監國,遂移后 甫等謀立越王係,矯韶召太子入侍疾。中官程元振、李輔國知其謀,及太子入,二人以難 建寧之隙,常欲危之。實應元年四月肅宗大漸, 先在靈武時,太子(代宗)弟建寧王倓爲后誣谮而死,自是太子憂懼,常恐后之搆禍。 后與内官朱輝光、馬英俊、啖庭瑶、 后以

於別殿,幽崩,誅馬英俊[等]。

同書壹壹陸承天皇帝倓傅(新唐書捌貳承天皇帝倓傅同)略云:

時廣平王(代宗)立大功,亦爲張皇后所忌,譖搆流言。

同書壹捌肆宦官傳李輔國傳(新唐書貳佰捌宦者傳下李輔國傳同)云: 輔國判元帥行軍司馬,專掌禁軍,代宗即位,輔國與程元振有定策功。

同書同卷宦官傳程元振傳(新唐書貳佰柒宦者傳上程元振傳同)云::

寶應末蕭宗晏駕,張皇后與太子(代宗)有隙,恐不附已,引越王係入官,欲令監國。元振

知其謀,密告李輔國,乃挾太子誅越王並其黨與。

爭,即是其例。至於李氏子孫無論其得或不得繼承帝位如代宗與越王係之流, 承之决定,乃歸於閹寺之手矣。但閹寺之中又分黨派,互有勝敗,如程元振等與朱輝光等之 四月乙丑(十六日)事變張皇后失敗後,唐代宫禁中武曌以降女后之政柄,遂告終結。而皇位繼 寅恪案:代宗雖有收復兩京之功,而其皇位繼承權不固定如此。最可注意者,則為自寶應元年 工具而己。 則皆閹寺之傀儡

舊唐書壹壹捌楊炎傅(新唐書壹肆伍楊炎傅同)略云:

李正己上表請殺〔劉〕晏之罪。炎懼,乃遣腹心分往諸道,言晏之得罪以昔年附會姦邪, 謀

立獨孤妃爲皇后,上自惡之,非他過也。

同書同卷黎幹傅(新唐書壹肆伍黎幹傳问)云:

大曆中德宗居東宮,幹及[宦官劉]清潭嘗有姦謀動摇。

同書宣貳叁劉晏傳(新唐書壹肆玖劉晏傳同)略云:

時人風言:代宗寵獨孤妃,而又愛共子韓王迥,晏密啓請立獨孤爲皇后。[楊]炎奏言:

「賴祖宗福佑,先皇(代宗)與陛下(德宗)不爲賊臣所間,不然,劉晏、黎幹之輩揺動社稷,

凶謀果矣。」

同書壹叁柒趙涓傅(新唐書壹陸壹趙涓傅同)云:

爲巡使,俾令即訊。涓周歷瓀囿,按據跡狀,乃上直中官遺火所致也。推鞫明審, 永泰初,涓爲監察御史。時禁中失火燒屋室數十間,火發處與東官稍近,代宗深疑之。涓 頗盡事

情,既奏,代宗稱賞焉。德宗時在東宮,常感涓之究理詳細。

寅恪案:此德宗為太子時,其皇位繼承權亦不問定之證也。

新唐書柒順宗紀略云:

大曆十四年十二月乙卯立爲皇太子,郜國公主以蠱事得罪,太子妃其女也。德宗疑之,幾

廢者屢矣,賴李泌保護,乃免。

舊唐書壹叁拾李怭傳(新唐書壹叁玖李怭傳同)云:

順宗在春宫, 妃蕭氏母郜國公主交通外人,上(德宗)疑其有他, 連坐貶黜者數人,

危,泌百端奏説,上意方解。

同書壹伍玖衛次公傳(新唐書壹陸肆衛次公傳同,並參考舊唐書壹伍玖鄭絪傳)云:

嫡,内外繋心,必不得已,當立廣陵王(憲宗),若有異圖,禍難未已。」絪等隨而唱之, 人或云:「内中商量所立未定。|衆人未對,次公遽言曰:「皇太子(順宗)雖有疾,地居冢 (貞元)二十一年正月德宗昇遐,時東宮(順宗)疾恙方甚,倉卒召學士鄭絪等至金鑾殿。中

摇則為事實也。 寅恪案:通鑑貳套貳貞元三年六月條及貳叁叁貞元三年八月條載順宗為皇太子時幾被廢黜事甚 蓋與新唐書李泌傳同採自鄴侯家傳,李繁述其父事雖多溢美,然順宗常日皇位繼承權之動

係與皇位繼承二端合併論證,而在論證此二端之前,先一言唐代士大夫黨派分野之界綫焉。 本篇中專論唐代皇位繼承不固定之事實,則至德宗順宗之交為止。此後以內廷及外朝之黨派關 關係之一最著事例,且唐代外廷士大夫之牛李黨爭即起於憲宗元和之世。茲為叙述便利之故 依時代之次序,此下當論述憲宗之事蹟。但永貞內禪尤為唐代內廷屬寺黨派競爭與外朝上大夫

即承用伯起元文)云: 東上族中第一等門第也, 其先代之高官厚禄為其唯一之表徵,而實以家學及禮法等標異於其他諸姓。如范陽盧氏者, 唐代統治階級在武曌未破壞「關中本位政策」以前,除宇文泰所創建之胡漢關隴集團胡漢諸 則為北朝傳統之山東上族,凡外廷士大夫大抵為此類之人也。所謂上族者,其初並不專用 然魏收著魏書,其第肆柒卷盧玄傳論(李延壽於北史叁拾盧玄等傳論 族 Щ

盧玄緒業著聞,首應旌命,子孫繼跡, 蓋德業儒素有過人者。 爲世盛門。其文武功業殆無足紀,而見重於時,

江 左 是。魏晉之際雖一般社會有鉅族、小族之分,苟小族之男子以才器著聞,得稱為「名士」者, 北朝十族問題之全部,茲篇殊難詳悉考辨。故除上引魏書盧玄傳論之關於河北者外, 高門通婚,非若後來上族之婚官二事專以祖宗官職高下為惟一之標準者也。此點關係兩晉、 其人之政治及社會地位即與鉅族之子弟無所區別, 其實伯起此言不獨限於北魏時之范陽盧氏,凡兩晉、南北朝之士族盛門,考其原始, 一事,以為例證,其餘不能多及,但可以類推也。 小族之女子荀能以禮法特見尊重, 更舉關於 幾無不如 則亦可與 則

舊唐書壹玖拾上文苑傅上袁朗傳(新唐書貳佰壹文藝傳上袁朗傳同)略云::

其先自陳郡仕江左,世爲冠族。朗自以中外人物爲海内冠族, 雖琅邪王氏繼有臺

代無人,何可説之,以爲門户?」沛懷慚而退,時人以爲口實。 長史,是隴西李亶,天下甲門。」館曰:「司馬何言之失?門戸須歷代人賢名節風教爲衣冠 顧瞻,始可稱舉,老夫是也。夫山東人尚於婚媾,求於利禄,作時柱石,見危致命, 而歷朝首爲佐命,鄙之不以爲伍。朗孫誼又虞世南外孫,神功中爲蘇州刺史, 司馬清河張沛通謁,沛即侍中文瓘之子。誼揖之曰:「司馬何事?」沛曰:「此州得一 嘗因視 則曠

媾」之言,可取與新唐書壹玖玖儒學傳中柳沖傳附載柳芳論氏族文中 隋唐時代門第演化通義,其分別如是而已,然於此亦可觀古今世變矣。又袁誼「山東人尚於婚 寅恪案:袁誼、張沛之言皆是也,不過袁説代表六朝初期門第原始本義,張説代表六朝後期及

山東之人尚婚婭,江左之人尚人物,關中之人尚冠冕,代北之人尚貴戚。

諸語參證。其實哀張之異同亦涉及地域及種族問題,匪僅古今時間之關係,但此非本篇所能其 論者也。

章論之,茲不復贅。但東漢學術之重心在京師之太學,學術與政治之關鎖則為經學, 夫士族之特點既在其門風之優美,不同於凡庶,而優美之門風實基於學業之因襲。故士族家世 相傳之學業乃與當時之政治社會有極重要之影響,此事寅恪舊於拙著隋唐制度淵源略論 勵名行為住宦之途徑,而致身通顯也。自東漢末年中原喪亂以後, 學術重心自京師之太學 蓋以 禍禮儀 通

史實,以證論之。 漁之如何構成, 習氣猶不能改易也。總之,兩種新舊不同之士大夫階級空間時間既非絕對隔離,自不能無傳染 染混同, 浮華放浪著稱者,多為高宗、武后以來君主所提拔之新興統治階級也。其間山東舊族亦有由進 主張經學為正宗、薄進士為浮冶者,大抵出於北朝以來山東士族之舊家也。其由進上出身而 以致從政之一貫軌轍。此點在河北即所謂山東地域尤為顯著,實與唐高宗、 移轉於地方之豪族,學術本身雖亦有變遷, 上出身,而放浪才華之人或為公卿高門之子弟者,則因舊日之士族既已淪替,乃與新興階級漸 上科,以文詞為清流仕進之唯一途徑者大有不同也。由此可設一假定之説;即唐代上大夫中其 薰習之事。但兩者分野之界畫要必於其社會歷史背景求之,然後唐代士大夫最大黨派如牛李諸 而新興階級雖已取得統治地位,仍未具舊日山東舊族之禮法門風,其子弟逞才放浪之 以及其與內廷閹寺之黨派互相鈎結利用之隱微本末,始可以豁然通解, 然其與政治之關鎖仍循其東漢以來通經義、 武則天後之專尚進 請略徵 勵名行

皆不可信) 云: 舊唐書壹捌上武宗紀會昌四年末載宰相李德裕之言(參考新唐書肆肆選舉志,又唐語林壹言語 類李太尉德裕未出學院條, 謂德裕父古甫勸勉德裕應舉及玉泉子李德裕以己非科第條所言,

臣無名第,不合言進士之非。然臣祖(李栖筠)天寶末以仕進無他歧, 勉强隨計

第,自後不於家置文選,蓋惡其祖尚浮華,不根藝實。然朝廷顯官須是公卿子弟,何者? 之後始得一班一級,固不能熟習也。 自小便習舉業, 目熟朝廷間事,臺閣儀範班行準則不教而自成,寒士縱有出人之才,登第

新唐書肆肆選舉志(參考舊唐書壹柒冷鄭覃傳、王定保摭言壹散序進士條等)略云:

舊唐書壹柒肆李德裕傳(新唐書壹捌拾李德裕傳同,又參考玉泉子李衛公以己非科第條) 初舉人既及第,綴行通名,詣主司第謝,又有曲江會題名席。至是德裕奏:「國家設科取 色有之。進士科取人二百年矣,不可遽廢。」因得不罷。武宗即位,宰相李德裕尤惡進士。 文宗好學嗜古,鄭覃以經術位宰相,深嫉進士浮薄,屢請罷之。文宗曰:「敦厚浮薄, 而附黨背公,自爲門生,自今一見有司而止,其期集參謁曲江題名皆罷。)略云:

漢書、左氏春秋,耻與諸生同鄉賦, 李德裕,趙郡人,祖栖筠御史大夫,父吉甫趙國公。元和初宰相,德裕苦心力學,尤精西 不喜科試

新唐書壹陸叁柳公綽傳附仲郢傳云:

知吏部銓,[李]德裕頗抑進士科,仲郢無所徇,是時以進士選,無受惡官者。

舊唐書壹柒叁鄭覃傳(新唐書壹陸伍鄭珣瑜傳附覃傳同)。略云:

鄭覃(滎陽人),故相珣瑜之子,以父蔭補弘文校理。覃長於經學,稽古守正,帝(文宗)尤

華。開成初奏:禮部貢院宜罷進士科。初紫宸對上(文宗)語及選士,覃曰:「南北朝多用 月復召爲侍講學士。七年春李德裕作相,以覃爲御史大夫。文宗嘗於延英謂宰相曰:「殷 宗閔以覃與李德裕相善,薄之,奏罷〔覃翰林〕侍講學上。文宗好經義,心頗思之,六年二 之失。章句小道,願陛下不取也。」[開成]四年罷相。武宗即位,李德裕用事,欲援爲辜 延英論古今詩句工拙。覃曰:「近代陳後主、隋煬帝皆能章句,不知王者大端, 之,未必獨在進士。此科置已二百年,亦不可遽改。]覃曰:「亦不可過有崇樹。]上嘗於 奏署,即可之,餘即否。]覃曰:「此科率多輕薄,不必盡用。]帝曰:「輕薄敦厚,色色有 李紳。二人貶黜,單亦左授秘書監。九年六月楊虞卿、李宗閔得罪長流,復以覃爲刑部尚 嫉人朋黨,爲宗閔所薄故也。」八年德裕罷相,宗閔復知政,與李訓、鄭注同排斥李德裕、 侑通經學,頗似鄭覃。」宗閔曰:「覃侑誠有經學,於議論不足聽覽。」李德裕對曰:「覃嘗 漢故事,勒石於太學,永代作則,以正其闕。]從之。[大和]五年李宗閔、牛僧孺輔政. 重之。覃從容奏曰:「經籍訛謬,博士相沿,難爲改正,請召宿儒與學,校定六籍,準後 遷尚書右僕射。訓、注伏誅,以本官同平章事。覃雖精經義,不能爲文,嫉進士浮 固以足疾不任朝謁〔辭〕。會昌二年致仕,卒。覃位至相國,所居纔庇風雨,家無媵 所以不治。上以才堪即用,何必文辭?]帝曰:「進士及第人己曾爲州縣官者, 終有季年

唐語林貳文學類云.

人皆仰其素風。 女孫適崔皋,官纔九品衛佐,帝重其不婚權家。(此十八字新傳之文)

其故,豈不以[熟精文選理]乃進土詞科之人即高宗、武后以後新興階級之所致力,實與山 士之科也。文選為李氏所鄙視,石經為鄭覃所建刊,其學術趣向始有關家世遺傳,不可僅以個 寅恪案:趙郡李氏、滎陽鄭氏俱是北朝數百年來顯著之士族,實可以代表唐代士大夫中主要之 其不婚當世權門而重舊日士族之一節如下: 族以經術禮法為其家學門風者逈然殊異,不能相容耶?南北朝社會以婚宦二端判別人物流 人之偶然好惡為解釋。否則李文饒固有唐一代不屬於復古派之文雄,何以亦薄文選之書?推究 派者。而德裕及覃父子又世為宰相,其社會歷史之背景既無不相同,宜其共結一黨,深惡進 示李宗閔。嘆伏不已,一句一拜,受而出之。上笑謂之曰:「勿令適來阿父子見之!」 文宗皇帝曾製詩以示鄭覃。覃奏曰:「乞留聖慮於萬幾,天下仰望。」文宗不悦。覃出, 唐代猶承其風習而不改,此治史者所共知。茲更舉關於鄭覃之一事,以補證新唐書所紀 品之 復

及崔盧耶?诏宗正卿取世家子以聞!」寅恪案:中立固出名家,但尚主與納妃微有不同, 臨真二公主降上族, 太平廣記壹捌肆氏族類莊恪太子妃條(新唐書壹柒貳杜兼傳附中立傳云:開成初文宗以真源 謂宰相曰:「民間修婚姻,不計官品, 而尚閱閱。 我家 三百年天子,

記於此,以供參證)云:

唐語林肆企羨類亦引盧氏雜説此條,但作「打朕家事羅訶去」。) 也?朕是數百年衣冠,無何神堯打家何羅去。」因罷其選。(原注:出盧氏雜説。寅恪案: 曰:「朕欲爲太子婚娶,本求汝鄭門衣冠子女爲新婚。聞在外朝臣皆不願共朕作情親,何 文宗爲莊恪太子選妃,朝臣家□子女者,悉被進名,士庶爲之不安。帝知之,謂宰臣者

程度極深之後,與舊日士族比較,自覺相形見絀,益動企羨攀仰之念。然實為天子,終不能競 失禮之事不以為異」者(上篇之首已引),固應與山東士族之以禮法為門風者大有不同。 矣。又唐代皇室本出自宇文泰所創建之關隴胡漢集團,即朱元晦所謂「源流出於夷狄,故閨門 勝山東舊族之九品衛佐,於此可見當日山東舊族之高自標置,並非無因也。 之家尚不及山東舊門九品衛佐之崔氏,然則唐代山東士族心目中社會價值之高下估計亦可想見 中覃之外,別無鄭姓者。故知文宗「汝鄭門」之語專對覃而言者也。依覃之意,李唐數百年夭子 四年五月之時間任宰相之職,而自大和六年十月至開成三年十月即魯王永為皇太子期間,宰相 陸叁宰相表(舊唐書壹叁新唐書捌文宗紀及兩唐書鄭覃傳俱同),鄭覃以大和九年十一月至開成 寅恪案:此條所載文宗語末句頗不易解,姑從闕疑。據舊唐書壹柒伍莊恪太子永傳(新唐書捌 貳莊恪太子永傳同),魯王永以义宗大和六年十月册為皇太子,開成三年十月薨 ,又據新 及漢化

年謂房玄齡條、舊唐書柒捌新唐書壹佰肆張行成傳、舊唐書捌貳新唐書貳貳叁姦臣傳上李義府 新唐書玖伍高儉傳(参考舊唐書陸伍高士廉傳、唐會要叁陸氏族條、貞觀政要柒禮樂篇貞觀六 至李唐皇室與山東士族之關係亦有可略言者。考唐室累代其初對於山東舊族本持壓抑政策, 通鑑壹玖伍貞觀十二年正月條、太平廣記壹捌肆氏族類七姓條等)略云:

帝曰:「我於崔、盧、李、鄭無嫌,顧其世衰,猶恃舊,不解人間何爲貴之?朕以今日冠 傳,檢正真僞,合二百九十三姓千六百五十一家爲九等,號曰氏族志,而崔幹仍居第一。 之,凡九等,改爲姓氏録。當時軍功入五品者,皆升譜限,縉紳耻焉,目爲「勳格」。義府 武后世,李羲府耻其家無名,更刊定之,裁廣類例。帝(高宗)自叙所以然,各以品位叙 冕爲等級高下。]遂以崔幹爲第三姓(姓舊傳作等),班其書天下。高宗時,許敬宗以不叙 初太宗嘗以山東士人尚閥鬩,後雖衰,子孫猶負世望,由是韶土廉責天下譜牒,參考史 唐初情狀,後來不如是也)。後房玄齡、魏徵、李勣復與昏,故望不减。 奏:悉索氏族志,燒之。先是,後魏太和中定四海望族,以[李]寶等爲冠。其後矜尚門 故氏族志一切降之。王妃主婿皆取當世勳貴名臣家,未嘗尚山東舊族(寅恪案:此爲

又國史補上(參考太平廣記壹捌肆氏族類)略云:

李馩,酒泉公義倓姪孫,門户第一,而有清名, 官至司封郎中懷州刺史。嘗以爲爵位不如

族望,與人書札唯稱「隴西李積」而不衡。

又通鑑貳肆捌大中二年十一月萬壽公主適鄭顥條云:

之世,貴戚皆兢兢守禮法,如山東衣冠之族。 主懼,涕泣謝罪。上貴之曰:「豈有小郎病,不往省視,乃觀戲乎?」遺歸鄭氏。由是終上 曰:「我怪士大夫家不欲與我爲昏,良有以也。」亟命召公主入宫,立之階下,不之視,公 顆弟顗嘗得危疾,上遣使視之。還,問〔萬壽〕公主何在?曰在慈恩寺戲場。上(宣宗)怒嘆

又東觀奏記上(参唐語林柒補遺萬壽公主宣宗之女條、新唐書壹壹玖白居易傳附敏中傳)略云: 相),首科及第,聲名籍甚,待昏盧氏。宰臣白敏中奏選尚,顋深衡之。大中五年敏中免 萬壽公主,上(宣宗)之女,將嫁,命擇良婿,鄭顥相門子(寅恪案:顥之祖絪憲宗朝宰 相爲邠寧行誉都統,行有日,奏曰:「顥不樂國姻,衡臣入骨,臣在中書,顥無如臣何, 一去玉階,必媒蘗臣短,死無日矣。」

淮安王神通傳),而開成皇帝不能禁其宰相之寧以女孫適九品衛佐之崔皋(皋之家世未及詳考, 氏第二房鬱後之崔幹為第三等(見新唐書柴貳下宰相世系表崔氏條及舊唐書陸拾、新唐書柒捌 唐代,歷年雖久,而其家風禮法尚有未盡淪替者。故貞觀天子欽定氏族志,雖可以降抑博陵崔 寅恪案:前言山東士族之所以興起,實用儒素德業以自矜異,而不因官禄高厚見重於人。降及

氏,其後君臣翁婿卒皆以此為深恨,又何足怪哉!帝王之大權不及社會之潜力,此類之事即其 然其為「七姓」之一,則無可疑也),而不願其家人為皇太子妃 。至大中朝藉皇室之勢, 一例,然非求之數百年往日背景,不易解釋也。 奪婚盧

既明乎此,則牛李(德裕)黨派分野界畫之所在,終可得而言。

唐語林叁識鑑類(參考南部新書丁)云:

卒無成效,但寄之頗舌而已。 陳夷行、鄭覃請經術孤立者進用, 李珏與楊嗣復論地胄詞彩者居先, 每延英議政多異同

虞卿傳及南部新書已大和中人指楊虞卿宅南亭子為行中書條等),轉成世家名族,遂不得不崇 新唐書壹陸叁楊於陵傳、舊唐書壹柒陸新唐書壹柒肆楊嗣復傳、 如楊於陵、嗣復及楊虞卿、汝士等,一門父子兄弟俱以進上起家,致身通顯(見舊唐書壹陸肆 之新興階級無異。迨其拔起寒微之後,用科舉座主門生及同門等關係, 號稱士族,即使俱非依託, 政治社會之地位逐漸擴大,馴致舊日山東士族如崔皋之家,轉成孤寒之族。若李(珏)楊之流雖 宗、武后之後崛興階級之新工具。至孤立地胄之分別,乃因唐代自進士科新興階級成立後, 蓋陳鄭為李(德裕)黨,李楊為牛黨, 但舊習門風淪替殆盡,論其實質,亦與高宗、武后由進士詞科進身 經術乃兩晉、北朝以來山東士族傳統之舊家學, **舊唐書壹柒陸新唐書壹柒伍楊** 勾結朋黨, 互相援助, 詞彩則高 其

年間之一大世變也,請略徵舊籍,證明於下: 言柴好放孤寒門李太尉德裕頗為寒畯開路條及唐語林柒補遺李衛公頗升寒素條等),斯亦數百 尚地胄,以鞏固其新貴黨類之門閥,而拔引孤寒之美德高名翻讓與山東舊族之李德裕矣(見摭

摭言叁慈恩寺題名遊賞賦詠雜記條(略見上引新唐書選舉志)略云:

勅:「宜依!」 司 風寖薄,臣節何施,樹黨背公,靡不由此。臣等商量今日已後,進士及第,任一度參見有 局席等條疏進來者。伏以國家設文學之科,求貞正之士,所宜行敦風俗,義本君親, 相,其年十二月中書覆奏:「奉宣旨,不欲令及第進士呼有司爲座主,趨赴其門,兼題名 進士題名,自神龍之後,過關宴後皆集會於慈恩塔下題名。會昌三年贊皇公(李德裕)爲上 申於朝廷,必爲國器,豈可懷賞拔之私惠,忘教化之根源,自謂門生,遂成膠團。所以時 向後不得聚集參謁,及於有司宅置宴。其曲江大會朝官及題名局席並望勒停。」奉

於是向之題名各盡削去。蓋贊皇公不由科第,故設法以排之,洎公失意,悉復舊態。

玉泉子云:

李相德裕抑退浮薄,樊拔孤寒。於時朝貴朋黨,德裕破之,由是結怨,而絶於附會,門無

舊唐書壹捌下宣宗紀大中三年九月貶李德裕為崖州司户參軍制云;;

誣貞良造朋黨之名。

據此 李德裕所謂朋黨, 即指新興階級浮薄之士藉進士科舉制度座主門生同門等關係締結之牛

黨也。

或疑通鑑貳叁捌元和七年春正月條(新唐書壹陸貳許孟容傳附季同傳同),載京兆尹元義方為鄜

坊觀察使事略云:

其書專詆李吉甫, 固出於牛黨之手, 其所言同年無情, 乃牛黨強自辯護之詞, 殊非實狀也。夫 則似科舉制度與結黨無關者。但詳考之,知通鑑此條及新唐書許孟容傳俱採自李相國論事集, 唐代科舉制度下座主門生及同年或同門關係之密切原為顯著之事,可不詳論, 同年固有情乎?」對曰:「同年乃九州四海之人偶同科第,或登科然後相識,情於何有?」 義方入謝,因言李絳私其同年許季同,除京兆少尹,出臣鄌坊。明日上以詰絳曰:「人於 兹僅舉三數例於

舊唐書壹柒柒韋保衡傳(新唐書壹捌肆路巖傳附韋保衡傳同)云:

亦足以為證明也。

保衡恃恩權,素所不悦者,必加排斥。王鐸貢舉之師, 蕭遘同門生, 以素薄其爲人, 皆擯

斥之。

寅恪案:史所書保衡之惡,依當時習慣言,乃一破例。此正可以反證當日座主門生以及同年或 同門之間互相援助之常態也。

白氏長慶集壹陸重題[草堂東壁] 七律四首之四云:

宦途自此心長别,世事從今口不言。豈止形骸同土木,兼將壽夭任乾坤。胸中壯氣猶須

遣,身外浮榮何足論!還有一條還恨事,高家門館未酬恩。

關係密切之一例證也。 士一人之篤於恩舊者為然,凡苟非韋保衡之薄行寡情者,莫不如是。此實可為唐代門生對座主 寅恪案:白樂天此詩自言已外形骸,了生死,而猶惓惓於座主高郢之深恩未報,斯不獨香山居

獨異志(參唐語林肆賢媛類)云:

矣!」羣慚而退,累日不食。 乎?然往年君掌文柄,使人約其子簡禮,不令就春闈之試。如以爲良田,則陸氏一莊荒 此業。」羣曰:「吾前年放春榜三十人,豈非美田耶?」夫人曰:「若然者,君非陸贊相門生 子孫之業。笑答曰:「余有三十所美莊良田,遍在天下,夫人何憂?」夫人曰:「不聞君有 崔羣爲相,清名甚重,元和〔中〕自中書舍人知貢舉,既罷,夫人李氏嘗勸其樹莊田,以爲

寅恪案:座主以門生為莊田,則其施恩望報之意顯然可知。此唐代座主對於門生關係密切之一

例證也。

唐書壹柒陸李宗閔傳可與參證)云: 舊唐書壹柒陸楊嗣復傳(新唐書壹柒肆楊嗣復傳不載同門結黨之由,不及舊傳之得其實,

嗣復與牛僧孺、李宗閔皆權德與貢舉門生,情誼相得,進退取捨多與之同。

年間升沈轉變之概狀矣。其記載略録於下: 高宗、武后以後朝廷及民間重進士而輕明經之記載, 學也,明經科專經術,兩晉、北朝以來之舊學也。究其所學之殊,實由門族之異。故觀唐代自 復次,唐代貢舉名目雖多,大要可分為進士及明經二科。進士科主文詞,高宗、武后以後之新 寅恪案:史言牛派鉅子以同門之故,遂結為死黨。此唐代科舉同門關係之一例證也。 則知代表此二科之不同社會階級在此二百

康駢劇談録(參唐語林陸補遺)云:

不合應[進士]舉,賀遂致轗軻。韓愈惜其才,爲著諱辯明之,竟不成名。 賀?」稹慚恨而退。其後〔稹〕以制策登科,及爲禮部郎中,因議賀祖(祖當作父)諱晉[肅], 什,常交結於賀, **兀和中,李賀善爲歌篇,爲韓愈深所知,** 日執實造門, 賀覽刺, 重於縉紳。時元稹年少,以明經擢第, 不答遽入。僕者謂曰:「明經及第, 何事看李 亦攻篇

寅恪案:劇談録所紀多所疏誤,自不待論。但據此故事之造成,可推見當時社會重進士輕明經

影響也。如唐語林肆企羨瀕略云:

之情狀,故以通性之真實言之,仍不失為珍貴之社會史料也。

東觀奏記上(參新唐書壹捌貳李珏傳及唐語林叁識鑑類)略云:

非常人也,當撥進士科。明經碌碌,非子發跡之路。]一舉不第,應進士[舉],許孟容爲 李珏,趙郡贊皇人,早孤,居淮陰,舉明經。李絳爲華州刺史,一見謂之曰:「日角珠庭,

新唐書壹捌叁崔彦昭傳云:

宗伯,擢居進士。

氏妹必與子皆逐,吾將共行。」彦昭聞之,泣且拜,不敢爲怨,而凝竟免。(寅恪案:此採 自尉遲偓中朝故事。 「不若從明經舉。」 彦昭爲憾。至是凝爲兵部侍郎,母聞彦昭相,敕婢多製履襪,曰: [王 [彦昭]與王凝外昆弟也,凝大中初先顯,而彦昭未仕,當見凝, 凝倨不冠帶, 慢言曰:

摭言散序進士門云:

其艱難謂之三十老明經,五十少進士。

又唐代社會於此二科之評價,有高下之殊,亦由當時政治之關係所致,蓋朝廷與民衆二者互相 據上諸條,進上、明經二科在唐代社會其價值之高下,可以推知,不待廣引也。

薛元超謂所親曰:「吾不才,富貴過人,平生有三恨:始不以進士擢第。」

寅恪案:上篇引通典壹伍選舉典叁所載沈既濟之言,謂進士科之特見尊重,實始於高宗、 武后

時。薛元超為高宗朝晚年宰相,是與沈氏之語適合也。

新唐書肆肆選舉志(摭言叁慈恩寺題名遊賞賦詠雜志條同,又新志此條前已徵引,今為解釋便

利之故,復節録數語於此)略云:

武宗即位,李德裕爲宰相,尤惡進士。至是德裕奏:「國家設科取士,而附黨背公, 自爲

門生,自今一見有司而止,其期集參謁曲江題名皆罷。」

舊唐書壹捌下宣宗紀大中元年二月丁酉禮部侍郎魏扶奏臣今年所放進士三十三人條略云: 帝(宣宗)雅好儒士,留心貢舉,有時微行人間,採聽輿論,以觀選士之得失。又勅:「自

今進士放榜後,杏園任依舊宴集,有司不得禁制!!

寅恪案:宣宗朝政事事與武宗朝相反,進士科之好惡崇抑乃其一端,而此點亦即牛李二黨進退

樂辱之表徵也。請更取證於下列史料:

唐語林肆企羨類(參説郛柒叁引盧氏雜説)云:

名,或有人物優而不中者,必歎息久之。當於禁中題「郷貢士李道龍」(寅恪案:可參同書 宣宗愛羨進士,每對朝臣,問登第否?有以科名對者,必有喜,便問所試詩賦題並主司姓

同卷同類宣宗好儒條「殿柱自題曰:鄉貢進士李某」)。

又同書同類(參東觀奏記上)略云:

宣宗尚文學,尤重科名。大中十年鄭顥知舉,宣宗索登科記, 敕翰林:「今後放榜,

及第人姓名及所試詩賦題目,仰所司逐年編次!]

夫大中一朝為純粹牛黨當政李黨在野之時期,宣宗之愛羨進士科至於此極**,** 必非偶然也。

唐時牛李兩黨以科第而分,牛黨重科舉,李黨重門第。

又張爾田先生玉溪生年譜會箋叁大中二年下引沈曾植先生之言曰:

等),然則牛黨鉅子俱是北朝以來之舊門及當代之宗室,而李黨之健者如陳夷行、李紳、 柒貳新唐書壹柒肆牛僧孺傳及唐文粹陸伍李珏撰牛僧孺神道碑、杜牧樊川集柒牛僧孺墓誌銘 唐書壹柒陸新唐書壹柒肆李宗閱傳及新唐書柒拾下宗室世系表小鄭元王房條等), 至黨魁牛僧 鑒類及舊唐書壹柒叁新唐書壹捌貳李珏傳等),李宗閔則為唐宗室,而鄭王元懿之四世孫(見舊 李讓夷之流復皆以進士擢第(見舊唐書壹柒叁新唐書壹捌壹陳夷行傳、舊唐書壹柒叁新唐書壹 孺更是隋代達官兼名儒牛弘之八世孫,且承其賜田賜書之遺業。並以進士擢第者(見舊唐書壹 問曰:「牛黨中以進士科出身者如李珏,則系出趙郡李氏(見前引東觀奏記上,並參唐語林叁識 寅恪案:乙盦先生近世通儒,宜有此卓識,其所謂「牛黨重科舉者」自指重進士科而言也。 或疑

容,至於李唐皇室在開國初期以屬於關隴集團之故,雖與山東舊族頗無好感,及中葉以後 書柒拾上宗室世系表所云: 舊族與新興階級生死競爭之際,遠支之宗室其政治社會之地位實已無大別於一般上族。如新唐 本在兩晉、北朝以來山東士族與唐高宗、武則天之後由進士詞科進用之新興階級兩者互不相 非原則之大概也。故互受影響一事可以不論,所可論者約有三端:一曰牛李兩黨之對立,其根 李兩黨既産生於同一時間,而地域又相錯雜,則其互受影響,自不能免,但此為少數之特例: 捌壹李紳傳、舊唐書壹柒叁新唐書壹叁壹李回傳、舊唐書壹柒陸新唐書壹捌壹李讓夷傳等), 是李黨亦重進士之科, 前所謂牛李黨派之分野在科舉與門第者, 毋乃不能成立耶**?應**之曰:牛 山東

唐有天下三百年,子孫蕃衍,可謂盛矣。其初皆有封爵, 遂與異姓之臣雜而仕宦, 至或流落於民間,甚可歎也。 至其世遠親盡, 則各隨其人賢

也。茲更舉數例以為證明,而解疑惑焉。 復可李,此李回之所以為李黨也。二曰:凡山東舊族挺身而出, 故對於此新舊兩統治階級之鬥爭,傳處於中立地位, 人之家族尚能保持舊有之特長,如前所言門風家學之類,若鄭覃者,即其一例也。亦有雖號為 而門風廢替, 家學衰落, 則此破落户之與新興階級不獨無所分別, 既自可牛, 此李宗閔之所以為牛黨也, 與新興階級作殊死鬥者, 且更宜與之同化 必其

舊唐書壹叁陸崔損傳(新唐書壹陸柒崔損傳同)略云::

殯,不言展墓,不議遷祔,姊爲尼,没於近寺,終喪不臨,士君子罪之。 薦之於德宗,〔貞元〕十二年以本官(右諫議大夫)同中書門下平章事。〔損〕身居宰相,母野 崔損,博陵人,高祖行功已後名位卑替,大曆末進士擢第。户部尚書裴延齡素與損善,乃

同書同卷盧邁傳(新唐書壹伍拾盧邁傳同)略云:

歸葬於洛陽,路由京師,邁奏請至城東,哭於其柩,許之。近代宰臣多自以爲崇重,五服 元]九年以本官同中書門下平章事。[邁]友愛恭儉,從父弟记爲劍南西川判官,卒於成都, 盧邁,范陽人,少以孝友謹厚稱,深爲叔舅崔祐甫所親重,兩經及第,遷尚書右丞,〔貞 之親或不過從弔臨,而邁獨振薄俗,請臨弟喪,士君子是之。

同書壹捌捌孝友傳崔沔傳(新唐書壹貳玖崔沔傳同,参願魯公文集壹肆博陵崔孝公宅陋室銘記)

略云

詞,母卒,哀毀逾禮。沔善禮經,朝廷每有疑義, 崔沔,京兆長安人,自博陵徙關中,世爲著姓。沔淳謹,口無二言,事親至孝,博學有文 皆取決焉。

同書壹壹玖崔祐甫傳(新唐書壹肆貳崔祐甫傳同)略云:

崔祐甫,父沔黄門侍郎,諡曰孝公。家以清儉禮法爲士流之則。安禄山陷洛陽, 士庶奔

其享令名也。 王氏繒帛菽粟,王氏受而緘封之。及德宗還京,具陳其狀以獻,士君子益重祐甫家法, 百人,多稱允當。朱泚之亂,祐甫妻王氏陷賊中,泚以嘗與祐甫同列, 用(此語前已引),及祐甫代衮,薦延推舉,無復疑滯,日除十數人,作相未逾年凡除吏八 祐甫獨崎危於矢石之間,潜入私廟,負木主以竄。常衮當國, 非以辭賦登科者莫得進 雅重其爲人,乃遺

邁之流,乃真山東舊族之代表,可與新興階級對壘相抗者也。又舊唐書壹壹玖常袞傳(新唐書 壹伍拾常袞傳同)云: 邁既是祐甫之甥,其以孝友恭儉著稱,必受其父母兩系門風之薰習無疑。然則崔沔、祐甫、 據此,知崔損雖與沔、祐甫同屬博陵崔氏,而一為當世所鄙薄之「破落户」,一為禮法名家。 盧

天寶末舉進士,[作相]尤排擯非解科登第者。

門閥多不可信也,如杜牧樊川集柒牛僧孺墓誌銘(參考舊唐書壹柒貳新唐書壹柒肆牛僧孺傳及 唐文粹伍陸李珏撰牛僧孺神道碑、新唐書伍柒上宰相世系表牛氏條等)云: 而祐甫代袞,用人不拘於進士,豈其意旨與李德裕、鄭覃所持之説亦有合歟?是前日常崔之異 即後來牛李之爭執,讀史者不可不知其一貫之聯繫也。三曰:凡牛黨或新興階級所自稱之

八代祖弘以德行儒行相隋氏,封奇章郡公,贈文安侯。文安後四世諱鳳及,仕唐爲中書門

生太常博士贈太尉紹。太尉生華州鄭縣尉贈太保諱幼聞。太保生公,孤始七歲,長安下杜 下侍郎監修國史,於公爲高祖。文安後五世集州刺史贈給事中諱休克,於公爲曾祖。

樊鄉東文安有隋氏賜田數頃,書千卷尚存。

宰之誤。然此等俱無關宏旨,可不深論。獨家有牛弘隋代賜田一事, 隋」,蓋承昔人之誤也。可詳考通典貳壹職官典叁宰相條,茲不備論),殆以吏部尚書當天官冢 碑雖亦言賜田等事,但無牛弘相隋之語,通鑑貳叁築元和三年夏四月條胡注則云:「牛弘相 隋」,考舊史弘傳止載弘卒後贈開府儀同三司光禄大夫,並未言贈僕射。又李珏撰牛僧孺神道 嘗一為宰相(見隋書肆玖北史柒貳牛弘傳,但兩唐書牛僧孺傳皆謂弘為僕射,似因此可稱「相 不能不使人致疑於新興階級之多所依託也。 鑿可信,但一取與此相類之事即僧孺同黨白居易、 寅恪案:新唐書柒伍上宰相世系表牛氏條與牧之文微有出入。牛弘仕隋,官至吏部尚書, 敏中兄弟家所謂前代先祖賜田者考之, 似僧孺與弘之血統關 則又 迄未

白氏長慶集貳玖襄州別駕府君事狀云:

初高祖贈司空有功於北齊,詔賜莊宅各一區,在同州韓城縣,至今存焉。

此所謂有功於北齊之司空即白建也。據北齊書肆拾白建傳(北史伍伍白建傳略同)略云:

白建字彦舉,武平七年卒,贈司空。

伍下宰相世系表白氏條列白居易、敏中之先世云: 是白建卒於北齊未亡以前。其生存時期,周齊二國東西並峙,互相爭競。建為齊朝主兵之大 其所賜莊宅何得越在同州韓城, 即仇讎敵國之内乎?其為依託,不待辨説也。又新唐書柒

白建字彦舉,後周弘農郡守邵陵縣男。

之山東舊族所鄙薄。又白香山之違犯當時名教,坐不孝貶官,雖有政治性質,終亦與其門族淵 也。至白氏親舅甥之婚配(見近刊羅貞松化生遺稿),乃新興階級之陋習,宜其為尊尚禮法門風 其所賜莊宅能在後周境内,後來子孫遠攀異國之貴顯,遂致前代祖宗橫遭「李樹代桃」之阨耶? 源不無關係,但非茲篇所能旁及者矣。 今雖難確定此一重公案,而新與階級所謂前代賜田之不能作絶對可信之物證,亦由是得以推知 敏中之先世賜田本屬於一後周姓白名某字某之弘農郡守,而其人卻是樂天兄弟真正之祖宗, 則為北周弘農郡守, 此白建既字彦舉, 與北齊主兵大臣之姓氏名字俱無差異, 與北齊贈司空之事絕不能相容,其間必有竄改附會, 是即白香山所自承之祖先也。但其官 自無可疑。豈居易、

6次,舊唐書壹柒貳令狐楚傳(新唐書壹陸陸令狐楚傳略同)云:

令狐楚自言國初十八學士德秦之後。

新唐書令狐楚傳雖删去「自言」二字,據其書柒伍下宰相世系表令狐氏條, 楚實非出自德柔。 然

則舊傳「自言」之語固不應删也。夫楚綯父子繼世宰相,尤為牛黨之中堅,而其家世譜牒之有所 依託,亦與白敏中相同。是牛黨或新興階級所自稱之門閥不足信賴,觀此可知也。

之,而翰林學士復出自進士詞科之高選,山東舊族苟欲致身通顯,自宜趨赴進士之科,此山東 舊族所以多由進士出身,與新興階級同化,而新興階級復已累代貴仕,轉成喬木世臣之家矣。 又就牛李黨派之分畫以進士科及舊門族為標識一點尚有須注意者,即李栖筠在天寶末年已以仕 如楊收一門者可謂唐末五代間之世家也,觀舊唐書壹柒柒楊收傳所云:: 進無他塗,不得不舉進士(見前引舊唐書武宗紀中李德裕語),則貞元以後宰相多以翰林學士為

楊收自言隋越公素之後。

論曰:「門非世冑,位以藝升。」

與倡伎文學有密切關係,孫棨北里志所載即是一證。又如韓偓以忠節著聞,其平生著述中香奩 义唐代新興之進士詞科階級異於山東之禮法舊門者,尤在其放浪不羈之風習。故唐之進士一科 可為一例。然唐末黄巢失敗後,朱全忠遂執統治之大權。凡藉進士詞科仕進之士大夫,不論其 拾哀帝紀天祐二年四月癸巳勅文、壹壹叁裴遵慶傳附樞傳及新唐書壹肆拾裴遵慶傳附樞傳等)。 為舊族或新門,俱目為清流,而使同權白馬之禍,斯又中古政治社會之一大變也(見舊唐書貳 集,淫艷之詞亦大抵應進士舉時所作(寅恪案:此集冬郎自序中「大盗入關」之語實指黃巢陷

未可厚非,而數百年社會階級之背景實與有關涉,抑又可知矣。 長安而言。震釣即唐晏作韓承旨年譜乃誤以大盗屬之朱全忠,遂解釋詩旨,多所附會, 信也,以不在此篇範圍,故不詳辨)。然則進士之科其中固多浮薄之士,李德裕、鄭覃之言殊 殊不可

傳同)云: 例。或疑其祖佑既為宰相,而兼通儒,是其人乃名家之子弟,似不可列之新興階級中。但詳考 如牛黨之才人杜牧,實以放浪著稱。唐語林柒補遺所載杜牧少登第恃才喜酒色像,杜舍人牧恃 佑墓誌銘),雖亦號為舊家,並非七大夫之勝流門族。舊唐書宣肆柒杜佑傳(新唐書宣陸陸杜佑 其家世風習,則知佑之父希望實以邊將進用(見新唐書壹陸陸杜佑傳及唐文粹陸捌權德興撰杜 才名頗縱酒色條,及其樊川集中遣懷七絶「十年一覺揚州夢,贏得青樓薄倖名」之句等皆是其證

論非之。(寅恪案:權文公銘佑之墓,而不載李氏者,殆爲之諱耶?) [佑]在淮南時,妻梁氏亡後,昇嬖妾李氏爲正室,封密國夫人,親族子弟言之,不從,時

又同書壹貳肆李正己傳附師古傳(新唐書貳壹叁藩鎮淄青李正己傳附師古傳同)云: 〔貞元〕十五年正月,師古、杜佑、李欒妾媵並爲國夫人。

又同書壹叁伍李齊運傳(新唐書壹陸柒李齊運傳同)云:

末以妾衛氏爲正室,身爲禮部尚書冕服以行其禮,人士嗤誚。

又同書壹捌捌孝友傳李日知傳(新唐書壹壹陸李日知傳同)略云:

〔日知〕卒後,少子伊衡以妾爲妻,家風替矣。

亦好色事互相參證。知其家風固習於浮薄,不同山東禮法舊門也)。 興階級中也(可取兩唐書杜佑傳附牧傳與唐語林柒補遺杜牧少登第恃才喜酒色條附載牧子晦辭 其家世風習與新興階級符合所致,實可與前述博陵崔損事並論, 時土論, 夫杜氏既號稱舊門(見新唐書柴貳上宰相世系表杜氏條),而君卿所為乃與胡族武人同科, 固區以別矣。然則牧之以進上擢第, 浮華放浪, 投身牛黨, 不獨其本人性質近似使然, 至少亦有如李伊衡之「以妾為妻,家風替矣」之歎。若取較山東士族仍保持其閨門禮法 蓋雖俱稱舊門, 仍不妨列之新

隱傳)。 王氏, 才,復經出入李牛之黨, 至於李商隱之出自新興階級,本應始終屬於牛黨,方合當時社會階級之道德,乃忽結婚李黨之 而數百年社會之壓迫氣流尤為可畏者也(參舊唐書壹玖拾下文苑傳、新唐書貳佰叁下李商 以圖仕進。不僅牛黨目以放利背恩,恐李黨亦鄙其輕薄無操。斯義山所以雖秉負絶代之 而終於錦瑟年華惘然夢覺者歟?此五十載詞人之凄凉身世園極可哀

若柳仲郢處牛李二黨之間, 公綽傳附仲郢傳同)略云: 則與義山不同,舊唐書壹陸伍柳公綽傳附仲郢傳(新唐書壹陸叁柳 法者世稱柳氏云。 期太尉恩獎及此!仰報厚德,敢不如奇章門館。」德裕不以爲嫌。仲郢嚴禮法, 香,退公布卷,不捨晝夜。子玭嘗著書誡其子弟。初公綽理家甚嚴,子弟克稟誠訓, 曹感李德裕之知。大中朝,李氏無禄仕者,仲郢領鹽鐵時,取德裕兄子從質知蘇州院事, 法。僧孺歎曰:「非積習名教,安能及此?」[後李]德裕奏爲京兆尹,謝日言曰:「下官不 令以禄利贍南宅。令狐綯爲宰相,頗不悦。仲郢與綯書自明,綯深感歎,尋與從質正員 [公綽]子仲郢,元和十三年進士擢第,牛僧孺鎮江夏,辟爲從事。仲郢有父風, 仲郢以禮法自持,私居未嘗不拱手,内齋未嘗不束帶。三爲大鎮,廐無名馬, 重氣義 動修禮 衣不養

自處, 直言極諫科),受牛僧孺之知獎,自可謂之牛黨,然終用家門及本身之儒素德業,得見諒於尊 考柳氏雖是舊門,然非山東冠族七姓之一,公綽、仲郢父子所出,亦非柳氏顯著之房望(見新 進退維谷者,誠相懸遠矣。君子讀史見玉溪生與其東川府主升沈榮悴之所由判,深有感於十之 尚門風家學之山東舊族李德裕,故能置身牛李恩怨之外,致位通顯,較李商隱之見棄於兩黨 唐書柒叁上宰相世系表柳氏條), 一雖外來之世變縱極紛歧,而內行之修謹益不可或闕也。 獨家風修整,行誼敦篤,雖以進士詞科仕進(公綽舉賢良方正

牛李黨派之社會背景及其分野界畫既略闡明,其朝政競爭勝敗進退之史實始易於解釋。

前論唐

之故,此後即取内外朝之黨派與皇位繼承二事合併言之。所以然者,不僅為紀述便利計, 代中央政變皇位繼承不固定之事跡至德順之間而止, 此二事原有内在之關聯性,不得分隔論之也。 因永貞內禪為內廷閹寺與外朝士大夫黨派勾結之一顯著事例,而牛李黨派實又起於憲宗元和時 茲請續述順憲間永貞内禪隱秘之内容。 亦因 但

韓書之後,以供參證焉。 义甲編)。故茲於順宗實録避免繁冗,僅録其條目,而略其原文,別更節寫其他關於此事者於 關於永貞內禪之隱秘,寅恪已於拙著順宗實録與續玄怪録專論之(載北京大學四十週年紀念論

韓愈順宗實録壹之

[王] 伾以[王] 叔文意入言於宦者李忠言,稱韶宣下條。

同書叁之

叔文欲帶翰林學士,宦者俱文珍等惡其專權,削去翰林之職條。

同書肆之

文珍、薛盈珍、尚解玉者皆先朝任使舊人同心猜怨條。 天下事皆專斷於叔文, 而王伾、李忠言爲之内主,[章]執誼執行於外, 而中官劉光琦、

俱

同書伍之

叔文入至翰林,伾入至柿林院,見李忠言、牛昭容條。

新唐書貳佰柒宦者傳上劉貞亮即俱文珍傳(舊唐書壹捌肆宦官傳俱文珍傳同)略云:

策兵以自强,即用范希朝爲京西禁軍都將,收宦者權。而忠言素懦謹,每見叔文,與論 貞元末宦人領兵,附者益衆。會順宗立,淹痼弗能朝,惟[宦者]李忠言、牛美人侍。美人 吕如全等同勸帝立廣陵王爲太子監國,帝納其奏。元和八年卒,憲宗思其翊戴之功, 事,無敢異同。唯貞亮乃與之争,又惡朋黨熾結,因與中人劉光琦、薛文珍、尚衍解玉 以帝旨付忠言,忠言授王叔文,叔文與柳宗元等裁定,然後下中書,然未得縱,欲遂奪神

舊唐書壹伍玖路隨傳(新唐書壹肆貳路隨傳同)略云:府儀同三司。(此十五字舊傳之文。)

之修定。」韶曰:「其實録中所書德宗、順宗朝禁中事宜,令史官詳正刊去,其他不要更 隨進憲宗實録,文宗復令改正永貞時事。隨奏曰:「伏望條示舊記最錯誤者,宣付史官, 初韓愈撰順宗實録,説禁中事頗切直,内宮惡之,往往於上前言其不實,累朝有韶修改。及

修__

黨競勝,王伾、王叔文固不待論,而外廷之士大夫韋執誼、劉禹錫、 寅恪案:憲宗之得立為帝,實由宦者俱文珍等之力。文珍與其同類李忠言異趣,故内廷文珍之 柳宗元等遂亦不得不退敗

外集玖子劉子自傳述永貞内禪事云: 文珍等。其公允之程度雖有可議,而其紀内廷宦官之非屬一黨及壓迫順宗擁立憲宗之隱秘轉可 韓退之本與文珍有連(見昌黎外集叁送俱文珍序及王鳴盛蛾術編伍柒),其述永貞内禪事, 信賴。惟其如此,後來閹寺深不欲外人窺知,所以屢圖毀滅此禁中政變之史料也。劉禹錫夢得 頗袒

廷閹寺黨派影響於外朝士大夫之顯著事例也。 當時俱文珍一黨把持宫掖脅迫病君擁立皇子之實録,而永貞內禪乃唐代皇位繼承之不固定及內 猜]之句,可以為證,其詳不能於此言之也),而所言禁中事亦與退之相同。然則韓劉之述作皆 夢得在當時政治上與退之處於反對地位者(觀昌黎集壹赴江陵途中詩「同官盡才俊, 或慮言語洩,傳之落冤讎」等語。又叁永貞行及憶昨行詩「伾文未揃崖州熾, 時太上(順宗)久寢疾,宰臣用事者都不得召對,而宫掖事秘,建桓立順,功歸貴臣。 雖得赦宥恆愁 偏善柳與

又舊唐書壹伍玖崔羣傳(新唐書壹陸伍崔羣傳同)云:

羣臣議上尊號,皇甫鎛欲加「孝德」二字。羣曰:有「睿聖」,則「孝德」在其中矣。竟爲鎛所

搆,憲宗不樂,出爲湖南觀察都團練使。

中篇

政治革命及黨派分野

寅恪案:皇甫鎛以斬借「孝德」「字搆崔羣,憲宗竞信其語,因之不樂而出羣。據此,憲宗之於

华僧孺神道碑、杜牧樊川集柒牛僧孺墓誌銘,而通鑑貳肆柒會昌三年三月條司馬光之論及胡三 與外朝之李黨互相呼應,自不待言。是以元和一朝此主用兵派之閹寺始終柄權,用兵之政策因 黨,反對用兵之士大夫則多為李吉甫之政敵,即後來所謂牛黨。而主持用兵之内廷屬寺一派又 省之注尤可注意也)。 黨之擁立而即帝位,於是「銷兵」之議行,而朝局大變矣(後來牛李二黨魁維州之異同與此點亦 得以維持不改。及内廷閹寺黨派競爭既烈,憲宗為別一反對派之閹寺所弒,穆宗因此輩弑逆徒 牛李黨派之爭起於憲宗之世,憲宗為唐室中興英主,其為政宗旨在矯正大曆、貞元姑息苟安之 其父,似内有慚德也。 即用武力削平藩鎮,重振中央政府之威望。當時主張用兵之十大夫大抵屬於後來所謂李 不僅由僧孺之嫉功也。可參考舊唐書壹柒貳新唐書壹柒肆牛僧孺傳及唐文粹伍陸李珏 然則永貞內禪一役必有隱秘不能昌言者,從可知矣。

舊唐書壹捌肆宦官傅吐突承瓘傳(新唐書貳佰柒宦者傳上吐突承瓘傳同)略云:

承璀班師,仍爲禁軍中尉。段平仲抗疏,極論承璀輕謀弊賦,請斬之以謝天下。憲宗不獲 古無中貴人爲兵馬統帥者」, 吐突承璀幼以黄門直東宫,憲宗即位,授内常侍, 韶以承璀爲河中等道赴鎮州行營兵馬招討等使。諫官上疏相屬, 憲宗不獲已, 改爲充鎮州已東招撫處置等使。 知内侍省事,俄授左軍中尉。[元和]四 出師經年無功、 皆言:「自

復爲神策中尉。惠昭太子薨,承璀建議請立澧王寬爲太子,憲宗不納,立遂王宥。 **衡承璀不佑已,誅之。** 而宰相李絳在翰林時數論承璀之過,故出之。八年欲召承璀選,乃罷絳相位, 降爲軍器使,俄復爲左衛上將軍知内侍省事,出爲淮南節度監軍使,上待承璀之意未 穆宗即 承璀選

同書壹陸肆李絳傳(新唐書壹伍貳李絳傳多採李相國論事集,可參讀)云:

故與吉甫不協,時議者以吉甫通於承璀,故絳尤惡之。 制,以絳爲中書侍郎同中書門下平章事。同列李吉甫便僻善逢迎上意,絳梗直多所規諫. 吐突承璀恩寵莫二,是歲(元和六年)將用絳爲宰相,前一日出承璀爲淮南監軍,翌日降

同書壹肆捌李吉甫傳(新唐書壹肆陸李栖筠傳附吉甫傳同)云:

劉闢反,帝(憲宗)命誅討之,計未決,吉甫密贊其謀,兼請廣徵江淮之師,由三峽路入, 以分蜀寇之力,事皆允從,由是甚見親信。淮西節度使吴少陽卒,其子元濟請襲父位,吉 頗叶上旨,始爲經度准西之謀。 甫以淮西内地,不同河朔,且四境無黨援,國家常宿數十萬兵以爲守禦,宜因時而取之,

新唐書貳佰壹文藝傳上元萬頃傳附義方傳(通鑑貳叁捌元和七年正月辛未條同)云:

歷號商二州刺史福建觀察使,中官吐突承璀閩人也,義方用其親屬爲右職,李吉甫再當

傳附溫傳(新唐書壹陸拾吕渭傳附溫傳同)云: 璀所主持,而在外朝贊成用兵之宰相李吉甫其與承瓘有連,殊不足異也。至舊唐書壹叁柒吕渭 寅恪案:憲宗與吐突承璀之關係可謂密切矣。故元和朝用兵之政策必為在内廷神策中尉吐突承 國 陰欲承璀奧助,即召義方爲京兆尹。(寅恪案:新唐書及通鑑俱採自李相國論事集。)

其所謂中官疑是宦官中之別一黨派,與吐突承璀處於反對之地位者也。 舊唐書壹陸柒李逢吉傳(新唐書豈柒肆李逢吉傳同,並參舊唐書壹柒貳新唐書壹陸陸令狐楚傳) [元和]三年吉甫爲中官所惡,將出鎮揚州,温欲乘其有間,傾之。

時用兵討准蔡,憲宗以兵機委裴度。逢吉慮其成功,密沮之,繇是相惡。及度親征, 令狐楚爲度制辭,言不合旨。楚與逢吉相善,帝皆黜之,罷楚學士,罷逢吉政事。

舊唐書壹陸捌新唐書壹柒柒錢徽傳等)云: 同書登柒拾裴度傳(新唐書壹柒叁裴度傳同, 並參舊唐書壹柒貳新唐書壹佰壹蕭瑀傅附俛傳、

先是詔羣臣各獻誅吴元濟可否之狀,朝臣多言罷兵敖罪爲便,翰林學士錢徽蕭傹語尤切。

唯度言: 賊不可赦。

寅恪案:元和廷議用兵准蔡之時,憲宗總持於上, 吐突承璀之流主張於内,而外朝士大夫持論

置身於局外之中立,亦幾不可能。如牛黨白居易之以消極被容(樂天幸生世較早耳,若升朝更 雖有異同,然其初未必遽有社會階級之背景存乎其間也。不意與吐突承璀交結贊助用兵出自山 膏玖拾下文苑傳下李商隱傳語)。此點為研究唐代中晚之際士大夫身世之最要關鍵,甚不可忽 位之競爭,遂因此表面形式化矣。及其後鬥爭之程度隨時間之久長逐漸增劇,當日士大夫縱 略者也。 行動。夫兩派既勢不並立,自然各就其氣類所近招求同黨, 東舊門之外廷宰相李吉甫, 入牛李未能始終屬於一黨之李商隱,則卒為兩黨所俱不收,而「名宦不進,坎壤終身」(舊唐書 恐亦難倖免也),柳仲郢之以行誼見諒,可謂例外。其餘之人若無固定顯明之表示, 其個人適為新興階級之急進派牛僧孺等所痛試, 於是兩種不同社會階級爭取政治地 竟釀成互相報 如 出

舊唐書壹柒陸李宗閱傳(新唐書壹柒肆李宗閔傳同,並參考新唐書壹柒肆牛僧孺傳、 楊於陵傳、舊唐書壹陸玖新唐書壹柒玖王涯傳、舊唐書壹肆憲宗紀下元和三年夏四月條、 肆捌新唐書壹陸玖裴垍傳、舊唐書壹伍捌新唐書壹陸玖韋貫之傳、舊唐書壹陸肆新唐書壹陸叁 貳叁柒元和三年四月條等)云: 舊唐書壹 通鑑

復登制舉賢良方正科。初宗閔與牛僧孺同年登進士第,又與僧孺同年登制科。應制之歲, 宗室鄭王元懿之後,貞元二十一年進士擢第,元和四年(寅恪案:四年當作三年)

陵、韋貫之、李益等又第其策,爲中等,又爲不中第者注解牛李策語,同爲唱誹。又言: 之再貶巴州刺史。僧孺、宗閔亦久之不調,隨牒諸侯府,七年吉甫卒,方入朝爲監察御 部尚書楊於陵出爲嶺南節度使,吏部員外郎韋貫之出爲果州刺史,王涯再貶號州司馬,貫 吉甫泣訴於上前,憲宗不獲已,罷王涯、裴垍學士。垍守户部侍郎,涯守都官員外郎,吏 翰林學士王涯甥皇甫湜中選,考覈之際不先上言,裴垍時爲學士,居中覆視,無所異同。 李吉甫爲宰相當國,宗閔、僧孺對策指切時政之失,言甚鯁直,無所迴避。考策官楊於

誌銘)略云: 舊唐書壹柒壹張仲方傳(新唐書壹貳陸張九齡傳附仲方傳同,並參考白氏長慶集陸壹張仲方墓

胎之肇實始其謀。請俟蔡寇將平,天下無事,然後都堂聚議,諡亦未遲。」憲宗方用兵, 徒暴野,戎馬生郊,僵尸血流,胔骼成岳,酷毒之痛號訴無辜。勦絶羣生,迨今四載, 生,出爲金州刺史(寅恪案:此亦座主門生鷳係密切之例證)。吉甫卒,入爲度支郎中。 張仲方,韶州始興人,伯祖文獻公九齡開元朝名相。仲方貞元中進士擢第,宏辭登科, 太常定吉甫諡爲恭懿,博士尉遲汾請爲敬慮。仲方駁議曰:「兵者凶器,不可從我始。 侍御史倉部員外郎。會吕温、羊士諤誣告宰相李吉甫陰事,二人俱貶。仲方坐吕温貢舉門 禍 歷

惡仲方深言其事,怒甚,貶爲遂州司馬。

同書壹柒貳蕭俛傳(新唐書壹佰壹蕭瑀傳附俛傳同)略云:

改駕部郎中,知制諧,内職如故,坐與張仲方善。仲方駁李吉甫諡議,言用兵征發之弊由 吉甫而生。憲宗怒,貶仲方,俛亦罷學士,左授太僕少卿。 蕭倪曾祖太師徐國公嵩開元中宰相,倪貞元七年進士擢第,元和六年召充翰林學士,九年

同書壹柒玖蕭遘傳(新唐書壹佰壹蕭俛傳附遘傳同)略云:

蕭遵,蘭陵人,開元朝宰相太師徐國公嵩之四代孫(寅恪案:「四」字誤)。遘以咸通五年登

進士第,志操不羣,自比李德裕,同年皆戲呼「太尉」。

過酷, 之進士出身新興階級。據大唐新語柒識量篇(參考舊唐書壹佰陸李林甫傳、新唐書貳壹陸張九 及之。今觀李宗閔傳,益為明顯。至李吉甫為人固有可議之處,而牛李詆斥太甚,吉甫亦報復 寅恪案:新興階級黨派之構成,進士詞科同門之關係乃一重要之點,前論李絳及楊嗣復事已涉 此所以釀成士大夫黨派競爭數十年不止也。張仲方乃九齡之姪孫,九齡本為武后所拔擢

齡傳、通鑑貳壹肆開元二十四年冬十月條)云;

牛仙客爲凉州都督,節財省費,軍儲所積萬計。玄宗大悦,將拜爲尚書,張九齡諫曰: ·不可。」玄宗怒曰:「卿以仙客寒士嫌之耶? 若是,如卿豈有門籍?」九齡頓首曰:「〔臣〕

荒陬賤類, 陛下必用仙客,臣亦恥之。」 陛下過聽,以文學用臣;仙客起自胥吏, 目不知書,韓信淮陰一壯士耳, 羞與

又國史補上(參考太平廣記壹捌肆氏族類)云:

絳灌同列,

及新唐書壹玖玖儒學傳中孔若思傳附至傳云: 張燕公好求山東婚姻,當時皆惡之,及後與張氏爲親者乃爲甲門。

成,示韋述,述謂可傳,及聞垍語,懼,欲更增損。述曰:「止! 丈夫會筆成一家書, 何因人動揺,有死,不可改!」遂罷。時述及穎士、沖皆譔類例,而至書稱工。 說子垍方有寵,怒曰:「天下族姓何豫若事,而妄紛紛邪?」垍弟素善至,以實告。初, 明氏族學,與韋述、蕭穎士、柳沖齊名,譔百家類例,以張説等爲「近世新族」,剟去之。

慕李文饒之為人,乃取以自況也 級之爭得處於中立地位者相似。故蕭俛由進上出身,成為牛氏之黨,而蕭遘雖用進上擢第, 亦成為反對之黨。若蘭陵蕭氏元是後梁蕭晉之裔,而加入關隴集團, 可知始興張氏實為以文學進用之寒族,即孔至之所謂[近世新族]之列。宜乎張説與九齡共通譜 密切結合,由二人之氣類本同也。因是,九齡姪孫仲方與山東舊門李吉甫氣類絶不相近. 與李唐皇室對於新舊兩階 膊

兀和朝雖號稱中興,然外朝士大夫之黨派既起,内廷閹寺黨派之競爭亦劇,遂至牽涉皇位繼承

問題,而憲宗因以被弑矣。

舊唐書壹柒伍禮王惲傳(新唐書捌貳澧王惲傳同) 公:

衆議屬澧王,欲以威權自樹。賴憲宗明斷不惑,及憲宗晏駕承璀賜死,王亦薨於其夕。 澧王惲,憲宗第二子也,本名寬。吐突承璀恩寵特異,惠昭太子薨,議立儲貳,承璀獨排

同書壹伍玖崔摹傳(新唐書壹陸伍崔羣傳同)云:

澧王作讓表。草上言曰:「大凡已合當之,則有陳讓之儀',己不合當,因何遽有讓表? 今 元和七年, 惠昭太子薨, 穆宗時爲遂王, 憲宗以澧王居長, 且多内助, 將建儲貳, 命羣與

同書壹捌肆宦官傳吐突承璀傳(新唐書貳佰柒宦者傳上吐突承璀傳同)云:: 遂王嫡長,所宜正位青宫。」竟從其奏。

已,誅之。(前文已引,茲爲論述之便利,特重録之。) 惠昭太子薨,承璀建議請立澧王寬爲太子,憲宗不納,立遂王宥,穆宗即位,衡承璀不佑

舊唐書壹伍玖新唐書壹肆貳韋處厚傳中「不諱內惡」之語)云: 同書同卷王守澄傳(新唐書貮佰捌宦者傳下王守澄傳同,並參考舊唐書壹肆新唐書柒憲宗紀及

發暴崩。時守澄與中尉馬進潭、梁守謙、劉承偕、韋元素等定册立穆宗皇帝。 憲宗疾大漸,内官陳弘慶等弑逆。憲宗英武,威德在人,内官秘之,不敢除討,

通鑑貳肆壹元和十丘年正月條(參考舊唐書壹貳拾新唐書壹叁柒郭子儀傳附釗傳)云:

初左軍中尉吐突承璀謀立澧王惲爲太子,上(憲宗)不許,及上寢疾,承璀謀尚未息,太子 (穆宗)聞而憂之,密遣人問計於司農卿郭釗,釗曰:「殿下但孝謹以俟之,勿恤其他!」

釗,太子之舅也。

新唐書捌宣宗紀云:

大中十二年二月廢穆宗忌日,停[穆宗]光陵朝拜及守陵宫人。

通鑑貳肆玖大中十二年二月甲子朔條紀此事,胡注云:

以陳弘志弑逆之罪歸穆宗也。

裴廷裕東觀奏記上云:

也。 望, 憲宗皇帝晏駕之夕,上(宣宗)雖幼,頗記其事,追恨光陵商臣之酷,即位後,誅鉏惡黨無 漏網者。郭太后以上英察孝果,且懷慚懼。時居興慶宫,與一二侍兒同升勤政樓, 便欲殞於樓下,欲成上過,左右急持之。即聞於上,上大怒,其夕太后暴崩, 倚衡而 上志

通鑑考異大中二年條引[宣宗]實録,並附按語云:

[大中二年]五月戊寅以太皇太后寢疾, 權不聽政, 宰臣率百寮問太后起居。己卯復問起

名)配饗憲宗廟室故也。 崩,帝之志也。六月貶禮院檢討官王皞爲潤州句容令,以皞抗疏請郭后合葬景陵(憲宗陵 下遺令。是日太后崩。初上(宣宗)篡位,以憲宗遇弒,頗疑太后在黨中,至是暴得疾

之韶,遂促成次日暴崩之事乎? 總之,宫掖事秘,雖不宜遽斷,然皇位繼承之不固定及閹寺黨 也。鄙意郭后之暴崩儻果出於宣宗之志,則崩前一日何不可預作伏筆? 或者,即因有前日寢疾 派之競爭二端,與此唐室中興英王憲宗之結局有關, 穆宗,競爭至劇。吐突承璀之黨失敗,憲宗遇弒,穆宗因得王守澄黨之擁戴而繼位矣。至郭后 太后為宣宗幽崩事,又日本僧圓仁入唐求法記肆所載郭太后被藥殺事,則年月名號俱有譌誤 **兩端,頗近模稜,難以信從。蓋裴廷裕比穆宗於商臣,若非確有所據,必不敢為此誣妄之説** 乃穆宗之生母,其預知弑逆之謀,似甚可能。司馬君實所論雖不失史家審慎忠厚之旨,但參取 寅恪案:元和末年内廷閹寺吐突承璀一派欲以澧王惲繼皇位,王守澄一派欲立遂王宥即後來之 以病終,而宣宗以平日疑忿之心,欲黜其禮,故皡争之,疑以傳疑,今參取之。 司馬光]按,實録所言暴崩事,皆出東觀奏記,若實有此事,則既云[是夕暴崩],何得前 日先下韶云「以太后寢疾,權不聽政」? 若無此事,廷裕豈敢輒誣宣宗? 或者, 則無可疑也(鍾輅前定録李生條亦紀懿安 郭后實

復次,内廷閹寺中吐突承璀之黨即主張用兵之黨既失敗,其反對黨得勝,擁立穆宗, 相即此反對黨之附屬品,自然亦不主張用兵,而「銷兵」之議遂成長慶一朝之國策矣。 故外朝宰

舊唐書意陸穆宗紀云:

圖,乃獻[銷兵]之議,請密韶天下軍鎮,每年限百人內八人逃死,故總有是奏。 後,情顯居農者放,逃亡者不捕。先是平定河南,及王承元去鎮州,宰臣蕭俛等不顧遠 長慶元年二月乙酉天平軍節度使馬總奏;當道見管軍士三萬三千五百人,從去年正月已

同書壹柒貳蕭俛傳(新唐書壹佰壹蕭瑀傳附俛傳略同)云:

蓋「消兵」之失也。 策,以爲兵以静亂,時已治矣,不宜黷武,勸穆宗休兵偃武,又以兵不可頓去, 遣卒皆至。朝廷方徴兵諸藩,籍既不充,尋行招募,烏合之徒動爲賊敗,由此復失河朔. 下軍鎮有兵處每年百人之中限八人逃死,謂之「消兵」。帝既荒縱,不能深料,遂韶天下, 如其策而行之。而藩籍之卒合而爲盗,伏於山林。明年朱克融、王廷凑復亂河朔,一呼而 穆宗乘章武(憲宗)恢復之餘,即位之始兩河廓定,四鄙無虞, 而俛與段文昌屢獻太平之 請密韶天

朔為胡化區域,其兵卒皆善戰之人,既被裁遣,「合而為盗」,遂為朱克融、王廷湊所利用, 寅恪案:「銷兵」之數每年僅限百分之八,且歷時甚短,其所以發生如是之大影響者, 面

中央政府徵募之人自然不能與河朔健兒為敵也。

又舊唐書壹陸陸元稹傳(新唐書壹柒肆元稹傳略同)云:

荆南監軍崔潭峻甚禮接稹,不以掾吏遇之,常徵其詩什諷誦之。長慶初潭峻歸朝, 出稹連

昌官詞等百餘篇奏御,穆宗大悦。

新唐書壹柒玖李訓傳(参考新唐書貳佰捌宦者傳下王守澄傳)云:

宦人陳弘志時監襄陽軍,訓啓帝(文宗)召還,至青泥驛,還使者杖殺之。復以計白罷[王]

守澄觀軍容使,賜鴆死。又逐西川監軍楊承和、淮南韋元素、河東王踐言於嶺外,已行,

皆賜死。而崔潭峻前物故,韶剖棺鞭屍,元和逆黨幾盡。

九三三年六月清華學報拙著讀連昌宮詞質疑。又宦官王踐言為元和逆黨之一,而文宗大和九年 結句「努力廟謨休用兵」一語,實關涉當時政局國策,世之治史讀詩者幸勿等閒放過也(參考) 稹傳[長慶初潭峻歸朝]之語微有未妥,故新唐書元稹傳改作[長慶初潭峻方親幸]也。夫潭峻既 八月丙申詔書以李德裕與之連結者,蓋踐言曾言送還吐蕃悉怛謀之非計,與德裕主張相合, 為擁立穆宗之元和逆黨中人,其主張「銷兵」自不待言,於是知元才子連昌宫詞全篇主旨所在之 據新唐書李訓傳明言崔潭峻為元和逆黨,但憲宗於元和十五年正月二十七日被弒,則舊唐書元 、鄭注遂藉之以為説耳。詳見新唐書壹柒肆李宗閔傳、舊唐書壹柒肆新唐書壹捌拾李德裕傳

等,茲不能悉論也)。

新唐書捌敬宗紀(参考舊唐書壹柒上敬宗紀)略云:

三日,左僕射裴度三上疏請立皇太子,而翰林學士兩省官相次皆以爲言。穆宗疾少間,宰 敬宗諱湛,穆宗長子也,始封鄂王,徙封景王。長慶二年穆宗因擊毬暴得疾,不見羣臣者 相李逢吉請立景王爲皇太子(癸巳韶以景王爲皇太子)。四年正月穆宗崩,丙子皇太子即皇

舊店書壹柒叁李紳傳(新唐書壹捌壹李紳傅同)略云:

是讒言稍息,紳黨得保全。 年,亦疑其事。會逢吉言:「李紳在内署時,嘗不利於陛下,請行貶逐。」帝初即位, 度、杜元穎與紳三人所獻疏, 大臣, 不能自執, 翰林學士杜元穎、李紳勸立深上,而逢吉固請立陛下,李續之、李虞繼獻章疏。」帝雖沖 王守澄每從容謂敬宗曰:「陛下登九五,[李]逢吉之助也。先朝初定儲貳, 乃貶紳端州司馬。會禁中檢尋舊事,得穆宗時封書一篋,發之, 請立敬宗爲太子。帝感悟興嘆,悉命焚逢吉黨所上謗書。 唯臣備知。 得裴 方倚 時

李德裕黨劉軻牛羊日曆云!

穆宗不豫,宰臣議立敬宗爲皇太子,時牛僧孺獨懷異志,欲立諸子。僧孺乃昌言於朝曰:

衢門墻上施榜,每於穆宗行幸處路傍或苑內草間削白而書之,冀謀大亂。其兇險如此。 梁守謙、王守澄將不利於上」,又使楊虞卿漢公輩言於外曰:「王守澄欲謀廢立」,又於街

及内廷閹寺黨派與外朝士大夫黨派互相關係,於此復得一例證矣。 李逢吉、劉軻之流俱藉皇儲問題互詆其政敵,並牽涉禁中閹寺黨魁,則唐代皇位繼承之不固定 黨魁王守澄既贊成其事,而穆宗不久即崩,其皇位繼承權所以幸未動搖也。然觀外廷士大夫如 寅恪案:敬宗為穆宗長子,故外朝諸臣請立為皇儲,又值穆宗初即位,元和逆黨方盛之時,其

舊唐書壹柒上敬宗紀(新唐書捌敬宗紀同)云:

等同謀害帝,即時殂於室内。 軍將蘇佐明、王嘉憲、石定克等二十八人飲酒。帝方酣,入室更衣,殿上燭忽滅,劉克明 寶曆二年十二月辛丑帝夜獵還官,與中官劉克明、田務成(成,通鑑作澄)、許文端打毬,

新唐書捌文宗紀(舊唐書壹柒上文宗紀同)云:

文宗諱昂(初名涵),穆宗第二子也,始封江王。寶曆二年十二月敬宗崩,劉克明等矯詔, 以絳王悟勾當軍國事。壬寅内樞密使王守澄、楊承和、神策護軍中尉魏從簡、梁守謙奉江

舊店書壹伍玖草處厚傳(新店書壹肆貳韋處厚傳同)云:王而立之,率神策六軍飛龍兵誅克明,殺絳王。

秋之法,大義滅親, 寶曆季年急變中起, 内惡必書, 文宗底綏内難,韶命將降,未有所定。處厚聞難奔赴,昌言曰:「春 以明逆順, 正名討罪,於義何嫌?安可依違, 有所避諱?

通鑑貳肆叁寶曆二年十二月條云:

|遂奉藩教行馬。

楊承和、中尉魏從簡、梁守謙定議,以衛兵迎江王涵人宫,發左右神策飛龍兵進討賊黨 盡斬之。克明赴井,出而斬之,絳王爲亂兵所害。 宣遺制,絳王見宰相百官於紫宸殿外廡。克明欲易置内侍之執權者,於是樞密使王守澄、 [宦官]劉克明等矯稱上(敬宗)旨,命翰林學士路隋草遺制, 以絳王悟權勾當軍國事。

弒 均是內廷閹寺劉克明黨與王守澄黨競爭下之附屬犧牲品及傀儡子耳,亦可憐哉! 斯又唐代皇位 聲討其族類,故諱莫如深。前論順宗實録事引舊唐書路隋傳,可以為證。 繼承不固定與閹寺黨爭關係之一例證也。 寅恪案:憲宗為宦官所弑,閹人以其為英武之主,威望在人,若發表實情, 不得比數於憲宗,遂以為無足諱言也。至敬宗及絳王悟之被弑害,與夫文宗之得繼帝位 當時閹人初亦應有所顧慮,然其所以卒從韋處厚之説, 公開宣布者, 則由敬宗乃童昏之 及敬宗又為宦官所 恐外間反對者藉此

文宗|朝為牛李黨人參雜並進競爭紛劇之時期,故舊唐書壹柒陸李宗関傳(新唐書壹柒肆李宗

関傳同)云:

曰:「去河北賊非難,去此朋黨實難。」 文宗以二李(寅恪案:二李謂宗閔及德裕也, 宗閔代表牛黨)朋黨, 縄之不能去, 當謂侍臣

閹寺黨之附屬品,閹寺既不能去,土大夫之黨又何能去耶? 及至唐之末世,士大夫階級暫時聯 七大夫階級本身旋罹摧殘之酷,唐之皇室亦隨以覆亡,其間是非成敗詳悉之史實雖於此不欲置 去士大夫之黨誠甚難,而欲去内廷閹寺之黨則尤難,所以卒受「甘露之禍」也。況士大夫之黨乃 長久於河朔藩鎮,且此兩黨所連結之宫禁閹寺,其社會文化背景之外更有種族問題,故文宗欲 夫唐代河朔藩鎮有長久之民族社會文化背景,是以去之不易,而牛李黨之政治社會文化背景尤 而上大夫階級與閹寺階級自文宗以後,在政治上盛衰分合互相關涉之要點,則不得不述其 與閹寺全體敵抗,乃假借別一社會階級即黃巢餘黨朱全忠之武力,終能除去閹寺之黨。但

對立、生死搏鬥之跡象,此讀史者所習知也。然試一求問此兩黨競爭之歷程何以是如是之情狀 為李黨全盛時期,宣宗朝為牛黨全盛時期,宣宗以後士大夫朋黨似己漸次消泯, 則在憲宗之世。此後紛亂鬥爭,愈久愈烈。至文宗朝為兩黨參錯並進,競逐最劇之時。武宗朝 就牛李黨人在唐代政治史之進退歷程言之,兩黨雖俱有悠久之歷史社會背景,但其表面形式化 無復前此兩黨

級之宰割矣。茲略引舊史,稍附論釋,藉以闡明唐代內廷闍寺與外朝士大夫黨派關聯變遷之歷 與外廷士大夫成為生死不兩立之仇敵集團,終於事勢既窮,乞援外力,遂同受別一武裝社會階 黨退。迄至後來內廷之閹寺「合為一片」(此唐宣宗語,見下文所引)全體對外之時, 甲派退,則外朝之士人大亦為兩黨同時並進,或某一時甲黨進而乙黨退,或某一時乙黨進而 程於下,或可少補前人之所未備言者歟? 外朝士大夫為被動。閹寺為兩派同時並進,或某一時甲派進而乙派退,或某一時乙派進而 則自來史家尠有解答。鄙意外朝士大夫朋黨之動態即内廷閹寺黨派之反影。内廷閹寺為主 則内廷閣守

舊唐書壹陸玖李訓傳(新唐書壹柒玖李訓傳同)略云:

殺。王守澄自長慶已來知樞密, 末負弑逆之名,忠義之士無不扼腕。時爲襄陽監軍,乃召自漢南,至青泥驛,遣人封杖決 反噬(寅恪案:事見舊唐書壹陸捌新唐書壹伍貳宋申錫傳),自是巷伯尤横。 欲芟落本根,以雪讎恥。九重深處,難與將相明言,前與侍講宋申錫謀,謀之不臧,幾成 文宗以宦者權寵太過,繼爲禍胎。元和末弒逆之徒尚在左右,雖外示優假,心不堪之。思 容使,罷其禁旅之權,尋賜鴆殺。 [王]守澄,俾之援訓,冀黄門不疑也。訓既秉權衡, 典禁軍,作威作福。 訓愈承恩顧, 黄門禁軍迎拜戢斂。 即謀誅内豎。中官陳弘慶者, 訓既作相,以守澄爲六軍十二衛觀軍 因鄭注 自元和

同書同卷鄭注傳(新唐書壹柴玖鄭注傳同)略云:

萎弱重膇之疾。始李愬自云得效,乃移之[王]守澄,亦神其事,繇是中官視注皆憐之。卒 以是售其狂謀,而守澄自貽其禍。 柒陸李宗閔傳,新唐書壹柒肆李宗閔傳、壹捌拾李德裕傳等)。注自言有金丹之術,可去 事可參考舊唐書壹柒下文宗紀下大和九年八月九月有關諸條,及同書壹柒肆李德裕傳、 李宗閔、李德裕。心所惡者,目爲二人之黨,朝士相繼斥逐,班列爲之一空(寅恪案:此 是時〔李〕訓、〔鄭〕注之權赫於天下,既得行其志,生平恩讎絲毫必報。因楊虞卿之獄挾忌

同書壹捌肆宦官傳王守澄傳(新唐書貳佰捌宦者傳下王守澄傳同)略云:

澄,秘而不發。守澄死,仍贈揚州大都督。其弟守涓爲徐州監軍,召還,至中牟,誅之。 守澄豢養訓、〔鄭〕注,反罹其禍。人皆快其受佞,而悪訓、注之陰狡。 左軍中尉。守澄不悦,兩相矛盾。訓因其惡,大和九年帝(文宗)令内養李好古齎熇賜守 時仇士良有翊上之功,爲守澄所抑,位未通顯。〔李〕訓奏用士良分守澄之權,乃以士良爲

新唐書壹柒肆李宗閔傳(舊唐書壹柒陸李宗閱傳略同)略云:

相,而踐言監軍劍南,受〔李〕德裕賕,復與宗閔家私,乃貶宗閔潮州司户參軍事,礒逐柳 [李]訓、〔鄭]注劾宗閔異時陰結駙馬都尉沈礒、内人宋若憲、宦者韋元素、王踐言等求宰

去之,人人駭栗。帝乃韶宗閔、德裕姻家門生故吏自今一切不問。 州,元素等悉流嶺南,親信並斥。時訓、注欲以權市天下,凡不附已者,皆指以二人黨逐

通鑑貳肆伍大和九年六月條(參考新唐書貳佰捌宦者傳下王守澄傳)云:

神策左軍中尉韋元素、樞密使楊承和、王踐言居中用事,與王守澄争權不叶,李訓、 鄭注

之。斯為文宗 前政治上最要之關鍵, 前人論此, 似少涉及者, 特為標出之如此。 寺之黨派既是同時並進,互相爭鬥,達於劇烈之高點,故土大夫之黨派各承其反影, 皆由於閹寺,故能悉其隱秘,遂欲同時一舉將閹寺及士大夫諸黨派俱排斥而盡去之也。當日閹 如王守澄與仇士良、韋元素等之例是也。又當時牛李黨人各有其鈎結之中官,訓、注之進用本 寅恪案:李訓、鄭注所以能異於宋申錫,幾成掃除閹寺之全功者,實在利用閹寺中自分黨派: 因之,出承和於西川,元素於淮南,踐言於河東,皆爲監軍。

新唐書壹柒玖李訓傳(舊唐書壹陸玖李訓傳同)略云:

奏:「甘露降金吾左仗樹。」[帝]輦如含元殿,韶宰相羣臣往視,還,訓奏:「非甘露。」帝 募士,及金吾臺府卒劫以爲用。〔大和九年〕十一月壬戌(二十一日)帝(文宗)御紫宸殿,約 行餘爲邠寧節度使,羅立言權京兆尹,韓約金吾將軍,李孝本御史中丞。陰許璠、行餘多 [訓]出〔鄭〕注,使鎮鳳翔,外爲助援,擢所厚善,分總兵柄。於是王璠爲太原節度使,

擊,宦官死數十人。訓持輦愈急,至宣政門,宦人郗志榮揕訓,仆之,輦入東上閣即閉, 躓,訓壓之,將引刀鞾中,救至,士良免。立言、孝本領衆四百東西來上殿,與金吾士縱 史六七百人,復分兵屯諸宫門,捕訓黨千餘人,斬四方館,流血成渠。 官中呼萬歲。會士良遺神策副使劉泰倫、陳君奕等率衛士五百挺兵出,所值輒殺,殺諸司 顧中尉仇士良、魚弘志等驗之。訓因欲閉止諸宦人,使無逸者。時璠、行餘皆辭赴鎮,兵 下殿趨。訓攀輦曰:「陛下不可去!」士良曰:「李訓反。」帝曰:「訓不反。」士良手搏訓而 兵曰:「衛乘輿者,人賜錢百千!」於是有隨訓入者。宦人曰:「事急矣!」即扶輦,決罘恩 動廡幕,見執兵者,士良等驚走出。關者將闔扉,爲宦侍叱争,不及閉。訓急,連呼金吾 列丹鳳門外。訓傳呼曰:「兩鎮軍入受韶旨!」聞者趨入,邠寧軍不至。宦人至仗所,會風

意說諸將, 易如靡風, 而反以臺府抱關游徼抗中人, 以搏精兵, 其死宜哉! 文宗嘗稱訓天 贊曰:李德裕嘗言:「天下有常勢,北軍是也。」訓因王守澄以進,此時出入北軍,若以上 語見其所著窮愁志奇才論。) 下奇才。德裕曰:「訓曾不得齒徒隸,尚何才之云?」世以德裕言爲然。(寅恪案:李德裕

寅恪案,此甘露事變之一幕悲劇也。當時中央政權寄託於皇帝之一身,發號施令必用其名義, 故政權之爭,其成敗關鍵在能否劫持皇帝一人而判定。夫皇帝之身既在北軍宦官掌握之内,若

之永貞行(昌黎集叁)所云: 壹叁伍新唐書壹陸捌王叔文傳),況文宗朝宦官盤踞把持之牢固更有甚於順宗時者乎? 而韓退 貞之時,王叔文嘗謀奪閹寺兵柄,舉用范希朝韓泰,卒無所成(事見韓愈順宗實録伍及舊唐書 世所詬病者也。至謂「以上意説〔北軍〕諸將,易如靡風」, 後所以僅餘以藩鎮武力對抗閹寺北軍之唯一途徑,是即崔淄郎之所取用而奏效,但為當世及後 不以南衙臺府抱關游徼敵抗神策禁旅,則當日長安城中,將用何等兵卒與之角逐乎? 此甘露變 則天下事談何容易! 在大和之前即永

君不見太皇(順宗)諒陰未出令,小人乘時偷國柄。北軍百萬虎與貔,天子自將非他師。 (寅恪案:"神策軍實宦官所將耳,非天子自將也,退之此語無乃欺人之甚耶?)一朝奪印付

私黨,懔懔朝士何能爲?

之史家何可據之,而以成敗論人也 日外朝上大人牛李黨入之甘心作閹寺附屬品者,固有不同矣。李文饒挾私嫌,其言不足信, 不過俱文珍私黨之誣詞,非公允之論也。然則李訓實為「天下奇才」,文宗之語殊非過譽,

通鑑紀貳肆伍大和九年十一月壬戌即二十一日甘露事變,其結論有云:

自是天下事皆決於北司,宰相行文書而已。

誠道其實也。至文宗幾為閹寺所廢, 如皮光業見聞録之所言者(見通鑑考異大和九年十一月條

之,則更無可疑也 但自此以後,唐代皇位之繼承完全决於宦官之手,而外朝宰相惟有服從一點,若取下列史料證 及唐語林叁方正類,新唐書貳佰柒宦者傳下仇上良傳未), 固有末諦, 已為司馬君實所指出。

唐語林柒補遺云:

臣即北面事之,安有是非之説?」 宣宗崩,内官定策立懿宗,入中書商議,命宰臣署狀,宰相將有不同者。夏侯孜曰:「三 十年前外大臣得與禁中事,三十年以來外大臣固不得知。但是李氏子孫,内大臣定,外大

乂新唐書壹捌貳李珏傳云:

始莊恪太子薨,帝(文宗)屬意陳王(成美),已而武宗即位, 人皆爲危之。珏曰:「臣下知

奉所言,安與禁中事?」

證知白開成後所謂「建桓立順,功歸貴臣」(劉夢得語,見前引),而外朝宰相固絶難與聞也。 舊唐書壹柒下文宗紀(参舊唐書壹柒伍新唐書捌貳陳王成美傳)云: **孜所謂三十年者,乃約略舉成數言之。又李珏之事與夏侯孜不同,其語之意旨亦異。然可據以** 蓋甘露事變在文宗大和九年,即公元八三五年。宣宗崩於大中十三年,即公元八五九年,夏侯

〔大和〕六年十月甲子韶,魯王永宜册爲皇太子。

太子於少陽院,殺太子宮人左右數十人。十月庚子皇太子薨於少陽院,諡莊恪。 [開成]三年九月壬戌上(文宗)以皇太子慢遊敗度,欲廢之。中丞狄兼謨垂涕切諫。

[開成]四年十月丙寅制:以敬宗第六男成美爲皇太子。

事,皇太子復爲陳王。辛巳上崩於大明宫之太和殿。 [開成]五年春正月戊寅朔上不康,不受朝賀。己卯詔立親弟穎王瀍爲皇太弟,權勾當軍國

同書壹捌上武宗紀(新唐書捌武宗紀同,並参考舊唐書壹柒伍新唐書捌貳陳王成美傳)略云: 王。至是,仇士良欲歸功於已,乃發安王舊事,故二王與賢妃皆死。以開府右軍中尉仇士 良封楚國公,左軍中尉魚弘志爲韓國公。 廢。及開成末年,帝多疾,無嗣,賢妃請以安王溶嗣,帝謀於宰臣李珏,珏非之,乃立陳 邸第。初,楊賢妃有寵於文宗,而莊恪太子母王妃失寵怨望,爲楊妃所譖,王妃死,太子 韶迎颖王於十六宅,立爲皇太弟。四日文宗崩,皇太弟即皇帝位。陳王成美、安王溶殂於 文宗暴疾,宰相李珏、知樞密劉弘逸奉密旨:以皇太子監國。兩軍中尉仇士良、魚弘志矯 武宗諱炎,穆宗第五子,本名瀍。文宗以敬宗子陳王成美爲皇太子。[開成]五年正月二日

新唐書捌貳莊恪太子永傳(舊唐書壹柒伍莊恪太子永傳同)略云::

[大和]六年立爲皇太子,母(王德妃)愛弛,楊賢妃方幸,數譖之,帝(文宗)震怒,羣臣連

章論救,〔帝〕意少釋,然太子終不能自白其讒,是年(開成三年)暴薨。(寅恪案:日本僧 圓仁入唐求法記亦有殺皇太子之記述,可供參考。)

通鑑貳肆陸會昌元年三月條(參新唐書壹佰柒宦者傳上仇士良傳)云:

初知樞密劉弘逸、薛季稜有寵於文宗,仇士良惡之。上(武宗)之立非二人及宰相意,故楊

逸、季棱死。 嗣復出爲湖南觀察使,李珏出爲桂管觀察使。士良屢譖弘逸等於上,勸上誅之,乙未賜弘

張固幽閒鼓吹云:

裕)曰:「此無所直,奈何相拒?」悉卻與之。欽義感悦數倍,後竟作樞密使,武皇一朝之 之,欽義大喜過望。行至汴州,有韶令監淮南軍。欽義至,即具前時所獲歸之。朱崖(德 柄用皆欽義所致也。 邀中堂飲,更無餘賓,而陳設寶器圖書數牀皆殊絶,一席祗奉亦竭情禮。宴罷,皆以贈 李德裕在維揚,監軍楊欽義追入,必爲樞近,而德裕致禮皆不越尋常,欽義心衡之。一日

通鑑貳肆陸開成五年九月紀李德裕入相事,即採用張書,胡注云:

史盲李德裕亦不免由宦官以入相。

寅恪案:上引文宗、武宗兩朝間史料,亦皆唐代皇位繼承不固定及一時期宫掖閹寺黨派競爭决

否,未敢確定,即使可信,亦非贊皇入相之主因。**據通鑑貳肆柒會昌三年五月壬寅以翰林學士** 承旨崔鉉為中書侍郎同平章事條云:: 顯例證也。又幽閒鼓吹載李德裕入相實由楊欽義,鄙意小説家記衛公事多誣詞,究其可信與 定後,李氏了孫充傀儡,供犧牲,而七大夫黨派作閹寺黨派之附屬品, 隨其勝敗以為進退之明

新唐書捌宣宗紀略云: 魚弘志一派自必排去牛黨之宰相,而以其有連之李黨代之,楊欽義殆屬於仇士良派者,此德裕 其時官官劉弘逸一派與牛黨之宰相李珏等翊戴皇太子成美,既遭失敗,則得勝之陽寺仇上良、 是楊欽義以願慤著聞,不敢依慣例以千預命相,則文饒之入相似非全由欽義之力,可以推知。 入相之主因也。然則宫掖閹寺競爭之勝敗影響於外朝上大夫之進退,於此益得證明而無疑矣。 欽義皆願慤,不敢預事,老宦者尤之曰:[此由劉楊懦怯,墮敗舊風故也。] 上(武宗)夜召學士韋琮,以鉉名授之,令草制,宰相樞密皆不之知。時樞密使劉行深、

馬元贄立光王爲皇太叔。三月甲子即皇帝位。四月乙亥始聽政。丙子李德裕罷。五月乙巳 翰林學士承旨兵部侍郎白敏中同中書門下平章事。 憲宗第十三子也。始封光王,本名怡。會昌六年武宗疾大漸, 左神策護軍中尉

通鑑貳肆捌會昌六年二月條云:

光王怡可立爲皇太叔,更名忱, 上(武宗)疾篤,旬日不能言,諸宦者密於禁中定策。辛酉下韶,稱皇子沖幼,須選賢德, 一應軍國大事令權勾當。甲子上崩,丁卯宣宗即位。

胡注:

以武宗之英達,李德裕之得君, 而不能定後嗣,卒制命於宦豎, 北司掌兵, 且專宫禁之權

唐語林貳政事類下(參新唐書壹陸玖韋貫之傳附澳傳)云: 其各別之內助,其競爭遂亦不得不終歸消歇也。茲略舉一二例,以為證明。 生甚劇之黨爭, 而能團結一致以對外者, 則與外朝諸臣無分別連結之必要, 而士大夫之黨既失 决策後,外朝李黨全盛之局因以告終,相位政權自然轉入其敵黨牛黨之手也。 論證,外朝上大人黨派乃内廷閣寺黨派之應聲蟲,或附屬品,儻閹寺起族類之自覺,其間不發 屬於牛黨,但宣宗以後不復聞劇烈之黨爭。究其所以然之故,自來未有言之者, 寅恪案:會昌季年內廷閹寺黨派競爭之史實無從詳知,但就武宗諸子不得繼位之事推之,必是 由憲宗朝至文宗朝,牛李爭鬥雖劇,而互有進退。武宗朝為始終李黨當國時期, 唐代皇位繼承之不固定,觀此益可知矣。胡氏之語甚諦,自會昌六年三月宦官馬元贄等於宫中 翊戴武宗即與李黨有連之一派失敗,則可决言。於是宣宗遂以皇太叔之名義嗣其姪之帝位,而 若依寅恪前所 宣宗朝宰相則

篇。有小黄門置茶牀訖,亟屏之。乃問:「朕於敕使如何?」澳曰:「威制前朝無比。」上閉 事。]上曰:[此乃末策,朕行之,初擢其小者,至黄,至緑,至緋,皆感思,若紫衣掛 於外廷,即恐有大和事(寅恪案:大和事指甘露事變),不若就其中揀拔有才者,委以計 宣宗暇日召翰林學士韋澳入。上曰:「要與卿款曲,少聞出外,但言論詩!」上乃出詩一 目摇手曰:「總未,依前怕他。在卿如何? 計將安出?」澳既不爲之備,率意對曰:「謀之 即合爲一片矣。」澳慚汗而退。

北夢瑣言伍令狐公密狀條云:

得行其志,然而玉石俱焚也。 填,自然無遺類矣。]後爲宦者所見,於是南[衙]北[司]益相水火,泊昭宗末崔侍中[胤] 授旨於宰相令狐公〔綯〕,欲盡誅之。〔綯〕慮其冤,乃密奏膀子曰:「但有罪莫舍, 唐大和中闖官恣横,因甘露事王涯等皆罹其禍,竟未昭雪。宣宗即位, 深抑其權, 有闕莫

資利用也。 間之術不能復施,此宣宗以後宫禁閹寺一致對外之新形勢,不獨在内廷無派別,亦使在外朝無 全功,然其初頗亦收效者,以當時閹寺中王守澄與仇上良之徒尚分黨派,未「合為一片」, 寅恪案:韋澳意欲利用閹人,以制閹人,即李訓、鄭注之故技。在文宗大和之世用之雖不能成 **迨其起族類之门覺,** 團結一致,以抗外敵,如唐語林北夢瑣言所載大中時事, 故可 則離

黨爭, 也。 統制中央全局, 不可動搖分裂, 故激成崔胤借助藩鎮外來兵力, 盡取此輩族類而殲滅之

為一片」之説者, 又讀史者或見僖宗時宦官田令孜惡其同類楊復恭、復光兄弟事,因以致疑於宣宗以後閹寺[合 如舊唐書壹玖下僖宗紀所言:

薄。及聞復光死,甚悦,復攘復恭,罷樞密爲飛龍使。 各以其衆散去。時復光兄復恭知内樞密,田令孜以復光立破賊功, [中和]三年六月甲子楊復光卒於河中,其部下忠武八都都頭鹿晏弘、晉暉、 **憚而惡之,故賊平賞** 王建、 韓建等

是也。但檢同書同卷中和三年五月王鐸罷行營都統條云::

時中尉田令孜用事,自負帷幄之功,以鐸用兵無功, 而由楊復光建策召沙陀,成破賊之

効,欲權歸北司,乃黜鐸而悦復光也。

時閹寺南衙北司之界限即階級族類之意識甚為堅強明顯,不欲連結外朝士大夫自相攻擊, 然則田令孜雖與楊復恭、復光兄弟不相得,對於外朝士大夫則仍能自相團結, 無從造成士大夫之黨派, 如以前牛李兩黨者也。 一致敵視。 蓋常

新唐書玖懿宗紀(參考通鑑貮肆玖大中十二年六月條通鑑考異咸通二年二月條,及容齋隨筆陸

王宗實殺王歸長、馬公儒、王居方。 等,而左神策護軍中尉王宗實、副使丌元實矯詔立鄆王爲皇太子。癸巳即皇帝位於柩前。 懿宗諱漼,宣宗長子也, 大中十三年八月宣宗疾大漸,以夔王屬内樞密使王歸長、馬公儒、 始封鄲王。宣宗愛夔王滋,欲立爲皇太子, 而鄭王長, 故久不 宣徽南院使王居方

通鑑貳伍拾咸通二年二月條云:

是時士大夫深疾宦官,事小有相涉,則衆共棄之。建州進士葉京嘗預宣武軍宴, 珍亦宣武軍監軍也, 其不相悦如此。(寅恪案:昌黎外集叁有送汴州監軍俱文珍序並詩, 面,既而及第,在長安與同年出遊,遇之於塗,馬上相揖,因之謗議諠然,遂沈廢終身, 而退之與葉京之遭遇乃逈不相似,據是可知貞元及咸通時,士大夫與 備極諂諛之詞。夫文 識監軍之

医丘耳氏 人名英克里马斯马丁姓氏 竞争的 医亲后之骨骨骨属条之異同矣。)

長與王宗實二派因實力大相懸殊之故,其競爭必無足道,讀史者幸勿誤會以此個別之例外, 並無實力之樞密使等,使與執持兵柄之神策中尉對抗,實計出無聊,故終於同一無成。而王歸 權最大,宣宗牽於所愛,雖明知彼輩已「合為一片」,而其末年仍仿文宗之舊事, 及全體之通則也。且其時屬寺已起族類之自覺,一致對外,與文宗時不同,是以無須亦不欲連 依新紀所載,似宣宗末年內廷閹寺仍有黨派競爭者,然考唐代閹寺中神策軍中尉掌握兵枘, 勉強試一利用 其

Ì, 結外朝士大夫,以興萬爭,蓋非復宣宗以前由內廷黨派勝敗,而致外朝黨派進退之先例矣。至 末載懿宗初年士大夫亦做閹寺「合為一片」,與相對敵。後來崔胤以十大夫代表之資格, 於唐代帝位繼承之不固定,茲又得一例證, 蓋非一朝一夕之所致也。 自無待言。 觀通鑑成通二年所紀葉京事, 可知宣宗 盘誅官

通鑑貳伍貳咸通十四年七月戊寅條(参考舊唐書壹玖卜新唐書玖僖宗紀)略云:

政事。辛巳上崩於咸寧殿,僖宗即位。八月劉行深、韓文約皆封國公。 上(懿宗)疾大漸,左軍中尉劉行深、右軍中尉韓文約立少子普王儼爲皇太子, 權勾當軍國

同條考異曰:

范質五代通録:梁李振謂陝州護軍韓彝範曰:「懿宗初升遐,韓中尉殺長立少,以利其權, 不載長幼,又不言所終,不言所殺者果何王也。 遂亂天下。今將軍復欲爾耶?」彝範即文約孫也。按:懿宗八子,僖宗第五,餘子新舊書

與前此相似,乃一種公式化之行動,其概況亦可推知也。 據此,唐代內廷閹寺决定帝位繼承之經過及李氏子孫作傀儡犧牲之悲劇,史乘殊多闕漏, 要為

舊唐書貳拾上昭宗紀(參考新唐書拾昭宗紀通鑑貳伍柒文德元年三月條)略云:

昭宗諱曄,懿宗第七子,封壽王。文德元年二月僖宗暴不豫,及大漸之夕,而未知所立,

羣臣以吉王最賢,又在壽王之上,將立之,唯軍容楊復恭請以壽王監國。三月六日立爲皇

同書壹捌肆宦官傳楊復恭傳(新唐書貳佰捌宦者傳下楊復恭傳同)略云:

太弟,八日即位。

李茂貞收興元,進復恭前後與[楊]守亮私書六十紙,内訴致仕之由云:「吾於荆榛中援立

壽王,有如此負心門生天子,既得尊位,乃廢定策國老。」

之所以終競勝李黨者, 亦與此點有關。楊復恭「門生天子」之喻, 乃宦官受七大夫積習之傳染, 雖擬醬稍有不倫,然止就宦官專决垦位繼承一事言之,則其語實與當時政治之情狀符合也。 寅恪案:唐代科舉制度,門生為座主所獎拔,故最感恩,兩者之間情誼既深,團結自固。牛黨

新唐書拾昭宗紀(舊唐書貳拾上昭宗紀同)云:

於少陽院。辛卯季述以皇太子裕爲皇帝。

光化三年十一月已丑神策軍中尉劉季述、王仲先、内樞密使王彦範、薛齊偓作亂,

天復元年正月乙酉左神策軍將孫德昭、董彦弼、周承誨以兵討亂, 皇帝復於位。劉季述、

薛齊偓伏誅,降封皇太子裕爲德王。

同書捌貳德王裕傳(舊唐書壹柒伍德王裕傳同)略云:

德王裕,昭宗長子也,大順二年六月二十八日封,韓建殺諸王,因請裕爲皇太子。劉季述

等幽帝(昭宗)東内,奉裕即皇帝位。季述誅,韶還少陽院,復爲王。

舊唐書壹柒伍憲宗以下諸子傳論云:

自天寶已降,内官握禁旅,中闈纂繼皆出其心,故手纔攬於萬機,目已睨於六宅(寅恪

案:諸王居於十六宅)。

帝紀、新唐書拾昭宣光烈孝皇帝紀),不足特為論述也。 哀帝(柷)之立及其遜位一段經過,則屬於朱全忠創業之裝飾物及犧牲品(詳見舊唐書貳拾下哀 寅恪案:唐代皇帝廢立之權既歸閹寺,皇帝居宫中亦是廣義之模範監獄罪囚。劉季述等之廢立 不過執行故事之擴大化及表面化耳。唐代皇位繼承之不固定,此役乃三百年間最後之結局。蓋

新唐書拾昭宗紀)略云: 舊唐書壹捌肆宦官傳楊復恭傳末(參考新唐書貳佰捌宦者傳下韓全誨張彦弘傳、舊唐書貳拾上

是月(光化三年正月),[朱]全忠迎駕還長安,韶以崔胤爲宰相兼判六軍諸衛。 賊。内諸司使務宦官主者,望一切罷之,諸道監軍使並追赴闕廷。」韶曰:「其第五可範己 使衛從,令宦官主之,自是參掌樞密,由是内務百司皆歸宦者。不翦其本根,終爲國之蝥 下並宜賜死,其在畿甸同華河中並盡底處置訖,諸道監軍使已下及管内經過並居停內使勅 高祖太宗時無內官典軍旅,自天寶已後,宦官寖盛,貞元、元和分羽林衛爲左右神策軍, 胤奏曰:

下篇 外族盛衰之連環性及外患與内政之關係

傳總序略云 夷更疊盛衰之故始得明瞭,時當唐室對外之措施亦可略知其意。蓋中國與其所接觸諸外族之盛 衰興廢,常為多數外族間之連環性,而非中國與某甲外族間之單獨性也。新唐書貳壹伍上四夷 **甲外族之關係,其範圍不可限於某甲外族,必通覽諸外族相互之關係,然後三百年間中國與四** 唐室統治之中國遂受其興亡強弱之影響,及利用其機緣,或坐承其弊害,故觀察唐代中國與某 關,其他外族之崛起或強大可致某甲外族之滅亡或衰弱,其間相互之因果雖不易詳確分析, 所謂外族盛衰之連環性者,即某甲外族不獨與唐室統治之中國接觸,同時亦與其他之外族有 只一端: 一日外族盛衰之連環性,二日外患與内政之關係,茲分別言之於下: 能補正唐代有關諸外族之史事者頗多,固非此篇之所能詳,亦非此篇之所欲論也。茲所欲論者 李唐一代為吾國與外族接觸繁多,而甚有光榮之時期。近數十年來考古及異國文籍之發見迻譯 侕

蠻夷更盛衰, **嘗與中國抗衡者有四:突厥、吐蕃、** 回鶻、 雲南是也。凡突厥、吐

回鶻以盛衰先後爲次,東夷、 西域又次之, 迹用兵之輕重也;終之以南蠻, 記唐所繇

立艺

宋子京作唐書四夷傳,其叙述次第一以盛衰先後,二迹用兵之輕重,三記唐所由亡。 患與内政關係之範圍,俟於篇末論之,茲先不涉及也。 則依其所以更互盛衰之跡,列為次序,欲藉以闡發其間之連環性。至唐亡由於南詔 乃屬於外

之先導者也。國人治史者於發揚讚美先民之功業時,往往忽略此點,是既有違學術探求真實之 本末,必特為標出之,以期近真實而供鑑誠,兼見其有以異乎誇誣之宣傳文字也。 旨,且非史家陳述覆轍,以供鑑誠之意,故本篇於某外族因其本身先已衰弱, 又唐代武功可稱為吾民族空前盛業,然詳究其所以與某甲外族競爭,卒致勝利之原因, 由於吾民族自具之精神及物力,亦某甲外族本身之腐朽衰弱有以招致中國武力攻取之道, 遂成中國勝利之 實不僅 而為

通典萱玖柒邊防典突厥條上(参新唐書貳壹伍上突厥傳、唐會要玖肆北突厥條)云:

建德、王世充、劉武周、梁師都、李軌、高開道之徒雖僭尊號, 中國人歸之者甚衆,又更强盛,勢陵中夏。迎蕭皇后,置於定襄。 高昌諸國皆臣之,控弦百萬,戎狄之盛近代未有也。大唐起義太原,劉文静 俱北面稱臣。**東**自契丹、

聘其國,

引以爲援。

舊唐書陸柒李靖傳(參考新唐書貳壹伍上突厥傳、貞觀政要貳任賢篇、大唐新語柒容恕篇)云:

上皇(高祖)以百姓之故,稱臣於突厥,朕未嘗不痛心疾首,志滅匈奴,坐不安席,食不甘 太宗初聞靖破頡利,大悦,謂侍臣曰:「朕聞『主憂臣辱,主辱臣死』。往者國家草創,太

味。今者暫動偏師,無往不捷,單于款塞,恥其雪乎?」

以致之也。兹略引史文,以證明之於下: 覆滅突厥者,固由唐室君臣之發奮自強,遂得臻此,實亦突厥本身之腐敗及迴紇之興起二端有 利敗亡已後,太宗失喜之餘,史臣傳録當時語言,始洩露此役之真相。然則隋末唐初之際, 洲大部民族之主人是突厥,而非華夏也。但唐太宗僅於十年之後,能以屈辱破殘之中國一舉而 注所載唐初事最為實録,而其紀劉文靜往突厥求援之本末,尚於高祖稱臣一節隱諱不書。逮頡 寅恪案:隋末中國北部群雄並起,悉奉突厥為大君,李淵一人豈能例外? 溫大雅大唐創業起居

通典壹玖柒邊防典突厥上條(參考舊唐書壹玖肆上新唐書貳壹伍上突厥傳、唐會要玖肆北突厥

使奏言與頡利有隙,奏請擊之。韶秦武通以并州兵馬隨便接應。三年薛延陀自稱可汗於漠 利討之,師又敗績,奔還,頡利怒,拘之十餘日,突利由是怨憾,内欲背之。二年突利遣 貞觀元年陰山以北薛延陀、迴紇、拔也古等十餘部皆相率叛之,擊走其欲谷設。頡利遣突

北,遣使來貢方物。頡利每委任諸胡, 斂諸部,由是下不堪命,内外叛之。 兵革歲動,國人患之,諸部攜貳。頗年大雪,六畜多死,國中大餒。頡利用度不給,復重 疏遠族類,胡人貪冒, 性多翻覆, 以故法令滋章,

下薛延陀傳、唐會要玖陸薛延陀傳、通典壹玖玖邊防典薛延陀條等)云:: 舊唐書壹玖伍迥紇傅(新唐書貳壹柒上回鶻傳同,乂參舊唐書壹玖玖下鐵勒傳、 僕骨同羅思結阿跌等部, 突厥頡利等可汗之後,北虜唯菩薩、薛延陀爲盛。太宗册北突厥莫賀咄爲可汗, 務,其母鳥羅渾主知争訟之事,平反嚴明,部內齊肅,迴紇之盛由菩薩之興焉。 進擊大破之,俘其部衆,迴紇由是大振,因率其衆附於薛延陀,號菩薩爲活頡利發,仍遣 利可汗遣子欲谷設率萬騎討之。菩薩領騎五千與戰,破之於馬鬣山,因逐北至於天山,又 使朝貢。菩薩勁勇有膽氣, 初有特健俟斤死,有子曰菩薩, 迴紇酋帥吐迷度與諸部大破薛延陀多彌可汗,遂併其部曲, 善籌策,每對敵臨陣,必身先士卒,以少制衆,常以射獵爲 部落以爲賢而立之。 初菩薩與薛延陀侵突厥北邊,突厥頡 新唐書壹壹柒 遣統迴紇 貞觀擒降

部族迴紇薛延陀之興起兩端,故授中國以可乘之隙。否則雖以唐太宗之英武,亦未必能致如是 寅恪案:北突厥或東突厥之敗亡除與唐為敵外,其主因一為境内之天災及亂政,二為其他鄰接

之奇蹟。斯外族盛衰連環性之一例證也。

舊唐書壹玖伍迴紇傳(新唐書貳壹柒下回鶻傳同)云::

後唐獻祖紀年録之語及唐會要玖捌迴紇條俱可參考。 遏粉等兄弟五人一十五部,西奔葛邏禄,一支投吐蕃,一支投安西,又有近可汗牙十三部 以特勒烏介爲可汗,南來附漢。(寅恪案:通鑑貳肆陸開成四年末條柴草作柴革。考異較 可汗,以靥馺特勒爲可汗。有將軍句録末賀恨掘羅勿,走引黠戞斯,領十萬騎破迴鶻城, 開成初,其相有安允合者,與特勒(寅恪案:勒當作勤、下同)柴草欲篡薩特可汗。薩特可 殺熆馺,斬掘羅勿,燒蕩殆盡,迴鶻散奔諸蕃。有迴鶻相馺職者,擁外甥龐特勒及男鹿并 汗覺,殺柴草及安允合。又有迴紇相掘羅勿者,擁兵在外,怨誅柴草、安允合,又殺薩特

唐會要玖捌迴紇條云:

連年饑疫,羊馬死者被地,又大雪爲災。

新店書貳豈柒卜黠戛斯傳略云:

拏門二十年不解。阿熱恃勝肆詈, 勒(寅恪案:勒亦當作勤)皆潰。 回鶻授其君長阿熱爲毗伽頓頡斤。 回鶻稍衰,阿熱即自稱可汗。回鶻遣宰相伐之,不勝, 回鶻不能討,其將句録莫賀導阿熱破殺回鶻可汗,諸特

者,雖以李文饒之才智,恐不易致此, 斯又外族盛衰連環性之二例證也。 崛起侵其外,於是崩潰不振矣。然考之史籍,當日中國亦非盛強之時, 寅恪案:迴紇自唐肅宗以後最為雄大,中國受其害甚鉅,至文宗之世天災黨亂擾其內, 其主因所在,無乃由堅昆之興起,遂致迴紇之滅亡歟? 而能成此攘夷之偉業 點戛斯

新唐書貳壹陸下吐蕃傳論云:

計,卒不得要領。晚節二姓自亡,而唐亦衰焉。 國患最久。贊普遂盡盗河湟,薄王畿爲東境, 唐興,四夷有弗率者,皆利兵移之,蹶其牙, 犁其庭而後已。唯吐蕃、 犯京師, 掠近輔, 馘華人, 謀夫虓帥環視共 回鶻號强雄, 爲中

之後,其役屬之党項別部復興起焉。此党項部後裔西夏又為中國邊患,與北宋相終始。然則 **其概略,惜未有闡發解釋者,故不得不於此一論述之也。** 蕃一族之興廢關係吾國中占史者如是,其事蹟茲篇固不能詳言, 之連環性,及唐代中央政府肆應之對策即結合鄰接吐蕃諸外族, 稍得安謐。計其終始,約二百年,唐代中國所受外族之患未有若斯之久且劇者也。迨吐蕃衰敗 寅恪案:吐蕃之盛起於貞觀之世,至大中時,其部族瓦解衰弱, 以行包圍之秘計, 中國於是收復河湟, 而其盛衰之樞機即與其他 舊史雖亦載 西北 陲

李唐承襲宇文泰[關中本位政策],全國重心本在西北一隅,

而吐蕃盛強延及一百年之久。故當

廓十一州歸於有司

與唐之競爭影響甚鉅,更不能不為一論述之也。 極政策不獨有關李唐一代之大局,即五代、趙宋數朝之國勢亦因以構成。由是言之,吐蕃一族 以致之(亦見下文論高麗事節),而吐蕃之盛強使唐無餘力顧及東北,要為最大原因。 太宗、高宗兩朝全盛之勢,歷經艱困,始克高麗,既克之後,復不能守,雖天時地勢之艱阻有 之武力財力積極進取,以開拓西方邊境,統治中央亞細亞,藉保關隴之安全為國策也。又唐資 唐代中國極盛之時,已不能不於東北方面採維持現狀之消極政略(見下論高麗事節),而竭全國 此東北消

新唐書捌宣宗紀(參考舊唐書壹捌下宣宗紀、壹玖陸下吐蕃傳、壹玖捌西戎傳党項傳, 貳壹陸下吐蕃傳、貳貳壹上西域傳党項傳,及唐會要玖柒吐蕃條玖捌党項羌條等)云: 新唐書

關歸於有司。十月吐蕃以維州歸於有司。十二月吐蕃以扶州歸於有司 [大中]三年二月吐蕃以秦、原、安樂三州,石門、驛藏、木峽、制勝、六盤、石峽、 蕭七

[大中]四年十一月党項寇邠寧。十二月鳳翔節度使李安業、河東節度使李拭爲招討党項

月乙巳赦南山党項羌。十月沙州人張義潮以瓜、沙、伊、肅、鄯、甘、河、西、蘭、岷、 (大中)五年三月白敏中爲司空,招討南山平夏党項行營兵馬都統。四月赦平夏党項羌。八

同書貳壹陸下吐蕃傳(參考通鑑貳肆柴會昌二年、 貳肆捌會昌三年、貳肆玖大中三年諸條)略

是,皆叛去。[尚]恐熱自號宰相,以兵二十萬擊[鄯州節度使尚]婢婢。恐熱敗,單騎而逃。 死,無子,以妃綝兄尚延力子乞離胡爲贊普,始三歲,妃共治其國。大相結都那見乞離胡 大中三年,婢婢引衆趨甘州西境,恐熱大略鄯、廓、瓜、肅、伊、西等州,保渭州, 不肯拜,曰:「贊普支屬尚多,何至立綝氏子邪?」用事者共殺之。三年,國人以贊普立非 逆流三日,鼠食稼,人饑疫,死者相枕藉,鄯廓間夜聞鼙鼓聲,人相驚。會昌二年贊普 達磨嗜酒好畋獵,喜内,且凶愎少恩,政益亂。自是國中地震裂,水泉湧,岷山崩, [彝泰]贊普立幾三卜年病不事,委任大臣,故不能抗中國,邊候晏然。死, 以弟達磨嗣. 洮水

新唐書貳壹陸上此莃傳略云: 中國自身武力所能致,抑又可見矣。 定党項,而終不得不遣白敏中施招撫之策,含混了之。則河湟之恢復實因吐蕃内部之衰亂,非 部族逐漸離邏逤之管制而獨立,党項之興起,張義潮之來歸,皆其例也。宣宗初雖欲以兵力平 寅恪案:吐蕃之破敗由於天災及内亂, 觀此可知也。吐蕃中央政權統治之力既弱,故其境內諸 (玄宗),還國,置綏遠軍以捍吐蕃,故歲常戰。吐蕃每曰:「我非利若國,我假道攻四鎮 憺南羌,南羌連衡,河西必危。且莫賀延磧袤二千里,無水草,若北接虜,唐兵不可度而 庭節度使張孝嵩曰:「勃律唐西門,失之,則西方諸國皆墮吐蕃。」始勃律王來朝,父事帝 是歲(長壽元年)又詔王孝傑[等]擊吐蕃,大破其衆,更置安西都護府於龜茲, 先帝舊封,若又棄之,是自毀成功而破完策也。夫四鎮無守,胡兵必臨西域,西域震則威 煙火相望,吐蕃不敢内侮。高宗時有司無狀,棄四鎮不能有,而吐蕃遂張,入焉耆之西, 長戟右驅,踰高昌, 議者請廢四鎮勿有也。崔融獻議曰:「太宗文皇帝踐漢舊跡,竝南山,抵葱嶺, 則伊西北庭安西諸蕃悉亡。」議者乃格。[開元]十年攻小勃律國,其王没謹忙詒書北 歷車師,鈔常樂,絶莫賀延磧,以臨敦煌。今孝傑一舉而取四鎮,還 剖裂府鎮 以兵鎮守,

同書壹叁佰高仙芝傳(參舊唐書壹佰肆高仙芝傳、新唐書貳貳壹下西域傳小勃律傳)略云: 萬出討。八月仙芝以小勃律王及妻自赤佛道還連雲堡,與[監軍邊]令誠俱班師,於是疿林 大食諸胡七十二國皆震攝降附。 小勃律其王爲吐蕃所誘,妻以女,故西北二十餘國皆羈屬吐蕃。天寶六載韶仙芝以步騎一

同書貳貳貳上南蠻傳南韶傳略云:

虜保鹿危山,毘羅伏以待。又戰,虜大奔。於時康、黑衣大食等兵及吐蕃大酋皆降, 要也。蠻酋潜導南韶與皋部將杜毗羅狙擊。[貞元]十七年春夜絶瀘,破虜屯,斬五百級。 亦所在屯戍。吐蕃懲野戰數北,乃屯三瀘水,遣論妄熱誘瀕瀘諸蠻復城悉攝, 吐蕃苦唐韶掎角,亦不敢圖南韶。〔章〕皋令〔部將武〕免按兵嶲州,節級鎮守, 時(貞元時)唐兵屯京西朔方,大峙糧,欲南北並攻取故地,然南方轉饟稽期,兵不悉集。 二萬首 雖南韶境、

城七,焚堡百五十, 原、邠寧、涇原軍獵其北,劍南、東川、山南兵震其東,鳳翔軍當其西,蜀南韶深入,克 出,或自西山,或由平夷,或下雕陀和石門,或徑神川、納川,與南詔會。是時回鶻、 精鎧多置南屯,今向鹽夏,非全軍,欲掠河曲党項畜産耳。俄聞虜破麟州,皋督諸將分道 時虜兵三萬攻鹽州,帝(德宗)以虜多詐,疑繼以大軍,詔皋深鈔賊鄙,分虜勢。皋表:賊 、靈武兵破虜二萬,涇原、鳳翔軍敗虜原州,惟南韶攻其腹心,俘獲最多。 所斬首萬級,獲鎧械十五萬, 圍昆明、維州, 不能克, 乃班師。 太

唐會要壹佰大食條(參舊唐書壹玖捌西戎傳大食傳、新唐書貳貳壹下西域傳大食傳)略云, 敵,蕃兵大半西禦大食,故鮮爲邊患,其力不足也。 又案賈躭四夷述云,貞元二年(寅恪案:舊傳作「貞元中」,新傳作「貞元時」)與吐蕃爲勁

此 為證明於下: 之計。據上引新書南韶傳, 亞及大食之關係,又韋南康以南詔制吐蕃之得策,均可於此傳窺見一一也。茲復別引史籍,以 吐蕃施行之策略亦即利用此諸族相互之關係。易言之,即結合鄰接吐蕃諸外族,以為環攻包圍 **夫中國與吐蕃既處於外族交互之複雜環境,而非中國與吐蕃一族單純之關係,故唐室君臣對於** 宗之世,華夏、吐蕃、大食三大民族皆稱盛強,中國欲保其腹心之關隴,不能不固守四鎮。 固守四鎮,又不能不扼據小勃律,以制吐蕃,而斷絶其與大食通援之道。當時國際之大勢如 寅恪案:唐闚中乃王畿,故安西四鎮為防護國家重心之要地,而小勃律所以成唐之西門也。 則唐代之所以開拓西北,遠征葱嶺,實亦有其不容已之故,未可專咎時主之黷武開邊也。 可知貞元十七年之大破吐蕃,乃略收包圍環攻之效者。而吐蕃與中 欲

舊唐書壹肆拾章皋傳(新唐書壹伍捌章皋傳同)云:

皋以雲南蠻衆數十萬與吐蕃和好,蕃人入寇必以蠻爲前鋒, 入南韶蠻,説令向化,以離吐蕃之助。 [貞元]四年, 皋遣判官崔佐時

新唐書貳貳貳上南蠻傳略云:

西鎮守揚兵四臨,委回鶻諸國所在侵掠,使吐蕃勢分力散,不能爲强,此西南隅不煩天兵 貞元五年,[異牟尋]遺[韋]皋書曰:願竭誠日新,歸款天子,請加戍劍南、涇原等州。安

可以立功云。

舊府書壹貳玖韓滉傳(新唐書壹貳陸韓休傳附滉傳同)云:

問焉,初頗禀命,及滉以疾歸第,玄佐意怠,遂辭邊任,盛陳犬戎未衰,不可輕進。滉貞 宗)甚納其言。滉之入朝也(寅恪案:舊唐書壹貳德宗紀上貞元二年十一月兩浙節度使韓滉 以充三年之費;然後營田積栗,且耕且戰,收復河隴二十餘州,可翹足而待也。]上{德 渭並修堅城,各置二萬人,足當守禦之要,臣請以當道(寅恪案:舊唐書壹貳德宗紀上貞 計其分鎮之外, 戰兵在河隴五六萬而已。國家第令三數良將長驅十萬衆, 以肆其侵軼。臣聞近歲已來,兵衆寖弱,西迫大食之强,北病迴紇之衆, 元三年二月以疾薨,遂寢其事。 來朝),路由汴州,厚結劉玄佐,將薦其可任邊事。玄佐納其賂,因許之。及來覲. 時兩河罷兵,中土寧乂。滉上言:「吐蕃盗有河湟,爲日已久。大曆已前,中國多難,所 元元年七月丙午,兩浙節度使韓滉檢校尚書左僕射江淮轉運使)所貯蓄財賦爲饋運之資. 於凉、鄯、洮、 東有南韶之防, 上訪

同書同卷張延賞傳(新唐書壹貳柒張嘉貞傳附延賞傳同)云:

之。初韓滉入朝,至汴州,厚結劉玄佐,將薦其可委邊任, [延賞]請减官員,收其俸禄,資幕職戰士,俾劉玄佐收復河湟,軍用不乏矣。上(德宗)然 玄佐亦欲自効、初禀命、及滉

卒,玄佐以疾辭,上遣中官勞問,卧以受命。廷賞知不可用, 奏用李抱真,抱真亦辭不

武臣不附。 時抱真判官陳曇奏事京師,延賞俾曇勸抱真,竟拒絶之。蓋以延賞挾怨罷李晟兵柄,由是

通鑑貳叁貳貞元三年七月條略云:

上素恨迴紇,故不肯言。 敢言之。」上固問,不對。意欲結迴紇、大食、雲南,與共圖吐蕃,令吐蕃所備者多。 [李]泌曰:「臣能不用中國之兵,使吐蕃自困。」上(德宗)曰:「計將安出?」對曰:「臣未

同書貳叁叁貞元三年九月條略云::

自葱嶺盡西海,地幾半天下,與天竺皆慕中國,代與吐蕃爲仇,臣故知其可招也。」 今之計,當以迴紇爲先,三國差緩耳。]上曰:「所以招雲南、大食、天竺奈何?」對曰: [李泌]對曰:「願陛下北和迴紇,南通雲南,西結大食、天竺,如此, "迴紇和,則吐蕃已不敢輕犯塞矣。次招雲南,則是斷吐蕃之右臂也。大食在西域爲最强, 則吐蕃自困。 上

寅恪案:德宗、韋皋、韓滉、李泌等皆欲施用或略已實行包圍環攻吐蕃之政策,若非當日唐室

諸史料,知其所述包環吐蕃之策要為有所依據,不盡屬浮詞也。 鄴侯家傳。李繁著書雖多誇大溢美之語(如劉玄佐之入朝,實出韓滉之勸促, 君主及將相大臣深知諸外族相互之關係,不能致此,而李長源之論尤為明暢。 可馬君實謂之掠美, 即是其例也。見通鑑考異貞元二年七月條), 然校以同 而鄴侯家傳則歸 通鑑所載當採自 關係

土壤,而二者間之連環關係,實影響於中夏數百年國運之隆替。今述吐蕃事竟,即續論 前言唐太宗、高宗二朝全盛之世,竭中國之力以取高麗,僅得之後,旋即退出,實由吐蕃熾 亦為此連環之關係,不獨叙述次第之便利也 唐室為西北之強敵所牽制,不得已乃在東北方取消極退守之策略。 然則吐蕃雖與高麗 高麗 不接

時、 敗。 圍,不能涉及。因僅就唐代用兵高麗之本末,推論此三因素之關係,以明中國在唐以前經營東 以暫得旋失之故復無一員可通之解釋。鄙意高麗問題除前所謂外族盛衰之連環性外, 北成敗利鈍所以然之故,治史之君子儻亦有取於是歟? 隋煬帝承文帝統一富盛之後,唐太宗藉内安外攘之威,傾中夏全國之力,以攻高麗, 地埋、人事三因素, 煬帝竟坐是獲其宗社,而太宗亦遺恨無窮。自來史家於此既鮮卓識之議論,而唐高宗之所 與其他外族更有不同。其關於唐以前及以後之史事者,以非本篇範 尚別具大 終於退

唐承宇文氏「關中本位政策」,其武力重心即府兵偏置於西北一隅, **去東北方之高麗甚遠。** 中國

邑距長安洛陽之遠近,讀者若取時日與道里綜合推計,則不僅此役行軍運糧之困難得知實狀, 而於國史中唐前之東北問題亦可具一正確之概念也。 庶幾讀者於時間之長短獲一明確印象。並略增刪胡注之文,附載陸路行軍出入遼東所經重要城 轉捩之樞紐者也。關於高麗問題,茲引史籍以供釋證,而此事於時日先後之記載最為重要,故 節録通鑑所紀唐太宗伐高麗之役於下, 蕃之勁敵,終亦不能目有,轉以為新羅強大之資,此實常目所不及料,因成為後來數百年世局 先得百濟,以為根據,難以經略高麗。而百濟乂與新羅關係密切,故百濟、新羅之盛衰直接影 否則,雨潦泥濘冰雪寒凍皆於軍隊士馬之進攻餱糧之輸運已甚感困難,苟遇一堅持久守之勁 響於中國與高麗之爭競。唐代之中國連結新羅,制服百濟,藉以攻克高麗,而國力分於西北吐 東北方冀遼之間其雨季在舊曆六七月間,而舊曆八九月至二三月又為寒凍之時期。故以關中遼 此。若由海道以取高麗,則其鄰國百濟、新羅為形勢所關之地,於不善長海戰之華夏民族尤非 遠距離之武力而欲制服高麗攻取遼東之地,必在凍期已過雨季未臨之短時間獲得全勝而後可。 必致無功或覆敗之禍。唐以前中國對遼東、高麗進攻之策略為速戰速决者,其主因實在 藉作一例。其以干支記日者悉注明數字及月建大小盡

通鑑壹玖柒紀唐太宗伐高麗事略云:

上(太宗)將征高麗。[貞觀十八年]秋七月(大盡)辛卯(二十日)勑將作大監閻立德等詣洪、

暴其下,高麗王仁愛其民,以思亂之軍擊安和之衆,故不能成功。今略言必勝之道有五: 已致仕,上以其嘗從隋煬帝伐高麗,召詣行在問之。對曰:「遼東道遠,糧運艱阻,東夷 怨,何憂不克?布告元元,勿爲疑懼! 十二月(小盡)甲寅(十四日)詔諸軍及新羅、百濟、 子(三十日)諸軍大集於幽州(寅恪案:在今河北薊縣。通典壹柒捌州郡典范陽郡幽州今理 河南府洛州去西京八百五十里)。十一月(大盡)壬申(初二日)至洛陽。前宜州刺史鄭元璹 冬十月(大盡)甲寅(十四日)車駕行幸洛陽(寅恪案:在今河南洛陽縣。通典壹柒柒州郡典 師副之。自河北諸州皆受挺節度,聽以便宜從事。又命太僕少卿蕭鋭運河南諸州糧入海。 督兵及契丹、奚、靺鞨,先擊遼東,以觀其勢。以太常卿韋挺爲饋運使,以民部侍郎崔仁 率李世勣爲遼東道行軍大總管,帥步騎六萬人及蘭河二州降胡趣遼東,兩軍合勢並進。 淮嶺峽兵四萬、長安洛陽募士三千、戰艦五百艘,自萊州泛海趨平壤。又以太子詹事左衛 濟,上以爲畏懦,召詣洛陽。甲午(二十四日)以刑部尚書張亮爲平壤道行軍大總管, 善守城,攻之不可猝下。]上曰:「今日非隋之比,公但聽之!]張儉等值遼水漲,久不得 曰:以大擊小, 江三州,造船四百艘,以载軍糧。甲午(二十三日)下韶遣菅州都督張儉等帥幽營二都 去西京二千五百二十三里,去東京一千六百八十里)。手韶諭天下,言昔隋煬帝殘 二曰:以順討逆,三曰:以治乘亂, 四曰:以逸待勞, 五曰:以党當 庚

奚、契丹分道擊高麗。

曾州至遼河四百八十里),至玄莵(寅恪案:三國志魏志叁拾東夷傳東沃沮傳云:〔漢武帝〕 張形勢,若出懷遠鎮者(寅恪案,新唐書叁玖地理志營州柳城郡有懷遠守捉城)。而潛師北 俊,悲泣何爲?]壬辰(二十四日)車駕發定州。李世勣軍發柳城(寅恪案:在今熱河朝陽縣。 案:在今河北定縣。通典壹柒捌州郡典博陵郡定州今理安喜縣,去西京二千一百里,去東 在遼水西,隋大業八年伐遼所置,甬道隋起浮橋渡遼水所築。寅恪案:通典壹柒捌柳城郡 趣甬道,出高麗不意。夏四月(大盡)戊戌朔(初一日)世勣自通定濟遼水(胡注云:通定鎮 未老,用士大夫餘力以取之。」上將發,太子(高宗)悲泣數日,上曰:「今留汝鎮守,輔以賢 朕今東征,欲爲中國報子弟之仇,高麗雪君父之恥耳。且方隅大定,惟此未平,故及朕之 京一千二百十里)。丁亥(十九日)上謂侍臣曰:「遼東本中國之地,隋氏四出師而不能得, 盧思臺去幽州八百里,此漕渠蓋即曹操伐烏丸所開泉州渠也),淺塞不能進,械送洛陽。 通典壹柒捌州郡典柳城郡營州今理柳城縣,去西京五千里,去東京四千一百一十里)。多 日)上自將諸軍發洛陽。是月李世勣軍至幽州。三月(小盡)丁丑(十九日)車駕至定州(寅恪 丁酉(二十八日)除名,以將作少監李道裕代之,崔仁師亦坐免官。二月(大盡)庚戌(十二 [貞觀]十九年春正月(小盡),韋挺坐不先行視漕渠,運米六百餘艘至盧思臺側(胡注云: 傳云:馬訾水一名鴨緑水,在平壤城西北四百五十里,遼水東南四百八十里。胡注云:漢書 兒旋師。」卑奢城即卑沙城也,可以參證),程名振引兵夜至,副總管王大度先登,五月(小 餘口,糧十餘萬石。張亮率舟師自東萊渡海,襲卑沙城(寅恪案:隋書陸肆來護兒傳云: 縣)。丁巳(二十日)東駕至北平(胡注云:此古北平也,舊志平州隋爲北平郡。寅恪案:在 勣、江夏王道宗攻高麗蓋牟城(胡注云:蓋牟城在遼東城東北。寅恪案:在今遼寧蓋平 盡)已巳(初二日)拔之。分遺總管丘孝忠等曜兵於鴨緑水(寅恪案:通典壹捌陸邊防典高句麗 「〔大業〕十年又帥師渡海,至卑奢城,高麗舉國來戰,護兒大破之,斬首千餘級,將趨平 四千三百二十里,去東京三千五百二十里)。癸亥(二十六日)李世勣等拔蓋牟城,獲二萬 今河北盧龍縣。通典壹柒捌州郡典北平郡平州今理盧龍縣,東北到柳城郡七百里,去西京 肆叁下地理志引賈躭所記入四夷道里也)。丁未(初十日)車駕發幽州。壬子(十五日)李世 將兵數千至新城(寅恪案,在今遼寧瀋陽縣西北),城中無敢出者。營州都督張儉將胡兵爲 前鋒,進渡遼水,趨建安城(胡注云:自遼東城西行三百里至建安城。胡注蓋依據新唐書 山,遼水所出),高麗大駭,城邑皆閉門自守。壬寅(初五日)遼東道副大總管江夏王道宗 以沃沮城爲玄莬郡,後爲夷貊所侵,徙郡勾麗西北,今所謂玄菟府是也。胡注云: 高元震懼,遣使執叛臣斛斯政,詣遼東城下,上表請降。[煬]帝許之,遺人持節召護

則數十萬衆可不戰而降。]上不應。戊午(二十二日)諸軍並進,高麗兵大潰,斬首二萬餘 城四十里。江夏王道宗曰:「高麗傾國以拒王師,平壤之守必弱,假臣精卒五千覆其本根, 断其運道,糧食既盡,求戰不得,欲歸無路,乃可勝也。]延壽不從,引軍直進,去安市 也。」鳥麗有對盧,年老習事,謂延壽曰:「爲吾計者,莫若頓兵不戰,曠日持久,遣奇兵 欲歸則泥潦爲阻,些困吾軍,上策也。拔城中之衆,與之宵遁,中策也。來與吾戰,下策 五萬救安市。上謂侍臣曰:「今爲延壽策有三:引兵直前,連安市城爲壘,攻之不可猝下. 進軍白巖城(寅恪案:在今遼寧遼陽縣東北)。六月(大盡)丁酉朔(初一日)城主孫代音請降. 七日)遂克之。所殺萬餘人,得勝兵萬餘人,男女四萬口,以其城爲遼州。乙未(二十八日) 水,撤橋以堅士卒之心。李世勣攻遼東城,晝夜不息,旬有二日。上引精兵會之,甲申(十 收散卒,與驍騎數十衝之,左右出入,李世勣引兵助之,高麗大敗。丁丑(初十日)車駕渡遼 申(初五日)渡澤東。乙亥(初八日)高麗步騎四萬救遼東,既合戰,唐兵不利。〔江夏王〕道宗 三日)車駕至遼澤,泥淖二百餘里,人馬不可通,將作大監閻立德布土作橋,軍不留行。壬 謂之馬訾水,今謂之混泀江)。李世勣進至遼東城下(寅恪案:在今遼寧遼陽縣北)。庚午(初 在今遼寧蓋平縣東北),進兵攻之。丁巳(二十一日)北部耨薩延壽、惠真帥高麗、靺鞨兵十 上受其降,以白巖城爲巖州。丁未(十一日)車駕發遼東。丙辰(二十日)至安市城(寅恪案:

寒,草枯泉凍,士馬難久留,且糧食將盡,九月(大盡。寅恪案:是年八月大盡)癸未(十 攻安市,江夏王道宗督衆築土山逼其城,晝夜不息,凡六旬,用功五十萬。上以遼左早 骨,皆躡吾後,不如先破安市,取建安,然後長驅而進,此萬全之策也。上乃止。諸軍怠 緑水,直取平壤,在此舉矣。上將從之,獨長孫無忌以爲建安城之虜衆猶十萬,若向烏 羣臣亦曰:張亮在沙城(胡注云:沙城即卑沙城),召之,信宿可至。併力拔烏骨城,渡鴨 八日) 勑班師, 於上曰:「安市人自爲戰,未易猝拔,爲骨城(寅恪案:在今遼寧蓋平縣東境地)耨薩老耄, 不能堅守,移兵臨之,朝至夕克,其餘當道小城望風奔潰,鼓行而前,平壤必不守矣。」 安耳。_上曰:「以公爲將,安得不用公策。」世勣遂攻安市,攻久不下。禹延壽、惠真請 安市在北,吾軍糧皆在遼東,若賊斷吾糧道,將若之何?不如先攻安市,安市下,則取建 鐵甲萬領,佗器械稱是。髙麗皋國大駭,上驛書報太子,更名所幸山曰駐蹕山。秋七月 級。己未(二十二日)延壽、惠真帥其衆三萬六千八百人[來]降。獲馬五萬匹,牛五萬頭、 兵精,建安兵弱而糧少,公可先攻建安,建安下,則安市在吾腹中。]對曰:「建安在南、 (大盡)辛未(初五日)上徙營安市城東嶺。上之克白巖也,謂李世勣曰:「吾聞安市城險而 日)渡遼水。遼澤泥潦,車馬不通,命長孫無忌將萬人剪草填道,以車爲梁,上自繫薪 命李壮勣、江夏王道宗將步騎四萬爲殿。乙酉(二十日)至遼東。丙戌(二十

指所御褐袍謂太子曰:「俟見汝,乃易此袍耳。」在遼左雖盛暑流汗弗之易,及秋穿敗,左 寅恪案:唐代州治在今山西太原省會西南三十里)。 柒玖州郡典太原府并州今理太原、晉陽二縣,去西京一千三百里,去東京八百八十五里。 馳驛祀徵以少牢,復立所製碑,召其妻子詣行在勞之。丙午(十一日)至營州,丙辰(二十 於馬鞘以助役。冬十月(小盡)丙申朔(初一日)上至蒲溝駐馬,督填道諸軍,渡勃錯水(胡 日)車駕至定州。 →辰(二十八日)車駕發定州。十二月(小盡)戊申(十四日)至并州(通典壹 柒捌上谷郡易州,去西京二千一百九十七里,去東京一千四百六十二里),丙戌(二十二 (大盡)辛未(初七日)車駕至幽州。庚辰(十六日)過易州境(寅恪案:今河北易縣。通典壹 右請易之,上曰:「軍士衣多弊,吾獨御新衣可乎?」至是太子進新衣,乃易之。十一月 州盧龍縣臨榆關在縣城東一百八十里據此當即今山海關地),道逢太子。上之發定州也, 人,戰馬死者什七八,上以不能成功,深悔之。歎曰:「魏徵若在,不使我有是行也。」命 注云:蒲溝勃錯水皆在遼澤中)。暴風雪,士卒沾濕,多死者。凡征高麗戰士死者幾二千 一日)上聞太子奉迎將至,從飛騎三千人馳入臨榆關(寅恪案:通典壹柒捌州郡典北平郡平

案;即今西安市)。上謂李靖曰:「吾以天下之衆困於小夷,何也?」靖曰:「此道宗所解。_ [貞觀]二十年二月(大盡)乙未(初二日)上發并州。三月(小盡)n]已(初七日)車駕還京師(寅恪

之,已在五月中旬將盡之際矣。又頓兵安市,由六月二十日至九月十八日二月之久而不能克取 載太宗伐高麗之功績多是官書諱飾其失敗之詞, 總章時能滅其國者,固由敵人有内亂可乘,而百濟先已取得,要為其主因之一也。其他史籍所 從海道攻高麗, 故不妨先作豪語,以收人心,斯亦英雄權譎之一端歟?又張亮等雖克卑沙,竟無大效者, 在速戰速决,若至秋季不能復衣褐袍之時,無論成敗如何,斷不能不班師歸來,與太子相見。 勣、長孫無忌等之言可知也。至太宗雖經寒暑不肯易弊褐一事傳為美談,實則太宗明知此役利 高延壽、惠真攻烏骨之策及太宗越安市先取建安之議實皆不可施行,祇為快意之談耳,觀李世 其城。遼左秋晚氣候轉變,糧道不通,若不急速班師,則將全軍覆没。江夏王道宗出奇之計**,** 泥淖阻滯至一星期之久,始與世勛會兵,其軍行己嫌遲緩,及攻圍遼東城,經十有二日方能克 於東北行軍也。又歷二月之久至五月初,李世勣軍進至遼東城下,太宗亦於此時渡遼澤, 寅恪案:唐太宗之伐高麗,於貞觀十八年秋冬間著手準備,至半歲之後,即贞觀十九年二月間 太宗發洛陽, 上顧問江夏王道宗,具陳在駐蹕時乘虚取平壤之言。上悵然曰:「當時匆匆,吾不憶也。 李世勣會集陸軍即戰鬥主力於幽州,於是開始出動,蓋非俟至氣候稍暖之時不能 與百濟之關係甚大,觀於同一李世勣之人在太宗貞觀時不能克高麗, 既不足信,故亦可不辨。 而在高宗 但為

新唐書貳貳拾東夷傳高麗傳(参舊唐書壹玖玖上東夷傳高麗傳、

唐會要玖伍高句麗條)略云

餘民。徙安東都護府於新城。藏以永淳初死,舊城往往入新羅,遺人散奔突厥靺鞨。 岑,走新羅。偘徙都護府治遼東州。儀鳳二年授藏遼東都督,封朝鮮郡王,還遼東, 壹佰壹咸亨元年條作劍) 牟岑率衆反,立藏外孫安舜爲王。韶高偘[等]討之,舜殺鉗牟 拔辱夷城,悉師圍平壤。九月勣縱兵譟而入〔城〕,執〔高麗王高〕藏男建等,收凡五部百七 克。」男建以兵五萬襲扶餘,勣破之薩賀水上,進拔大行城,契苾何力會勣軍於鴨緑水上, 所以不得志者,虜未有亹也。今男生兄弟鬩很,爲我鄉導,虜之情僞我盡知之,故曰必 納款。侍御史賈言忠計事還,帝(高宗)問;「軍中云何?」對曰:「必克。先帝(太宗)問罪 六。郭待封以舟師濟海趨平壤。三年(是歲改元總章)動率[薛]仁貴拔扶餘城,它城三十皆 爲遼東道行軍大總管,轉燕趙食廥遼東。明年勣次新城,城人縛戍酋出降,勣進拔城十有 有功者,授都督刺史令,與華官參治,仁貴爲都護,總兵鎮之。總章二年大長鉗(鉗通鑑 十六城户六十九萬,剖其地爲都督府者九,州四十二,縣百。後復置安東都護府,擢酋豪 求救,蓋蘇文弟亦請割地降。〔乾封元年〕九月〔龐〕同善破高麗兵,男生率師來會。以李勣 [泉]蓋蘇文死,子男生代爲莫離支,與弟男建、男産相怨。男生據國内城,遣子獻誠入朝

舊唐書壹玖玖上東夷傳新羅傳(参新唐書貳貳拾上東夷傳新羅傳、唐會要玖伍新羅條)略云, 太宗將親伐高麗,韶新羅纂集士馬,應接大軍。新羅遣五萬人入高麗南界,攻水口城, 降

Ż,

是新羅漸有高麗、百濟之地,其界益大,西至於海。 劉仁軌[等]發兵窮討,破其衆於七重城。詔以李謹行爲安東鎮撫大使,屯買肖城,三戰, 秋遺使上表求救。顯慶五年命左衛大將軍蘇定方爲熊津道大總管,統水陸十萬,仍令春秋 真德卒,以春秋嗣立爲新羅王。六年·百濟與高麗、靺鞨率兵侵其北界,攻陷三十餘城,春 虜皆北,法敏遣使入朝謝罪,仁問乃還(自「龍朔元年」至「仁問乃還」一節爲新傳之文)。自 五年納高麗叛衆,略百濟地,守之。帝(高宗)怒,以其弟仁問爲新羅王,自京師歸國, 爲嵎夷道行軍總管與定方討平百濟,俘其王扶餘義慈獻于闕下。龍朔元年法敏襲王。咸亨 [貞觀]二十一年[新羅王金]善德卒,立其妹真德爲王。永徽元年真德大破百濟之衆。三年

唐會要玖伍百濟條(參考舊唐書壹玖玖上新唐書貳貳拾百濟傳)略云:

萬。至是以其地置熊津、馬韓、東明、金漣、德安等五都督府,各統州縣,立其酋長爲都 王羲慈及太子崇將校五十八人送於京師。其國分爲五部,統郡三十七,城二百,户七十六 渡海至倭國, 百濟者乃扶餘之別種,當馬韓之故地,大海之北,小海之南,東北至新羅,西至越州,南 百濟懷二,數年之間朝貢遂絶。顯慶五年八月十三日左衛大將軍蘇定方討平之,虜其 與新羅爲仇讎。貞觀十六年與高麗通和,以絶新羅入朝之道。太宗親征高

子扶餘豐於倭,立爲王。龍朔元年[劉]仁軌發新羅兵往救,二年[劉]仁願遣劉仁軌破[其 招還遺人。麟德二年與新羅王會熊津,刑白馬以盟,仁願等還,隆畏衆攜散,亦歸京師。 衆],豐走,不知所在,諸城皆復。帝(高宗)以扶餘隆爲熊津都督,俾歸國,平新羅舊憾, (自「福信與浮屠道琛反」至「亦歸京師」一節爲新傳之文。) 督刺史縣令,合左衛郎將王文度爲都統,總兵以鎮之。[舊將]福信與浮屠道琛反,迎故王

新唐書貳壹陸上吐蕃傳(參舊唐書壹玖陸上吐蕃傳及舊唐書捌叁新唐書壹壹壹薜仁貴傳)略云: 吐谷渾,而有其地。 之,出討吐蕃,並護吐谷渾還國,師凡士餘萬,至大非川,爲欽陵所拒,王師敗績, 蕃之入,召宰相等議先擊吐蕃,議不決,亦不克徙。咸亨元年入殘羈縻十八州,率于闐取 龜茲撥换城,於是安西四鎮並廢。詔薛仁貴爲邏娑道行軍大總管,阿史那道真、郭待封副 自是歲入邊,破有諸羌羈縻十二州。總章中,議徙吐谷渾於凉州,傍南山。帝(卨宗)刈吐 遂滅

維持現狀之政策。惟大同江以南之地實際雖不能有,而名義尚欲保留,及至玄宗開元全盛之 吐蕃,而致大敗之事可知也。自此以後,高麗廢而新羅、渤海興,唐室對於東北遂消極採退守 而終不能有,則以吐蕃熾盛,西北危急,更無餘力經營東北。觀其徙新克高麗勝將薛仁貴以討 寅恪案:高麗時代高宗獲勝之重要原因在乘高麗之内亂及據新羅、百濟之形勢。然既得其國

時,即此處名亦予放棄,斯誠可謂唐代對外之一大事。

册府元龜玖柒壹外臣部朝貢門云:

寵之深,粉骨糜身,無由上答。」 露之思,發日月之詔,錫臣土境,廣臣邑居,遂使墾闢有期,農桑得所,臣奉絲綸之旨榮 臣生居海裔,沫化聖朝,雖丹素爲心,而功無可效,以忠正爲事,而勞不足賞。 [開元二十四年]六月,新羅王金輿光遣使獻表曰:「伏奉恩勑:浿江已南宜令新羅安置! 陛下降雨

鑑貳肆玖大中十二年六月條略云: 中南蠻傳南詔傳,及舊唐書壹玖叁杜元穎傳、新唐書玖陸杜如晦傳附元穎傳),西川大困。 中國未能增強,大和二年南韶遂陷邛、戍、嶲三州,入掠成都(見舊唐書壹玖柒新唐書貳貳貳 萬始衰弱,文宗以後愈見不振,中國自章皋帥蜀,定與南詔合攻吐蕃之策,南詔屢得勝利, 南詔與其他外族盛衰之連環性,觀前引關於吐蕃諸條,其概略已可推知。吐蕃之國勢自貞元時 逝 Щ

初安南都護李琢爲政貪暴, 群蠻怨怒,導南韶侵盗邊境,自是安南始有蠻忠。

同書同卷大中十三年未條略云::

慰悦羈縻之。 韋皋在西川開青溪道以通群蠻, 如是五十年, 草蠻子弟學於成都者, 使由蜀入貢。又選群蠻子弟, 聚之成都教以書數, 殆以千數, 軍府頗厭於廪給。 **火蠻使入** 欲

兵陷播州。 甚薄。上(懿宗)以酋龍不遣使來告喪,又名近玄宗諱,遂不行册禮。酋龍乃自稱皇帝,遣 自是入貢不時, 利於賜與, 所從傔人寖多, 頗擾邊境。會宣宗崩, 中使告哀, 杜悰爲西川節度使, 奏請節減其數, 豐祐亦卒, 子酋龍立,禮遇[使者] 韶從之。 南韶豐祐

胡注云:

爲南韶攻蜀攻交趾張本。

為敵之故,此所謂外族盛衰之連環性也。至中國内政所受之影響直關唐室之覆亡,不僅邊境之 思而已,當別於後述之,茲暫不涉及。又凡唐代中國與外族之關係今已論其重要者,其餘雖從 然則,宣宗末世南韶始大為邊患。其強盛之原因則緣吐蕃及中國既衰, 然可以前所言之義例推之也 其鄰接諸國俱無力足與

中國無論何代,即當堅持閉關政策之時,而實際終難免不與其他民族接觸,李唐一代其與外族 未追詳盡論述之也 於宗教文化者,固非今所論之範圍, 和平及戰爭互相接觸之頻煩, 尤甚於以前諸朝,故其所受外族影響之深且鉅,自不待言。 即直接有關内部政治者,亦只能舉一一大事,以為例證, 但關

鄴侯家傳論府兵廢止之原因, 其一為長期兵役, 取劉仁軌任洮河鎮守使為例證(見玉海壹叁捌

故可據以推定龍朔三年七月制中「八等」之「等」乃指户籍等第而言,然則此制與其初期僅籍六等 仍免庸調」,此制之前載〔高祖武德〕九年三月诏「天下户立三等,未蟲升降,宜為九等」之文。 代府兵為兵農合一制一點,恐讀者尚持葉水心兵農分離説而不之信,请略舉一二例證,以袪其 以上豪户者不同,即此制己推廣普及於設置軍府地域内全部人民之確證也。二為戈本貞觀政要 疑焉。一為通典陸食貨典賦稅下載唐高宗龍朔三年七月制「衛士八等已下每年放還,令出軍, 大之影響也。(關於府兵制前期問題,詳見拙著隋唐制度淵源略論稿兵制章,茲可不論、 番衛上所得勝任。然則鄴侯家傳所述誠可謂一語破的,此吐蕃之強盛所給予唐代中國內政上最 北周之時期者,實在設置軍府地域内兵農之合一。吐蕃強盛之長久,為與唐代接觸諸外族之所 兵制叁所引, 貳直諫類貞觀二年詔關中租稅免二年條(參唐會要捌伍團貌雜録條及魏鄭公諫録)略云. 不及,其疆土又延包中國西北之邊境,故不能不有長期久戍之「長征健兒」,而非從事農業之更 ,通鑑貳叁貳貞元二年八月條亦採自鄴侯家傳也)。 蓋唐代府兵之制其特異於西魏 惟唐

點入軍,若實大, 國家衛士不堪攻戰豈爲其少?若精簡壯健, 出物:「中男已上雖未十八,身形壯大,亦取!」徵又不從。太宗曰:「中男若實小, 右僕射封德彝等並欲中男十八已上簡點入軍,勅三四出。[魏]徵奏以爲不可。太宗怒,乃 亦可簡取。 __徵曰:「若次男已上盡點入軍, 人百其勇, 何必在多?」 **和賦雜徭將何取給?目比**与 自不

通鑑壹玖貳武德九年十二月亦載此事,胡注云:

唐制民年十六爲中男,十八始成丁,二十一爲丁,充力役。

意,附注於此。) 據魏徵「租賦雜徭將何取給」之語推之,則當日人民未充衛士時亦須擔負租賦雜徭之義務,是一 人之身兼充兵務農之二業也,豈非唐代府兵制兵農合一之明證乎?斯事今不能詳論, 僅略述大

響及戰時之財政經濟者, 迎紇與中國摩尼教之關係,論者頗衆,又不屬本書範圍,自可不言。其族類與中國接觸, 新唐書伍拾兵志云: 亦非所欲論, 茲僅略述迴紇與中國在和平時期財政經濟之關係於下: 而影

乾元後迴紇恃功,歲入馬取繒,馬皆病弱不可用。

同書伍壹食貨志云:

迴紇有助收西京功,代宗厚遇之,與中國婚姻,歲送馬十萬匹,酬以縑帛百餘萬兀,而中

國財力屈竭,歲負馬價。

舊唐書壹貳柒源休傳略云::

〔迴紇〕可汙使謂休曰:「所欠吾馬直絹一百八十萬匹,當速歸之!」

同書壹玖伍迴紇傳(參新唐書貳壹柒上回鶻傳)略云:

苦之。是時特韶厚賜遣之,示以廣恩,且俾知愧也。是月(大曆八年十一月)迴紇使使赤心 領馬一萬匹來求市,代宗以馬價出於租賦,不欲重困於民,命有司量入計,許市六千匹。 迴紇恃功,自乾元之後屢遣使以馬和市繒帛,仍歲來市,以馬一匹易絹四十匹(新傳編作 縑)。動至數萬馬,其使候遣,繼留於鴻臚寺者非一。蕃得帛無厭,我得馬無用,朝廷甚 有司計之,禮費約五百萬貫,方内有誅討,未任其親。 [貞元]八年七月,以迴紇藥羅葛靈檢校右僕射,仍給市馬絹七萬匹。回鶻請和親,憲宗使

新唐書貳壹柒上回鶻傳(參考李相國論事集)略云:

保十全之勝, 多,臣謂不然。我三分天下賦,以一事邊,今東南大縣賦歲二十萬緡, 非損寡得大乎?今惜昏費不與,假如王師北征,兵非三萬,騎五千,不能扞且馳也。又如 利哉?殆欲風高馬肥,而肆侵軼。北狄西戎素相攻討,故邊無虞。今回鶻不市馬, 備虜。禮部尚書李絳奏言:「北狄貪沒,唯利是視,比進馬規直,再歲不至,豈厭繒帛之 蕃結約解讎, 回鶻]遣伊難珠再請昏, 一歲輒罷,其饋餉供擬豈止一縣賦哉?]帝(憲宗)不聽。 則將臣閉壁憚戰, 未報,可汗以三千騎至鸊鵜泉。於是振武以兵屯黑山,治天德城 邊人拱手受禍,臣謂宜聽其昏,使守藩禮。或曰:降主費 以一縣賦爲昏貲、 若與吐

白氏長慶集肆新樂府 云:

陰山道。疾貪虜也。

好,馬漸多。陰山虜、奈爾何! 令疏短織。合羅將軍呼萬歲,捧受金銀與繒綵。誰知黠虜啓貪心,明年馬來多一倍。縑漸 號可敦,遠爲可汗頻奏論。元和二年下新敕,内出金帛酬馬直。仍韶江淮馬價縑,從此不 六七。縑絲不足女工苦,疏織短截充匹敷。藕絲蛛網三丈餘,迴紇訴稱無用處。咸安公主 羸,飛龍但印骨與皮。五十匹縑易一匹,縑去馬來無了日。養無所用去非宜,每歲死傷十 陰山道, 陰山道,紇邏敦肥水泉好。每歲戎人送馬時,道旁千里無纖草。草盡泉枯馬病

食貨典租稅下同)云: 不來侵邊境也。白香山新樂府之陰山道 迴紇之利,憲宗豈是不知?而終不聽者,實以中國財力右所不及,故寧可吝惜昏費,而僥倖其 寅恪案:唐與迴紇在和平時之關係中,馬價為國家財政之一大問題,深可注意。李絳所言許昏 詩即寫當日之實狀者,據舊唐書肆捌食貨志(通典陸

時,亦載此數,若求兩而加尺,甚暮四而朝三,宜令有司簡閱,有踰於比年常例,丈尺過 尺,至有五丈爲匹者,理甚不然。闊一尺八寸,長四丈,同文共軌,其事久行,立樣之 惡不得至濫,任土作貢,防源斯在。而諸州送物,作巧生端,苟欲副於斤兩,遂則加其丈 開元八年正月勑:「頃者以庸調無憑,好惡須準,故遣作樣,以頒諸州,令其好不得過精,

多,奏聞!!

訴。唐室之應付此項財政困難問題,計出於無聊,抑又可知矣。 然則唐代定制,絲織品以四丈為一疋,而迴紇馬價縑一疋長止三丈餘, H 疏織, 宜召迥紇之怨

又迴紇在和平時期,與唐代中國政府財政關係既如上述之例,其與中國人民經濟關係亦有可略 言者。册府元龜玖柒玖外臣部和親門(參考舊唐書壹叁叁李晟傳附基傳)云:

外,不得輒與蕃客交關,委御史臺及京兆府切加捉搦,仍即作件聞奏,其今日已前所欠負 委府縣速與懲理處分!] 本錢,歲月稍深,徵索不得,致蕃客停滯,市易不合及時。自今已後, 宣州别駕。下韶戒飭曰:「如聞頃來京城内衣冠子弟及諸軍使並商人百姓等多有舉諸蕃客 大和五年六月有龍武大將軍李惎之子某借迴紇錢一萬一千二百貫不償,爲迴紇所訴, 諸色人宜准粉互市

又新唐書貳壹柒上回鶻傳(參考舊唐書壹貳柒張光晟傳及通鑑貳貳陸建中元年八月甲午條)云:

也。 之比耶?斯亦唐代中國在和平時期人民所受外族影響之一例也。 據新唐書貳貳壹下西域傳康國傳(上篇已引),九姓胡即中亞昭武九姓族類,所謂西域賈胡者是 其假借迴紇勢力僑居中國,居貲殖産,殆如今日猶太商人假借歐美列強勢力來華通商致富 始迴紇至中國,常參以九姓胡,往往留京師,至千人,居貲殖産甚厚。(上篇已引。)

唐書壹壹肆崔融傳附彥曾傳等)略云: 新唐書壹肆捌康日知傳附承訓傳(參考舊唐書壹玖上懿宗紀咸通四年五年九年十年諸條,

破,將南趨亳。承訓兵循涣而東,賊走蘄縣,官兵斷橋,不及濟,承訓乃縱擊之,斬首萬 焚掠。承訓悉兵八萬逐北,沙陀將朱邪赤衷急追。至宋州,勛焚南城,爲刺史鄭處沖所 之。勛以[其父]舉直守徐州(承訓使降將張玄稔破徐州),勛聞徐已拔,自石山而西, 射義成軍節度使徐泗行誉都招討使,率魏博、鄜延、義武、鳳翔、沙陀吐渾兵二十萬討 使崔彦曾尉安之,次潭州,監軍詭奪其兵,勛畏必誅,篡舟循江下,益裒兵,招亡命, 擅斧庫,劫戰械,推糧料判官廳勛爲長,勒衆上道。懿宗遣中人張敬思部送, 州),六歲不得代。列校許佶、趙可立因衆怒,殺都將,詣監軍使丐糧鎧北還, 成通中南韶復盗**遗,** 入徐州,據之。帝遣中人康道隱宣慰徐州, 餘皆溺死,閱三日,得勛屍。 武寧兵七百戍桂州(寅恪案:新唐書陸伍方鎮表武寧軍節度使治徐 道隱還,固求節度。帝乃拜承訓檢校尚書右僕 韶本道觀察 不許, 所在 逑 即

王播傳附式傳、壹柒壹李光顏傳、壹捌捌楊行密傳、壹捌玖高仁厚傳、貳伯捌宦者傳下田令孜 舊唐書壹玖下僖宗紀(參考舊唐書壹陸壹李光顏傳,新唐書壹陸伍鄭餘慶傳附從讜傳、 武壹肆藩鎮澤潞劉悟傳,又同書肆牟下地理志羈縻州迴紇州鷄田州條、 陸肆方鎮表興鳳龍 宣陸柒

欄天中五年條等)略云:

李福悉其師援之。時沙陀軍五百騎在襄陽,軍次荆門,騎軍擊賊, 乾符四年十二月賊(黄巢)陷江陵之郛,[荆南節度使楊]知温求援於襄陽, 敗之, 賊盡焚荆南郛郭 山南東道節度使

誉都統。時中尉田令孜用事,自負帷幄之功,以鐸用兵無功,而復光建策召沙陀,成破賊 殺賊無非手刃, 中和三年四月庚辰收復京城,天下行營兵馬都監楊復光上章告捷曰:「雁門節度使李克用 力摧兇逆。伏自收平京國,三面皆立大功,若破敵摧鋒,雁門實居其首。」五月王鐸罷行 入陣率以身先,忠武黄頭軍使龐從等三十二都隨李克用自光泰門入京師,

與内政關係之密切可以推知也。 史料關少,未能於此洋論、總之, 寅恪案:唐中央政府戰勝龐財,黃巢,實賴沙陀部落之助,蓋府兵制度破壞已久之後,捨胡兵 殆不易得其他可用之武力也。至黄頭軍疑出自迎紇,與沙陀同為胡族。茲以其問題複雜· 之劾,欲權歸北司,乃黜王鐸,而悦復光也。《中和三年五月條中篇已引。 觀於唐季朝廷之忍恥曲宥沙陀,終收破滅黃巢之效,與外沒

又新唐書貳貳貳中南蠻傳南韶傳(參通鑑貳伍叁廣明元年條及胡注) \:

會西川節度使陳敬瑄重申和議, 時盧携復輔政, 與豆盧琢皆厚[主和之高]駢, 乃譎說奇

安南邕管,一破黔州,四盗西川,遂圍盧躭,召兵東方,戍海門,天下騷動,十有五年, 赋輸不内京師者過半, 中藏空虚, 充滿,故宰相〔白〕敏中領西川,庫錢至三百萬緡,諸道亦然。咸通以來,蠻始叛命,再入 (僖宗)曰:「宣宗皇帝收三州七關, 士死瘴癘,燎骨傳灰,人不念家,亡命爲盗,可爲痛 平江嶺以南,至大中十四年内庫貲積如山,户部延資

亡於黃巢,而禍基於桂林。」(新唐書南詔傳論)。嗚呼!世之讀史者儻亦有感於斯言歟? 耕集及拙著秦婦吟校箋),藉東南經濟力量及科舉文化以維持之李唐皇室,遂不得不傾覆矣。 史家推迹龐勛之作亂,由於南詔之侵邊,而勛之根據所在適為汴路之咽喉,故宋子京曰:「唐 二年十二月己卯史官李吉甫撰元和國計簿條),時溥復斷絕南北運輸之汴路(詳見崔致遠桂苑筆 相關係之顯著例證也。夫黃巢既破壞東南諸道財富之區(見上篇所引舊唐書壹肆憲宗紀上元和 自咸通以後,南詔侵邊,影響唐財政及内亂頗與明季之「遼餉」及流寇相類,此誠外患與内亂互

陳 寅 恪 集 後 記

集自然是父母, 家最好的箱子装載, 我們從小就知道全家最實貴的東西是父親的文稿。 也是我們姐妹最大心願 家人呼之為「文稿箱」。 避日軍空襲時, 從抗戰逃難直至「文化大革命」, 首先要帶的就是一文稿箱」。 父親文稿都是用全 出版父親文

道變換, 在 **嘗侮食自矜,** 父親一生坎坷, 則為我們姐妹辛勞的最高報償 病殘齊至, 曲學阿世」。如今父親全集出版, 抗日烽火中, 始終未曾間斷學術創作。而父親為學一貫堅持「獨立之精神, 顛沛流離, 生活窘迫, 學界儻能於研究父親著述時, 雙目失明, 暮年骨折卧床, 更經痛苦。然而無論世 更知父親此種精神之所 自由之思想」,

一未

集 離世, 稿 H 棺尚遠。」父親聽了很高興, 九六二年胡喬木同志來訪, 竟被洗劫一空, 由上海古籍出版社刊行, 送交蔣天樞先生。蔣先生沒有辜員父親囑託, 終未能見到陳集出版。 片紙不留。 這只是父親文字的一部分。一九八八年六月, 談及文稿,父親直言:「蓋棺有期, 父親生前已将出版文稿重任託付於弟子專天樞先生, 以為有望見到文集面世。 「文革」結束後, 我們姐妹將歷經曲折於一九七八年五月追回的父親文 付出艱巨勞動, 豊知 「文化大革命」 開始, 出版無日 於一九八〇年主持出版了 蔣天樞先生不幸突然病逝 」胡答:「出版有期, 不料文稿在「文革」 父母備受摧 殘 陳寅恪文 蒼涼 蓔

於是我們姐妹繼續收集整理父親的文字。

代為出版文集過程中已親自審定文集編目及有關事宜, 内容,則是期望從不同角度反映父親的學術生涯。 夢未定稿據 : 論稿,元白詩箋證稿, 筆記等)。一九八〇年出版的寒柳堂集,金明館叢稿初編、二編, 集(高僧傳之部),並講義及雜稿(兩晉南北朝史講義、 唐篔詩存),書信集,讀書札記一集(舊新唐書之部)、二集(史記、 現在出版的陳寅恪集, 九八七年六月收回的殘稿作了校補外, 柳如是別傳諸集,此次出版時作了校對,除寒柳堂集中詩存併入詩集, 是在上海古籍出版社所刊印之陳寅恪文集基礎上進行的、 其餘編排均不作變動, 唐史講義、 故仍按父親原意進行。而此次刊行全集所增補之 隋唐制度淵源略論稿, 備課筆記、論文、 漢書、晉書、唐人小說等之部)、三 因父親生前託付蔣天樞先生 增加了陳寅恪詩集(附 講話、 唐代政治史述 評語、 寒柳堂記

及一九八七年六月兩次收回詩文稿,但仍未全部歸還。即便抗戰勝利後在清華大學授課、研究之講義、 晚年整理就緒準備出版的文稿, 利文普老尼詩偈集中文舊譯並補釋及精解其詩等等(見一九四二年九月廿三日父親致劉永濟信)。而父親 火焚燬,有的在運輸途中被盜,或存放親友處丢失,現下落不明,難覓其蹤。這些皆為父親「廿年來所擬著述 而未成之稿」,如蒙古源流注、世說新語注、五代史記注、佛教經典之存於梵文者與藏譯及中譯合校、巴 父親的文稿墨跡命運亦如其人,頻遭劫難,面世困難。抗戰時已遺失了多箱撰有眉識的書籍,其中有的被 於一文革一中全被查抄,「文革」過去撥亂反正後, 雖於一九七八年五月

前稍留一二痕跡以自作紀念」, 述。而今陳集業已付印, 版陳集為中外學者深望, 歷經十年的艱難曲折, 生的夫人錢澄女士, 及參與輯錄並審閱讀書札記等多位先生亦於此一併致謝。 外學者弟子, 此次父親遺作付梓,三聯書店非常重視, 資料等, 於上海占籍出版社主持出版了陳寅恪文集, 目前所收集之最全者而拟名「陳寅恪全集」,轉又考慮到其實並不能一全」,故稱 難以一一 亦未曾得見。 我們姐妹的友人以及相識或不相識的各界人士支持幫助。 敬列, 華忱之先生等將珍藏了多年「文革」 陳寅恪集終於面世, 總之, 在此謹向一切參與、 我們希望以此集告慰逝去的父母, 此書之所以遲至今日方能面世, 散落在各處的文字, 他於「 賸有义章供笑駡]之時, 投入很大力量以保證質量; 當此之時, 推動、 黄萱先生協助蔣先生做了不少工作。 幫助、 迄今尚有部分未能獲見。 我們 百感交集, 劫後幸存的父親書函贈送, 支持出版陳寅恪集的人士表示衷心感謝 在我們收集父母詩文書信資料過程中, 其間有許多我們始料未及的困擾, 父親自謂 尚望 「後世相知儻破顏」。 「文字結習與生俱來, 同時我們得到父母親朋故舊, 真不知何以表述其經過於萬 首先感謝蔣天樞先生一九八○年 這次刊 「陳寅恪集」。 校補寒柳堂記夢未定稿 印父親文集, 各種支持幫助不勝 我們更希望將 必欲於未死之 於此 劉節 Щ. 因 海内 譳 其 細 出 為

陳 美延 謹述 一九九九年七月三日父親誕生一百零九週年 流求

父親的這些文字,

作為祖國文化遺產,

獻給後世相知

欢迎使用Kolistan搜集/制作的电子图书

本电子书由 Kolistan 搜集于网络。

本电子书仅供个人学习、研究或者欣赏, 未经著作权人许可,不得用作商业用途; 如果喜欢,建议购买原版图书!

如果在使用本书过程中有什么意见 和建议,请给我写信。

请访问 抚琴居论坛 获得更多图书信息。